



BIBLIOTHECA
UNIV. JAGELL.
CRACOVENSIS

kalkono

1755

239

~~Mag. St. D.~~

Czasopismo

II


Exasops.



G. X. 75

Cassiopeia

Polare




A C T A
LITTERARIA
REGNI POLONIAE

ET
MAGNI DVCATVS LITHVANIAE

A. MDCCLV.

PVBLICATA.

TRIMESTRE PRIMVM.



CVM SERENISSIMI REGIS POLONIARVM PRIVILEGIO.

VARSAVIAE ET LIPSIAE,
TYPIS MIZLERIANIS.

SVMMA CAPITVM.

- I. LAVRENTII MIZLERI epistola ad Polonos literatos.
- II. Anecdota quaedam singularia celsissimae de Prussiis ducum ac S. R. I. principum IABLONOVIORVM domus.
- III. Experimenta et dissertationes Societatis Gedanensis naturam scrutantis. Tom. I.
- IV. Enarrationes certae de Academia Cracoviensi, adiectis tabulis publicis. Continuatio prima.
- V. Vitae archiepiscoporum Gnesnensium, seu regni Poloniae primatum, ab XXXII vsque ad XL archiepiscopum.
- VI. CAMVSET de febribus malignis epidemicis, Varsoviae anno 1737 grassantibus.
- VII. Descriptio bouis singularis cum tribus cornibus, in tabula incisi aenea.
- VIII. Noua litteraria Polonica.



239
II 12

PRIVILEGIUM
SERENISSIMI AC POTENTISSIMI
REGIS POLONIARVM.

AVGVS TVS III, Dei gratia, Rex Poloniae, magnus Dux Lituaniae, Russiae, Prussiae, Masouiae, Samogitiae, Kiiouiae, Volhyniae, Podoliae, Podlachiae, Liuaniae, Smolensciae, Seueriae, Czerniechouiaeque: Nec non haereditarius Dux Saxoniae et Princeps Elector.

Significamus praesentibus literis Nostreis, quorum interest, vniuersis et singulis. Cum generosus LAURENTIVS MIZLERVS de KOLOF, Philos. et Medicinae Doctor, in aula Nostra Consiliarius et Medicus, Academiae Moguntinae scientiarum vtilium in medicis et historicis Socius ordinarius etc. Acta litteraria regni Poloniae et magni ducatus Lituaniae, quorum iam primus tomus, ex quatuor consistens partibus, sub titulo bibliothecae Varfauiensis ad annum praeteritum in lucem prodiit, in scientiarum in Polonia incrementum typis impressa euulgare in animum induxerit, Nobisque submisit supplicauerit, ut euitando damna, quibus eum, tam exteri, quam indigenae typographi et bibliopolae afficere possent, reimpressionem huius operis, tam in natura, quam etiam aliam in linguam translata, ad certum temporis spatium inhibere dignaremur: Nos praefatae supplicationi, uti iustae, benigne annuentes, omnibus et singulis in regno et dominiis Nostreis existentibus typographis et bibliopolis mandamus, serio inhibentes, ne praefata acta litteraria Poloniae, absque consensu generosi auctoris quocunque idiomate imprimere vel reimprimere, nec non compendia inde confici curare, intra spatium viginti annorum audeant, sub poena mille aureorum Hungaricorum, cuius summae dimidia pars auctori ad refarcienda damna, si casus exi-

A 2

stat,

stat, altera pars dimidia, ad bona opera secundum iudicium fori competentis adiudicanda, reimpressum vero hocce opus in quacunque extra regnum typographia confiscationi irrevocabili omnium exemplarium, si talia in regno et dominiis Nostri inveniuntur, subesse et praefato auctori extradi debere declaramus. In quorum fidem praesentes manu Nostri subscriptas, sigillo regni muniri iussimus. Datum Vrschouae die XXVI mensis Maii, anno Domini MDCCLV, regni vero Nostri XXII anno.

AVGVSTVS REX.



ADALBERTVS RAKOWSKI,

S. Regiae Maiestatis et sigilli maioris regni
Secretarius.

Cancellariatu

Illustrissimi et Excellentissimi Domini
IOANNIS comitis in Konskie et Bia-
laczow a Malachowice MALACHOWSKI,
supremi regni cancellarii, Ostrolen-
censis etc. capitanei sigillatum.

CEL-

CELSISSIMO PRINCIPI AC DOMINO,
D O M I N O
IOSEPHO ALEXANDRO

DE PRVSSIIS S. R. I. PRINCIPI IN IABLONOW
ET LACHOWICE,

COMITI IN ZAWALOW ET LISIANKA,

LIBERO BARONI IN PODHORCE ET VICHOLZ

I A B L O N O V I O

PALATINO NOVOGRODIENSI,
BVSCENSI CVM IVRISDICTIONE GVBERNATORI,

NEC NON

CORSVNENSI, DZWINOGRODENSI, VOLPENSI,
ONYXTINENSI, ZAGOSTENSI CAPITANEO,

ORDINIS S. HVBERTI PALATINI RHENI EQVITI

COHORTIS LORICATAE MILITVM TRIBVNO,

RELIQVA,

MAECENATI
MVSARVMQVE POLONARVM PATRONO
BENIGNISSIMO,
PROTECTORI AC FAVTORI SVO OPTIMO,

ACTA HVIVS ANNI LITTERARIA POLONIAE

D. D. D.

LAVRENTIVS MIZLERVS.

CELSISSIME PRINCEPS,
MAECENAS MVSARVMQVE POLONARVM
PATRONE BENIGNISSIME,



*Singularis Tua gratia est, Celssime Princeps, consiliumque
Tuum prudentissimum, ut haec acta litteraria Poloniae,
quae praeterito anno sub bibliothecae Varsaviensis inscrip-
tione Germanorum exaravi idiomate, nunc maiorem in usum tum
Polonorum tum exterorum prodeant Latino. Tanta Polonorum est
scriptorum copia, omni fere scientiarum genere excellentium, ut mi-
rum sit, paucos eorum tantum in exterorum huc usque venisse noti-
tiam, multos etiam, in Polonia ipsa, obliuione fuisse obrutos. Hinc
illa exterorum, historiam Poloniae litterariam ignorantium, prae-
sumpta animi opinio, paucissimis duntaxat Poloniam gaudere bonis
scriptoribus, et paucos in scientiis artibusque curam ponere. Inter
eos, qui praeconceptam hanc opinionem suo nostris temporibus refu-
tant exemplo, Tu, Celssime Princeps, facile primas tenes, licet ex
modestia aliis concedas. Non solum enim vere doctos viros adiuuas,
ornas, omnibusque musis patrocinaris, sed ipse etiam calamum ad
scribendum inuitante Minerva sumis, et non paucorum operum au-
ctor es celeberrimus, egregio popularibus Tuis exemplo, principes
proceresque maxime decere, ut scientiarum, in patriae usum gene-
risque humani utilitatem, curam habeant.*

*Aureum illud, quod sub Poloniarum regibus SIGISMUNDO
AVGVSTO, SIGISMUNDO I, usque ad VLADISLAVM IV, vi-
gebat*

gebat in Polonia literarum saeculum, regnante Serenissimo felicissimoque AVGVSTO III, patriae patre indulgentissimo, nunc iterum reuerti videtur, cum varii Poloniae ac Lituaniae proceres, inter quos Tu, Celsissime Princeps, enites, musis litent Polonis, easque iam propitiores in honore habeant, atque adeo illarum ministros, ingenia excellentia vtiliaque, bonitate ac beneficentia foueant. Quid enim in libera republica scientiis artibusque dignius? Quid magis ad generis humani patriaeque praecipue utilitatem, quam sana ratio a iuuentute recte exculta, confert? Quid laudabilius, quam vniuersae conditoris naturae leges penitus introspicere, easque ad commodam hominum vitam accommodare? Saeculi elapsi forte error fuit, cum musae Polonae magis ingemiscerent, quam scriberent, a proceribus maxima ex parte se derelictas esse sentientes. Quo feliciora Nostra nunc sunt tempora, quibus hoc incommodum maxima ex parte est propulsatum. Musae iterum arrident, atque a persecutione ignorantium sunt integriores, cuius felicitatis magnam partem et Tibi, literatissimo Principi debent. Est nunc AVGVSTVS, sunt Maecenates, certe non deerunt Flacci, Marones. Gratulor Tibi, Celsissime Princeps, submisisse in hoc, quod literatos non solum protectione Tua dignaris, sed et ingenia de Polonia bene merentia beneficentia ornas, Tuoque, non satis laudando ad scribendum exemplo, animas ac firmas. Cui ego opportunius acta huius anni litteraria, quam Tibi, Celsissime Princeps, offerre ac dedicare potuissem, qui eorum auctor es, ut Latine prodeant, qui sumtus ad ea imprimenda benigne suppeditas? Si quid boni igitur ex hac quacunque opella in scientiarum in Polonia incrementum, si quid commodi in externos inde redundet, Tibi vni tribuant, necesse est.

Magnum illud Poloniae decus, magnum illum, inquam, IOANNEM ZAMOSCIVM, quondam supremum regni cancellarium et summum exercitus Poloni ducem, felicissime imitaris, Celsissime Princeps, qui saepissime in ore habebat, dicebatque: is, qui reipublicae salutem curare velit, ante omnia de recte educanda iuuentute et scientiarum incremento cogitare debet. Hoc Tu, benignissime Poloniae Maecenas, alter ZAMOSCIVS, magna diligentia
et

et facis et efficis, regni senatoris summum praeclare implens officium. Multa adhuc haberem, quae de caeteris eximiis Tuis virtutibus, integritate, prudentia, humanitate, eruditione, dicerem, magnus mihi etiam campus apertus, in quo excurrere ac de maiorum Tuorum, gloria, summisque in rempublicam meritis differere possem, illud autem modestia Tua, mihi prohibet, hoc melius fides historica comprobabit, recensendo breui CROMERVVM, LONGINVVM, PAPROCIVM, qui de gloriosa IABLONOVIANA domo cum laude scribunt omnes. Sed hoc maximae Tuae laudi est, Celsissime Princeps, regumque sanguinis Affinis, quod maiorum Tuorum gloria, licet magna, non indiges, cum propriis fulgeas virtutibus.

Deus ter optimus Te, Poloniae Maecenatem ad seros usque annos integrum saluumque conseruet, ut musae Polonae quam diutissime suo gaudeant Apolline. Me autem atque haec Poloniae acta litteraria protectioni ac benevolentiae Tuae, Celsissime Princeps, etiam atque etiam commendo, qui singulari animi deditione, ac submissione sum ad cineres usque

CELSITVDINIS TVAE,
POLONIAE MAECENATIS BENIGNISSIMI,

Varšaviae,
decimo Calendar. Augusti,
A. C. MDCCLV.

submissus atque obsequentissimus
servus,

A V C T O R.

I.

Epistola ad Polonos literatos.

POLONIS SVIS VARIIS IN SCIENTIIS
DOCTISSIMIS,
SALVA VNIVSCVIVSQUE DIGNITATIS CONDITIONE
LONGE HONORATISSIMIS

S. P. D.

LAVRENTIVS MIZLERVS DE KOLOF.

Philos. et Med. Doctor, in Sereniss. Regis Poloniarum aula Consiliarius et Medicus,
Acad. Moguntinae scientiarum vtilium in medicis et historicis Socius ordinarius,
nec non Societ. scient. mus. in Germania Senior.

Nunquam animo ad scribendum fui alacriori, quam ab eo tempore, quo scientias artesque in Polonia renascentes praesens vidi, et nil iucundius antiquiusque mihi accidere potuit, cum Poloniam ante duodecim annos cum illustrissimo supremo regni cancellario, IOANNE comite MALACHOVSCIO, Poloniae Maecenate, et vero doctorum atque honestorum virorum protectore, ingressus, KONSCHIIS, oppido et illustrissimae Malachousciana domus sede primaria, per sex annos in seruitiis illustrissimi cancellarii feliciter viuerem, quam, ut in familiaritatem praestantissimorum in Polonia ingeniorum, illustrissimi cancellarii bibliothecae ope, venirem. Mox illa praesumta animi opinio, qua, ut extraneus, infectus Polonos scriptores faciebam parui, ingenue fateor, evanuit, erubescens, me ingeniorum inclytæ gentis foetus, quorum cognitionem nondum cepissem, posthabuisse. Cumque sedem iam fixam Varsoviae, indulgentissimi Domini mei consensu, eligerem, horas quasdam subcivitas, quotidie praxi medicae, medicamentorumque elaborationi subtractas, cum musis Polonis vtiliter consumpsi, in quo celeberrima bibliotheca Zalusciana, quae nulli eruditorum quid negat, abunde mihi profuit. Hinc per duodecim annos, tanta mihi cum musis Polonis intercessit consuetudo, ut religioni mihi duxerim, labores meos qualescunque Poloniae ex modestia subtrahere, idque eo magis, cum antea nunquam eiusmodi ephemerides literarias in Polonia scriptas fuisse intellexissem, qui tamen in gloriam atque

emolumentum Polonorum vsumque exterorum facerè possent. Vitio quidem a quibusdam hoc mihi datum fuit, me nimium indulgere literis Polonis, id quod medicum minime deceret, atque adeo, ignorantes quidam, quod magis ridiculum, non melius se exultationem meam in Polonia offendere posse crediderunt, quam si dicerent, me studiorum illustrissimi cancellarii filiorum moderatorem fuisse, quasi scientiae et honorificum eiusmodi apud regni optimate officium medico officerent. E contrario omnis medicus, qui tempore verus et felix esse velit, tantum in scientiis, philosophia, mathefi et physica experimentalis in primis, proficere debuit, ut ad minimum eas iterum alios academicorum more docere possit. Sed hoc non omnes in Polonia adhuc capiunt, qui puros putos istos practicos tanquam optimos medicos aliis rationalibus praeferunt. Quale autem animalium genus puri puti isti practici, vna cum puris putis logicis, constituunt, notum est. Summo mihi honori duco, prudentissimum regni procerem me et studiorum filiorum illustrium moderatorem et medico simul uti potuisse. Tanta est inuidorum imprudentia, ut vituperando etiam laudent. Sed abest tantum, ut eiusmodi inculpationes a coepto semel proposito me abstrahere possint, ut potius nouas mihi addant vires, qui in animum induxi omnes horas subcissuas omnino in literarum in Polonia commodum impendere. Hunc in finem Vos, literatissimos viros, ea qua decet et reuerentia et humanitate accedo, ut vestros labores mecum in Polonae gentis gloriam patriaeque vsum in commune benigne conferre velitis. Quippe non vnius hominis est, eiusmodi librum periodicum diu continuare, sed plures iique diuersis instructi scientiis ad opus hoc requiruntur. Ita continuatis per aliquot annos his actis literariis aliam exteri de Polona gente, scientias quod attinet, melioremque accipient opinionem, qui haecenus nullam vel obscuram scriptorum Polonorum notitiam habentes sine vlla ratione eos posthabuerunt. Iudicia breui speramus de Poloniae eruditae fama aequiora, acri et seuerò isto D. НУМЕ, Angli, in sermonibus suis politicis propalato, quodque in nouis exterorum literariis, Parisiis impressis, (Journal etranger) mensis Maii, p. 226 repetitum, sequentem in modum: pour appuyer ce qu'il avance, il cite l'exemple de la Pologne, où les sciences et les arts sont moins cultivés, qu'en aucune autre partie de l'Europe, et qui est cependant le pays, où la venalité et la corruption publique sont le plus à la mode, hoc est: *ad affirmanda ea, quae dicit, laudat Poloniae exemplum, ubi scientiae et artes minus excoluntur, quam in vlla alia Europae parte, quae tamen illa regio est, in qua venalitas et publica corruptio maxime in usu sunt.*

Nostrium

Nostrum nunc est, eiusmodi incusationem publicam et iniquam efficaciter refutare, non clamando, vel auctorem eius conuiciis afficiendo, quod, ut mihi videtur, viris vere doctis indignum, sed bonos libros scribendo, utiles Poloniae scriptores, quorum adhuc magna pars typis nondum exscripta, imprimendo, optimos iam impressos exteris sub oculos ponendo, omniaque quae ad scientiarum in Polonia incrementum faciunt, contribuendo. Sic iniqua ista de literis Polonis fama sua sponte euanesceat, iique erubescant, qui de rebus sibi ignotis praecipitanter iudicarunt.

Quale autem meum sit institutum, Vobis nunc, viri literatissimi, exponam.

I. Non nudas scriptorum Polonorum illorumque qui ad Poloniam pertineant recensiones promitto, sed succum eorum et sanguinem utilissimum extractum, corrigendo atque addendo quae utilia videbuntur. In primis dabo operam, ut ea quae ius publicum, reipublicae leges, regni historiam procerumque familiarum attineant, exacte et fideliter enarrentur.

II. Geographiam Polonam, quae valde adhuc obscura, emendare studebo.

III. Prae caeteris scientiis eas maxime colam, quae maximum generi humano, ac Poloniae praecipue, utilitatis fructum praebent, nempe mathematicam, philosophiam, medicinam, physicam experimentalem, chymiam, oeconomiam, historiam naturalem.

IV. Neque tamen omittam ea, quae ad poesin, eloquentiam, antiquitatem, philologiam, et literas humaniores generatim, spectant, historiam etiam Academiarum, collegiorum, vitas maecenatum, eruditorum, artificum excellentium, novas inuentiones atque experimenta suppeditabo.

V. Praeter exactas scriptorum Polonorum recensiones, integras dissertationes ex omni scientiarum genere, in Polonia, vel a Polonis apud externos etiam, scriptas, inferemus, si argumentum quoddam graue atque utile recte explicetur, neque eae tres philuras typis impressas excedant. Prae caeteris optamus obseruationes medicas nouas singulares, fideliter exaratas, descriptiones atque explicationes rerum naturae singularium, inuentiones et experimenta noua, ad vsum hominum accommodata, praecipue quae oeconomiam agrariam et pecuariam attinent.

Leges autem, quas mihi in scribendis his actis literariis ipse imposui sunt sequentes:

Prima: Quidquid contra religionem non solum Romano catholicam in Polonia dominantem, sed etiam Evangelicam, et sic dictam reformatam,

in Polonia toleratas et a serenissima republica priuilegiis munitas, scriptum sit, locum hic non habet, cum nil magis religioni christianae in genere noceat, quam theologorum falsa religionis aemulatione correptorum alterationes, qui, cuiuscunque sint religionis christianae, prae caeteris societati hominum innumera intulere mala. Praecepta nempe Seruatoris nostri obliti, omnia in contrarium fecere, animos videlicet christianorum inter se exacerbando, quos componere eis incumberat, malefaciendo iis, quibus benefaciendo se commendare, et deinde ex amore instruere eos debuissent, persequendo eos, quos amare ex Christi doctrina conuenisset, confectando maledictionibus et horridis conuiciis aliter sentientes, cum modestia, humanitas ac moderatio eos maxime deceret. Quid enim viro probo atque honesto indignius, quam fratrem suum odio prosequi, eique male facere, hanc solam ob causam, quia a parentibus in quibusdam fidei capitibus a iuuentute aliter fuit institutus, ideoque nobiscum non idem sentit? Melius certe est, si a religione prudentum stantes ab omni hoc verborum inanum farragine plane abstineamus, nil nisi quae virtutes christianas, amorem erga Deum atque homines, bona opera, moderationem, puram fidem, omissis omnibus animi commotionibus, explicant ac commendant, recipientes.

Secunda: Quidquid regni administrationi, aulae et serenissimae reipublicae honori vel minime contrarium sit, angue peius fugimus, qui omni modo calamo, rationibus et documentis pro incremento scientiarum et Poloniae honore militabimus.

Tertia: Quidquid bonam existimationem personae cuiusdam, cuiuscunque conditionis, imminuere vel laedere possit, abhorremus. Caeterum liberum sit, vitia, deprauatos mores, nociuos abusus in Polonia generatim perstringere et videndo prodesse. Haec libertas scribendi et philosophandi multum ad incrementum scientiarum confert, licet non omnes eam in Polonia ferre posse videntur, ii nempe, quos magis pudet, vitia, quibus inquinati, perstringi, quam ea committere. Nostrum omnium et literarum in Polonia incrementi interest, ut nullo modo ab eiusmodi hominibus, seruitutis in scribendo iugum nobis imponatur, quod non solum viris eruditis indignum, sed etiam reipublicae literariae Polonae valde perniciosum esset, id quod Vos, viri prudentissimi, melius quam ego, intelligitis.

Quarta: Librorum nouorum, qui ad celeberrimam bibliothecam Zaluscianam, a Vobis, viris literatissimis, transmittentur, ut ibi Vestrum in honorem et publicam vtilitatem reponantur, prae caeteris citius mentionem

nem faciam, sperans fore, ut magis magisque ad hanc librorum gazam Varsiensem beatam, generose laudabiliterque contribuatis. Quid enim vir doctus praeclarius vtiliusque facere potest, quam ingenii fructus ad publicam conferre vtilitatem, posterisque prodesse? Veri quippe eruditi non fucosae eruditionis ostentandae causa laborant, sed ut patriae, societati humanae posterisque profint.

Nulla in tota Europa gens est, quae suas non habeat ephemerides literarias, in quibus clarorum ingeniorum monumenta exponuntur, inque publicam vtilitatem euulgantur. Polonia autem, cum non minus, quam aliae nationes in excolendis scientiis artibusque laboret, cur suas diuitias in patriae vtilitatem exponere etiam haud debeat, non video. Qui enim labor dignior fructuosiorque, quam virorum vniuersae gentis doctorum inuentiones, scriptiones, literarum monumenta in vnum colligere, digere, recensere, lectoribusque indicere, ubi omnia, quae scitu vtilia sint, sine temporis dispendio inuenire queant. Eiusmodi ephemerides sunt foruli librarii, quorum ope, quae variis in scientiis inclyta gens a longo tempore effecit, gestaue eorum vno quasi intuitu inspicimus. Quaecunque enim vnquam homines vlla in re inuenere, et vel bene vel male gessere, ea omnia libris continentur et literarum beneficio ad posteritatem omnium saeculorum propagantur. Cum igitur literae magnam felicitatis humanae partem constituent, atque adeo solae a caeteris animalibus nos distinguant, vix spero ut tam inuidus reperiatur, qui nostrum institutum contemnat. Qui enim literas scientiasque contemnit, re vera se ipsum contemnit, ideoque plus commiseratione, quam refutatione, dignus.

Iam nil habeo, quod Vobiscum, viri doctissimi, communicem, hoc vnicum tantum obnixè rogans, ut vtilis Vestros labores ad institutum nostrum, in Poloniae vsum et gloriam benigne contribuere velit, qui omnem mouebo lapidem, ut Poloniae, Vobisque, assidue laborando et sincere scribendo placere, atque vtilis esse possim. Non enim solum operam medicam aegrotis omni ex parte, sed horas subcisiuas etiam Poloniae literatae vtilitati dicaui, nil amplius quaerens, quam, ut variorum, qui me protectione Sua honorant, maecenatum mandatis multorumque amicorum verorum petitionibus, quantum pro exiguis viribus potero, satisfaciam. Valere, viri in Polonia doctissimi, prudentissimique, meque Vobis additissimum beneuolentia atque amicitia Vestra haud indignum habere. Scribebam Varsoviae calendis Maii, anno Seruatoris nostri MDCCCLV.

II.

Anecdota quaedam singularia celsissimae de Prussiis ducum, ac S. R. I. principum IABLONOVIORVM domus, ex archiuo celsissimae familiae priuato, ac ex sua, iam nunc publica, bibliotheca, collecta, publicae iuris facta per IOSEPHVM ANDREAM ZALVSCIVM, supremum in regno referendarium, abbatem Vonchocensem in Polonia, Fontaneti in Gallia, Villariae Benaci in Lotharingia, praepositum regiae basilicae Varsauiensis, canonicum capitularem Cracouiensem, supremi Parliamenti Nanceiani consiliarium praelatum honoris etc. Varsaviae in typographia S. R. M. et reipublicae collegii scholarum piarum, MDCCCLV. in 4to.

Tria alphabeta et sex plagulas continentia.

Nil magis ad ditandam regni historiam, eamque accuratam reddendam confert, quam variarum procerum familiarum historiae peculiares, si eae ex illarum scriniis fideliter concinnentur. Multa enim semper, quae ad publica pertineant negotia, scriptores autem plerumque fugiunt, reperimus anecdota. Hanc ob causam eo libentius exactam de celsissima IABLONOVIANA domo suppeditabimus historiam in compendio, quo digniora sunt memoria IABLONOVIORVM gesta, quorum in rempublicam Poloniam merita longe lateque patent. Celsissimae IABLONOVIANAE domus summum nostris temporibus decus est IOSEPHVS ALEXANDER IABLONOVIVS, palatinus Nouogrodienensis, princeps, ut ingenio et virtute, ita et doctrina atque humanitate eximie ornatus, cui illustrissimus auctor haec anecdota consecrauit, qui itidem magnus laboriosissimusque musarum Polonarum patronus omnia sua ad scientiarum in Polonia incrementum prae multis aliis confert. Accedamus ad ipsam rem. Licet hoc opus in libros et capita non sit diuisum, vnum quodque tamen argumentum peculiarem habet inscriptionem, quarum prima: *De origine Stemmatis comitum IABLONOVIORVM gentilitii, nec non eorum familiae. PRVSSVS, quem DOBROGOZONEM, BVITHILLI filium, priuilegium vocat Srzenense, Prussiadem vero seu Prussii filium, in lingua Polona PRYSOWICZ, Paprocus in opere de stemmatibus nobilium, ille Prussus, inquam, cum esset CASIMIRI I, Poloniarum regis, supremus copiarum dux, MASLAI, Masouiae ducis, exercitum fudit et plus quam semel deleuit, cui rex MASLAI filiam relictam in matrimonium concessit.* Quia vero

MASLAYS,

MASLAUS, falcibus utebatur pro insignibus, in perpetuam memoriam falcibus sua adiunxit insignia, quae tunc PRVSS, vice secunda, dicebantur, teste OKOLSCIO Tom. I. p. 475. Gentilitium autem Prussii nostri insigne erat sesqui crux, et ex his duobus insignibus Prussii stemma conflatum erat. Prussii vero vxor, seu filia MASLAI, e sanguine regio erat, confirmante OKOLSCIO Tom. II. p. 546. his verbis: *contulit Casimirus rex gratiam militi et duci exercitus sui, dum ductis filiam et sanguinem regium nobili Polono, de Prussiorum familia in matrimonii sacramentum concessit, sed viro digno, meritis et triumphis claro, qui et bellator et protector esset regis et regni.* Praeclaram vero illam familiam ex Borussia regia esse oriundam, expressis verbis confirmat codex scriptus manu in bibliotheca Zalusciana asseruatus, p. 707. Bis deinde iterum signum gentilitium hoc fuit mutatum. Nunc autem comitum PRVSSIIS IABLONOVIORVM stemma est tale: Falx occupat dextrum scuti latus, solea dimidia sinistrum, sesqui crux ponitur supra falcem et soleam, acumine vtriusque inferius posito. Supra galeam scutariam coronatam est pes loricaeus et ocreatus, genu coronae cacumen tangens. Campus crucium et falcis est coccineus, soleae vero caeruleus. Arma autem integra sunt albi, pes vero ferrei coloris. Anno tandem CIOIOCCXLIV. die xxx Aprilis vigore diplomatis caesarei, ab augustissimo Romanorum imperatore CAROLO VII comitibus IABLONOVIIIS, affinitate sibi iunctis, gratiosissime impertiti, quo illos S. R. I. principum titulo praerogatiuisque condecorauit, insigne gentilitium nunc principum IABLONOVIORVM hocce dispositum est modo: *Scutum militare erectum in quatuor partes diuisum, secta tamen perpendiculariter superiori parte sinistra. In prima superiori parte purpurea dextrorsum cernitur sesqui crux argentea, Polonice TURZYMA dicta, auita insignia a principibus olim PRVSSIIS gentilibus haereditaria. In inferiori dextra etiam purpurea, duae apparent falces argenteae, Polonice, WILCZE KOSY appellatae, hunc in modum dispositae, ut quasi circulum forment, quae insignia per CASIMIRVM I, ob unicae MASLAI ducis filiae memoriam anno circiter MXXX apposta. Superioris partis sinistrae campum vtrinque occupat iam dicta sesquicrux, falcis iugo imposita, sesqui solea, loco alterius falcis substituta, quod stemma Polonice NAGODY appellatur, et foedus nuptiale, cum unica antiquae POBOGORVM prosapiae haerede initum, denotat. In quarta demum inferiori sinistra caerulea parte, pes conspicitur curuatus, aureus ac loricaeus, Polona lingua ZŁOTO-GOLEŃCZYK dictus, arma augmentationis a BOLESŁAO III, Polono rege, strenuissimo quondam duci SOBOKIO anno MCXXX collata. Addita sunt insuper*

per in signum affinitatis domus IABLONOVIANAE cum regia SOBIESCIORVM gente, et per Sobiescios cum ipso augustissimo Romanorum imperatore CAROLO VII, parmula, seu scutulum argenteum in medio impositum, caesaream exhibens aquilam nigram, linguam rubram ostendentem. Scutulo praefato mitra incumbit ducalis. Scuto vero maiori tres impositae sunt galeae argenteae equestres auro clathratae et lemniscis exornatae, quarum media pileo coronata est ducali, supra se habens aquilam imperialem. Ex reliquis duabus coronis exornatis aureis, dextra, apicis loco ostentat brachium auro loricatum, manu strictum tenens ensen, sinistra vero pedem monstrat loricatum scutalem. Super haec a dextris argenteae coccineaeque conspiciuntur defluentes laciniae, a sinistris autem sunt argenteae atque caeruleae. Scutum denique integrum pallio ducali est redimitum, lemniscis aureis coruscante.

Sequitur nunc caput: de nomine PRVSS comitibus IABLONOVIIIS indito. Varios hic illustrissimus auctor laudat scriptores, omni fide dignos, per quos probat PRVSSIOS ex Borussia in Poloniam venisse, unde etiam apparet Prussiorum nomen familiam, non patriam, designare, quod maxime OKOLSCII verba in orbe Polono T. II. p. 239. confirmant, italoquentis: PRVSSII, tres fratres principes Prutheni, de quibus Dlugoffus etc. MARTINVS CROMERVS libr. IV. p. 60. dicit etiam, sanctum STANISLAVM, episcopum Cracouiensem ex PRVSSORVM, quam ita vocant, familia, fuisse ortum. IABLONOVIOS nostros autem genuinos esse PRVSSIOS sole clarius patet ex OKOLSCIO et STAROVOLSCIO. Ille clare dicit T. II. p. 555: IABLONOVIORVM, PRVSSORVM de armis, arborem familiae ponere, esset longum satis et altum etc. hic in Sarmatarum monumentis p. 255 producit epithaphium MATHIAE IABLONOVII, qui ibi distincte ex PRVSSORVM familia oriundus dicitur. De gentis Iablonouianae antiquitate iam supra dicta testantur, insuper MARTINVS BIELSCIVS fol. 82 scribit: Prussios principes in Polonas transmigrasse regiones eo demum tempore, quo Borussi adhuc paganis tenebris obvoluti idolorum simulacra adorabant. Ex supra dictis trium Prussiae gentis principum nepotibus, nemo, nisi Maslai, Masouiae ducis, generi filius vnicus fuit superstes, SANCHOR dictus, qui ducem SVNTOPELCVM progenit, a quo postea fuit propagata celeberrima PRVSSIORVM et IABLONOVIORVM prosapia. Ideo regis Poloniae STANISLAI, Lotharingiae et Barri ducis, pater, RAPHAEL comes LESZYNSCIVS, supremus regni thesaurarius in nuptiis ALEX. IABLONOVII, supremi regni vexilliferi, orationem suam epithalamicam his exorsus est verbis: *Stawa ty*
Xiaze

Xiaze Swentopelk w ofobie I. W. Imci pana chorazego Koronnego etc. hoc est: Sistit se hic conspectui Vestro, Dux Poloniae, Suentopelcus in persona illustrissimi atque excellentissimi regni vexilliferi etc. Suppeditat deinde illustrissimus auctor: Domus Iablonouianae coniunctiones cum illustrissimis familiis, ex quibus duos Poloniae tutelares, nec non alios viros, vitae sanctitate morumque integritate conspicuos, progenitos habemus. Pertinent huc nempe S. HEDVIGIS, Henrici Barbat, Poloniae et Moraviae ducis consors, HENRICVS martyr, beataque GERTRVDIS, qui matrem Heduigem habuere. HEDVIGIS, Poloniae regina, S. CVNEGVNDA, Beli Hungariae regis filia, et S. Cunigundae soror, IVCVLENTA, seu HELENA, et altera Cunigundae Soror CONSTANTIA, Leoni, Russiae duci matrimonio iuncta. Beata SALOMEA, Lesconis albi filia, cum matre GRZYMISLAVIA, Iaroslai Russiae ducis filia. ADELAIDIS, Micislai, primi christiani principis, soror. S. STEPHANVS, Hungariae rex, etc. ex ipsa Prussorum familia, STANISLAVS episcopus Cracouiensis, etc. Comitum Prussis IABLONOVIOIVM cum domibus excelsis in Europae regionibus dominium supremum habentibus coniunctiones sunt sequentes:

I. Cum domo regia Piaſtea, nec non regia Iagellonica per Radiuiolos et Sanguscones principes.

II. Cum domo Stuardorum, per CLEMENTINAM, Iacobi Sobiescii, regii principis filiam, quae Ioannae Bethunae, Iablonouii Russiae palatini vxoris, fuit soror amitina.

III. Cum Serenissimo domo Austriaca per MARIAM IOSEPHAM, vtinam quam diutissime sospitem et superstitem Poloniae reginam, cuius serenissima filia MARIA IOSEPHA, faustissimo connubio cessit Galliae Delphino, ANNAE IABLONOVIAE, regis STANISLAI matris, pronepoti.

IV. Cum regia Borbonica, per LVDOVICI XV beneamati, Galliae monarchae coniugem MARIAM LESCINIAM, Annae Iablonouiae nepte.

V. Cum Regio Electorali Saxonica per eundem nexum.

VI. Cum electorali Bauarica per varias necessitudines. Primum per Ioannam Berhuniam Iablonouii Russiae palatini vxorem, CAROLI VII, Rom. imperatoris matris Theresiae Cunegundae Sobiesciae sororem amitinam. Deinde per Catharinam, magni illius Sobiescii Ioannis III, regis Poloniae germanam sororem, CAROLI VII, imperatoris matris amitam. Tandem per MARIAM ANNAM, indulgentissimi regis Nostri filiam, dignissimam Electoris Bauariae thori Sodalem.

18 II. *Anecdota quaedam singularia celsis de Prussis ducunt*

VII. Cum *Borussico-Brandenburgica* domo per Catharinam Ioannis Brandenburgici Electoris filiam.

VIII. Cum domo *Palatino-Rhenana* eadem fere oritur affinitas.

IX. Sic cum domo *Danico-Oldenburgica* et X. cum domo *Bathoreana* XI. cum domo *Sabaudica* XII. cum domo *Lusitano-Bragantica* probatur affinitas quaedam. Si quis omnes et singulas Iablonouiorum cum illustrissimis regni Poloniae familiis enarrare vellet consanguinitates et affinitates, arduum susceperet opus. Nulla enim fere in toto regno illustris est familia, quacum IABLONOVII non iuncti sint. Dicendum nunc de *Serie Prussiorum et Iablonouiorum, ordine dignitatum, officiorum et munerum.*

Septem numerantur ex familia Prussiorum episcopi I. Sanctus STANISLAUS, episcopus Cracouiensis. II. THOMAS STREMPINSKIUS, Cracouiensis episcopus 1460. III. GUNTHERUS PRUSSIVS, Plocensis praeful. IV. THOMAS vulgo THOMKA episcopus itidem Plocensis a. 1270. floruit. V. STIBORIVS II, episcopus Plocensis. VI. ANSELMVS, episcopus Brunsbergensis, seu Varmiensium omnium primus. VII. ANDREAS OLSZOWSKI, archiepiscopus Gnesnensis.

Palatini sunt sequentes: I. STANISLAUS IOANNES IABLONOVIVS, Cracouiensis castellanus, 1702. II. IOANNES STANISLAUS IABLONOVIVS, regni gladiifer, qui bis a Vladislao IV sibi oblatum palatinum Sandomiriensem recusavit. III. ALEXANDER IOANNES STANISLAUS IABLONOVIVS, regni vexillifer, palatinum Calissientem, ab Augusto II. oblatum, modeste respuit. IV. STANISLAUS MINSKIUS, Prussius, Lanciciensis palatinus, qui mortem in Italia Patavii obiit. Filia eius vnica omnia sua bona transtulit ad Tencinios, a Tenciniis perueniunt ad Opalinios, ab Opaliniis an Sieniauios, et per MARIAM SIENIAVIAM, Adami, Cracouiensis castellani, filiam, ALEXANDRO AVGVSTO CZARTORISCIO Duci, palatino Russiae felicissimo coniugio iunctam, ad CZARTORISCIOS principes. V. MARTINVS PRUSSIVS, Cuiaviae palatinus. VI. IOANNES de Plomino PRUSSIVS, palatinus Cuiaviae, a. 1304. VII. STANISLAUS IABLONOVIVS, Russiae palatinus, de quo legendus Zaluscus in epistolis historico-familiar. T. I. p. 805. Kochowski in climactere III. p. 137. VIII. IOANNES IABLONOVIVS, Russiae palatinus. IX. Volhiniae palatinus Russiae palatinum est adsecutus a. 1697. et idem est cum praecedente. X. STANISLAUS IABLONOVIVS, Volhiniae palatinus, quem Casparus Niesecius coronae poloniae p. 155. omisit, sed post Georgium Mnizek omnino ponendus.

XI.

XI. IOANNES VIECVINSCIVS, Prussius, palatinus Belsensis.
 XII. PRVSSIVS PRVSSOVICIVS, palatinus Plocensis. XIII. STANIS-
 LAVS VINCENTIVS IABLONOVIVS, palatinus Rauensis, S. R. I. prin-
 cept, fato ante annum functus, ordinis Sti spiritus in Gallia et aquilae
 Polonae eques, capitaneus Bialocerkieuiensis et Medirecensis. XIV. IO-
 SEPH ALEXANDER IABLONOVIVS, palatinus Nouogrodiensis, celsis-
 simae domus Iablonouianae nostris temporibus decus.

Annotandi nunc maiores castellani, quorum primus FRANCISCVS
 GRZIBOVIVS, Prussius, castelli Iuniuladislauiensis praefectus. II. DO-
 BROGOST, seu BONAVENTVRA GRZIBOVIVS, eiusdem castelli prae-
 fectus. III. IOANNES WIECVINSCIVS, Prussius, castelli Plocensis
 praefectus, postea palatinus Belsensis. IV. IACOBEVS MINSCIVS, Pruf-
 sius, castelli Czernensis praefectus. V. STANISLAVS RVDZINSCIVS,
 Prussius, castelli Czernensis praefectus, 1676. VI. STANISLAVS
 GRZIBOVIVS, Prussius, castellanus Czernensis. VII. CASIMIRVS
 FRANCISCVS RVDZINSCIVS, Prussius, castellanus Czernensis, primus
 antea in exercitu regni tribunus, regni supremi tribunalis mareschalcus,
 a. 1748, nunc Masouiae palatinus. VIII. IOSEPHVS NAKVASCIVS,
 castellanus Rauensis, nuper defunctus, 1749. IX. IOANNES PRVSSIVS,
 castellanus Rauensis a. 1493.

Castellani minores fuere I. IABLONOWSKI in Iablonowo, castel-
 lanus Sieprencensis. Vxorem habuit Pelagiam Krysciam, castellani Racian-
 sensis filiam, qua ex domo fuit mater S. Stanislai Kostka. II. PROCO-
 PIVS IABLONOVIVS, castelli Rypensis praefectus. III. THEODORVS
 IABLONOVIVS, itidem castellanus Sieprencensis; vna cum multis aliis,
 qui praetereuntur.

Officiales maiores regni, tum senatorii, tum equestris ordinis, sunt:
 I. THOMAS de Strzempina, Prussius, regni procancellarius, a. 1455.
 ad episcopatum Cracouiensem euectus. II. STANISLAVS MINSCIVS,
 Prussius, itidem regni procancellarius, deinde palatinus Lanciciensis, obiit
 a. 1607. III. ANDREAS OLSZOVIVS, Prussius, regni procancellar-
 rius, deinde episcopus Culmensis, tandem archiepiscopus Gnesnensis.
 IV. IOANNES STANISLAVS IABLONOVIVS, regni gladifer, comitiis
 regni a. 1636, 1637, et 1640 praefuit, mareschalci munere fungens,
 a VLADISLAVO IV. in mareschalcum curiae regni euectus, in syllabo ma-
 reschalcorum curiae inter Stanislaum Przyemscium et Adamum Kazano-
 uium medius ponendus. V. STANISLAVS IABLONOVIVS, supremus
 regni exercituum dux, castellanus Cracouiensis factus a. 1682, diem obiit

supremum, 1702. VI. Idem antea campiducis regni munere functus ab a. 1676. ad a. 1682. VII. MARTINVS PRVSSIVS, Crusvicensis Palatinus, Casimiri Cuiaviae Ducis exercitui praefuit. Eius praeclara facinora bellica leguntur apud Cromerum ad an. 1233. p. 150. VIII. PRVSSIVS, Casimiri I. Poloniae regis, exercituum dux supremus, cui Maslai, Masouiae ducis, ab eo praelio victi, filia in victoriae praemium cessit. IX. PAVLVS IABLONOVIVS, Succamerarius campestris regni, magnus bellator. X. IOANNES IABLONOVIVS, supremam vexilliferi regni dignitatem tenuit, dum vix XVII. annum attigerit, qui postea Volhiniae, tum Russiae palatinatus est adsecutus. XI. ALEXANDER IABLONOVIVS eadem dignitate floruit, capitaneus Buscensis. XII. IOANNES STANISLAVS IABLONOVIVS, S. R. I. principum Iablonoivorum abauus, magni regni ensiferi munere functus, duabus tantum ante obitum hebdomadis mareschalci curiae regni dignitate ornatus. XIII. IOSEPHVS ALEXANDER IABLONOVIVS, S. R. I. princeps, eius abnepos est, supremus Lituaniae dapifer, nunc palatinus Nouogrodiensis, senator ad maxima quaevis munera natus. XIV. STANISLAVS IOANNES IABLONOVIVS erat supremus castrorum regni metator, antequam regni exercitus dux creatus esset. XV. Idem munere supremi praefecti vigiliarum exercitus Poloni est functus. XVI. Eandem vigiliarum praefecturam tenuit PRVSSIVS PRVSSOVICIVS. XVII. STANISLAVS IABLONOVIVS terrarum Prussiae gladifer. XVIII. GREGORIVS, filius eius fuit Prussiae thesaurarius. XIX. Idem GREGORIVS fuit sic dictus regimentarius in generali Prussiae nobilitatis expeditione Liouonica. XX. MARTINVS PRVSSIVS fuit dapifer Masouiae, deinde palatinus Brestensis. XXI. IOANNES STANISLAVS IABLONOVIVS, pocillator reginae Ceciliae Renatae, deinde curiae mareschalcus.

Officiales palatinatum, terrarum et districtuum. I. STIBORIVS seu Czybor, Prussus, fuit succamerarius Plocensis. Notandum, omnis palatinatus, seu territorii, succamerarium, esse *nobilitatis principem*, id est, primum inter officiales palatinatum. II. GREGORIVS IABLONOVIVS Plocensis succamerarius. III. VOLFGANGVS de Iablonoivo PRVSSIVS, succamerarius Dobrinensis. IV. IACOBVS de Plomino, frater eius fuit capitaneus cum iurisdictione Dobrounicensis in terra Dobrinensi. V. VI. VII. STANISLAVS IOANNES IABLONOVIVS, castellanus Cracouiensis, tres praefecturas cum iurisdictione tenuit temporis progressu, Zyduciensem, Siradiensem, Buscensem. VIII. filius eius regni vexillifer, mortuo patre Buscensem tenuit. IX. Eadem nunc fruitur nepos palatinus Nouogrodiensis.

Capi-

Capitanei, seu praefecti minores, magno numero ex Iablonouiorum familia fuere, nimisque longum esset omnes ac singulos recensere. Castellanus Cracouiensis XVI simul tenuit eiusmodi praefecturas.

Legati ad externos principes IABLONOVII fuere I. STANISLAVS IABLONOVIVS, ensifer regni, in comitiis a. 1642 designatus, tum ad tractandam pacem cum Duce Valachiae, tum ad fines Valachiae, Transylvaniae, Hungariae et Silesiae determinandos, cum caesareis commissariis. II. Idem ille a. 1642 in Sueciam missus, cum plena pacis concludendae facultate, id quod optato successu perfecit. III. IOANNES STANISLAVS IABLONOVIVS, Russiae palatinus, cum adhuc iuuenis exterarum regiones peragraret, a IOANNE III, Poloniae rege, ad varios externos principes mandata habuit, publica cum eorum ministris negotia tractare, praecipue vero cum magni illius LUDOVICI XIV, Galliarum regis, in quibus negotiis sedulam eamque felicem nauauit operam. vid. monumenta Iablonouiana p. 125. IV. Filius eius CAIETANVS, capitaneus Czehrynenfis, velleris aurei eques, a rege Stanislao ad Kaplan Gerei, Tartariae Chanum legatus missus est a. 1734. V. ALEXANDER IOSEPHVS IABLONOVIVS, cum adhuc esset summus Lithuaniae Dapifer, nunc palatinus No-uogrodienfis, eadem tempestate legationem ad Ludouicum XV, Galliae regem suscepit. VI. DEMETRIVS IABLONOVIVS, frater Caietani, patruelis Alexandri, a rege Stanislao, Lotharingiae duce, ad regem nostrum clementissimum AVGVSTVM III, nuper mittebatur legati munitus caractere, ut ei de nuptiis filiae MARIAE IOSEPHAE cum Galliae Delphino, nepote suo, celebratis, solenniter gratularetur.

Equites torquatos Iablonouios paucos fuisse, non mirandum, quia lege patria cautum est, ne titulos exóticos quaerant procures nostri, *equitis Poloni* dignitate contenti. Aquila alba autem, ordini equestri Poloniae insigne praebens, non nisi a. 1705 ab AVGVSTO II, inuictō illo rege nostro, veluti phoenix reuiuiscens ex Vladislai Loctici cineribus est excitata, ut legere est in opere de ordine aquilae albae in Polonia. Sunt autem equites torquati sequentes. I. IOANNES IABLONOVIVS, Russiae palatinus, eques aquilae albae. II. STANISLAVS IABLONOVIVS, palatinus Rauensis, sancti spiritus Galliae eques, a. 1749. III. Idem aquilae albae eques. IV. IOANNES CAIETANVS IABLONOVIVS, Germanus praecedentis frater, capitaneus Czehrynenfis, velleris aurei in Hispania eques. V. IOSEPH ALEXANDER IABLONOVIVS, S. R. I. princeps, S. Huberti palatini Rheni eques. VI. DEMETRIVS IABLONOVIVS, capitaneus Kouelienfis, eiusdem ordinis eques.

Recensentur nunc *matronae illustres Iablonouiorum coniuges*, ordine alphabetico, numero triginta. Ex his maxime patet *Iablonouiorum* cum multis in Polonia illustribus familiis, ut et ex sequenti capite *de Iablonouiorum filiabus*, ordine alphabetico, numero viginti una, longe lateque patens consanguinitas atque affinitas. Sunt haec duo capita, exacte scripta, non exigui in Polonia momenti, et non tantum ob genealogiam, sed et propter iura ratione successionis inde deducenda magni usus, ideo lectorem ad ea remittimus. Adiecta deinde sunt, *bona, praedia, feuda, Iablonouiorum Prussorum, olim vel nunc ab iis possessa*, quorum satis magnus est numerus, porro PRYSSIADES, qui praeter *Iablonouios, iisdem armis, PRYSS dictis, utuntur*. Notandum, esse in Polonia IABLONOVIOS diuersi stemmatis, non Prussios, qui nihil cum nostris commune habent. *Iablonouiorum Prussidarum foundationes et ecclesiarum erectiones* variis numerantur in locis triginta quatuor.

Sequuntur nunc *epitaphia Iablonouiorum*, de quibus quaedam inferemus, ea nempe, quae ad historiam faciunt, et prae caeteris memoria digna. Sepulcrorum enim inscriptiones eandem in historia fidem merentur, ac numismata, quae saepius plus probant, quam diuersi scriptores, quorum alter alterum exscripsit. Notanda sequentia:

ANNA de Iablonow LESCZYŃIA

Filia celsissimi STANISLAI comitis IABLONOWSKI
Castellani Cracouiensis.

Mater STANISLAI I Poloniarum regis
Aua MARIAE, reginae christianissimae
LVDOVICI XV, regis Galliarum coniugis.
aetatis suae A. LXVIII.

Obiit Campoburgi * die XXIX Augusti
Anno Domini MDCCXXVII.

Epitaphium

Stanislai Ioannis Iablonouii, castellani Cracouiensis, in ecclesia Societ.
Iesu, Leopoli

Quod

Suedicum, Cosaticum, Moschouiticum, Hungaricum bellum, innumeris
praeliis, multis vulneribus, continuo sudore, miles, Rothmagister susti-
nuerit,

Quod

* hoc est Chamberii in Gallia.

Quod

Turcicum et Tartaricum exercitum militari imperio dux, sub magno IOANNE III, rege Poloniae, ad Chocimum, Viennam, Strigonium et Zurawno duxerit et vicerit, ipse vero solus in Valachia ad Bukowinam, ad Kumenecam et Vscie magnis cladibus barbarum profligauerit

Quod

Cameneum fortalitiis a se extructis fraenauerit, Leopolim capere Tartarorum centum millibus paucissimo milite vetauerit, Podoliam armis occupatam, pace Turcis donatam, secreta cum Selim Gereio Chano per tractatum Carlouicienssem restituerit amicitia,

Quod

per tractum vitae suae, excubiarum regni praefectus, tum castrorum regni metator, dein palatinus Russiae, denique castellanus Cracouiensis, in omni reipublicae subfello, foro et actu, fidem, libertatem, constantiam, interrite et integre ad exemplum cunctis seruauerit, confoederatum exercitum, tempore interregni sub imperium suum militare vnica bonitate reduxerit,

Quod

omni genere virtutum, quae et religiosos ornant, claruerit, pro praemio in terris retulit, lectissimam et virtuosissimam coniugem, MARIANNAM KAZANOWSKA, ex qua suscepit, et his titulis ornatos moriens vidit et coniugibus iunctos reliquit

ANNAM LESCZYNSKA, supremi regni thesaurarii, tum HEDVIGEM, palatini Plocensis Krasinscii, coniuges, IOANNEM, palatinum Russiae, ALEXANDRVM, supremum regni vexilliferum, STANISLAVM castrorum regni metatorem

Quod

Filiis suis famam tantum scripserit haeredem, in vadatis amplissimis pro aerario publico possessionibus, et sic fortunam auitam et auctam, in victimam patriae amoris posuerit, posteritas aeternis fastis et gloriae, Polonia desiderio eius, diu perennaturo, IOANNES palatinus Russiae, filius, cordi et marmori, haec vera eius facta et lacrimas optimo patri inscripsit et inclusit.

Hic iacet

STANISLAVS IOANNES IABLONOWSKI, castellanus Cracouiensis, supremus regni Poloniae exercituum dux, ex IOANNE, ensifero regni, et ANNA de OSTROG. Anno Dni 1634 natus

A. D. 1702 denatus

A. D. 1728 hoc marmore renatus.

Binis

24 II. *Anecdota quaedam singularia celsi. de Prussis ducum*

Binis tabulis collateralibus haec verba inscripta sunt:

Sexaginta octo annorum homo.
 Quadraginta nouem annorum miles.
 Triginta sex annorum Dux.
 Chocimensis, Zuraunensis, Katufzensis, Viennensis, Strigoniensis,
 Bukouiensis, Vlcensis, ingentium praeliorum victor.
 Fortalitiorum plurium et SSmae trinitatis erectior,
 Podoliae et Cameneci restitutor.
 XXVI annorum palatinus Russiae et castellanus Cracouiensis.
 Trium regum, MICHAELIS, IOANNIS, AVGVSTI, faustus elector.
 Libertatis ad Golomb assertor.
 Saeui in patriam confoederati exercitus exuinculator.
 Scissae electionis Augustianae compositor.
 Brandenburgensis de Elbinga tractatus auctor.
 Initiati belli cum eodem extinctor.
 Lituanicarum dissensionum concordator.
 Plurium tribunalium, thesauri mareschalcus.
 Pro alendis legionibus bonorum suorum integre destructor. *

D. O. M.

Et aeternae memoriae

C A R O L I N A E

quae nata

IOANNE III, rege Poloniarum, et MARIA CASIMIRIA
 Auis

IACOBO SOBIESKI et HEDVIGE ELISABETHA AMALIA
 Princ. Neoburg. parentibus

Carolo

* Illustriss. auctor occasione huius sepulcri inscriptionis, quam filius defuncti confecit, in medium adducit epigraphas quasdam ad proceres directas haud illepidas, ad quarum autem intelligendam vim, opus est, eorum, ad quos directae, animi characteres scire. Auctor earum, idem qui epitaphii. Speciminis loco duas tantum hic annotabimus.

Ad celsiss. episcopum Varmiensem, is tum erat CHRISTOPH. IO. SZEMBEEK

Tu pius in viuos, defuncti damna repende.

Ad celsiss. episcopum Plocensem, is tum erat STANISLAVS KOSTKA ZALVSKI,
 hodiernus Cracou.

Fraternas lacrimas, subsidiumque dato.

Carolo Godofredo BVLLIONAEO, principi Sedanensi
in Galliis, nupta,

Duorumque liberorum mater

Cum rediisset in patriam, afflicto annis parenti
futura solamen,

Amissa demum cum ipso meliore sui parte altera,
Non diu morata, pie obiit Zolkieuiæ A. MDCCXXXIX.
ætatis anno XLII.

Huic vltimæ, regia de stirpe, quæ tot sceptrâ pullulauit,
propagini

Executores testamenti

Andreas Stanislaus Kostka Zaluski, Episcopus Culmenfis et Pomesaniae,
archi-cancellarius regni

et

MICHAEL princeps RADZIVIL, palatinus Vilnensis,
Exercituum M. D. Lit. Dux

Hoc monumentum, auitis in aedibus, moesti posuere
Anno MDCCXLVI.

Varſauiæ nempe in ecclesia ſanctimonialium S. S. Sacramenti.

Sequitur nunc *Archium*, vel potius tabularium, IABLONOVIO-
RVM, seu constitutiones regni, quæ eorum fecere mentionem, tum diplomata
et priuilegia, iis concessa, nec non eorum inscriptiones terrestres, singula ordine
chronologico disposita.

Varia hoc in capite et vilia, et in Polonia maxime scitu necessaria,
reperiuntur, ex quibus diploma CAROLI VII, imperatoris, concessum
IOSEPHO ALEXANDRO IABLONOVIO, capitaneo Buscensi (nunc pala-
tino Nouogrodienſi) pro principatu S. R. imperii, inferemus.

NOS, CAROLVS IOSEPHVS, diuina fauente clementia, electus Ro-
manorum imperator, ſemper auguſtus, ac Germaniæ et Bohemiæ rex,
vtriuſque Bauariæ et ſuperioris palatinatus Dux, comes palatinus Rheni,
Archidux Auriæ, Landgrauius Leuchtenbergæ, etc.

Quæ ſacri Romani imperii dignitatem, vniuerſo orbi conſpicuam, reddit ſplen-
doris eminentia, eadem et illos præcellentibus radiis colluſtrat, qui imperiali folio
propius admoti, altiore caeteris, et in primis excelſum principum S. R. I. gradum
tenent, ideoque diuis Noſtris prædeceſſoribus, nil vnquam prius, nihilque antiquius
fuit, quam eminenti huic ordini, eos tantum adſcribere, qui et natalium ſplendore
reliquos præcellunt, et maiorum gloriam ſua virtute ſuperant, ingentibuſque in ſa-
crum Romanum imperium et orbem chriſtianum meritis coruſcant.

Considerantes igitur, quam illustri sanguine magnificus sincere Nobis dilectus, IOSEPHVS ALEXANDER in Polonia comes Prussius IABLONOWSKI, haeres ducatus Ostrogienfis, Dominus in Iablonow, Lachouce, Lifianca, Zawalow et Podhorce, gubernator prouinciae Buscensis, capitaneus Korsunensis, Volpensis, Dzwino-grodenfis, Zagostenfis, possessor in Rakanciski et Lawaryski, colonellus equestris militiae reipublicae Polonae, oriundus sit, cum ex praecipuis classicisque historiae Polonicae scriptoribus, nempe Ioanne Longino Wieniauita, archiepiscopo Leopoliensi, Matthia a Miechow, Cromero, episcopo Varmienfi, Ioachimo Bielski, Alberto a Glogol Paprocki, Simone Okolski, Gaspare Niesiecki, aliisque auctoribus luculenter constet, quod Prussii principes Prutheni tres fratres ex Prussia in Poloniam venerint, ibique stirpes propagauerint, et ante mille annos ad honores admissi sint, ab his principibus vero adhuc gentilibus, et nominatim a Vindica Buittillone et Obizorzonne, gens Iablonouia in recta linea descendat, et testantibus Archiuis nominis sui famam, tam rerum gestarum magnitudine, quam obtentorum hac via eminentium priuilegiorum copia, iam pridem se immortalem reddiderit, ita ut ex tot illustribus supradicti Iosephi Alexandri maioribus, hic vnum instar omnium allegasse sufficiat, nimirum celeberrimum eius auum STANISLAVM IABLONOWSCIYM, Cracouiensem castellanum, supremumque exercituum Poloniae regni ducem, qui reportata anno millesimo sexcentesimo octogesimo tertio, de barbaro christiani nominis hoste ingenti, omnibusque saeculis celebranda victoria, non suae patriae solum, sed imperii quoque Romani totiusque christiani orbis salutem fortiter asseruit, ideoque iam tunc temporis ex benigna diui praedecessoris Nostri, LEOPOLDI, intentione, dignitate principis sacri Romani imperii condecorandus erat.

Reputantes praeterea, non solum Nobis, sed augustae domui Nostrae electorali, dictum IOSEPHVM ALEXANDRVN affinem esse, tam per familiam vxoris suae, principumque RADZIVILIORVM, quorum pater ex germana serenissimi quondam IOANNIS III, Poloniarum regis sorore, Nostraeque quondam dilectissimae matris amita, progenitus, quam per IOANNAM IABLONOVIAM, palatinam generalem terrarum Russiae, serenissimae quondam reginae, MARIAE CASIMIRIAE, auiae Nostrae ex germana sorore prognatam neptem. Sed pari quoque nexu coniunctum esse cum serenissima domo *Borbonica*, per ANNAM IABLONOVIAM, amitam memorati Iosephi Alexandri, et genitoris eius germanam, quae mater erat, hodierni serenissimi et potentissimi STANISLAI, Poloniae regis et Lotharingiae ducis, patris, modernae serenissimae principis MARIAE, LVDOVICI XV, Galliarum regis christianissimi consortis, genetricis Delphini Galliarum, caeterarumque principum filiarum. Insuper ex materno latere cum auita Piattea domo, quemlibet fere in Europa thronum per nuptialia thori vincula tangente, cum vltima in Polonia Piattea princeps ANNA, Casimiri in Polonia quondam Ducis Masouiae filia, Odrowonzii coniunx, genuerit Odrowonziam, nuptam dein Kostcae, ex quo matrimonio filia nata, ducta est in familiam Sieniauiam, ex qua, viua adhuc saepe dicti Iosephi Alexandri mater descendit. Ita ut et ipse et prosapia *Iablonouiorum* per se regiam *Sobieciurum* domum, perque Radiuilius, de eadem affinitatis necessitudine cum regia Stuardorum, electoralibusque Palatina et Brandenburgica familia merito glorietur.

Per-

Perpendentes denique ipſius ſaepe dicti Iosephi Alexandri eminentes ingenii dotes, exquisitam omnis rei literariae, non minus ac bellicae, peritiam, et reportatam iam in vtraque via insignem meritorum copiam, cum sub AVGVSTO II, STANISLAO I et AVGVSTO III, Poloniarum regibus, ſaepius ad comitia generalia ablegatus inter caeteros nuntios compareret, patriaeque ſalutem et tranquillitatem vbique prudentibus ſuis conſiliis multum promoueret, ideoque dignus inclytae reipublicae viſus fuerit, quem ſuis literis credentialibus munitum, ad ſereniſſimum regem Galliarum, tempore praeteriti belli mitteret, praeclaram vero in re militari dexteritatem et fortitudinem, tam in obſidione Gedanenſi, quam in exercitu ad Rhenum, aliisque occaſionibus abunde comprobauerit, et indefeſſum ſtudium tam de Nobis, auguſtaque domo Noſtra, et imperio Romano, quam de patria ſua vltius bene merendi, prae ſe ferat. Sane non Noſtra ſolum, ſed totius ſacri Romani imperii et orbis chriſtiani intereſſe cenſemus, vt tam inſignibus meritis, et tot tantisque maiorum imaginibus conſpicuum virum, dignis et ad omnem poſteritatem tranſmittendis honorum praerogatiuis condecoremus, eaſque pro ipſo et omnibus eius deſcendentibus tam renouemus quam confirmemus, quam, quantum eſt opus, de nouo concedamus.

Proinde et in primis motu proprio ex certa Noſtra ſcientia, animo bene deliberato et de caeſareae Noſtrae poteſtatis plenitudine, dictum IOSEPHVM ALEXANDRVM comitem Pruſſium in Iablonow IABLONOWSKI etc. eiusque deſcendentes maſculos et feminas ex legitimo matrimonio natos, et omni poſthac tempore naſcitu-ros, eodem naturalitatis et incolatus ſacri Romano Germanici imperii iure, quo Noſtri Vaſalli, ciues, ſubditi et patriotae dicti imperii gaudent et fruuntur, benigne donauimus et inſigniuimus, quemadmodum vigore praefentium donamus et inſignimus adeo, vt, ipſos in omnibus pro natiuis Romano Teutonicis habendos eſſe, hiſce declaremus.

Volentes et ediſto hoc Noſtro caeſareo firmiter ſtatuentes, vt ad omnia munera, officia, dignitates et praerogatiuas, quorum, quarumue Germanici naturales, ac reliqui Noſtri et ſacri Romani imperii ſubditi et vaſalli de iure, vel ex conſuetudine capaces aut particeps ſunt, pariter admittantur, iisdemque aeque gaudeant et fruuntur. Deinde ſimiliter motu proprio, ex certa ſcientia, animo bene deliberato, accedente ſano et maturo aſſiſtentium Nobis principum procerumque ſacri Romani imperii conſilio, deque ea, qua per Dei gratiam fungimur, caeſareae auctoritatis poteſtatisque plenitudine, praediſtum IOSEPHVM ALEXANDRVM, comitem Pruſſium in Iablonow IABLONOWSKI, eiufdemque deſcendentes vtriuſque ſexus ex legitimo matrimonio natos, et poſthac cum tempore naſcitu-ros, veros ſacri Romani imperii barones, comites et principes fecimus, creauimus et nominauimus, atque ad ſublimem titulum et excellam dignitatem ſacri Romani imperii principatus, eueximus et exaltauimus, aliorumque Noſtrorum et ſacri imperii principum numero, coetui et conſortio adſcripſimus et aggregauimus, prout tenore praefentium facimus, creamus et nominamus, eueximus et exaltamus, adſcribimus et aggratiamus, volentes et ediſto hoc Noſtro imperiali mandantes, vt dictus IOSEPHVS ALEXANDER comes Pruſſius in Iablonow IABLONOWSKI, ſacri Romani imperii princeps, eiufdemque ex legitimo matrimonio deſcendentes vtriuſque ſexus nati et omni poſthac tempore naſcitu-ri, tam in ſcriptis, quam viua voce, quotieſcunque eorum mentio facienda ſit, ſacri Romani

imperii principes nominentur et nuncupentur, amictum reliquis S. R. I. ducibus et principibus in signum praeeminentiae competentem, libere adhibeant, omnibusque et singulis iuribus, honoribus, praerogatiuis, libertatibus, exemptionibus, priuilegiis et regalibus in iudicio et extra, in omnibus rebus, statibus et causis, tam ecclesiasticis quam profanis, omni tempore et loco, libere vtantur, fruuntur et gaudeant, quibus alii Nostri et S. R. I. principes per Romanum imperium, et vbiunque locorum ac terrarum, vtuntur, fruuntur et gaudent, aut de iure vel consuetudine vti, frui et gaudere possunt.

Vt autem de propensi Nostri affectus exuberantia dicto IOSEPHO ALEXANDRO Nostro et Sacri Romani imperii principi in Iablonow, IABLONOWSKI, eo luculentius constet, ipsi quoque, eiusdemque ex legitimo matrimonio descendentibus vtriusque sexus natis et nascituris, praedicatum *celsissimi*, nec non *dilectionis* et *consanguinei charissimi*, benigne concessimus et elargiti sumus, sicut vigore praesentium concedimus et elargimur. Volentes et hac in perpetuum valitura lege decernentes, vt iisdem deinceps, tam ex Nostra cancellaria imperiali aulica, quam ex reliquis ad Nos, Nostrosque, in imperiali folio, aut ditionibus haereditariis, successores, spectantibus cancellariis, dicti tituli *celsissimi*, nec non *dilectionis* et *consanguinei charissimi*, omni posthac tempore tribuantur.

Porro gestata haecenus a saepe fato celsissimo Nostro et S. R. I. principe in Iablonow IABLONOWSKI et maioribus eius, arma gentilitia, ex eadem beneuolentiae Nostrae erga dilectionem suam, plenitudine, deque ea scientia et auctoritate, vt supra, non solum laudamus, approbamus et confirmamus, verum etiam pro sacri Romani imperii principis statu melioramus et exornamus, adeo vt eidem omnibusque eius legitimis descendentibus vtriusque sexus natis et nascituris (saluis caeteroquin personalibus seu accedentibus cuiuscunque ordinis militarisue dignitatis insignibus) ea in hunc qui sequitur modum omni tempore gestare et adhibere liceat, videlicet scutum militare erectum in quatuor partes diuisum, secta tamen perpendiculariter superiori parte sinistra. In prima superiori parte rubea, a dextris cernitur prope in cephalo crux argentea semialtera, Polonico idiomate *Turzyma* dicta, vtpote insignia auita a principibus olim Prussis gentilibus haereditaria. In inferiori dextra etiam rubea, duae falces argenteae in memorata lingua *Wilcze kossy* dictae, compactae quasi circulum formant, quae arma apposita per regem Poloniae CASIMIRVM circa annum 1030, concessa ob memoriam vnicae Maslai ducis filiae, quam rex praedictus in matrimonium Prussio, duci suo, elocauerat. Superioris partis sinistrae vtrumque campum occupat iam dicta crux semialtera, falcis tergo inuerso imposita, et semisolea loco alterius falcis substituta, quae figura, Polonice *Nagody* nuncupata, foedus nuptiale cum vnica haerede antiquae *Pobogorum* familiae denotat. In quarta denum parte inferiori sinistra, caerulea, Polono idiomate, *złotogolenczyk* dicta, conspicitur pes curuatus, auro loricatus, vtpote arma augmentationis per regem Poloniae BOLESŁAVM CRIVOVSTVM strenuo quondam Duci SIBORIO, anno 1130, collata. Addimus in signum supra dictarum affinitatum parmulam, siue scutulum, in medio impositum argenteum, exhibens aquilam nigram, lingua rubea exerta, alisque pedibus et cauda expansis, cuius pectori insita est arcola in forma a sinistris ouali, a dex-

tris

tris vero triangulariter propemodum cuspidata, cuneis alternis argenteo caeruleis tincta. Dicto scutulo incumbit pileus seu mitra ducalis, scuto vero maiori impositae sunt tres galeae argenteae torneariae auro clathratae et lemniscis exornatae, quarum media, situ recto, coronata est pileo ducali, exstante desuper aquila imperiali, ex reliquis duabus situ ad inuicem obliquis, coronis aureis exornatis, dextra apicis loco ostendit brachium auro loricatum, manu strictum gladium tenens, sinistra vero pedem loricatum scutale. Lacinae defluentes a dextris argenteae et rubeae, a sinistris vero aureae et caeruleae sunt. Ex vtraque parte leones duo, interioribus pedibus scutum sustinentes, recto capite, ore hianti et lingua rubea exerta caudaque supra tergum proiecta conspiciuntur, et tandem scutum integrum redimitum est pallio ducali cum lemniscis aureis et pileo, seu mitra ducali adhuc maiori, prout haec omnia, in hacce pagina propriis coloribus expressa, accuratius ante oculos ponuntur.

In Nostra et S. R. I. ciuitate Francofurti ad Moenum, die XVI mensis Aprilis, Anno 1743, regnorum Nostrorum et Bohemiae Hdo.



CAROLVS, IMPERATOR.

IOANNES GEORGIUS A KÖNIGSFELD, mp.

Ad mandatum S. Caesareae Maiestatis proprium

CHRISTIANVS TEVBER. mp.

collationatum et registratum ADESTOIK Viceregistrato mp.

Testimonium datum principi IABLONOVIO, a vicecancellario imperii, quod ei sponte sua, diploma principatus S. R. I. obtulerit CAROLVS VII imperator.

Sacrae caesareae maiestatis, CAROLI septimi, Domini nostri clementissimi, nomine, notum testatumque sit tenore praesentium, omnibus quorum interest, aut interesse potest, celsissimum IOSEPHVM ALEXANDRVN Prussium, principem in Iablonow et Lachowce IABLONOWSKI, Buscensis, Volpensis, Korsunensis, Zagostensis, prouinciarum, gubernatorem, vi clementissimi decreti caesarei, de decima sexta Aprilis anno millesimo septingentesimo quadragésimo tertio, nec non, sub eodem dato emanati et inregistrati diplomatis, in amplissima forma et via renouationis, confirmationis et creationis, a sacra caesarea maiestate, motu proprio, et tam propinqua per maternum sanguinis nexum affinitatis, quam latius ibidem recensitorum plurium insignium meritorum intuitu, in numerum S. R. I. principum receptum esse, cum praedica-

30 II. *Anecdota quaedam singularia celsif. de Prussis ducum*

dicato *celsissimi*, nec non *dilectionis consanguineique charissimi*, et expressa participatione omnium iurium, privilegiorum et praerogatiuarum, quae natis ex Germanico sanguine, principibus, comitibus, baronibus, equitibus aut nobilibus imperii, de iure, vel consuetudine, competunt. In quorum fidem praesentes ex cancellaria imperiali aulica datae et consueto sigillo imperiali munitae sunt. Francofurti ad Moenum, die sexta mensis Iunii anno Domini 1744.

IOANNES GEORGIUS comes a CVNIGSFELD,
S. R. maiestatis minister confederalis et vice-cancellarius imperii.

CHRISTIANVS TEVBER
S. caesar. maiest. consil. aulic. et referendarius intimus imperii.

Anno MDCCXLIV, die II Iunii, diploma eiusdem imperatoris pro eadem dignitate collatum STANISLAO VINCENTIO IABLONOVIO, palatino Rauensi, equiti aquilae albae et nuper S. Spiritus Galliae, fatis nunc iam functo, nec non eodem anno die V Augusti, obtinuit diploma pro eadem dignitate ab eodem imperatore IOANNES IABLONOVIVS, caesareus generalis mareschallus, capitaneus Czehrinensis, eques aurei velleris.

Sequuntur nunc *epistolae procerum Europae ad IABLONOVIOS et horum ad illos ordine chronologico*, simul reperitur sub hac inscriptione epistola CAROLI VII ad AVGVSTVM III, Poloniae regem, occasione tituli principis S. R. I. IABLONOVIO concessi, huius tenoris :

CAROLVS septimus etc.

Et sanguinis splendore, quo Nostrum non minus maternum genus ac alios Europae, sacrique Romani imperii, proceres attingit et suffulta connatis dotibus celebrium meritorum copia, adeo commendatum se Nobis reddidit magnificus sincere Nobis dilectus IOSEPHVS ALEXANDER in Polonia comes Prussius IABLONOWSKI, ut dignum eum censuerimus, quem in numerum principum S. R. I. benigne susceptum titulo *celsissimi* condecoremus. Quod cum *Maiestati Vestrae*, haud ingratum fore aliunde iam mente perceperimus, Nostrum in praesentia ducimus, non solum dictae promotionis notitiam *Maiestati Vestrae* peramanter impertiri, sed eidem quoque memorati principis dilectionem, et vltiora eius benemerendi studia enixe commendare. *Maiestati Vestrae* persuasum cupimus, quidquid ad promouendos illius laudabiles conatus in eundem conferre *Maiestati Vestrae* placuerit, Nobis quoque gratissimum fore. Quod reliquum est etc.

Francofurti die XXIV Augusti, anno 1747.

Orationes Iablonouiorum deinde sequuntur tres, porro *testimonia scriptorum Polonorum tum et exoticorum de IABLONOVIIIS, ordine alphabetico cognominum singulorum auctorum*. Hoc caput, omnium maximum,
et

et integrum alphabetum continens, excipiunt *excerpta de celsissima Iablonouiorum domo ex epistolis historico familiaribus*, illustrissimi auctoris patris dilectissimi ANDREAE CHRYSOSTOMI ZALVSKI, episcopi Varmiensis et Sambiensis, S. R. I. principis, Ducis Sielunensis, praepositi Plocensis, archicancellarii regni. IV. Volum. in folio, Brunsbergae a. 1702 - II, editis. Sequitur nunc in historia Polona litteraria memoratu dignum caput, *scripta IABLONOVIORVM* exhibens, ex quo apparet IABLONOVIOS a longo tempore non maecenates solum, literarumque aestimatores, sed et scriptores doctissimos fuisse. Longum esset, omnium scriptorum Iablonouiorum hic mentionem facere, qui tempore de omnibus singulatum differemus. Principis autem IOSEPHI ALEXANDRI IABLONOVII, Palatini Nouogrodienensis, scripta, iam in III part. biblioth. Varfauienensis p. 244 etc. adduximus, ex his vero anecdotis quatuor adhuc opera inedita literatissimi nostri maecenatis memorabimus I, *Rod Xiazgą z Prussów* IABLONOWSKICH etc. hoc est: descriptio genealogica domus principum de Prussis IABLONOVIORVM stemmatis NAGODA, seu Pruss tertio, ac decora celsissimae huius in Polonia domus, ex tabulariis publicis et privatis desumpta. II, *Dwanascie* etc. h. e. XII orationes Ciceronis, Polona versione redditae stylo puro et a vitiosis vel a Latio usurpatis locutionibus libero. III, *Dyariusz* etc. Diarium peregrinationis suae per Belgium, Angliam, Galliam, Sabaudiam et oras Italiae. IV, *Mappa Geographica Poloniae*, omnium accuratissima. Adhaerent huic mappae observationes variae circa elevationem graduum. Cursus fluuiorum et fluminum accuratius, quam hucusque factum est, designantur. Orthographia genuina nominum priorum a scriptoribus exteris male enunciatorum restituitur. Limites Poloniae curatius, quam vnquam factum est, indicantur. Accedunt in hac mappa effigies regum Poloniae, stemmata Heraldica palatinatum, ichnographia vrbis Dantiscanae, armorum a veteribus Polonis vsitatorum diuersa genera, tum et itineraria praecipuarum Poloniae ciuitatum. Adducit literatissimus anecdotorum auctor nunc *scripta de IABLONOVIIIS ex professo tractantia*, nec non panegyricos IABLONOVIIIS vel inscriptos, vel dicatos.

Sequitur nunc caput quod utilitatis causa integrum inferemus, nempe *hallucinationes, circa domum celsissimam Iablonouianam perpetratas a variis scriptoribus, ordine alphab. hic recensitis.*

I. ANONYMVS Polonus, in codice manu scripto, quem bibliotheca Zalusciana possidet, *de familiis nobilium Polonorum indigenarum Prussiae regio Polonae habentium*, ait, lineam familiae Prussorum de Wicholec in Prussia extinctam fuisse
in

32 II. *Anecdota quaedam singularia celsi. de Prussis ducum*

in ultimo nato ex Dulska, sorore regni thesaurarii. Id quod corrigendum ex genealogia.

II. EVROPAE des ietzt herrschenden genealogischer Schauplatz, Vratislauiæ 1724, in 8. p. 604. inter filios magni IABLONOVII ac filias, subticuit ALEXANDRUM, regni vexilliferum, ELISABETHAM, Ferdinando Ketlero, Duci Curlandiae desponsatam virginem, et HEDVIGEM Krasinsciam, palatinam Plocensem. Caeterum STANISLAVM, supremum castrorum regni metatorem, perperam nuncupat Boguslaum.

III. EVROPA (von) heutige christliche Souverainen, Vratislauiæ 1698. in 8. pag. 581. auctor anonymus itidem praetermisit inter proles magni illius IABLONOVII, castellani Cracouiensis, recensere STANISLAVM, supremum metatorem regni, et praememoratas filias, Elisabetham et Heduigem. LESCINSIAE vero nomen Annae non adiecit.

IV. GAVHEN im Adels Lexico Tom. II. pag. 1587. domum nostram IABLONOVIANAM perperam ait, in maioris Poloniae oris, Silesiae finitimis, propagatam, nomen suum a castello IABLONOW in maiori Polonia sito, mutuatum, et ex comitibus Zarembiis oriundam esse. Nam haec omnia dixit OKOLSCIVS de aliis IABLONOVIIIS, non de nostris Prussis. Caeterum Gauhenius ignorare videtur, auctorem libri, Pempire des Sarmates, esse principem Iosephum Alexandrum IABLONOVIVM, palatinum Nouogrodiensem.

Ibidem in articulo de Stanislae Iablonouio filius eius ALEXANDER, vexillifer regni perperam vocatur Boguslaus.

Ibidem IOANNES, palatinus Russiae, antea, non post, regni vexillifer, dicitur dignitate principatus S. R. I. a caesare condecoratus fuisse, id quod non ei, sed eius filiis et nepoti, palatino Nouogrodiensi, a CAROLO VII. demum contigit. Eius consortis *Berbuniae* non Annae Mariae, sed IOHANNAE nomen fuit genuinum.

Torques aurei velleris non palatino Rauensi, equiti, S. Spiritus, at eius fratris IOANNI collatus est a rege Hispaniae.

Omisit hic GAVHEN alterum filium dictum IOANNEM, torquatum equitem aurei velleris, Feldmareschallum caesareum, grandem Hispaniae, tum et tertium DEMETRIVM, capitaneum Kowelensem, equitem palatinatus Rheni S. Huberti, nec non filiam, duci Ossolinio, equiti S. Spiritus et aquilae albae, magno aulae Lotharingicae magistro elocatam, CATHARINAM.

GAVHEN, (Io. Fridericus) in suo Lexico heroum et heroinarum Lipsiae 1716. edito, p. 808. in vita magni IABLONOVII, familiam eius perperam e maiori Polonia oriundam in medium affert.

Idem in eodem *Heldens Lexico*, Raphaellem LESCINIVM, regis STANISLAI, progenitorem IABLONOVIAE, consortis, perperam vocat, loco archithesaurarii, supremum stabuli regni praefectum. Legendum igitur *Schatzmeister* loco *Stallmeister*. Caetera sphalmata circa palatinum Russiae, quae alicubi in scriptis Germanicis irreperunt, uti absurda et pota putaque figmenta et aniles fabellas, risu magis quam seria animaduersione excipiendas, mitto.

V. IOECHERI (D. C. G.) celeberrimi in Acad. Lipf. historiarum professoris, gelehrtes Lexicon, sequentia Tom. IV. p. 2140. de Zaluscio, episcopo Varmienfi suppe-

suppeditat: A. 1708 wurde er endlich gezwungen, das große Siegel, welches er bishero aller Versprechungen und Drohungen ungeachtet, nicht von sich geben wollen, an den Woywoden von Reussen IABLONOWSKI, zu übergeben. Sed dictus Andreas Chrysofomus Zaluski sigillum maius regni usque ad vitae suae exitum tenuit, frustra obnitente rege STANISLAO.

VI. Lexici vniuersalis auctor eundem errorem circa originem familiae IABLONOVIANAE, quem Gauhenius, commisit.

Idem Lexicon in supplemento suo, Lipsiae 1740 edito, Tom. I. p. 706. perperam originem IABLONOVIORVM nostrorum a comitibus ZAREMBIIS deducit, deinde IABLONOVIVM magnum, castellanum Craconiensē, archimareschallum regni facit, ac demum duas filias ac tertium natum reticet: IOANNIS vero IABLONOVII, palatini Russiae, silentio praeterit alterum filium IOANNEM, equitem aurei velleris, nec non ultimo genitum DEMETRIVM, capitaneum Kowelensem, equitem S. Huberti, tum et alteram filiam CATHARINAM OSSOLINIAM, consortem Maximiliani Francisci ducis, equitis S. Spiritus, olim supremi thesaurarii, nunc supremi aulae Lotharingicae praefecti.

VII. Lexicon vniuersale magnum (großes vollständiges vniuersal Lexicon) quod Lipsiae apud Zedlerum prostat, Tom. XIV. p. 5. eisdem, crambe bis cocta, repetiit errores, imo et auxit, dum Raphaelem Lescinium, regis STANISLAI patrem, supremum stabuli regni praefectum vocat, cum potius archithesaurarium nuncupare debuisset.

VIII. MASSVET Histoire des Rois de Pologne Tom. II. p. 150. hallucinatur, dum inter candidatos ad regnum post obitum regis IOANNIS III, Opalinium, Lubomirio et Iablonouio iungit. De Opalinio enim ne gry quidem auditum est viquam.

IX. MORERY (Ludouicus) seu potius eius continuator, in noua editione Belgica Lexici historici a. 1740. Tomo V. p. I. easdem omissiones habet, circa prolem magni IABLONOVII, quas supra in Lexico vniuersali Germanico notauimus.

X. NIESIECKI (Caspar S. I.) Polonus, Tomo II. pag. 386. ita suppeditus est:

MARIANNA, filia palatini Russiae, nupsit duci de la Tremoville Chatelleraut, qui iam nunc Dux Talmontius audit, CATHARINA vero duci Ossolinio;

STANISLAVS, capitaneus Bialocerkiciensis, iam palatinus Rauensis etc. nunc fatis functus. Filia eius Marianna nupsit Iosepho principi Lubomirio, subdapifero Lithuaniae, qui hoc anno, mense Augusto, occubuit. Alter filius palatini Russiae IOANNES Caietanus, torque aurei velleris, tituloque GRANDIS, a rege Hispaniae cohonestatus est, ab Imperatore vero Carolo VII, dignitate S. R. I. principis et Feldmareschalli caesarei. Mortua prima vxore, nuper sociauit sibi filiam SAPIEHAЕ, palatini Podlachiae, patruelis sui Iosephi Alexandri, palatini Nouogrodienfis, priuignam. DEMETRIVS, itidem viduus factus, accepit in thori consortem MYCIELSKAM, filiam olim castellani Posnaniensis, equitis aquilae albae, ex Konarzewska, filia primi matrimonii ducis Visniouiciacae, castellanae Cracouienfis. IOSEPHVS ALEXANDER, palatinus Nouogrodienfis, consociauit sibi Carolinam RADVILIAM, Caroli Sapiehae, praefecti armamentarii Lituaniae nominati ad palatinatum

34 II. *Anecdota quaedam singularia celsis. de Prussis ducum*

natum Podlachiae, viduam, hodierni palatini Vilnensis et supremi ducis exercitus Lituaniae, germanam.

IOANNES comes WIELOFOLSKI, cui cessit Marianna, iam nunc palatinus Sandomiriensis, torque aureo albae aquilae exornatus. HEDVIGIS vero nuper elocata est Woronicio, castellano Kiiouienfi, equiti torquato.

XI. RANFT (Michael) in genealogischen Archivario T. II. pag. 640. quae de ducissa Chatelleraut IABLONOVIA affert, falsa esse certo scio. IABLONOVIVS publica custodia detentus Lintzii non solum non est germanus ducissae de chatelleraut, sed et ad aliam stirpem spectat.

XII. SEYLER (Georg Daniel) in vita regis Stanislai, Holmiae 1737. in 8. edita Germanice p. 15. avum maternum magni IABLONOVII vocat Ducem OSTROROGIVM perperam, confundendo Duces OSTROGIOS cum comitibus OSTROGOIIS.

XIII. VOLTAIRE, sub nomine eius edita Germanice vita AVGVSTI II. regis Poloniae, Francofurti et Lipsiae 1734, in 8. p. 29. IABLONOVIVM palatinum tum Volhyniae, post Russiae, regem AVGVSTVM, nomine statuum, in confiniis Silesiae salutantem perperam *supremum ducem exercitus* vocat, quae dignitas patris eius, non illius, fuit propria.

Tandem *connexio celsissimae PRVSSIIS IABLONOVIORVM domus cum praecipuis et insignibus magni Duc. Lit. familiis in persona IOSEPHI ALEXANDRI IABLONOVII, S. R. I. principis etc. Palatini Novogrodiensis*, cui adiectae quinque tabulae genealogicae in forma regia, in vnum conglutinatae, nec non *textus idiomatum exterorum in hoc opere allegatorum Latine redditi*, opus hoc claudunt. Anecdota haec magni sunt usus in Polonia, quae exteris etiam in rebus politicis, atque in primis genealogicis, nec non literariis Polonis lumen praeferre possunt. Et licet illustrissimus auctor multum operae ac laboris in iis conficiendis consumserit, merita tamen eius in rempublicam litterariam insignia, ex solo hoc opere non diiudicanda, qui multis negotiis publicis obrutus tempore ad omnia accuratissime disponenda caruit, ideoque, si quaedam ad summam accuratorem haud digesta viderentur, non celeberrimo auctori, sed aliis rebus circumstantibus, imputanda sunt, multo minus errata typographica haud rara, ei attribuenda. Haec autem non obstant utilitati, quam inde reuera haurire possimus, et optandum sane esset, ut eiusmodi anecdota aliarum etiam illustrium in Polonia familiarum in lucem prodirent, ex quibus non parum in Poloniam redundaret historiae emolumentum. Illustrissimus auctor, qui parem pro incremento scientiarum in Polonia laborantem non habet, significavit mihi, se tempore historiae etiam illustrissimae domus ZALVSCIANAE editurum, quae illustris in Polonia domus magnis in rempublica viris maccenatibusque nunquam caruit. Finimus, omnia fausta felicia-

feliciaque celsissimae domui IABLONOVIANAE, eiusque summo nostris temporibus decori, mularum Polonarum deliciis, palatino Nouogrodienfi, adprecando, quem grauissimum regni Senatorem, consiliis sapientissimis abundantem et magnum maecenatem, ipsis musis Polonis scriptis praelucentem, Deus ter optimus in reipublicae et scientiarum emolumentum quam diutissime integrum tueri, et ad feros usque annos sanum ac saluum seruare velit.

III.

*Versuche und Abhandlungen der Naturforschenden
Gesellschaft in Dantzic etc.*

hoc est:

*Experimenta et dissertationes Societatis Gedanensis
naturam scrutantis. Tomus I. Gedani 1747. typis Schreiberianis,
tria alphab. et 6. pl. continens, vna cum octo tabulis in aes incisis.
in 4ta maiori forma.*

Nil magis promouet, amplificat, augetque scientias, quam eruditorum societates, eiusmodi ex viris consistentes, qui illis pares sint, simulque nobilissimum illud propositum, generi humano inseruendi, teneant. Quemadmodum extra omne dubium positum est, homines sola ratione a caeteris animalibus distingui, interque ea omnia ob illam eminere, ita verum, summe exultam vtilibus scientiis rationem, ingeniumque excellens, homines, his dotibus ornatos, iterum ab aliis indoctis hominibus secernere, illorumque prae his existimationi seruire. Non enim nascendi conditio, quae omnibus principibus cum vilissimo homine, inter recreamenta matris incrementa capiente, communis est, non magnae diuitiae, quibuscum caeca fortuna saepius aequae rudem quam prudentem hominem auget, et caducae sunt, non magni honorum tituli, quibus et ratione destituti insigniri possunt, sed sola tantum intelligentia, doctrina et virtus hominum existimationi internae prae aliis consulit. Ad hanc autem, ubi simul elata nascendi conditio, diuitiae, honoresque in republica accedant, apicem felicitatis humanae attactum esse, nemo dubitat. Nulla autem scientia est nobilior, sublimior, pulchriorque, quam illa ipsa, quae naturam rerum scrutatur. Nulla amoenior atque vtilior, quam ea, quae naturam indagare, eaque vti, docet. Aliae scientiae, quae in imaginatione hominum eorumque arbitraria dispositione, saepius in priuato tantum principum commodo fundamenta ponunt, sunt quidem alicuius pretii, quia

iis etiam indigemus, illae autem scientiae, quas ipse rerum conditor in omnium pulcherrimo naturae libro suo quasi digito exarauit, inaeestimabilis sunt pretii. Quid enim homine dignius, quam rerum cognoscere causas? quid generi humano utilius, quam rebus creatis, quarum Deus optimus vsum fructum nobis concessit, recte commodeque vti? Quam laudabile atque honorificum est, vt Gedanum, ciuitatum Prussiae regio Polonae regina, coronae Polonae margarita, eiusmodi eruditorum virorum coetum, societatem naturam scrutantem, intra moenia sua contineat, quae experimenta atque dissertationes suas cum orbe literato communicet! Vtinam plures eiusmodi scientiarum societates in Polonia in literarum augmentum reperirentur. Ad hoc exteri quidam literati forte dicent: immo vero et Varsoviae est nunc scientiarum societas, prout legimus audiimusque, quae mox cum aliis societatibus eruditis de gloria certabit. Ad hunc rumorem, vtinam non falsum, refutandum sequentia certo dicere possumus. Nos Varsoviae degentes, societatem scientiarum ibi reperiri, plane ignoramus. Illustrissimus regni referendarius, comes ZALVSCIVS, semel quidem congregationem eruditorum quorundam Varsoviensium instituit, in qua varia scripta ac poemata variis in linguis lecta fuere, hac congregatione autem absoluta non amplius quaestio de scientiarum Academia fuit, neque eius auctori in mentem venit, vt pro scientiarum societatis initio haberetur. Suspiciamus etiam, difficile fore, vt vnquam Varsoviae scientiarum societas fundetur, nisi prius serenissimus rex et respublica certa stipendia pro sociis in perpetuum constituent. Redeamus ad societatem nostram Gedanensem. Primam huius ideam mente concepit doctus medicus ISRAEL CONRADT, physicus Gedanensis, anno 1677, qui caeteros eruditos Gedanenses ad instituendam scientiarum societatem excitauit, prout id ex dissertatione de frigoris natura et effectibus, typis et sumptibus monasterii Oliuensis, 1677, apparet. Viuo autem eo desiderium eius non fuit expletum. Anno 1720 docti quidam viri societatem iniebant, quae per septem durabat annos. Tandem versus finem anni 1742 alia scientiarum societas constabatur, quae, acquisito splendido instrumentorum physico-rum apparatu, die II Ianuarii Anno 1743 congressus suos instituit, eosque haecenus singulis hebdomadibus continuauit. Huic societati praesentes XV dissertationes atque experimenta debemus, de quibus omnibus, quid contineant, dicemus, vnā speciminis loco omni ex parte latinitate donatam inferentes. Prima est

Accurata descriptio nouae perfectiorisque librae, ope cuius non solum aequalia, sed et inaequalia pondera, exacte determinari possunt, datum etiam pondus

pondus in alia minora pondera secundum arbitrariam proportionem diuidi possit. Auctore HENRICO KÜHN, I. V. D. et matheseos professore Gedani.

Celeberrimus D. KÜHN, qui in algebra multos nostris temporibus excellit, in reliquis etiam scientiis mathematicis, vt solide doctus, ita et diligens est, bene elaboratam hic nobis suppeditauit dissertationem, qui omnibus mathesein intelligentibus placebit. Nil magis in vita humana necessarium, vtiliusque, quam libra, cum in physico tum morali sensu, et quamuis haec docta, vt ita dicam, libra, in vita communi vtilitatem non habeat, eruditis tamen magno vsui erit, qui varia experimenta, vbi summa librarum accuratio requiritur, instituunt. Auctor omnes veritates, quae ad explicationem librae faciunt, praemisit, et perspicue demonstrauit. Proprie tres tantum sunt librarum species. Punctum nempe librae mobile, est vel in ipso iugo, horizonti parallelo, vel supra, vel infra illud. Celeberrimi auctoris libra, longe quam communis perfectior, multis prae caeteris gaudet commodis. Nempe 1) mobilitas librae cito sistitur, 2) grauitas neque iugi, neque lingulae, neque lancium, ponderum calculum, dato superpondio aequalium, difficilem reddit. 3) frictio circa axem valde exigua est. 4) ex dato superpondio vera ponderum inaequalium proportio facile inueniri potest. Haec libra ita distincte et accurate descripta est, vt idoneus atque ingeniosus mechanicus iuuantem mathematico facile eam elaborare possit. Compendium huius librae in parallelepipedo rectangulo consistit, in quo centrum grauitatis cum centro magnitudinis congruit, et sic iugum materiale in staticum permutatur. Iugum ex vtraque parte variis in locis perforatum est, ita vt puncta, vbi pondera appenduntur, sexies mutari possint, et sic vnum iugum septem libras diuersas subministret.

Secunda, *Disquisitio experimenti* L. PH. THVMMIGII *de conseruatione florum per aliquot annos, auctore* IACOBO THEODORO KLEIN, *primo ciuitatis Gedanensis Secretario, regiae Societ. scientiarum Londin. Socio.*

Dominus KLEIN, variis experimentis scriptisque de historia naturali et physica bene meritis, diligenter hic inquit in BOECKLERI artificium, qua ratione flores per aliquot annos conseruari possint, quod in schola sua domestica et campestri (Haus- und Feldschule) class. 29, p. 575, suppeditauit, idque LVDOVICVS PHILIPPVS THVMMIGIVS, in parte tertia tentaminum explicationis phenomenorum naturalium memoria dignorum (Versuche einer gründlichen Erläuterung der merckwürdigsten Begebenheiten in der Natur) exhibuit. Boeckleri artificium, flores conseruare, in hoc consistit, vt ii in arena pura et sicca abscondantur. THVMMIGIVS

MIGIVS causam, quod hoc modo flores conseruentur, de impedita eorum transpiratione explicat, dominus KLEIN vero demonstrat, arenam florum transpirationem impedire haud posse, quia in interstitiis arenae granulorum aer contentus, qui aeri in floribus insito locum exeundi relinquit. Varia etiam ipse auctor instituit experimenta, qui artificium Boecklerianum falsum esse deprehendit. Colores quidem seruati, flores autem sicci fuere, amisso odore. De Boecklero auctor suspicatur, forte in mentem ei non venisse, vt praescripta methodo flores recentes cum odore seruari possint. Thummigius igitur de re quadam scripsit, quam ipse antea haud expertus est, id quod non imminuendae gloriae eius bene meritae causa dicit auctor. Summatim Boeckleri artificium hunc vsum habet, vt flores, non tamen omnes, cum hyacintho enim plane non succedit, cum coloribus melius in arena, quam extra eam sicci seruari possint, id quod ex auctoris sententia inde venit, quia flores tardius quidem in arena sed suauius exsiccantur. E contrario si in aere aperto, vel intrapapylum exsiccati debeant, ob vehementem transpirationem mutantur, vel per violentam translationem vesicularum sub prelo, colores simul cum humiditate in papylum dimittunt. Arena ergo possumus vti, vbi in hortos siccos eiusmodi flores et herbae inferendi, quorum colores sub prelo non seruantur, vel vbi sicci floribus rerum naturalium artificialiumque conclauia exornare velimus. Recentes autem flores, quamdiu est hyems, mediantibus aedificiis diu notuque temperate calefactis, et phialis Anglicis habere possumus. Tandem dictum auctoris, quod ad physiologiam, vt ita dicamus, plantarum pertineat, nobis placuit, vt flos, inquit, non transpiret, et tamen recens maneat odorisque, idem mihi videtur esse, ac si quis dicat, vt homo non transpirare et tamen vegetus et sanus esse possit.

Tertia: Comparatio mensurarum ponderumque Gedanensium, cum iis, quae Parisiis et Londini apud Societates scientiarum in vsum sunt, auctore M. MICHAELE CHRISTOPHORO HANOV, philos. Prof. et bibliothecario Gedanensi.

Quam necessarium in Polonia est, Gedanensium scire mensuras, tam vtile pro geometris Polonis erit, si eorum comparisonem cum iis, quae Parisiis et Londini in vsum sunt, haud ignorent, vel statim inuenire possint. In vsum igitur eorum hic mensuras longitudinum, vini, cereuisiae frumenti-que adiciemus, vna cum ponderibus. Pedi Londinensi solent 1350 scrupuli Parisienses assignari, ideoque pes Gedanensis se habet ad Anglicanum vt 1272 ad 1350. Pes Parisiensis diuiditur in 12 digitos, digitus in 12 lineas, linea in 10 scrupulos. Pes Londinensis itidem in 12 digitos diuiditur,

ditur, sed digitus in 10 lineas, linea in 10 scrupulos. Sex pedes Parisienses efficiunt orgyiam (toise), et $2\frac{2}{3}$ orgyiae, perticam (perche). Gallicum milliare continet 2000 orgyias circa Parisios, milliare autem Anglicanum pro 5000 pedibus Parisiensibus computatur, et sic milliare Anglicanum ad Gallicum se habet vt 5 ad 6.

Gedani vlna continet duos pedes, orgyia sex pedes, pertica quindecim pedes, restis (ein Seil) decem perticas, pertica quadrata 225 pedes quadratos. Iugerum minus (ein Morgen) 300 perticas quadratas. Iugerum Polonum (ein Polnischer Hacken) 20 iugera minora, iugerum maius (eine Hube oder Hufe) 30 iugera minora. Milliare autem Borussicum aequale Germanico, continens 1800 perticas seu 27000 pedes. Cum autem 27000 pedes Gedanenses faciant 23850 pedes Parisienses, manifestum est, milliare Gallicum et Anglicanum quartam milliaris Borussici partem efficere. Dimidia mensura cereuisiae Gedanensis (der Dantziger Bierhalbe) aqua repleta, facit duas libras Gedanenses cum $20\frac{1}{4}$ Semiunciis, minus 9 granis, hoc est, 21525 grana Parisiensa, quae constituunt 58 digitos cubicos Parisienses. Gedanensis dimidia mensura lactis (der Milchhalbe) aqua repleta facit libram vnam $30\frac{7}{8}$ semiuncias, vel 42 digitos cubicos Parisienses. Dimidia mensura vini (der Weinhalbe) aqua repleta facit libram vnam, 31 semiuncias, vnam cum dimidia drachmam, et 16 grana, hoc est, 43 digitos cubicos Parisienses. Mensura integra igitur vini (der Stauf Wein) facit 86 digitos cubicos cum 474 lineis cubicis.

Cadus cereuisiae debet 96 mensuras (Staufe) continere, ideoque dimidius cadus (eine halbe Tonne) 48, quarta pars cadi 24 mensuras continet. Mensura diuiditur in dimidiam, quartam et octauam partem. Quarta pars mensurae cereuisiae (das Bierquartier) facit $28\frac{1}{2}$ digitos cubicos Parisienses.

Vini Gallici dolium magnum (ein Stückfass) continet quinque dolia minora (5 Oxhoofte) dolium minus autem sic dictas sex ancoras (Anker) vel 165 mensuras (Staufe). Ancora sic dicta, seu cadus dimidius (ein halb Antaal) facit $27\frac{1}{2}$ mensuras (Staufe). Plaustrum vini Rhenani, (ein Fuder) capit sex amphoras duplas (Ohme) amphora dupla (ein Ohm) 110 mensuras (Staufe). Vinum Hispanicum in doliis apportatur, quae *Piepen* appellantur, quorum vnum $2\frac{1}{2}$ amphoras duplas, seu 275 mensuras (Staufe) continet. Mensura vero vini Gedani habet se ad quartam Parisiis, vt $86\frac{1}{2}$ ad $94\frac{4}{7}$, et ad dimidiam vini mensuram Londini, (Weingallon) vt $101\frac{447}{1000}$ ad $115\frac{1}{2}$. Ideo mensura vini Londini (der Weingallon) duplae mensurae (Doppeltstau) fere aequalis est.

Quod

Quod frumenti mensuram Gedanensem attinet, mensura communis *Last* dicta, quod verbum *molem* significat, 60 modios continet, quorum unusquisque 81 lb ponderare debet. Spatium autem quod implet, ad 95 pedes cubicos Parisienses cum 1574 digitis cubicis. Sic dicta autem sacci mensura (eine Sacklast) qua pistores vtuntur, continet 80 modios, qui 6480 lb ponderant. Mensura frumenti Gedanensis, se habet ad Anglicam, vt $95\frac{1}{2}$ ad $83\frac{1}{2}$ circiter, hoc est, Anglicana frumenti mensura (die Englische Last) adhuc $7\frac{1}{2}$ modis Gedanensibus minor, quam Gedanensis frumenti mensura communis.

Vncia Gedani facit $510\frac{1}{2}$ grana Parisiensia, et libra Gedanensis 8168 grana Parisiensia. Libra autem Gedanensis se habet ad libram medicam vt 6986:5760. Cum 6986 grana ponderis medici libram Gedanensem faciant, quae Parisiis 8172 grana efficit, sequitur libram medicam 6738 grana Parisiensia facere. Vulgo octo librae Parisienses pro nouem Gedanensibus numerantur. Ad libram Anglicam grauiorem, se habet Gedanensis libra, vt 8172:8533 et ad libram Anglicam pro argento vt 8172:7021. Vncia pro argento Gedani octaua parte minor, quam communis vncia est. Gedanensis autem libra numularia (die Mark) $79\frac{1}{4}$ granis grauior quam Anglica, et 1013 granis leuior, quam Parisiensis.

Quod superest, optamus, vt celeberrimus Prof. HANOV in maiorem vsum has mensurarum ponderumque proportionem, in tabulas redigeret, ita vt eorum rationes sub oculos statim cadant. Hoc modo omnia vno intuitu et magis perspicue perspicere possent. Interim autem et pro hoc vtili labore gratias debitas agimus.

Quarta: *Pisces neque mutos neque surdos esse, data occasione epistolae in bibliotheca Gallica (XXXVII. Tom. II part. p. 273) de auditu piscium: in qua auctor anonymus defendit: pisces omnes surdos esse, cum omnes muti sint, auctore IACOBO THEODORO KLEIN.*

Anonymus hanc propositionem, omnes pisces mutos esse, sine argumentis defendere voluit, et inde conclusit, eos omnes etiam esse surdos. Vtrumque auctor, cum argumentis, tum exemplis, refutat. Physeteres sunt pisces (die Wasserblaser) qui omnibus organis edendi sonum sunt instructi, et omnes nautae in Groenlandiam nauigantes non ignorant, horum piscium mugitum e longinquo etiam audiri posse. Adagium igitur, *mutus vt piscis*, cui tantam anonymus dedit fidem, iam non caret exceptione. Reliqua piscium cartilaginorum genera, organis pulmonibus similibus gaudent, et sic eorum naturae proprium eumque diuersum sonum edere etiam possunt, et huc piscium poppyismus (das Schmatzen) referendus est.

Varii

Varii alii pisces, vt Lamia, (der Hundskopf) sus marinus, piscis Haiul, gal-
lus marinus etc. diuersos edunt sonos. Etiam si pisces muti essent, id quod
tamen experientia refutat, inde tamen non inferendum, vt hanc ob causam
etiam surdi esse debeant. Licet pisces auribus externis careant, hoc non
obstante audire nihilominus possunt. Ranae, serpentes, crocodili, lacertae
auribus carent, et tamen audiunt, meatu nempe auditorio gaudent, vt pisces.
Celeberrimus auctor in opere suo de piscibus Missu I ad anatom. Phocae-
nae etiam meatum auditorium monstrauit, et verisimile est, lapides, qui in
capitibus piscium cartilagosorum reperiuntur, ad organa auditus perti-
nere. Si pisces habeant meatus auditivos, vt manifestum est, omnino
etiam sub aqua audire debent, quia nil frustra facit natura. Auctoris con-
tradictor male ratiocinatus est, dicens, pisces sub aqua ideo surdos esse, quia
sonus aquam non penetrat. Vrinatores de contrario melius sunt conui-
cti, insuper auctor etiam experimentis doctissimi abbatis NOLLETII
comprobauit, sonum sub aqua percipi. Vtrum vero pisces tam acuto
gaudeant auditu, vt Dominus Secretarius KLEIN sibi persuadet, in medio
relinquimus. Tandem vellemus, vt doctissimus auctor, diligentissimus
naturae scrutator, mentis cogitata non eloquutus fuisset hoc vnico tantum
in loco, dicens, *vnun idemque mihi esset, si quis etiam diceret, noctuam vi-
dere noctu per radios luminis, interdum in magnis oculis collectos, tam diu ac
radii sufficiant.* Qui doctrinam de visu, in Optica demonstratam, recor-
datur, et veritatem, oculum non aliter, nisi per radios luminis nunc inci-
dentes, videre posse, bene cognitam comprehensamque animo habet, ei
hoc vnun idemque esse nullo modo potest.

De pluribus in sequenti trimestri dicemus his dissertationibus atque
experimentis, cum nunc locus deficiat.

IV.

*Enarrationes certae de Academia Cracouiensi, adie-
ctis tabulis publicis, continuatio prima.*

De academia Cracouiensi certas enarrationes suppeditare in quarta bi-
bliothecae parte Varsouiensis coepimus, vbi de erectione illius egimus,
varias tabulas publicas adicientes. Continuumus nunc laborem nostrum,
apponendo literas Sigismundi III, regis Poloniae, quarum vi praepositura
S. Floriani cum academia Cracouiensi in vnun corpus redigitur. Sunt
autem illae tenoris sequentis:

In nomine Domini, amen. Ad perpetuam rei memoriam.

SIGISMUNDVS III, Rex Poloniae, magnus dux Lituaniae, Russiae, Prussiae,
Masouiae, Samogitiae, Liouoniaeque, nec non regni Sueciae proximus haeres et futu-
rus rex.

F

Signi-

Significamus praesentibus literis Nostreis, quorum interest vniuersis et singulis. Quod cum academiam Cracouiensem ac omnes, qui in ea honestissima studia tum profitentur, tum discunt, singulari beneuolentia Nostra complectamur, tum vero adnendum etiam Nobis esse intelligimus, vt eam ipsam, ac qui nomina in ea dederunt, et praecipuo patrocinio tueamur et benignitate foueamus, et denique munificentia liberalitateque conseruemus. Est enim Nostri officii, et monumentis hoc DD. decessorum Nostrorum, e quibus sanguinem duximus, perpetua cura tueri et conseruare, et vero rectissime in eo operam beneficentiamque Nos esse collocaturos videmus, ex quo summa in reipublicam ornamenta redundant. Ea enim nulla re splendet magis et efflorescit, quam ciuium virtute et doctrina: vtrumque autem hoc ex illa praeclara et virtutis et sapientiae officina promanat. Nam qui animum liberalem et ingenuum honestissimis disciplinis a prima aetate imbuunt et expoliunt, is deinceps et humanitate quadam singulari et summa constantia officium in vita colit, et ad virtutem veramque gloriam studio fertur incitato, et multa variarum rerum cognitione reipublicae omni illius tempore praeclare deseruit. Tales itaque ciues cum permultos superioribus temporibus academia Cracouiensis ediderit, atque etiamnum foecundo partu procreet, omnibus et Nostreis et reipublicae beneficiis vicissim iure optimo est benignissima. Idem cum DD. praedecessores Nostri reges, SIGISMUNDVS AVGVSTVS, auunculus, et STEPHANVS, cui, ita Deo volente, successimus, animaduenterent, quo viris in academia illa magno suo labore, magno publico commodo docentibus, qui in ea difficili laboriosaque prouincia pertenuibus instructi redditibus, inimica omnibus praeclaris conatibus inopia, in eo curriculo docendi retardantur, aliquid subsidii constituerent, praeposituram S. Floriani in suburbio Cracouiensi, Clepardia, omnesque illius fructus ad vniuersitatis illius corpus adiungendam, ac illi cum omnibus fructibus perpetuo tradendam censuerunt, eamque rem vterque diplomatibus authenticis confirmarunt. Quocirca nos non tantum praedecessorum Nostrorum exemplum sequuti, verum etiam Nostra sponte ac ipsorum etiam nuntiorum terrestrium impulsu per generosum MARTINVM CHELSKI vexilliferum Cracouiensem, ac ex illo palatinatu nuntium, eam istius praepositurae S. Floriani incorporationem, auctoritate hac totius reipublicae, ex consensu, tum nuntiorum terrestrium, tum vniuersi senatus, nostraque certa voluntate profecta, approbandam, confirmandam, ratificandamque hisce literis Nostreis putauimus. Ac in vim rei perpetuae et immutabilis, vigore huius conuentus approbamus, confirmamus et ratificamus, et eandem incorporationem iisdem omnibus punctis clausulis et conditionibus, quibus a DD. praedecessoribus Nostreis fuit instituta, integram et inuiolatam perpetuo volumus permanere. In cuius rei fidem, praesentes manu Nostra subscriptas sigillo regni Nostri consignari iussimus. Datum Varsoviae in conuentione regni generali, die duodecima mensis Aprilis, anno Domini millesimo quingentesimo nonagesimo, regni vero Nostri anno tertio, praesentibus illustrissimis reuerendissimis, illustribus, magnificis, generosis ac venerabilibus STANISLAO KARNKOWSKI, archiepiscopo Gnesnensi, legato nato et regni primate. HIÉRONIMO A ROZDRAZEW, Vladislauensi et Pomeraniae, BERNARDO MACIEIOWSKI, Luceoriensi, ALBERTO BARANOWSKI, Praemisliensi et regni Nostri Vicecancellario, LAVRENTIO GOSLICKI, Chelmeni, IOSEPHO WERESZCZYNSKI, Kiiouiensi, Dei gratia episcopis, et caeteris.

Caput

Caput secundum, priuilegia et leges regni, seu constitutiones, academiam Cracouiensem attinentes, continens.

Priuilegia varia academiam Cracouiensem attinentia, iam in capite de erectione academiae huius, dicto loco adduximus, nunc autem sequuntur quaedam singularia, quorum primum ALEXANDRI, regis Poloni, anno 1502 feria quinta ante festum S. Georgii, memoria dignum, et sic incipit:

Quia animo feruido cupimus, vt veneranda et egregia doctorum et magistrorum ac suppositorum generalis studii Cracouiensis congregatio vniuersalis in primis potissimum augmento laudis diuinae, ac demum incremento ac tutamento sacrae orthodoxae fidei catholicae per diuos praedecessores Nostros, reges Poloniae dotata et erecta, cuius patronus et defensor principalis existimus sub felici tempore Nostri regiminis regii in sacris effectibus studiorum et doctrinarum tanto amplius crescere possit, quo se propensius praerogatiuarum et libertatum fauoribus ex mera liberalitate Nostra reipublicaeque profluentibus cognouerit suffultam etc.

STEPHANVS BATOREVS in rescripto suo de dato Thorunii in conuentu regni generali, anno 1576 die XIII Nouembris sic orditur:

Vniuersitatem Cracouiensem honestissimorum in omni genere studiorum matrem et procreatricem omnibus in hoc regno hominibus merito charissimam, Nos quoque singulari Nostra beneuolentia et regia benignitate complectimur. Cumque huius quidem vniuersitatis commodis omnes consulere debeant, ex qua velut ex quodam clarissimo virtutum domicilio praeclari ciues et huic reipublicae viles prodant etc.

Tandem auctor noster et priuilegii eiusdem STEPHANI BATOREI initium adiicit, quod praeposituram S. Floriani attinet, et in quo academia Cracouiensis pars reipublicae appellatur. Omnium autem priuilegiorum nobilissimum plane omissum est, quod huius tenoris:

Priuilegium respectu nobilitatis, doctoribus Academiae Cracouiensis a SIGISMUNDO, rege Poloniae, datum, ex bibliotheca Acad. Cracou. desumptum.

SIGISMUNDVS, Dei gratia, rex Poloniae, magnus dux Lituaniae, Russiae, Prussiae, Masouiaeque dominus et haeres.

Significamus tenore praesentium, quibus expedit, vniuersis. Quia grata habentes vniuersitatis scholae Nostrae Cracouiensis merita, quibus regnum nostrum in dies magis ac magis illustratur, cum honestis literarum studiis ab eiusdem gymnasii Nostri doctoribus iuuentus erudita, tam ad pacis, quam ad belli maturescit consilium, indeque prodeunt cultus diuini et reipublicae huius acerrimi defensores et propugnatores, et populus, Nostro regimini a maiestate diuina subiectus, ad laudem Dei omnipotentis, ecclesiae incrementum, patriae charissimae decus et gloriam, sublata de medio ignorantiae ciuitate, in omni doctrina et scientia eruditus cernitur. Vt tanta haec huius scholae erga Nos regnumque Nostrum merita non maneant irremunerata, Serenissimi VLADISLAI IAGELLONIS, aui et antecessoris Nostri, regis gloriosissimi, vestigiis inhaerentes, omnes doctores studii praefati, sacram theologiam, ius canonicum, medicinam, leges, aliasque honestas scientias et artes liberales profitentes, nouis fauoribus et gratiis augere volumus, quo eos ad vltcrius de Nobis

regnoque Nostro benemerendi studium tali benevolentiae Nostrae testificatione accendamus. Proprio itaque motu Nostro praefata merita attendentes, quae unicuique secundum iustitiam pari gratia remunerare debemus, de praelatorum baronumque Nostrorum consilio et assensu, praesenti hoc Nostro diplomate statuimus, perpetuis deinceps temporibus et in aeuum ab omnibus, cuiuscunque status, conditionis, hominibus, inuiolabiliter obseruandum, quod Doctores praefati et professores actu legentes, etiamsi non ex nobilibus regni Poloniae indigenis parentibus progeniti fuerint, ad quasuis in regno dominiisque Nostris dignitates, tanquam emeriti valeant ascendere, nulliusque omnino dignitatis, muneris, vel officii, tam spiritualis, quam saecularis, senatorii et equestris, existant inhabiles. Satius enim est, gestis propriis florere, quam maiorum opinione uti. Nec maior nobilitas est ea, quae propriis virtutibus comparatur. Bona quaeuis terrestria valeant acquirere et possidere, ac omnibus libertatibus, honoribus et priuilegiis, quibus nobiles regni Nostri indigenae gaudent, ipsi quoque gaudeant et fruantur. Quod etiam ad eos omnes extendimus, qui scholae praefatae rectoris generalis ordinatione, ad ecclesias, vel in aliis locis quibuscunque in regno, scientias praelegunt, aut easdem quouis alio modo exercent et tractant. Et quoniam Romani imperii legibus statutum est, Doctores per viginti annos publicae lectioni in vniuersitatibus operam dantes ius nobilitatis non solum in personam suam acquirere, verum etiam ad successores suos legitimos in perpetuum transfundere: laudabilem hanc legem Nos quoque scholae Cracouiensi in regno dominiisque Nostris in perpetuum concedimus, et regia munificentia Nostra largimur. Statuimus, ut omnes doctores et professores, qui in hoc Nostro regio gymnasio per viginti annos continuae lectioni publice operam dederint, ad prolem quoque suam ex legitimo matrimonio conceptam, omne ius praerogatiuae et dignitatis nobilitatis transfundant. Sitque dicta proles, cum suis legitimis descenditibus vtriusque sexus capax in aeuum in regno dominiisque Nostris, omnium dignitatum, libertatum et praerogatiuarum, tam spiritualium, quam temporalium, statum equestrem concernentium, valeantque accedere ad quosuis regni Nostri honores, munia et officia. Bona quaeuis terrestria possint acquirere, et acquisita sine quauis angustia, quocunque vocabulo censeantur, possidere, siue in eadem schola in loco patrum suorum permanferint, siue alio semet transfulerint, more aliorum regni Nostri nobilium viuentes. Expeditionem tamen bellicam vna cum aliis nobilibus regni Nostri, si professores actu legentes non fuerint, ex possessionibus suis obire tenebuntur, more aliorum nobilium, seruientes iuxta regni Nostri statuta. Quae quidem omnia et singula de plenitudine regalis nostrae potestatis, praefatae scholae Nostrae Cracouiensi, eiusque doctoribus et professoribus, damus, donamus, et concedimus perpetuo et in aeuum. Quod omni meliori modo esse volumus, ac defectus omnes, si qui in eadem donatione statutoque Nostro fuerint, auctoritate Nostra regia supplemus. Non obstantibus quibuscunque in contrarium praefatorum, quibus hisce Nostris, acsi eisdem inserta essent, pro hac parte derogamus. Per hanc autem donationem Nostram et statutum, non intendimus derogare quidquam antiquis praedecessorum Nostrorum, regum Poloniae, et Nostris, eidem vniuersitati concessis quomodocunque priuilegiis, imo eadem praesentibus, acsi hisce inserta essent, approbamus, ratificamus et innouamus. Nulli ergo omnium hominum, cuiuscunque status, gradus, et dignitatis fuerint, liceat vnquam praesentis Nostrae donationis statu-

statutique decreto et priuilegio in aliquo contrauenire, vel de eodem in contrarium iudicare. Quodsi attentatum aliquid fuerit, totum inane et irritum esse declaramus. Pro serenissimis autem Successoribus Nostreis, Poloniae regibus, promittimus quod ipsi hoc priuilegium Nostrium in omnibus et singulis punctis mantenebunt, nec vnquam eidem publice et priuatim contrauenire permittent, quin imo serio in eiusmodi contrauentores animaduertent, et contrauentiones eiusmodi, prout iniustas et iniquas cassabunt et annihilabunt. In quorum omnium et singulorum fidem, robur ac testimonium, praesentes manu Nostra subscripsimus, ac easdem sigillo Nostro communiri mandauimus. Datum Cracouiae, feria quarta in crastino S. Laurentii, martyris, anno Domini millesimo quingentesimo trigesimo quinto, regni Nostri anno vigesimo nono.

Relatio reuerendissimi in Christo patris Domini PETRI, episcopi Cracouiensis, et regni Poloniae vicecancellarii, quarum quidem literarum originale iidem offerentes, illico ab officio praesenti receperunt.

Adiciemus nunc regni leges, seu constitutiones, quae de academia Cracouensi variis temporibus sanctae fuere, et quidem ordine chronologico. Prima in Constit. anni 1562, tit. o *skolach*, sub SIGISMUNDO AVGVSTO rege habetur, huius tenoris: *ut schola Cracouensis, Posnaniensis, Pultouiensis reformentur, et in bonum ordinem per illustrissimos dominos episcopos et dominum rectorem academiae Cracouensis redigantur.*

Anno domini 1590, regnante SIGISMUNDO III, tit. *incorporacya: incorporationem praepositurae ecclesiae S. Floriani, a pia memoriae, SIGISMUNDO AVGVSTO, auunculo Nostro, et STEPHANO, regibus, collegio Cracouensi factam, auctoritate comitorum hodiernorum, unanimi consensu ordinum omnium confirmamus. Ius patronatus, quod ad Nos pertinebat, perpetuis temporibus in idem collegium Cracouense transfundimus.*

Anno 1613 tit. *Akademia Krakowska*, regnante eodem SIGISMUNDO III, *Quamuis academia Cracouensis bene iure firmata sit, secundum foundationem pia memoriae serenissimorum regum Poloniae, tamen illam et praesenti constitutione stabilimus, omnia priuilegia huic academiae data, praerogatiuas et ornamenta in toto approbanda, et in usu antiquo plene conseruando.*

Anno 1633, regnante VLADISLAO IV, sic statutum est: *Quandoquidem ius patronatus academiae Cracouensis ad totam rempublicam spectat, et certa decreta roae Romanae in causa, inter aliam academiam Cracouensem, et patres Societatis Iesu, respectu erectionis et foundationis scholarum intercesserunt, ideo Nos, sicut in pactis Nostreis Nos obligauimus, procurando pacificationem istius academiae, apud summum Pontificem Nos interponemus, ut causa in integrum restituta, ad decisionem Nostram, et totius reipublicae, hanc causam remittere dignetur, ubi et ius patronatus reipublicae et iura academiae in toto conseruare promittimus, quae illi tam a pia memoriae VLADISLAO IAGELLONE rege, et ab aliis antecessoribus Nostreis data et concessa, et inter alia istius reipublicae iura in volumine legum inserta sunt, tam in toto, quam in parte approbamus.*

A. 1635, tit. *Akademia Krakowska* eodem regnante rege VLADISLAO IV sic statutum: *confirmando omnia iura academiae Cracouensis, secundum constitutionem felicitis coronationis Nostreae et declarationem summi pontificis, scholas omnes in genere a patribus*

Societatis Iesu cum praepedimento eiusdem academiae apertas occludimus, et in posterum ne aperiantur, aut aliae quocunque praetextu erigantur perpetuis temporibus, absque consensu omnium ordinum, in ciuitate Nostra principali Cracouiensi, et ciuitatibus eidem adiacentibus, Casimiria, Stradomia, Clepardia, cauemus. Monasteriorum tamen priuatis illorum studiis pro solis eorum religiosi secundum usum et consuetudinem, non praeiudicamus, et praeter ea ius illustrissimorum dominorum episcoporum, secundum statutum, ad attendendum ordini eiusdem academiae Cracouiensis, totaliter conseruamus. Alia autem omnia collegia Societatis Iesu, tam in regno, quam in magno ducatu Litvaniae et in prouinciis ad regnum et magnum ducatum Litvaniae spectantibus, fundata, et quae postea cum consensu reipublicae fundabuntur, respiciendo fructus in ecclesia Dei ex labore illorum emicantes, et hodiernam erga Nos et rempublicam submisionem, non tantum confirmamus, sed et sub protectionem Nostram et successorum Nostrorum et totius reipublicae, non derogando quidquam iuri academiae Cracouiensis, suscipimus.

A. 1655 sub titulo: Wyprawa piechoty Janowey, regnante IOANNE CASIMIRO statutum: haec academia Cracouiensis liberata est ab expeditione militis peditatus, ex laneis tam villarum ad mensam vniuersitatis et contuberniorum, dictorum BYRS, spectantium, quam ex domibus in ciuitate Cracouiensi existentibus.

A. 1658 regnante IOANNE CASIMIRO tit. Akademia Krakowska statutum: Sciendo optime, quantum conducatur reipublicae cuilibet inuigilatio circa eruditionem et doctrinam iuuenum, ex qua omnis felicitas eius emicat, et volendo professores academiae Cracouiensis ad solitam filiorum regni informationem animare, quamuis etiam singularibus a pientissimis antecessoribus Nostris donata est praerogatiuis, illam tamen modo per hostem in ecclesiis, residentiis, contuberniis studiorum, in censibus reemprionalibus, maxime exuisceratam, ab omnibus contributionibus ciuilibus, consensu vnanimi omnium ordinum totaliter liberam facimus. Respectu tamen istius, quod concernit ciuitatem Cracouiensem cum illustrissimo domino episcopo Cracouiensi, academia conferat.

A. 1669 §. a na ostatek, rex MICHAEL obligauit se confirmaturum omnia iura, libertates, immunitates, priuilegia, statuta regni et magni duc. Litvaniae, statui spirituali et saeculari, tum academiae Cracouiensi iuste et legitime data.

A. 1676 sub tempus coronationis IOANNIS III, tit. Akademia Krakowska sic habetur: Academiam Cracouiensem notabiliter de hac republica, ab aliquot centenis annis meritam, secundum statutum, sub tit. schola regni, ab omnibus oneribus liberam esse declaramus, et illam penes iura, priuilegia, libertates, constitutionibus regni firmatas, perpetuis temporibus, conseruamus.

A. 1678 tit. Fundatio theologiey Warszawskiey regnante IOANNE III, haec fundatio per constitutionem abrogata est his verbis: fundationem theologiae Varsouiensis, in praeteritis comitiis sine scitu reipublicae, in volumen legum cum iniuria priuatorum inductam tollimus et cassamus.

Notandum ex ZALASOVII iure regni Poloniae Tom. I. p. 192 hanc constitutionem pro fundatione theologiae studii Varsoviae obtinuisse patres Societatis Iesu a. 1677, fol. 33 sub tit. fundacya theologiey, promouente illustrissimo olim STANISLAO SWIENCICKI, episcopo Chelmenfi, fundatore istius theologiae, super omnibus bonis suis, exceptis MILANOWO et HORODYSZCZE, iure inchoato vindicandis, prout constitutio ipsa loquitur loco citato. Ne quis autem credat, per abrogationem huius legis simul et facultatem docendi theologiam patribus e Societate Iesu adema-

ademptam esse, sciendum, dictam constitutionem bona tantum p. m. episcopi Chelmenensis SWIENCICKI ad fundationem scholae theologiae Varlauiae destinata, concernere, quae ad haeredes episcopi rediere, non autem facultatem docendi theologiam.

In constitutione A. 1685, tit. *Konsens Akademiej Krakowskiej*, regnante eodem IOANNE III, datus est consensus ad emenda bona terrestria, et approbata sunt omnia iura almae vniuersitatis Cracouiensis his verbis: *Habendo respectum tenuis fundationis academiae Cracouiensis, ex qua professores laborantes, et iuuentus nobilium in variis censuum fundationibus remanens, debitam prouisionem habere non possunt, iura omnia, a Nobis et serenissimis antecessoribus Nostis vniuersitati data, approbamus. Et ut pro summis, quae fuerant modo reemptionali ex bonis terrestribus leuatae, hoc est, summam sexaginta aliquot millium florenorum Polonicorum, in totum computando, non excedentem, pro sustentandis necessitatibus vniuersitatis, bona terrestria in palatinatu Cracouiensi emanant, praesenti constitutione concedimus, saluis iuribus terrestribus et oneribus reipublicae.*

A. 1733 ex pactis conuentis serenissimi ac longe indulgentissimi regis nostri AVGVSTI III, de academia Cracouiensi haec memoria sunt digna: *Academiam Cracouiensem, ut de republica meritissimam, omnium scientiarum magistram, circa instructionem studiosorum infatigabilem, circa productionem magnorum et dignorum virorum sollicitam, circa antiqua iura et priuilegia nunquam mutanda conseruabimus. Imo in illius augmentum ulterioris gratiae Nostrae nullam praetermitteremus occasionem.*

Ad academiam Cracouiensem pertinet etiam fundatio Garuasciana, regni lege approbata a. 1662, fol. 23, tit. *approbatio fundationis Garuascianae*, tenoris sequentis: *ad instantiam exercitus nostri regni, fundationem perillustis et admodum reuerendi olim GARWASKI, canonici Cracouiensis, pro filiis nobilium, in academia Cracouiensi factam, in toto approbamus, et villas ad hanc fundationem spectantes SIERADZICE et WRZOSZOWICE, in palatinatu Cracouiensi iacentes, ab omnibus oneribus militaribus, in perpetuum liberat facimus, et circa eadem iura terrestria, prout primitus erant, conseruamus.*

Non inutile nunc videtur varia, quae de academia Cracouiensi variis in Synodis prouincialibus statuta fuere, hic adponere. In Synodo prouinciali Gnesnensi Petricouiae a. 1542 celebrata, praesidente illustrissimo PETRO GAMRATO, archiepiscopo Gnesnensi, prout in constitutionibus prouincialibus lib. IV. fol. 260 habetur, de salariis, professoribus academiae Cracouiensis soluendis, decretum est, his verbis: *pro reformanda vniuersitate Cracouiensi, matre nostra, et prouentibus lectorum augendis, et aliunde vocandis, legista et duobus literarum humaniorum professoribus, reuerendissimus dominus archiepiscopus Gnesnensis inhaerendo deliberationi, in proxime praeterita synodo factae, promisit in hac sacra synodo se daturum centum ducatos auri in auro, ratione ecclesiae Gnesnensis. Ratione vero ecclesiae Cracouiensis similiter centum in auro ducatos, Cuiauiensis centum florenos in moneta, per mediam sexagenam, et Plocensis similiter etiam centum. Poshnienensis similiter centum per mediam sexagenam, ex decreto et ordinatione Synodi reuerendissimi domini Poshnienensis et reliquorum dominorum episcoporum nuntiis consentientibus, dare et soluere debebunt, ad quod capitula ecclesiarum praedictarum consensus suos praestare pollicita sunt: attento, quod hoc sanctum propositum, in totius regni utilitatem publicam vergere dignoscatur, et quod absentes domini episcopi admoneantur vigore praesentis synodi, ut decretum praesens exequantur, et capitulorum consensus obtineant,*

neant, sub poena centum aureorum ungaricalium, per synodum, seu alias reuerendissimum dominum archiepiscopum, a singulis exigenda ad unius anni decursum. Domini vero abbates in eadem synodo praesentes, propter absentiam aliorum abbatum et religiosorum, et quod de ea re cum fratribus suis tractatus et consilia non habuerunt, distulerunt hoc negotium in aliam deliberationem et responsionem. Debent autem domini archiepiscopus et episcopi precibus supplicibus diligenter instare apud sacram regiam maiestatem, ut sua maiestas ad tam sanctum et laudabile et necessarium opus, de suis prouentibus aliquem censum perpetuum praedictae uniuersitati constituat.

In eadem synodo statutum est: ut archiepiscopi et episcopi, eorumque in spiritibus vicarii, omnes scholas reformare diligenter curent, praesertim uniuersitatem studii Cracouiensis, veluti matrem et alumniam omnium studiosorum in moribus et disciplina. Inquiratur etiam diligenter per archidiaconos et inquisitores, de paedagogis in domibus nobilium et ciuium, ne aliquos libros suspectos legant, et in sacra fide corrumpantur.

A. 1561 in synodo prouinciali Gnesnensi, praesidente illustrissimo domino IOANNE PRZEREMBSKI, archiepiscopo Gnesnensi, Lib. IV. fol. 263 constituit. prouinc. Gnesnensium decreuit sacra synodus: ut scholae in uniuersum omnes, tam particulares, quam uniuersales reformentur, praesertim studium Cracouiense iuxta dispositionem statutorum, reuerendissimus dom. episcopus Cracouiensis una cum suo venerabili capitulo reformet. Caeteri vero reuerendissimi domini loci ordinarii scholas particulares, tam circa metropolitanas, cathedrales et collegiatas, quam etiam in parochialibus ecclesiis reformare curent, ac dominos scholasticos, aut illos praelatos ad quos de iure vel erectione aut fundatione, prouiso scholarum pertinet, magistros et praeceptores honestis salariis, praesertim si habeant praelaturas suas bene dotatas, prouidere compellant. Si vero aliqua dotatio antiqua particularibus scholis per parachos, aut quosuis alios fuerit adempta, per uisitatores suos illam dotationem restitui mandent.

A. 1607 in synodo prouinciali Gnesnensi sub illustrissimo domino BERNARDO MACIEIOWSKI, S. R. E. cardinali, tituli S. Ioannis ante portam Latinam, archiepiscopo Gnesnensi, Petricouiae celebrata, decretum est: Cum academia Cracouiensis sit in hoc regno vetus ecclesiae Dei et reipublicae seminarium, cuius eruditio et doctrina in omnes regni partes diffunditur, reuerendissimi domini, archiepiscopus et episcopi, rogatu totius cleri, stipendium professoribus eius, iam antea in synodo Petricouiensi, anno 1577. constitutum, et per sedem apostolicam confirmatum, in executionem debitam deducere, illudque quotannis pro festo epiphaniae domini, dare et conferre promiserunt, sub poena dupli in non soluentes, per illustrissimum dom. archiepiscopum pro tempore existentem, ad instantiam rectoris eiusdem academiae, extendenda. Insuper ad augendum hoc idem stipendium reuerendissimus dominus IO. ZAMOYSKI, archiepiscopus Leopoliensis, per reuerendum D. VALENTINUM WARGOCKI decanum, nuntium suum Leopoliensem, quadraginta, reuerendissimus vero PAVLVS WOLVCKI, episcopus Culmensis, triginta florenos pecuniae, monetae et numeri Polonicae, se soluturos quotannis pro eodem festo epiphaniae domini, synodaliter obtulerunt. Ut autem haec extraordinaria stipendiorum accessio cum fructu studiorum distribuatur, sancta synodus reuerendissimo dom. episcopo Cracouiensi, ad quem potissima cura academiae, tanquam cancellarium ipsius pertinet, commisit, ut per se, vel per aliquos viros prudentes et graues reformationi eiusdem academiae diligentissime intendat, iuxta praescriptum constitutionis synodi prouincialis anni millesimi quingentesimi septuagesimi septimi.

A. 1621 in synodo prouinciali ab illustrissimo dom. LAURENTIO GEMBI-CKI, archiepiscopo Gnesnensi, die XXVI mensis Aprilis Petricouiae celebrata, fol. 29 de stipendiis soluendis professoribus academiae Cracouiensis sic habetur: *ut academia Cracouiensis, quae ecclesiae Dei et istius regni antiquum est seminarium et ornamentum, debita professoribus stipendia, anteriorum synodorum prouincialium anno millesimo quingentesimo septuagesimo septimo, et millesimo sexcentesimo septimo decretis, per sedem apostolicam confirmatis, liberaliter constituta, ab illustrissimis et reuerendissimis prouinciae episcopis quotannis persoluantur, eadem statuta prouincialia antiqua et recentiora innouat praesens synodus, et in executionem deduci mandat. Et quia valor aureorum Vngaricorum, qui in dictis constitutionibus specificantur, in tantum iam excreuit, ut aestimationem illius temporis, quo primum, ante octuaginta annos, de augendis prouentibus professorum Cracouiensium, ordinatio synodalis facta est, plus dimidio excedat, declaramus praesentis synodi auctoritate, aureos in praedictis legibus debere intelligi de aureis, quorum singuli duos tantum florenos Polonicos ex antiquo valebant, ita ut pro centum aureis ducenti duntaxat floreni Polonici academicis Professoribus numerari debeant.*

A. 1628 in synodo prouinciali ab illustrissimo et reuerendissimo domino IOHANNES WENZYK, archiepiscopo Gnesnensi die XXII mensis Maii Petricouiae celebrata, fol. 92 de academia Cracouiensi haec habentur: *quia nuper lis de iure legendi, siue docendi, Cracouiae inter academiam et patres Societatis Iesu exorta, ad iudicium sanctae sedis apostolicae est deuoluta, monet et hortatur synodus, ne ab utrinque scripta aliqua, quae occasionem scandali Christi fidelibus praebere possint, edantur, aut imprimantur, sed utraque pars sententiam et decisionem iudicii sanctae sedis apostolicae, cuius supremae auctoritati omnes obedire debemus, expectet, illique, ut debet, pareat et obsequatur.*

Ne quid studio ad historiam academiae Cracouiensis pertinens omis-
sisse videar, ea etiam hic adiicienda sunt, quae in conuentu generali Cor-
cinenfi A. 1669 mense Februario in fauorem almae Cracouiensis statuta
sunt huius tenoris:

*Academia Cracouiensis, mater et magistra doctrinarum et scientiarum in patria nostra, ut penes sua iura et priuilegia remaneat, et per erectionem nouarum scholarum, uti sine consensu reipublicae apertarum, non eneructur, et apertae, sine scitu ordinum, oc-
cludantur, praecipue recenter erectae praeter mentem reipublicae scholae patrum Societatis Iesu Varsoviae, reassumendo constitutionem anni 1635. Nec appendix in constitutionibus a. 1667, sub tit. approbatio piarum scholarum, quidquid operetur.*

Hi enim patres piarum scholarum (sunt verba ZALASOVII, in iure regni Poloniae Tom. I. p. 592) obtinuerant subreptitie constitutionem a. 1667, fol. 43 sub tit. approbatio piarum scholarum talem: „*foundationes in dominio nostro clericorum, pauperum matris Dei piarum scholarum, cum annuali in salisfodinis Nostri Vieli-
„censibus, a summa mille sexcentorum florenorum Polonicalium, prouisione, aucto-
„ritate modernorum comitorum approbamus, et ut iuxta institutum suum doceant,
„concedimus, non derogando iuribus et priuilegiis patrum Societatis Iesu iuxta con-
„stitutionem anni 1635.„ quae constitutio, dicit ZALASOVIVS, in praesentia or-
dinum non fuit publice lecta, sed circa correctionem constitutionum clam supposita.
Nam ego tunc ab alma vniuersitate Cracouiensi ablegatus missus fui, ideo qualiter
factum*

factum sit, optime scio. Obtinuerant iidem patres aliam constitutionem a. 1677 fol. 32 sub tit. *approbatio pauperum maris Dei*, super fundandas scholas Petricouiae et penes ecclesiam parochialem et xenodochii Chelmensem, quae videnda.

Adiiciemus nunc ad calcem huius capitis, quae collegia, contubernia, aliasque scholas, academia Cracouiensis possidet, de quibus ZALASO VIVS in iure regni Poloniae Tom. I. pag. 597, edit. Posnaniensis, sequentia habet:

Alma academia Cracouiensis habet collegia tria. *Collegium maius*, in quo sacrae theologiae et philosophiae doctores et professores resident. *Collegium minus*, in quo philosophiae doctores et professores manent. *Collegium iurisperitorum*, in quo iuris utriusque doctores et professores habitant, et tam iuris canonici, quam ciuilem lectiones praeflegunt. Medici autem quia communissime vxorati sunt, extra collegium manent, quisque in propria domo, qui in lectorio Galeni collegii maioris, certis anni temporibus in medica scientia lectiones tradunt.

Contubernia autem, quae vulgo burfae appellantur, habet numero septem. *Contubernium iurisperitorum*, a Dlugosso erectum, in quo studiosi Astracae, idque nobiles, manet. *Contubernium*, seu burfa, *pauperum*, Jagellonianum. *Contubernium philosophorum*, Noscouianum appellatum. *Contubernium Hierusalem*, seu burfa Oleiniana. *Contubernium Zysinianum*. *Contubernium Staringilianum*. *Contubernium Smiescouianum*. Habet et collegium, seu classes artium humaniorum.

His adiunguntur scholae parochiales, numero quatuordecim, sparsae per urbem, in quibus iuuentus instituitur, rudimentis grammaticae a magistris academiae Cracouiensis.

Omnia praefata collegia, contubernia, et scholae parochiales a magnifico domino rectore generali academiae Cracouiensis dependent, et eum pro capite suo agnoscunt.

Praeter haec collegia, contubernia et parochiales, quae intra et extra urbem sunt constitutae, et ad vniuersitatem Cracouiensem ipsiusque rectorem referuntur, sunt et aliae academiae, coloniae et parochiales scholae, per alias regni Poloniae et magni ducatus Lithuaniae prouincias erectae, ab vniuersitate et academia Cracouiensi, tanquam matre et generali schola regni illiusque rectore, pro tempore existente, dependentiam habentes, et iurisdictioni eius subiacentes, praeter academiam Zamoscensem, quae similibus gaudet priuilegiis et immunitatibus, quoad Doctoratus in theologia et iurisprudencia conferendos, habetque suum rectorem, Doctores et professores. Sunt autem coloniae generaliores sub iurisdictione rectoris Cracouiensis secundum FORMANKOVICVM in suo geographico libro circiter quadraginta. Praecipuae illarum sunt, Posnaniensis, Neocorcinensis, Vidauensis, Albae ducalis, Culmenensis, Leopoliensis.

Continuationem historiae academiae Cracouiensis in trimestri sequenti suppeditabimus.

V.

*Vitae archiepiscoporum Gnesnensium, seu regni
Poloniae primatum, ab XXXIII vsque ad XL archiepiscopum*.*

ALBERTVS IASTRZEMBIEC, archiepiscopus Gnesnensis XXXIII, natus patre DERSLAO, matre CHRISTINA, in pago prope Paczanouiam oppidum, Lubnica dicto. Parens Albertum, pedes peditem, vt Dlugoffius ait, Bensouam, militarem villam adduxit, et ludimagistro pagano commendauit. Hoc in pago deinde, episcopus factus, sacras aedes aedificauit coctis lateribus, patris votum implens, quo is filium obstrinxit, si quando antistes euaderet, in easque religiosam coloniam sodalium S. Pauli primi eremitaie introduxit ac fundauit. Sacerdotium primum in basilica cathedrali Cracouiensi adeptus, deinde HEDVIGIS reginae, VLADISLAI IAGELLONIS consortis, fuit cancellarius. Post translationem NICOLAI CVROVII ad episcopatum Vladislauensem, Poseniensis episcopus nominatus a rege anno 1399, die XVI calend. Maii, a BONIFACIO IX confirmatus. Per quatuordecim annos fuit antistes Poseniensis, quo tempore insimulatus fuit, magnum thesaurum, a priscis regibus Poloniae in ecclesia Poseniensi repositum, sustulisse eum, inque vsum priuatum conuertisse. Aestu ambitionis insolito, PETRVM WYSZ, ex cathedra Cracouiensi, quam viginti annis rexerat, ad Poseniensem ecclesiam detrudi, regia accedente voluntate, curauit, et viuente eo in possessionem episcopatus Cracouiensis irrepfit, contra omnem iustitiam. Indignationem ELISABETHA, regina, aduersus Albertum acerbiorum conceperat, cum, quod is matrimonium suum cum rege improbauit, tum quod IOANNI de PILCA filio, regio priuigno, quem VINCENTIO GRANOVIO pepererat, diploma super comitatum Iaroslauensem, quo is a rege, contra leges publicas ornatus fuerat, obsequare detrectauit. Tantum effecit apud regem ELISABETHA, vt sunt efficaces apud viros susurri muliebres, vt Alberto indicta causa cancellarii magistratum abrogaret. Cum ecclesiae Cracouiensi annis prope duodecim praefuisset, abeunte e viuis NICOLAO TROMBA, inuitus et reluctans, vt CROMERVS testatur, ad ecclesiam translatus metropolitanam, quam translationem ratam firmanque habuit MARTINVS V, pontificatus sui anno sexto, a Christo nato, anno 1423, quo Gnesnam venit Albertus, curam pastorem aspiciatus. Mortua ELISABETHA PILECIA, tertia VLADISLAI IAGELLONIS vxore, rex in matrimonium duxit SOPHIAM, Kiiouiensem ducis ANDREAE et VITOLDI sororis filiam, cui solenni ritu Cracouiae diadema imposuit Albertus d. XII Febr. 1424. Huius actus solennitati praesentes aderant SIGISMUNDVS imperator cum BARBARA vxore, et ERICVS, Danorum rex, praeter varios alios principes. Cum ex hoc cum SOPHIA matrimonio eodem anno filius, ingenti regis laetitia, natus esset, sanctiori vnda eum post quartum mensem abluit, imposito VLADISLAI nomine, Albertus. Adfuerunt variorum principum legati cum amplissi-

G 2

* Vitas archiepiscoporum Gnesnensium a primo, VILIBALDO, Gallo, vsque ad trigessimum secundum, NICOLAVM TROMBAM, iam in tertia et quarta bibliothecae Varsauiensis parte suppeditauit.

plissimis donis puerperae allatis, Vitoldus etiam centum librarum cunas argenteas puero miserat. Mortuo rege VLADISLAVO IAGELLONE, Grodoci, quod oppidum est Russiae, quarto distans lapide a Leopoli, VLADISLAVM in basilica Craconiensi, solenni ritu, diademate imposito, regem inauguravit, d. XXV Iulii, anno 1434. In ecclesia metropolitana duo fundavit demensā, quae vulgo praebendas dicunt, alterum theologo, alterum iuriconsulto, debita, aliaque nonnulla pia opera fecit. Limites controuersos in bonis archiepiscopalibus in tranquillum redegit statum. Sanguinem proprium impensius amavit, illique augendo atque euehendo totum se impendit, et, ut sic dictum nepotismum ditaret, magna coemit latifundia, ut bona Rytwianensia a successoribus Curouii archiepiscopi, et varia alia. Historiae Polonae scriptores, Albertum, neque magni animi, neque consilii, fuisse circa boni publici conseruationem, notarunt, insuper animi pusilli et timidum. Anno 1436, die II Sept. fatis cessit Mnichouiciis, villa archiepiscopali in terra Rauensi, humatus in ecclesia Benzouienſi sodalium Paulinorum, quam ipse viuens aedificauit et dotauit. Per tredecim annos fuit archiepiscopus. Aetatem eius scriptores non adii-ciunt, sed ex dictis patet, ultra sexaginta annos Albertum vixisse. Tempore Alberti nostri crucigeri in Prussia clade ingenti per VLADISLAVM IAGELLONEM, Poloniae regem, profligati sunt anno 1410. IOANNES GROTKOVIVS, vitas archiepiscoporum Gnesnensium breuiter concinnans, haec de Alberto dicit: *vir magnus in republica, sed interdum consiliorum reipublicae inutilium auctor, quam ob rem magno omnium odio conflagrauit. Porro in dicenda sententia, praesertim in consilio publico perplexus, in veritate regi dicenda pusillanimis et longis verborum ambagibus uti solitus.* IANICII, Poloni poetae celeberrimi, tetrastichon, sequens est:

Arduus accipiter *) terris haudmersus opacis
Praepes in aethereis militat vsque plagis.
Nec magis hic opibus, quam multis clarus amicis
In tarda celebris posteritate viget.

VINCENTIVS II. KOTH de DEMBICO, archiepiscopus XXXIV. Haereditarius pagus, in quo bonis parentibus natus primam aspexit lucem, in hanc vsque diem extat ad Vartham fluium, prope Pyzdros. Stemma eius ex tribus consistebat rosis. Omnibus bonis literis imbutus et in externis academiis laurea doctorali decorus, primum custos Gnesnensis, deinde, cantor Craconiensis factus, paulo post ei, non ambienti, ordinum regni decreto regionum liberorum educandorum atque instituendorum sparta demandata fuit, quam naſtam egregie exornauit, tantumque apud VLADISLAVM IAGELLONIDEM fauoris meruit, ut cum ad magistrum procancellarii promouerit, quo munere cum eximia integritatis existimatione perfunctus, mortuo Alberto archiepiscopo, a sacro basilicae metropolitanae collegio archiepiscopus electus fuit. Displicebat haec electio proceribus et regis curatoribus, quibus frustra reclamantibus iuri electionis minime derogatum. EVGENIVS IV, summus pontifex ratam habuit hanc electionem, et a. 1437. SBIGNEVS episcopus Craconiensis, assistentibus CONRADO Vratislauenſi et STANISLAVO dicto CIOLEK Poſnaniensi, episcopis, sacro insigniuit caractere episcopali. Licet posses-

*) Iastrzab in lingua Polona significat accipitrem.

possessionem archiepiscopatus iam habuerit, magno tamen motu a consiliariis et regis curatoribus agitatum ut electus et consecratus Vincentius iure suo cederet episcopo Vladislauensi verum nequaquam induci potuit, ut ad inferiorem descenderet gradum. AMADAEVS, Sabaudiae dux, sub nomine Felicis V, antipapa creatus, Vincentium archiepiscopum, teste ALPHONSO CIACONO, in vitis pontificum et cardinalium, in quarta creatione pseudo-cardinalium, purpuratum renunciauit, is vero nunquam purpuram induit. Cum VLADISLAVS rex, facta cum Turcis ad decem annos pace, fidem frangeret, suasu IULIANI cardinalis, qui Vladislauem a nexu iuramenti, quo foedus cum Turcis sanciebatur, exoluit, et ad Varnam misere iuuenis periret, CASIMIRVS Vladislai frater germanus rex electus fuit, ad eumque missi oratores, qui electionem denunciarent, inter quos primus Vincentius erat, qui regem CASIMIRVM Craconiae die XXVI Iunii anno 1447 diademate redimiuit. Vincentius in propaganda fide fuit seruens. Iam enim ea tempestate, IOANNIS HUSSII, aut potius VICLEFI dogma clandestine in Poloniam irrepfit. In vicino Gnesnae oppido KLEIKO ludimagister Matthias de Radzieiow, cum hanc doctrinam spargeret, ac sub utraque specie sacram synaxin frequentare praesumeret, seuerius in eum animaduertit archiepiscopus. Iurium bonorumque ecclesiae vigilantem se declarauit defensorem. Multarum ecclesiarum dotem, decimis a mensa auulsis, auxit, multaque alia bona perfecit opera. Canonicos regulares Lateranenses ad ecclesiam S. Nicolai Calissii fundauit, eamque in collegiatam erexit. Paprocius refert eundem archiepiscopum ad postulationem ANNAE, Boleslai ducis Masouiae, consortis, decimas, ad centum marcas aestimatas, Varsauensi collegiatae donasse ac transcripsisse. Valetudine fuit adeo infirma, ut surgens a mensa nec currui vehi, nec equitare vllatenus potuerit, quo languore oppressus VNIEIOVIAE d. XIV Augusti 1448 mortalitatis cursum consummauit, Gnesnae sepultus, cum per XII annos fuisset archiepiscopus. CLEMENS IANICIVS hoc scripsit elogium, ut et de sequentibus archiepiscopis:

Effusus donator opum, sumptuque superbo.

A mensa stomachi languidioris erat.

Hunc noua cardineo texit fortuna galero,

Sarmatico nulli quod dedit ante viro.

VLADISLAVS OPOROWSKI, archiepiscopus XXXV, natus in terra Lanciensi, patre Nicolao, palatino Lanciensi, matre christina. Iuuenis ita literis excultus, ut decretorum renunciatus Doctor, in aula comparens regia, per minora sacerdotia decanatus Cracouiensis ac Lanciensis praepositurae ad regni procancellariatum inde ad episcopatum Vladislauensem pertenerit. Hanc ecclesiam cum per annos sedecim et menses octo gubernasset, fortuna votis suis ancillante, ad ecclesiam Gnesnensem fecit gradum. Translationem firmam habuit NICOLAVS V, ecclesiam autem metropolitanam salutauit VIII Sept. 1449. In conuentu generali Petricouiae magna exorta est controuersia de praerogatiua et primo dicendae sententiae in senatu loco, inter archiepiscopum Gnesnensem et Sbigneum, episcopum Cracouensem, cui NICOLAVS V purpureum miserat galereum, ob quam archiepiscopus, ne principem amitteret locum, eam omnibus maiorum Polonorum proceribus, qui et ipsi praerogatiuam illam ad minorem Poloniam a se nolebant transferri, ex illa consultatione discessit. Interim absente archiepiscopo primus locus datus SBIGNEO, eoque absente sciscere placuit legem,

legem, ut ecclesia Gnesnensis praepositor Cracouiensi, purpura Romani pontificis et legationes non ambiantur, et archiepiscopus et cardinalis alternis vicibus ad senatum accederent. In huius archiepiscopi tempora incidit iubilaeum generale a NICOLAO V, summo pontifice publicatum a. 1451, quod, a mense Decembri ad ultimam Augusti, anni subsequentis, durabat. Qui gratiam eam assequi volebat, unam e quatuor ecclesiis visitare obligabatur, Gnesnensem, Leopoliensem, Cracouiensem, Vilnensem, ac ibidem tenebatur dimidium eius impensae quod Romano itineri conficiendo suffecisset, in arculam, ad hoc publice expositam, reponere. Trifariam autem nummus hic partiri ordinabatur, una pars regi, pro sumtu belli contra Tartaros, altera Sophiae, reginae matri, pro dote egenarum puellarum designabatur, tertia summo pontifici pro instaurandis Romae templis erat transmittenda. Gnesnae, Leopoli, Vilnae, modicum aes congestum, Cracouiae autem, ut scribit Dlugossus, tres capsulae notabiles, plenae aureis latis grossis, minutaque refoetae pecunia, collectae fuerant. Rex ex Lithuania Cracouiam profectus, ibi tam solenne peregit iubilaeum, inde Louicium venit, quem Vladislaus archiepiscopus omnibus hospitalitatis excepit officiis. Cum collegio metropolitano huius archiepiscopi a Paprocio narrantur acriores similitudines, cum illud strepitu forensi vexaret, easque rescindi contenderet donationes, quas antecessor eius bene meritis, seu toti collegio attribuerat. Coaceruauerat ingens peculium, suisque fuit utilis. Triennio et octo mensibus in cathedra metropolitana exactis, OPOROVII in arce, quam aedificauerat, sideratione nervorum seu paralyti, oppressus, vita perfunctus, anno 1453, die XI Martii, ibidemque in ecclesia, ad quam Paulinos sodales, non ampla dote prouisos, introduxerat, conditus quiescit.

Patre palatino natus est Oporovius, auro

Pinguis, et in facie praemacilentus erat.

Nec mirum, nam membra cibo reficere solebat

Exiguo, medias Tantalus inter aquas.

IOANNES DE SPROWA, archiepiscopus XXXVI, ex ea stirpe nobilissima ODROWONZORVM, unde S. HYACINTHVS sacri ordinis praedicatorum, oriundus. Fuit praepositor Sendomiriensis, canonicus Gnesnensis, scriba regius, electus a metropolitano collegio anno 1453, die XXVII Maii, a NICOLAO V, summo pontifice confirmatus. Cum Casimirus rex cum ELISABETHA, Romanorum imperatoris ALBERTI, Hungariae et Bohemiae regis filia, matrimonium iniret, a 1454, notaque nupta Cracouiam d. IX Februar. splendido comitatu adueniret, exorta disceptatio postridie inter archiepiscopum et Sbigneum cardinalem circa nuptialem caeremoniam, quoniam contrahentibus sponis assisteret, archiepiscopusne, tanquam primas, an Sbigneus cardinalis, in cuius ecclesia cathedrali Cracouiensi actus hic peragebatur. Medium deinde inuentum, ut IOANNES de CAPISTRANO, sodalium S. Francisci regularis obseruantiae in regno Poloniae fundator, sacrum hunc expediret ritum. Cum autem IOANNES CAPISTRANVS Germanicae Polonaeque linguae ignarus esset, is enim ex Bohemia a Sbigneo cardinali in Poloniam vocatus erat, episcopus Cracouiensis autem vtriusque linguae bene peritus, hic, cedente archiepiscopo, regis connubium benedixit, archiepiscopus vero reginam sacro inunctam chrismate, diademate cinxit. Finita nuptiarum festiuitate legati Pruthenorum venire, opem orantes aduersus cruciferos, regique se subiicientes, et Ioan-

nes

nes archiepiscopus post acceptatam deditionem in regis praesentia et totius consilii iuramentum subiectionis et fidelitatis a Pruthenorum legatis excepit. Misit rex in Prussiam ANDREAM de BNIN, episcopum Poshnaniensem, et IOANNEM KONIEC-POLSCIVM, regni cancellarium, qui a tota nobilitate illarum terrarum, tum a ciuitatibus, fidelitatis excepere iuramentum. Coepto cum cruciferis bello, acceptaque Choyniciae ab eis clade, cum bellum continuandum esset, pecuniarumque inopia obstaret, archiepiscopus primus consensit, ut auro, vasisque ecclesiarum sacris publici inopia aerarii subleuaretur. Incidunt in tempora Ioannis archiepiscopi mors ZEMOVITI, Masouiorum, Plocensium, et VLADISLAI, Rauenfium ac Belscensium, ducum, qui ducatus ad regem deuoluebantur. Haecenus ex Lanciciensi territorio marcam sic dictam auri, ducibus Masouis, Rauenfibus et Sochacouiensibus, pendebant archiepiscopi quotannis, iis vero fato sublatis, rex Casimirus pensionem hanc in omne tempus remisit. Hic archiepiscopus uti rempublicam prudenti fulciebat consilio, ita et ecclesiam pia adornauerat liberalitate, reliquam haereditatem fratri germano EVSTACHIO de SPROWA, castellano Radomiensi tabulis vltimae voluntatis designauit. Viger perennatque in hunc diem grata huius archiepiscopi memoria SQVIERNIEWICAE; hoc oppidum enim, vbi antea vicus ignobilis Demba fuerat, ab eo locatum et erectum, eundem agnoscit aedilem, quod iuri Magdeburgico voluit subesse, forum singulis hebdomadibus, diebus saturni, et annum pro festo S. Iacobi ordinauit, anno 1457. Erectionem oppidi confirmauit cum praemissis CASIMIRVS rex. In eodem oppido templum muro struxit idem archiepiscopus. In regimine metropolitanae ecclesiae completis annis decem, mensibus quinque, cum aliquandiu scabie seu impetigine, qui ab adolescentia familiaris ei erat morbus, acrius vexaretur, inde langueret, tandem ad fatalem venit periodum Vnieiouiiae die XV Aprilis a. 1564. Gnesnae sub yrna aerea d. XXX. Apr. tumulatus.

SPROVIVS antiquae, laus, splendor, gloria, gentis,

Illa licet meritis splendida semper erat.

Qualis erat quaeris? dicam nec multa morabor:

Aequauit morum nobilitate genus.

IOANNES GRVSZCZYNSKI, archiepiscopus XXXVII. Origo illi et natale solum, terra Siradiensis, vbi familia rosarum, gentilitium Gruszczyński infigne, in multas stirpes diffusa et propagata erat. Erat filius Ioannis Gruscini, haereditis in Gruszczyce et Gorniewice, castellani, secundum alios, vexilliferi Siradiensis, et Margarethae Naramouiae. Excolta literis iuuenili aetate, nobili custodiae Cracouiensis prouisus sacerdotio, meruit in aula VLADISLAI IAGELLONIDIS, quo ad Varnam occiso, apud regem Casimirum tantum gratiae assequutus, ut magno decoraretur honore. Primum mortuo NICOLAO LASOCIO, ad insulam Vladislauensem peruenit, a NICOLAO V, confirmatus, a. 1450. Excedente deinde e viujs IOANNE de KONIEPOLE, supremo regni cancellario, ad tantum magistratum rex Grusciniū promouit, qui publicae integritati conseruandae promptam et alacrem nauauit operam. Cumque Petricouiensi finito conuentu a. 1456 rex in Lithuaniam itineri se accingeret, Cracouiam diuertit, ibidemque Grusciniū Vladislauensem episcopum et regni cancellarium, maioris Poloniae gubernatorem designauit, eidemque rerum Pruthenicarum curam demandauit. Conuentu generali eodem anno in oppido Kolo indicto finitoque, exolutio stipendiorum exercitui, qui contra crucige-

ros,

ros, conscriptus militabat, consensu procerum decreta, ut collecta pecunia, arbitrio Gruscinii dispensaretur, sancitum est. Completis annis duodecim, mensibus sex, in regimine Vladislavienſis ecclesiae, Io. Gruscinus, ab obitu Strempinii, vacantem Cracouienſem episcopatum, tanquam pinguiorem, ingenti ambebat conatu, Rex etiam valde electionem eius commendabat, sed aliter factum, et unanimi consensu IO. LVTECVS BRZEZIVS, archidiaconus Gnesnensis, canonicus Cracouienſis electus fuit episcopus Cracouienſis, qui postea regia indignatione territus iure suo cessit. Aegrius rex tulit, cum PIVS II pontifex, praevertendo electionem actumque illius rescindendo, Sbignei cardinalis agnatum, IACOBVM de SIENNO, Gnesnensem et Cracouienſem praepositum, ad eam promoueret ecclesiam, qui etiam a bonis et possessione episcopatus Cracouienſis exclusus fuit. Quo facto Gruscinus ecclesiae Cracouienſis capeſſiuit regimen, non expedito, ut canones praescribunt, diplomate Pontificio super translatione et adenda possessione bonorum mensae episcopalis. Cumque vnus anni spatium et quatuor mensium in ecclesiae Cracouienſis gubernatione compleuiſſet, mortuo Sprouio, a rege propositus ut archiepiscopus eligeretur, quod factum, eodemque anno a PAVLO II pontifice, confirmatus fuit. Regni sigillum maius, indulgente rege, vna cum archiepiscopatu retinuit. Cum primum sponsam salutarer, credebatur eum donarium aliquod maioris pretii ecclesiae metropolitanae collaturum, verum nihil horum factum, quin imo ex sacra ecclesiae supelleſtile multa ornamenta lapidibus pretiosis auroque decora narratur accepisse. Argentum elaboratum, quod antecessor eius ecclesiae Gnesnensi dederat, cum regem in Prussiam proficiscentem comitaretur, facta restitutionis cautione, quasi mutuo sumiſſit, sed nunquam postea restituit. Anno 1466, die lunae, XX Ianuarii, archiepiscopus Lanciciae provincialem congregavit synodum, in qua inter alia stipendium impositum ex proventu omnium sacerdotiorum in regno, pro impensis belli in Prussia contra crucigeros. In eadem synodo contra PIENIAVSCIVM, archidiaconum Gnesnensem, NICOLAI BOGLEVII, Palatini Varſaviae, causa iudicata fuit. Horrendum facinus commiserat archidiaconus Pieniaſki, qui non solum filiae, IOANNIS ROGALAE, palatini olim Varſaviae, et vxoris IACOBI BOGLEVII, Dorotheae, stuprator erat, sed etiam ea conſcia et adiutrice maritum eius dormientem crudeliter necavit. Concordibus votis decrevit synodus, ut Pieniaſki, tam enormis conuictus sceleris, degradatus ad perpetuum detruderetur carcerem. Mulier vero adultera in Prussiam aufugit. Gruscinii temporibus rex pacem cum crucigeris fecit mediante apostolico legato, Rudolpho, episcopo Lauantino, vi cuius rex Pomeraniam, Culmenſem et Michalouienſem terram, Mariaeburgum cum insula maiori, Stumam, Derſauiam, Elbingam cum sex pagis, quondam ad arcem Hollandiae spectantibus, retinuit, reliqua cruciferis relicta. Archiepiscopus illo tempore erat cum rege Thorunij, vbi sacramentum de seruanda pace, tam a rege, quam a supremo crucigerorum magistro, LVDOVICO ERLICHAVSEN, aliisque proceribus Polonis, et commendatoribus sic dictis, dicebatur. Caeterum scriptores Poloni memoriae prodiderunt, Ioannem Gruscinum sibi et propinquis fuisse diuitem in ecclesia modice liberalem. MARTINVS GROMERVS haec de eo scripsit: „A 1473 venerat euocatus a rege Cracouiam, repentina correptus „apoplexia, ita ut neque sacramentorum in extremo vitae articulo, more christiano „particeps fieret, consentaneum exactae vitae consecutus exitum. Fuit enim in omne „libidinum et audaciae genus proiectus etc. Starouolscius in vitis episcoporum Cra- „couien-

„couensium memorat: cum in tertiam noctis horam comestationem protraxisset, octaua die Octobris subito correptum languore sine omni praeparatione in viam „aeternitatis excessisse.„ Gnesnae tumulatus, vbi haec de eo leguntur: IOANNES de LASKO, archiepiscopus Gnesnensis suo necessario, IOANNI GRVSZCZYNSKI, archiepiscopo Gnesnensi anno 1473, Cracouiae vita functo, hunc cippum posuit. Clemens Ianicius haec de eo scripsit:

Lasciuus, petulans, mollis, propensus in omne

Gruscinus vitium nequitiamque fuit.

Dum bibit ad sacras et cantat nocte lucernas

Protinus incautum mors inopina rapit.

IACOBVS de SIENNO, archiepiscopus XXXVIII, natus patre Dobeslao de Sienna, palatino Sendomiriensi, Sbignei cardinalis patruelis, et Catharina, Demetrii Bozydar regni thesaurarii filia, educationem opibus domesticis conuenientem nactus, togam indutus sanctiorem in aula merebatur Casimiri regis, minoribus auctus sacerdotiis praepositura Gnesnensi et Cracouiensi, a rege a. 1459 ad PIVM II, Pontificem missus, eidemque nomine Casimiri praestitit obedientiam, petiitque ab eodem, vt censurae, a CALIXTO III, suo decessore, in fauorem crucigerorum contra ciuitates Prussiae ob defectionem ab iisdem fulminatae publicataeque, abrogarentur. Eodem fere tempore pontifex Mantuae congregauerat conuentum, ad quem conuocauerat principes Christianorum, vt consulerent de bello Turcis inferendo. Ex mente Casimiri regis rogabat Pontificem Iacobus, vt ordinem crucigerorum ad bellum gerendum cum infidelibus, voto religioso obligatos, ad insulam Tenedon ex terris Prussiae transferret, vbi gloriosius bellum contra Turcas gererent. Non deerant aliorum principum legati, qui Iacobi postulata, vt rei Christianae percommoda, promouebant. Nationis vero Germanicae legatorum alius erat sensus, et pontifex, non adeo Polonis beneuolus, intercessit crucigerorum ex Prussia transmigrationi. Hac legatione perfunctus Iacobus rediit in Poloniam, mortuo Strempinio a pontifice PIO II, Cracouiensi episcopatu prouisus. Quo minus tamen eius capefferet possessionem, acrior indignatio regis obstitit, qui Gruscinum ad cathedram Cracouiensem promouere voluit. Iacobus cum iussu regio in arce Pinczouiensi obsidionem contra se apparari intellexisset, Melstinum cum Ioanne Dlugossio seniore secesserat, annoque integro ibidem se continuit, ab arcis domino, IOANNE MELSTINO, omnibus hospitalitatis excultus officiis, frustra indignante rege. Impetrauerat Iacobus a pontifice PIO II, qui antea vocabatur AENEAS SYLVIVS, acrius, vt vocant, poenale mandatum, quo ii omnes diris deuouebantur, qui eum pro episcopo non agnoscerent. Verum ab eo mandato totum collegium Cracouiensis basilicae, iussu regio et minis inductum, ad futurum concilium vniuersale interposuit appellationem, diuinis tamen cessatum officiis. Qui cum Iacobo faciebant eiusque causae adhaeserunt, omnes pulsi ac cum ignominia eiekti Cracouia. Venerat in Poloniam legatus apostolicus HIERONYMVS, Cretensis archiepiscopus, ad negotium pacis cum crucigeris conficiendum, cui simul pontifex Iacobi causam cognoscendam demandauerat. Cumque legatus affirmaret, episcopatum semel a sede apostolica datum, nullo iure adimi posse, rex regeffit, malle se regno excedere, quam Iacobum pati episcopum, ad quod Hieronymus respondit: praestare vt tria regna pereant, quam ius et auctoritas ecclesiae contemnatur. Iacobus deinde, cum regem agnosceret

sceret implacabilem, consulente legato apostolico, iure episcopatus Cracouiensis cessit a. 1462, quo facto regis offensa contra Iacobum mora languere videbatur, qui huius dolorem sua ad episcopatum Plocensem promotione, mortuo PAVLO GIZICIO, lenire volebat, eumque, ut episcopus Plocensis eligatur, proponebat. Sed canonici Plocenses, posthabita regia commendatione, STIBORIVM de Gosćianice, canonicum Plocensem, episcopum elegere. Hanc repulsam et regiae promotionis improsperum euentum aequo animo tulit Iacobus, nullumque electo facessuit negotium, totque aduersis pressus Romam, commune afflictorum asyllum, profectus, a Pio II bene exceptus, ciuitas et arx Tiburtina eiusdem commissa est gubernationi. Posteaquam vero ab ascensu IOANNIS LVTECI ad Cracouiensem cathedram de Vladislauienſis ecclesiae vacatione Romam fama peruenisset PAVLVS II, Successor Pii II, ad eandem, rege iam non obnitente, promouit eum cathedram, qui iam recollegerat animum contra Iacobum offensum, illic eundem designabat episcopatum. Anno igitur 1464 Roma Cracouiam veniens, inde bona paternae haereditatis renuens die veneris, quae erat XI Martii, Vladislauiam venit, et sponsa in primo salutata ingressu ecclesiae et reipublicae curis se totum impendit. Cum itaque prudentia, dexteritas, vitaeque comperta probitas, non incomperta esset regi CASIMIRO Iacobi de Sienno, quanto acrius eidem erat infensus, tanto post pronius et facilius supremo in regno sacerdotio existimauit cohonestandum. Vacabat a morte Grufcinii sedes metropolitana, et rex ad collegium basilicae metropolitanae viros pro magnae dignitatis expediuit, LVCAM comitem de GORKA, palatinum Posnaniensem, IOANNEM de RYTWIANY, regni mareschalcum, SBIGNEVM de OLESZNICA, vicecancellarium, MATTHIAM MOSZCZYNSKI, maioris Poloniae praefectum, incisorem regni, commisitque iis, ut serio curarent, ne quispiam alius praeter Iacobum archiepiscopus fieret, quae electio, non tamen sine murmure collegii, ad regis mentem successit, confirmata a SIXTO IV, pontifice. Anno 1474 d. VIII mensis Ianii possessionem iniiit cathedrae metropolitanae per mandatarium, donans centum florenos pro ecclesia. Porro ut ecclesiae, ita et reipublicae sollicitam impendit curam, omnesque numeros vigilantiae pastoralis, prudentiaeque impleuit regni primatis. A. 1475 circa festum natalis Domini rex erat Radomia cum Elisabetha regina, ibidemque aduenerant oratores, qui procabant Hedwigim, Casimiri filiam, pro GEORGIO Bauariae duce, cognomento diuite. Ibi praefens erat et Iacobus, cum multis aliis proceribus. Conuentum generalem Petricouiae indixit rex anno 1479, ad publicam subleuandam egestatem, ubi praefens et archiepiscopus fuit. Nouum contributionis genus, *accisa* vocatum, in hoc conuentu decretum, quod quam diu durauit, nullus memorat scriptorum Polonorum. Gedanensis ciuitas eo tempore domestico motu turbari coeperat. Plebs, quod non insuetum in illa ciuitate, contra magistratum insolentius agebat, furibundaque periculosum quid moliri videbatur. Casimirus rex ad nuntium tumultuantis plebis in herba turbas hasce opprimendas existimauit. Negotium sedandi tumultus demandauit Iacobo archiepiscopo et Ioan. Rythwiano, regni mareschalco, qui, ubi Gedanum aduenerunt, furorem illius plebis sedarunt, et magistratui totique ciuitati publicam conciliarunt tranquillitatem. Alia multa, tanquam pastor, praeclara opera perfecit Iacobus, ab omnibus historiarum Poloniae scriptoribus valde laudatus. Volebatur annus a Christo nato 1480, quo intimus Iacobi amicus, IOANNES DLYGOSSIVS, notus ille historiae Poloniae auctor, mortem

cum

cum vita commutauit, quem archiepiscopus tempore autumnii cum magna Christianae pietatis testificatione sequutus est. Facies ad mentum ei erat contractior, caput caluum, statura infra mediocrem, et in repentinos ad iracundiam motus propensior.

Vir pius et patiens, non longam pronus ad iram,

Qui fortis varium pertulit imperium.

Struxit ADALBERTO de marmore mausolaeum,

Dignus, qui tantum conderet vnus opus.

SBIGNEVS de OLESZNICA, archiepiscopus XXXIX, natus in terra Sendomiriensi, vbi nidus et domicilium heroicae Oleszniciorum stirps erat, quae familia cum vltimo haerede IOANNE OLESZNICIO succamerario Sendomiriensi, tum filio eius Stanislao extincta. Parentes Sbignei archiepiscopi, quinam fuerint, ignoratur *. Primum ver iuuenile in veteri musarum domicilio alma academia Cracouiensi literis excoluit, quaesita comparataque extra regni fines literatura cultiori, sacerdos Cracouiensis scholasticus factus. In aula regis CASIMIRI eam doctrinae et integritatis existimationem habebat, vt magistratu procancellarii dignus haberetur. A procancellariatu fauore CASIMIRI ad Vladislaiensem promotus ecclesiam, maturo et graui consilio, rerum vsu subactus, excellebat. Pacis et foederis arbiter, quod paciscebatur CASIMIRVS rex cum MATTHIA, Hungariae rege, negotium pacificationis dextre prudenterque absoluit. Sectam Hussitarum, quae in Vladislaiensi dioecesi a nonnullis disseminabatur, acriori facta inquisitione, suppressit. Tandem ad ecclesiam metropolitanam translatus, SIXTO IV, pontifice approbante, clero populo congratulante a. 1481. Mortuo CASIMIRO rege, in Lithuania a. 1492, persolutisque eidem iustis funebribus Cracouiae, mediis diebus Augusti Petricouiae conuentus pro nouo eligendo rege indictus fuit ab archiepiscopo, qui electum regem IOANNEM ALBERTVM, Casimiri defuncti filium, natu maiorem, solenni ritu Cracouiae coronauit. Sbigneus archiepiscopus iam grandaeuus, aqua intercute, qua iam ante conuentum electionis consuebatur, extinctus est Louicii, ipso die purificat. b. Mariae V. condito testamento, sacrisque Christianis procuratus a. 1493.

H 2

Magna-

* SBIGNEVS archiepiscopus, cum SBIGNEO cardinali et episcopo Cracouiensi non confundendus, prout BARTHOL. PAPROCIVS in stemmatibus nobilitatis Poloniae hallucinatus est, qui Sbigneum archiepiscopum eundem esse dicit, qui fuit episcopus Cracouiensis, et primus cardinalis Polonus, eundemque postmodum ad ecclesiam metropolitanam translatus. Series ipsa annorum luculenter demonstrat, alium Sbigneum fuisse Cracouiensem episcopum et pontificis Romani purpuratum, alium Sbigneum archiepiscopum Gnesnensem, eiusdem quidem nominis et originis, et propinquiori sanguinis gradu Sbigneo Cracouiensi coniunctum. STAROVOLSCIVS in vitis archiepiscoporum et episcoporum Cracouiensium, tum CROMERVS, DLVGOSVS, MIECHOVIVS, integerrima testantur fide Sbigneum cardinalem Sendomiriae die 1 Apr. a. 1455, completis in episcopatus regimine annis triginta duobus, aetatis LXVI annorum mortuum fuisse. Cum Sbigneus vero archiepiscopus, Gnesnensis ecclesiae capefferet gubernacula, a morte Sbignei cardinalis effluerant anni triginta sex. Erat enim annus 1481.

Magnanimus vindex patriae pietatis asylum

Pro grege qui gessit praelia iusta suo.

Huic similem fas est vobis spectare Poloni.

Nunquam Sbigneum, qui superabit, erit.

FRIDERICVS, S. R. E. Cardinalis, princeps Poloniae, archiepiscopus XL, episcopus Cracouiensis.

FRIDERICVS, sextus CASIMIRI regis et ELISABETHAE Austriacae filius, natus Cracouiae anno 1468 d. XXVI Aprilis, a IOANNE LVTECO BRZESIO, episcopo Cracouiensi, d. VIII Maii sanctiori vnda ablatus. Nomen accepit Friderici, rogante id enixius PROTASIO, episcopo Olomucensi, qui tum imperatoris FRIDERICI ad regem venerat legatus, et infantem de sacro leuauit fonte. Primum aetatis florem, cum aliis fratribus, IOANNES DLVGOSVS, ephorus et moderator filiorum CASIMIRI regis, literis imbuit, et ad omnem formauit honestatem. Cumque ad vndeagesimum aetatis peruenisset annum, sanctiorem indutum togam, exempto mortalitate IOANNE, RESSOVIO PVLKOZIO, episcopo Cracouiensi, ad eandem cathedram promouit Casimirus rex Fridericum filium. VRIEL GORCANVS, episcopus Poshnienensis, prima tonsura et minoribus eum initiauit ordinibus d. XXI Aprilis anni 1488. Tandem patre commendante ab INNOCENTIO VIII pontifice confirmatus, illius ecclesiae capeffiuit regimen anno eodem. Quadriennio abhinc, indulgente eodem Pontifice, maiores ordines eidem contulit PAVLVS BODZANTINI, episcopus Laodicensis et suffraganeus Cracouiensis, idque suafu PETRI TOMICII, illo tempore archidiaconi Cracouiensis et canonici Gnesnensis. Hic e studio Bononiensi reuersus, probitatis et doctrinae praeclarus, a parentibus Friderico, quasi parastata erat adiunctus, inorum et actionum quasi censor, grauiorum etiam negotiorum, quae ad illam confluabant aulam, summus arbiter, cum titulo cancellarii. Verum quamuis TOMICII grauitas, vitaeque spectata integritas, Friderici mentem ad saniora flecteret, eoque subinde veniente, pocula, calices, quibuscum sociis suis euacuandis horas insumere consueuerat, procul auferri mandaret, nihilominus patre vita excedente, laxatis habenis in omnem effusus licentiam vitae dissolutioris non gratum reliquit odorem. IOANNEM ALBERTVM fratrem, regem Poloniae in conuentu Petricouiensi, absente Sbigneo archiepiscopo, qui IOANNI, duci Masouiae fauebat, renuntiauit, cumque paulo post cathedra metropolitana, extincto Sbigneo, vacaret, rex Fridericum, germanum fratrem impensius commendauit, requisivitque, vt ad metropolitanam postularetur cathedram, id quod successit, ALEXANDER VI, pontifex, deinde, instante Poloniae rege, retentionem archiepiscopatus cum episcopatu Cracouiensi indulfit, insuper FRIDERICVM sacro purpuratorum patrum aggregauit collegio. Galerius tamen rubeus non nisi post biennium ab vrbe fuit missus. Acta haec anno 1493, in cuius initio, vt notarunt annalium scriptores, adeo mite limpidumque fuerat coelum, vsque ad medium Februarium, vt arbores turgerent gemmis, aues nidificarent, nouosque excluderent foetus, subsecutum deinde frigus intensum per quindecim dies, quod omnia corruptit. Anno 1494 die XXVI Augusti FRIDERICVS Gnesnam cum magno et splendido aduenit comitatu, cui VRIEL GORCANVS, episcopus Poshnienensis, pallium imposuit, quo recepto cum magna cleri populiue frequentia deductus

ductus Fridericus ad ecclesiam metropolitanam, ad conclaue sacri collegii processit, ibidemque iuramento consueto praestito, indutus pontificalibus ad presbyterium et cathedram venit pontificalem. Mortuo IOANNE ALBERTO rege caelibe, a. 1501 Torunii, ubi negotium cum supremo crueigerorum magistro coepit, qui iuramentum fidelitatis praestare noluit, Fridericus conuentum Petricouiae, eligendi noui regis gratia, more recepto designauit, electumque regem ALEXANDRUM renuntiavit, qui, exeunte anno 1502, a Friderico fratre solenni diadematis impositione Poloniae rex inauguratus fuit. HELENA coniunx ALEXANDRI ex Lithuania etiam venit, sed quod Graeco schismati peruiacius addicta, seque a Romana religione plurimum alienam gereret, non permiserunt Poloni, ut aliarum reginarum more coronaretur. Alexander in Lithuaniam profectus Friderico cardinali archiepiscopo fratri, ut gubernatori summam rerum in regno commisit, qui prouinciam sibi delatam cum ea prudentiae ac moderationis commendatione temperauit, ut Alexandri, rebus Lithuanicis intenti, absentiam non aegre ferrent Poloni. Tam ampla vero potestate regnum gubernabat, ut non solum nobilitati, quod tum recepti moris erat, ius diceret, verum etiam dignitates distribueret, rege hoc non improbante. ALEXANDER VI, pontifex circa ortum a. 1500, iubilaeum vniuersale publicauerat, moreque illis temporibus usitato, pecunia, in arculas ad hoc erectas, imponebatur, arbitrio pontificis dispensanda. Cum autem Fridericus regi ALEXANDRO fratri suauissimè, ut eam pecuniam pro retentorum stipendiorum solutione acciperet, eique tradidisset, indigne id tulit pontifex. Erga ecclesias, quarum sponsus fuerat, egregie fuit liberalis Fridericus. Cum in cathedra Cracouiensi annos quindecim, in Gnesensi decem compleuisset, die Martis, quae erat 14 Martii anno 1503, in curia episcopali Cracouiae supremum obiit diem. CROMERVS in suis analibus de vita et moribus Friderici haec memorat: „Fuit Fridericus procera statu-
ra, aspectu decore, ac dignitatis pleno, caeterum ingenio nullo, iners, ignauo otio, crapula et assiduis computationibus, in fumo et sordibus cum gregalibus suis quibusdam marcescens, et ad extremum confectus est, morbo Gallico.” STANISLAUS LUBIENSKI, episcopus Plocensis, in monitis de recte gerendo episcopatu scribit: Fridericum a matre Elisabetha indulgentius habitum, muliebrique assuetum consortio, difficulter postea meliora suadentibus obsequi voluisse. Mirum est reliquos eius fratres omnes, regiis excelluisse virtutibus, hunc e contrario sacris addictum, in meliorem frugem euadere non potuisse. Sepultus est die V. Apr. ante magnam altare in basilica Cracouiensi, sub gradibus, cui SIGISMUNDVS I rex, aureum fabricari curauit mausolaeum cum hac inscriptione:

Hic Fridericus adest Casimiri clara propago
Regis et augustae spes erat alta domus.
Namque sacer culmen cardo venisset ad altum
Ni tantum raperet mors properata decus.
Sed dum saeva tamen voluit fortuna nocere
Profuit, humanis cessit et astra tenet.

Hoc opus Friderico cardinali Casimiri filio, qui triginza quinque annis exactis MDIII die Martii XIV obiit, fratri charissimo D. Sigismundus, Rex Poloniae pienuissimus posuit, ab incarnatione Domini M. D. X.

CLEMENS IANICIVS haec de eo scripsit:

Pene mihi puero, Cracouia, Gnesna, galerus
Contigit. Hei vitae stamina parca meae!
Esse decet qualem magno de rege creatum
Caesareoque virum sanguine, talis eram.

VI.

Traité des fevres malignes epidemiques, qui ont grassé tant a Varsovie, que dans d'autres endroits du Royaume de Pologne etc.

hoc est:

Traëtatus de febris malignis epidemicis, quae grassatae sunt tam Varsaviae, quam aliis in locis regni Poloniae, a mense Februario anni 1737 vsque ad mensem Septembrem eiusdem anni, cum methodo eas tractandi curandique, per Med. Doctorem IACOBVM EMILIANVM CAMVSET, consiliarium aulicum et Medicum Sereniss. Regis Poloniarum, Electoris Saxoniae, bono publico dedicatus. Dresdae apud Gottlob Christianum Hilscher, bibliopolam aulicum. 1738. in 8vo septem pl.

Temporibus medicina valet, data tempore profunt,
Et data, non apto tempore, vina nocent.

Ovidius.

Lectio cum praxi, medicorum dogmata profunt.
Nam faciunt magnos haec tria saepe Coos.

Auctor.

Auctor, qui fuit medicus Varsaviensis practicus, fatis iam a. 1739 functus, hoc opusculum haud inutile edidit eum in finem, ut medicinam exercere incipientes practici in Polonia, experientia sua, quam illo tempore hoc de morbo periculoso acquisivit, uti possint. Nil enim magis facit doctum et felicem medicum, quam continua observationum aliorum cordatorum medicorum lectio, quae magno usui est omni medico, si ipse doctus sit eaque frui didicerit. Praxis enim medica sine scientiis omnino fallax, incerta, saepissimeque infauista. Quotidie fere in Polonia hoc experimur, ubi vnicuique, qui forte medicinam somniauit, eam in perniciem Poloniae exercere licet. Faxit Deus ter optimus, ut collegium medicum Varsaviense, cuius statuta a serenissimo rege iam subscripta regniue sigillo corroborata sunt, breui optatis omnium bonorum respondere possit. Venio ad auctorem, qui in admonitione ad lectorem ecclesiastici verba. Cap. XXXVIII. vers. 15 affert: qui in creatorem suum peccat, incidet in medici manus, seu secundum versionem vulgatam: qui delinquit in conspectu eius, qui fecit eum, incidet in manus medici, id est: aegrotabit. Inde auctor aegrotos admonet ut in febris malignis, morbis

morbis periculosissimis, ante omnia ad Deum confugiant, sacrisque muniti mediis conuenientibus vtantur *).

Auctor

*) Non possum non hic, ex eodem ecclesiastici capite, caetera quae ad medicinam pertineant, adponere, id quod eo magis necessarium in Polonia videtur, quo minus quam plurimi verba illa, *honora medicum propter necessitatem*, plane non intelligunt. Credunt quidam se satis fecisse diuino huic praecepto, si medicum durante cura in honore habuerint, erga quem deinde ingrati sunt restituta sanitate, id quod e diametro huic praecepto oppositum. Secundum linguam enim sanctam significant illa verba: *medicum suis praemiis adfice, vt habeat ea, quibus opus est*. Adiciam igitur duplicem versionem eorum, quae ex scriptura sacra ad medicinam spectant:

Ecclesiast. cap. XXXVIII.

Secundum versionem vulgatam.

1. Honora medicum propter necessitatem, etenim illum creauit altissimus.
2. A Deo est enim omnis medela, et a rege accipiet donationem.
3. Disciplina medici exaltabit caput illius, et in conspectu magnatorum collaudabitur.
4. Altissimus creauit de terra medicamenta, et vir prudens non abhorrebit illa.
5. Nonne a ligno indulcata est aqua amara?
6. Ad agnitionem hominum virtus illorum, et dedit hominibus scientiam altissimus, honorari in mirabilibus suis.
7. In his curans mitigabit dolorem, et vnguentarius faciet pigmenta suauitatis, et vnctiones conficiet sanitatis et non consummabuntur opera eius.
8. Pax enim Dei super faciem terrae.
9. Fili, in tua infirmitate ne despicias te ipsum, sed ora Dominum, et ipse curabit te.
10. Auerte a delicto, et dirige manus, et omni delicto munda cor tuum.
11. Da suauitatem, memoriam similaginis, et impingua oblationem et da locum medico.

Ecclesiast. cap. XXXVIII.

Secundum versionem Sebast. Castellionis ad sensum linguae sanctae accommodatam.

1. Medicum suis praemiis adfice, vt habeat ea, quibus opus est: nam eum creauit Dominus.
2. Est enim a supremo medicina, et a rege stipendium accipit.
3. Medici scientia eius caput extollit, ita vt proceribus sit admirationi.
4. Dominus creauit ex terra medicamenta, quae prudens homo non fastidit.
5. Nonne ligno dulcuit aqua amara?
6. Ipse scientia hac donauit homines, vt suis miraculis gloriam consequeretur.
7. Per haec medetur, eorumque doctores tollit, ex his et compositiones facit seplasiarius ad suauitatem, et malagmata ad valetudinem, nec vilis est eius operum modus.
8. Ea est ab illo per orbem prosperitas.
9. Fili, in morbo tuo Dominum orare ne negliges, et ipse te sanabit.
10. Amoue culpam, rectas habe manus, et ab omni peccato cor tuum expurga.
11. Obmoue suaues odores et similaginis monumentum, opimumque libamen, et da medico locum.

12. Etenim

Auctor deinde definitione febris malignae supposita, quam venenum subtile et corrosivum esse putat, quod sanguinem vel dissolvit vel coagulat, vel utrumque simul efficit, hanc febrim ab aliis, putridis, ardentibus et continuis distinguit, quae symptomata quaedam malignitatis habent, affirmans, ipsas febres malignas non esse semper iisdem stipatas symptomatibus. Non quidem nunc auctoris definitionem impugnare in animo habeo, quae non adeo accurata mihi videtur *), sed potius signa febris malignae illo tempore Varsaviae grassantis enumerare, ex quibus docti medici forte melius, quam auctor ipse, naturam illius intelligent. Febris maligna quae Varsaviae aliisque regni Poloniae locis anno 1737 in homines grassabatur, primis statim diebus cum omnium virium iactura incipiebat, ita ut ea correptus vix erectum corpus sustinere potuerit. Aderat capitis gravitas cum dolore, mox frigus, mox calor, cum conatu vomendi. Pulsus sanguinis parvus et frequens in dissolutione, durus et lentus in coagulatione, lingua sicca fuit, cute non adeo ardente. Aegroti dormire velle videbantur, sed reuera somni beneficio destituebantur. Sentiebant calorem circa renes cum dolore, et quarta, septima et nona die delirabant, surditas superveniebat, aliquoties sub initium, aliquoties circa finem morbi. Alui deiectio fuit cum foetore intolerabili et cadaueroso, vrina ardens et rubra, aliquoties naturalis. Angustia praecordiorum aegrotos inquietos reddidit, facta respiratione difficili, lethargus, haemorrhagia cum convulsionibus supervenire, tendines carpi concutiebantur, sudores capitis et pectoris frequentes, tandem sudores frigidi totum corpus occupabant, aegrotusque occubuit.

In sequentibus nunc auctor omnia huius febris symptomata explicat ex medicinae theoria neque male neque semper bene, in hoc etiam notandus, quod plura symptomata in explicatione affert, quae male in descriptione huius febris malignae omisit, difficultatem urinae faciendi, et exanthemata purpurae similia. Progreditur deinde ad describenda ea, quae ad vitae regimen hoc in morbo spectant, sat bene

12. Etenim illum Dominus creavit: et non discedat a te, quia opera eius sunt necessaria.

13. Est enim tempus, quando in manus illorum incurras: ipsi vero Dominum deprecabuntur, ut dirigat requiem eorum, et sanitatem, propter conversationem illorum.

12. Vtpote cuius auctor sit Dominus: neue a te discedat, quum eo sit opus.

13. Est etiam, quum eis prospere succedit opus: nam et ipsi Dominum orant, ut sibi lenimentum secundet, et vitae causa sanationem.

*) Nam in febre maligna non tam venenum corrosivum proprio in sensu, quam potius miasma causticum ad putredinem disponens in causa est, alioqui febris maligna cum peste idem esset. Illud miasma, quod non male sal causticum dicitur, in aere obversatur et per respirationem, etiam cum fructibus horacis corpori infertur. Male etiam b. *Camuset* dixit, venenum illud dissolutionem, vel coagulationem, vel utrumque simul efficere. Fieri autem nullo modo potest, ut dissolutio et coagulatio simul, seu vno eodemque tempore, efficiatur, altera enim operatio alterius est destructio, adeo ut inter se pugnet, dicere, duas actiones contrarias simul adesse atque absolui posse. Debuisset igitur scribere: *Vel utrumque temporis progressu*, seu, ut vulgo loquuntur, *successive*.

bene omnia secundum sic dictas in medicina sex res non naturales explicans. Tandem et de cura et medicamentis ad hunc profligandum morbum docte differit, licet de specifico quodam medio, quod hac in febre maligna prae caeteris effectum ediderit, nil dicat, ea autem quae in medium attulit, omnibus iam veris medicis nota sunt. Auctor ad calcem libelli duodecim observationes adiicit, ex quibus tres Latinitate omni ex parte donabimus, ut eo melius methodus et medicamenta, quibus usus est, intelligantur. Observatio prima. Die octava Febr. vocatus ad conuentum patrum Bernardinorum, inueni theologiae lectorem, aetatis 34 annorum, per tres dies aegrotantem, valde debilis et calor cutis ardens erat, sanguinis pulsus parvus et frequens, cephalalgia laborabat, lingua subalbida, amaritudinem oris sentiens, appetitu ciborum carebat cum conatu vomendi. Cum nulla esset contraindicatio, dedi ei tria grana tartari emetici cum decem granis antimonii diaphoretici et quinque salis absinthii, vomuitque septies, quater autem aluum deiecit circa vespere. Crastina die eodem in statu cum inueni cum dolore quodam ventris, cui clysterem applicare iussi, et tribus horis post illius deiectionem elapsis, dedi ei tincturae bezoardicae Michaelis drachmam vnam cum dimidia, et parum sudauit minusque quam sperabam, pulsus sanguinis idem erat, quam antea, et symptomata haud decredebant. Quinta die enema iterum ei dare iussi, quod materiam flauam in copia eduxit. Leuamen aliquod habere videbatur, sed lingua sicca erat et sanguinis pulsus semper idem, somni etiam beneficio destituebatur. Propinaui deinde potionem quae cordi in primis conducit, de qua singulis horis cochlear vnum sumsit, continuans ita ad crastinam usque diem. Cum viderem sudores non apparere, morbum autem continuare, dedi duas drachmas tincturae bezoardicae cum aquis destillatis et citri succo, quo facto melius sudauit, cumque per tres integras horas sudore madebat, iussi dare ei iusculum haud forte, de quo exiguum sumsit portionem ob cibi fastidium. Septima die morbi de dolore in abdomine querebatur, quam ob causam enema datum fuit, quod materiam flauam, subuiritidemque educebat. Nil bibit, quam ptisanam, et saepius in ore tenuit mala citri orbiculata decortata saccharo conspersa, potionem, quam cardiacam dicimus, ad nonam usque diem continuauit. Illa die quando veni ad eum, inuisendi gratia, miratus sum, faciem totumque corpus euasisse flauum, moribundi speciem habebat, valde debilis, totam per noctem inquietus, credidique ultimam aegroti venisse diem. Cum vero carpo manum ad obseruandum sanguinis pulsum admouerem, eumque magis liberum deprehenderem, ut bono animo sit ei dixi, ac potionem, quae cordi vires suas impertit, continuo sumere iussi. Decima die corpus magis flauum apparebat, per noctem autem quiete fruebatur. Vndecima color flauus decrefcere videbatur, postquam sudauit. Duodecima, decima tertia, decima quarta, cutis pristino colore gaudebat, iterumque dormire incipiebat, cumque transpiratio sensibilis superueniret, potionem sic dicta cardiacam abstinere eum iussi, singulis vero quatuor horis iusculum carnis dare, quod iam non fastidiebat. Urina, quae antea rubra, deinde flaua fuit, nunc minus colorata deuenit magnumque sedimentum deposuit. Decima septima decoctione Viennensi aluum vacuavi, eique non amplius opera mea opus habenti val dixi. Vires suas refouit, et bene nunc valet per Dei gratiam.

Historia secunda. Decima octava Aprilis celsissimus princeps CZARTORYSKI, Russiae palatinus, vocauit me ad se, ut palatii sui eiusque conclauium custodem viderem,

viderem, quinquagenarium, firmæ corporis constitutionis. Vndecima iam dies morbi elapsa erat, alique medici ei medebantur, qui amplius eum non visitabant. Difficilis fui, ut statim venirem, nolens ob sanitatem meam famamque in angustias adduci, sed respectu tanti domini debui venire. Inveni aegrotum dormientem, quem ex somno excitare volui, quod vero fieri haud potuit. Caput parum, cum valde exagitaretur, crexit, dicens verba quaedam haud articulatum pronuntiata, delirium significantia, capiteque inclinato de nouo dormiuit. Sanguinis pulsus paruus et frequens fuit, lingua mucosa. Ante aliquot dies tria magna vesicatoria fuere adhibita, credidique hominem illum non decimam quartam diem superuicturum. Ob ventris suppressionem iussi ei dare enema forte satis, addito mandato, ne dormire eum permittant, quem in finem iussi quam saepissime spiritum salis ammoniaci cum essentia castoris sub naribus adhibere. Præsanam ex rasura cornu cerui, radice scorzonerae, et succo citri, nec non potionem dictam cardiacam cum volatilibus et castoris essentia singulis duabus horis propinandam ordinaui *). Duodecima, enema accepit, et sumendo potionem cardiacam continuauit. Parum magis fuit somno excitatus, quam antea, sed verba eius significabant spirituum animalium confusionem. Sumsit eadem medicamenta ad decimam tertiam usque diem, qua per noctem tam multum sudoris emittebat, ut lectus lintheaque maderent. Cum viribus non omnibus destitutus esset, pulsusque sanguinis melior, et vrina multum sedimenti deponeret, eandem potionem, sed non ita saepe, sumere ordinaui. Bene tectus sudabat, ac regimine diaphoretico usque ad decimam septimam diem usus sum. Natura inuitatus dormiuit, lingua humida erat, et non nisi de pectore querebatur, quia tussis somnum impediēbat. Dedi ei electuarium cum oleo amygdalarum dulcium ex spermate ceti **), syrupo de erysimo et violarum. Breui postea omni ex parte sanitatem habuit restitutam.

Historia tertia. Virgo religiosa, S. Mariae virginis visitationis instituta proficiens, viginti quinque annos nata, aegrotare coepit die sexta Maii. Magno capitis dolore laborabat, cibos fastidians cum conatu vomendi, insuper valde debilis. Primis duobus morbi diebus pulsus sanguinis fuit paruus et frequens, non dormiebat,

ardebat

*) Formula potionis cardiacæ, cum volatilibus, quam auctor adhibuit, sequens fuit:

℞. Aquæ theriacalis camphorat. ℥j.	Salis volatil. viperar. ℥ij.
scorzonerae.	Confectionis Alcher. complet. ℥℞.
card. bened. aa ℥ij.	theriacæ coelest. ℥℞.
antimon. diaph. scrup. duos.	Syrup. ciberantis ℥v.
pulv. echeliscancr. comp. ℥j.	M. f. potio.

In hoc casu auctorem theriacam coelest. omisisse, et essentiam castoris substituissē facile intelligimus.

**) Multi medici, inter quos et auctor fuisse videtur, quia *sperma ceti*, Gallica lingua expressit: *nature de baleine*; cum melius dicere potuisset: *blanc de baleine*, credunt, sic dictum sperma ceti, esse semen balaenæ, id quod falsissimum. Paratur enim diuersis locis Hispaniæ, Galliæ, Noruegiæ, ex pinguedine, quæ cerebris magnorum piscium marinorum, ceto non dissimilium, adiuncta est, quæ crebra decoctione cum lixiuio et depuratione, naturam talem saponaceam acquisiuit. Vid. D. Io. Henrici Schulzii theses de materia medica p. 467.





Acta litteraria Polonica, A. 1755. trimestre primum p. 69.

ardebat cutis, inquietudo maxima. Cum euacuata per medicamenta aluum purgantia fuisset ac per enemata, quia tenella corporis temperatio vomitorium disuadebat, dedi ei quarta die drachmam vnam tincturae bezoardicae, vi cuius multum sudabat, morbo haud decrecente. Ob respirationem difficilem, et tussim siccam, timebam ne morbi huius venenum maius crearet periculum, quam ob causam duo vesicatoria ad brachia, vnum autem ad pedem applicare iussi, quinta die per ea multum seri exercebatur, supra dorsum autem et brachia paruae apparebant maculae coloris fusci. Sexta die respiratio facilius fuit, vesicatoria per decem dies aperta tenui, potionem cardiacam cum absorbentibus singulis horis cochlear vnum sumendam ordinaui, ope cuius transpiratio sensibilis continua fuerat. Quia somno priuata erat, sumsit circa noctem emulsionem, quae eam ad breue tempus tranquillam reddidit. Calor ne minimum quidem minuebatur, magnus autem capitis dolor ad breue tantum tempus, lingua, semper sicca, haud humectabatur, nisi ope citrei mali, cuius partem in ore tenebat. Sumsit singulis tribus horis liquorem anodynum Hofmanni, nil bibens praeter ptisanam, enemata subinde data fuere, contra capitis dolores, vsa aqua verbenae cum spiritu vini camphorato, continuans potionem cardiacam, quibus omnibus non obstantibus, morbus decem et septem dies durauit, et quamuis per totum morbi tempus transpirationem satis sensibilem habuerit, morbi tamen circa finem crisis fuit sudor abundans, qui per plures dies durauit. Tandem paulatim nutrimentis assueta bene nunc valet.

VII.

Descriptio bouis singularis cum tribus cornibus.

Tam variae, mirificae atque adeo stupendae, sunt naturae in generandis diuersis animalibus operationes, eaeque ita abstrusae, vt haecenus omnium doctissimi philosophi, parum, vel plane nihil, hac de re intelligant. Scimus quidem animalia generari, quando semen masculinum, in quo, boni microscopii ope, vermiculos viuentes innatare videmus, ad vterum feminae deferretur, ibique ouula plura, vel vnum tantum, foecundantur, per tubam Fallopianam in vterum delata, vt incrementa ibi capiant. Quomodo autem, quibusue ex causis, fiat, vt idem pater, eademque mater, plane diuersa a se generent animalia, vel foetus monstrosos, vel dissimilia membra habentes, edant, magnum est naturae mysterium, cuius intelligentiam forte nullus philosophorum vllo tempore habebit. Cognoscimus quidem et certi sumus, experientia edocti, omnes illas extra ordinem generationes animalium, a matris imaginatione viuaci ortum trahere. Nihilo minus tamen sumus hanc ob causam meliora docti, nisi forte huius rei intelligentiam capere nobis persuadeamus, obscuro per obscuriora explicato. Idem manet magnum naturae mysterium, quomodo, quibusue ex causis fiat, vt sola matris imaginatione foetui membrum aliquod affingi vel auferri, vel foetus ipse in aliam plane formam mutari possit. Honesti philosophi ac sinceri est, eiusmodi in rebus magis ignorantiam profiteri, quam obscuris nugis ignorantium animos firmare. Hanc ob causam nudam tantum descriptionem bouis singularis hic adponemus, qui ob raritatem philosophorum contemplatione non indignus. Bos hic pertinebat ad illustrissimum Palatinum Kiiouientem, STANISLAVM POTOCIVM, cuius in bonis in lucem editus, quique primum, tempore nuptiarum, cum illustriss. palatinus filiam natu maximam, illustrissimo comiti

MOSZYNSCIO regni dapifero, elocaret, monstratus fuit. Sylvestris bouis os habet, pallear bifontis, et quod maximum, praeter duo ordinaria cornua, tertium in medio frontis super oculos proflans, rectum et mucronatum, prout ex adiecta figura apparet. Cornu singulare bouis huius triini, dimidiam fere vnam longum est, superiori in parte nigrum, in inferiori autem album, coniformam habens, qui versus superiora parum incuruatus. Crassitudo seu peripheria huius cornu circa basin duas spithamas, hoc est, pedem geometricum cum aliquot digitis, superat. Circum circa cornu basin excreti capilli ad nasum vsque defluunt, tres spithamas longi, circa cornu basin nigri, infra albi. Supra nasum verrucam, seu potius tuber habet, circum quod excreti capilli defluentes spithamam sunt longi. Circa nares videtur circulus ex capillis albus, ex armis vero capilli nigri longi dependent, caeteri sunt ut aliis in bobus, coloris cineracei, albis maculis distincti. Bouis erecti cauda terram fere attingit, et varii in pedibus conspiciuntur nodi. Testiculos habet magnos. Cumque singulare hoc animal ipse Varſaviae in illustrissimi Palatini palatio viderem, baculo testiculos eius iussi tangere, quo facto bos ita ferocem se gessit, ut vix homo, qui eius habuerit custodiam, tenere eum potuerit. Pili circa ductum urinarium dependentes longiores etiam sunt quam in aliis bubus. De loco deduci non potest, nisi duas secum habeat vaccas, quas sequitur, et tali modo Varſaviam et hinc Dresdam deductus fuit, ubi inter alia serenissimi regis singularia nutritur animalia, dono regi a palatino missus.

VIII.

Nova litteraria Polonica.

- I. Inwentarz nowy Praw, statutow, Konstytucyi Koronny y W. X. Litew. z naydujących się w szesciu Tomach voluminis legum, niegdys przez *Macieja Marcyana Ladowskiego*, od roku panskiego 1550 do roku 1683, potym przez *I. W. Inci X. Iosefa Andrzeia Zaluskiego*, Referendarza Koronnego, z przydatkiem opuszczonych artykułow az do R. 1726 pracowicie, ychwalenie zebrały, a teraz przez *X. Arnolfa Kazimierza Zeglickiego*, schol. piarum do roku 1736 z zebraniem statutu kontynuowany, nową. Kart liczbą ułatwiony, y wcale dokonczony. Roku panskiego 1754. w Warszawie w Drukarni I. K. Mei y Rzeczy pospolitey XX piarum scholarum.

hoc est:

Repertorium novum, iurium, statutorum, legumque regni Poloniae et magni ducatus Lithuaniae, quae in sex tomis voluminis legum inveniuntur olim per *MATTHIAM MARCIANVM LADOWSKI* ab anno Domini 1550 ad annum 1683, deinde per illustrissimum ac reuerendissimum dominum *IOSEPHVM ANDREAM ZALUSKI*, regni referendarium, cum additione omissorum articulorum vsque ad annum 1726 laboriose et laudabiliter collectum, nunc autem per *Reu. ARNOLPHVM CASIMIRVM ZEGLIŃCKI*, scholarum piarum, ad annum 1736 cum collectione statutorum continuatum, nouo indice commodius redditum et omni ex parte absolutum. Anno Domini 1754. Varſaviae ex typographia S. R. M. et reipublicae reuerend. Patrum piarum scholarum. In folio, octo alphabeta et 19 plagulas continens, cum dedicatione ad illustrissimum atque excellentissimum Dominum comitem *FRANCISCVM BIELINSKI*, supremum regni mareschallum, maecenatem et verum vtilium scientiarum promotorem.

Hoc

Hoc valde necessarium opus, non solum iudicibus causarumque patronis, sed iis omnibus, quibus regni leges scire opus est, hoc est, toti numerosae nobilitati, vtilissimum, re vera est liber, in quo legum sensa sunt collecta per alphabeti ordinem, quem recentiores dictionarium, seu lexicon, dicunt. Omnes regni leges, quas serenissima respublica Polona statuit, ante aliquot annos sex tomis in folio comprehensae, typis iterum de nouo reuerendorum scholarum piarum patrum exscriptae fuere, qui magnus liber, omnia secundum temporum ordinem continens, non desideratum vsum haberet, nisi hoc multa opera confectum dictionarium in manibus nostris versaretur, in quo non solum omne id, quod iuris, breuiter annotatum, sed ad ipsas etiam regni leges quaerentem accurate remittit. Doctissimus igitur diligentissimusque reuerendus pater ZEGLIICKI haud exiguum patriae dedit operam, cum ad recte administrandam iustitiam eiusmodi perfectum confecerit lexicon. Illustrissimo Domino, comiti ZALVSCIO, supremo regni referendario, maecenati Polono incomparabili maximum debet auctor, qui edendo Ladouscium maximam huius laboris partem exantlauit. Asterisci apposti nouas significant auctoris additiones, qui minus adhuc ex hoc maiori conficere promissit repertorium. Vt vero exteri ex hoc vtilissimo in Polonia libro, aliquid cognoscant, integrum eos attinens caput, specimenis gratia hic Latine ponemus:

Cudzoziemcy, hoc est, exteri.

Exteri neque munere publico fungi vel dignitatem in republica acquirere, neque arcem defensionis causa possidere possunt. Quod si vero haec obtinuerint, eaque praeuia admonitione non dimiserint, bona eorum publice proscripta sunt, ipsi autem infames declarati. A. 1374. Vol. I. fol. 57. §. *item promittimus*, nec non An. 1538. Vol. I. fol. 528, tit. *de alienigenis*.

Exteri, in ciuitatibus sedem fixam non habentes, non debent mercari, et praefectis, (qui dicuntur Starostae) vna cum magistratu ciuitatum, executio huius legis commissa est. A. 1565, Vol. II. f. 690.

Mercatores exteri, ius ciuitatis adepti, regi ciuitatique fidem adiurare debent, onera publica ferre ac magistratui obedientiam praestare, nulloque se privilegio defendere. *ibid.*

Bona, quae in regno acquisiuerunt, non educere debent, sub poena confiscationis, ad quod Starostae et vestigalibus praefecti attendere debent. *ibid.* Si quis Cracouia, Posnania, Leopoli et Vilna facultates suas abducere velit, decima earum pars ciuitati fideliter soluenda. A. 1590. Vol. II. fol. 1346.

Exteri, qui ad emendas merces in Poloniam veniunt, ad emporia se conuertere debent, suas autem merces ciuibus ibi degentibus, vel nobilibus, vendere, nec non vias publicas consuetas circumire. A. 1565. Vol. II. fol. 683.

Exteri pecora ac boues in regno Poloniae nullo alio loco, quam in nundinis, circa regni limites, emere debent, vel hiematos saginatosque boues et pecora cornuta in domibus nobilium. *ibid.* plura vide sub tit. *mercatores*.

Henricus rex, nullos in Poloniam externos adducere, neque officiis eos, neque bonis, donare se obstrinxit. Ex pact. conu. 1573.

Stephanus rex, pariter officia publica vtriusque nationis exteris deferre non debuit. A. 1576. Vol. II. fol. 900.

Idem in sic dictis pactis conuentis regis Sigismundi III. repetitum, qui etiam ad custodiendum corpus milites fuscipere exteros haud debuit. A. 1588. V. II. f. 1099.

Quod si vero exteri officia, bona, vel caduca *) obtinuerint, tunc ea tanquam vacantia consideranda, et viris vtriusque nationis bene meritis danda, conscio regni senatu A. 1607. Vol. II. f. 1598. Iudicium in his causis cum exteris pertinet ad regni tribunal.

Exteri, qui vi legum circa regem esse possunt, negotiis reipublicae se non immiscere debent, sin minus ad instantiam vniuscuiusque coram regni tribunali citentur, et ex peculiari catalogo *criminaliter* iudicentur. A. 1669. Vol. V. fol. 14.

Exteri, legati ac ministri residentes in exterorum aulis esse non possunt a reipublica dependentes, nisi soli nobiles Poloni A. 1662. Vol. IV. f. 840.

Exteri non nobiles Poloni, in Prussia Polona bona nobilium ementes, tenentur intra tres annos ea vendere sub poena confiscationis. A. 1589. Vol. II. fol. 1270.

Exteri neque credendo pecuniam, vel alio modo, neque rescripti vel decreti ope bona terrestria possidere possunt. A. 1669. Vol. V. fol. 15.

Exteri, iure indigenatus Poloniae non donati, non ad capitulum Varmiense, et generatim ad nullam ecclesiam cathedralem et collegiatam, admittuntur, exceptis quatuor, quas dicunt, praebendis pro doctoribus. A. 1669. Vol. V. fol. 17.

Tempore interregni nulli proceri, plures quam nouem exteros, et quidem seruos, secum habere permillum est. A. 1586. Vol. II. fol. 1051.

Nullo plane modo licitum est exteros ad electionis campum adducere, vel secum habere, quique hanc legem violat, patriae hostis declaratur. A. 1587. Vol. II. fol. 1063.

Exteris prohibetur cum principibus exteris vel inimicis patriae, literarum commercium habere, vel legati munus ad eos obire. A. 1717. Vol. VI. f. 270.

Hungari in ciuitatibus regiis domum sine regis consensu possidere non possunt. A. 1593. Vol. II. fol. 1408.

Exteri, cuiuscunque sint dignitatis, ad negotia reipublicae admitti non debent, neque officia publica fuscipere, neque praefecturas, vel bona haereditaria possidere, exceptis iis, qui de rege bene meriti, respectu bonorum, quae Woytostwa * dicuntur, quae secundum leges obtinere possunt. A. 1733. Vol. VI. fol. 625.

Tantum de exteris, quod fufius in ipso volumine legum dicitur. Non est quod mirentur exteri, hic obseruantes, se in Polonia ita quasi coangustatos esse, eorumque libertatem sic circumscriptam. Dicent forte, quid causae subest, vt exteris tam pauca in Polonia concedantur, cum caeterae in Europa nationes omnes certatim operam dantes extraneos magnis priuilegiis inuitent. Dicam veram causam. Nobilitas in Polonia, a qua leges sanciantur, extra ordinem numerosa est, et plurimi nobilium ea adipisci haud possunt, a quibus exteri excluduntur. Quod si igitur exteri iisdem cum indigenis gauderent iuribus, vel facile iure indigenatus donarentur, breui indigenas de bonis, pecuniarum vi iis acquisitis, depellerent. Poloni ergo sapienter fecere, vt ea, quibus ipsi opus habeant, pro se retinuerint, cum quilibet proximus sibimet. Artifices autem et opifices, regiis in ciuitatibus degentes, iisdem, cum

*) Caduca sunt in Polonia bona eorum, qui nullo relicto haerede, decessere, quaeque serenissimus rex priuilegii ope donat, cui velit,

cum indigenis ciuibus, iuribus vtuntur. Exteri altioris dignitatis in exercitu milites similiter cum indigenis promouentur. Docti viri et in primis medici felices bonae famae et dignitatis, pariter a Polonis proceribus in honore habiti, omni humanitate et protectione suscipiuntur, praemiis quoque, si de Polonia bene mereant, afficiuntur. Extraneus ipse hoc de me gloriari possum, celsissimum principem IABLONOVIVM, palatinum Nouogrodiensem, illustrissimum comitem MALACHOVSCIVM, supremum regni cancellarium, et illustrissimum comitem ZALVSCIVM, regni referendarium praemiis me affecisse, protectionem autem atque humanitatem multorum aliorum procerum expertus sum, quibus Poloni mei ita me sibi obstrinxerunt, vt officia etiam exterorum principum haud spernenda mihi oblata haecenus recusarim. Quod superest serenissima respublica multos externos nobiles, qui vel gladio vel calamo bene de ea meruere, iure indigenatus donauit.

II. Nauki o istocie Roznicy i granicach dwoch wladz, to iest, duchowney i swieckicy, napisane przez oycy de la Borde, oratorii Iesu, po smierci iego wydane, a teraz po Polsku z Frankuskiego dla wygody wszystkich przetlomaczone. MDCC. LIII.

hoc est:

Doctrina de essentia, differentia et limitibus duarum potentiarum, spiritualis et secularis, auctore patre de la BORDE, oratorii Iesu, opus posthumum. Nunc ex Gallica lingua in Polonam translata in vsum vniuscuiusque. 1753 in Guo. 12 plagulae.

Liber hic vtraque lingua typis exscriptus, Gallica originali et Polona ad hanc expressa, e regione adiecta, elegans atque accurata. Auctor hoc in libello per argumenta varia cohaerentia demonstrat, ecclesiam, seu christi instituta, vi cogente, vero et proprio in sensu, carere, ideoque principes omnino ius habere inquirendi in actiones sacerdotum dum sacris suis muneribus perfunguntur. Inde concludit, iudices seculares simul ob denegata moribundis sacramenta posse iudicare. Hic libellus nostris temporibus vtilis et necessarius, iussu et sumptibus illustrissimi comitis FRANCISCI BIELINSKII, supremi regni mareschalci, impressus fuit, qui, cum ei rei publicae salus curae cordique fit, multum iam literas in Polonia iuuat.

III. Fundamenta scientiarum, seu principia et axiomata, partim philosophica, partim theologica, suis explicationibus illustrata a M. IACOBO PAVLO RADLINSKI, Polono, S. Theol. Doctore, eiusdemque nuper in conuentu Cracouiensi ad S. Hedwigim professore, nunc autem ordinis canonicorum regularium, custodum sacrosancti Hierosolymitani sepulcri praeposito generali insulato. Cracouiae, typis Michaelis Dyaszewski, S. R. M. typographii. Anno Domini, 1753. a canonizatione autem S. Stanislai martyris, et episcopi Cracouiensis, seculo quinto. in 4to. duo alphabeta: Quae in hoc opere inueniuntur, optime intelligimus, ex praefatione reuerend. auctoris dicentis sequentia: *Certum volo esse amicum lectorem, quod hic nullas subtilitates, vel nouitates inueniet, sed tantum ea, quae videbantur planiora, et visitiora, eaque non intendo proponere consummatas et perfectas philosophis, vel theologis, sed tyronibus et incipientibus.*

IV. Historiarum Poloniae ab excessu VLADISLAI IV, ad pacem Oliuensem vsque Libri IX, seu annales regnante IOANNE CASIMIRO, Poloniarum Sueciaeque rege, ab anno MDCXLVIII vsque ad annum MDCLX auctore LAURENTIO IOAN-

NE

NE RYDAWSKI, equite Polono, cathedralis ecclesiae Olomucensis canonico, sacrae caesareae maiestatis ac serenissimi Leopoldi Guillelmi archiducis Austriae consiliario. Ex manuscripto celeberrimae bibliothecae Zaluscianae edidit, notas, ubi opus videbatur, et historiam in compendio ab anno MDCLX vsque ad annum MDCLXVIII adiecit ac praefatus est LAURENTIVS MIZLERVS, etc. cum serenissimi regis Poloniarum privilegio. Varsoviae et Lipsiae Anno MDCCLV. sumptibus Mizlerianis. in fol. VI alphabeta et duo pl. cum dedicatione ad serenissimum ac potentissimum Poloniae regem AVGVSTVM III. De hoc praestantissimo opere, eiusque contentis vide partis I. sect. IV. bibliothecae Varsoviensis, quo tempore bibliothecae Zaluscianae manuscriptum adhuc fuerat, nunc quid hac editione praestitum sit, in sequentibus dicemus.

V. Compendium legum ex statuto et constitutionibus regni Poloniae, quae videlicet tantum ad continuum usum iudicantium et litigantium requiruntur, ex farragine legum per alphabetum ad annum 1736 excerptum, auctore MATTHIA GLISZCZYNSKI, notario terrestri palatinatus Calissiensis. Calissii, typis S. R. M. collegii Karnkouiani, soc. Iesu, a. 1754. in 4to, 1 alphab. 6 pl.


VI. Journal littéraire de Pologne, contenant un recit exact des livres nouvellement publiés dans ce pais, avec plusieurs remarques utiles et curieuses. Tome premier. A. MDCCLIV.

hoc est:

Diarium litterarium Poloniae, continens narrationes exactas de libris nuper in lucem editis hoc in regno, cum pluribus annotationibus vtilibus et curiosis. Tomus primus. A. MDCCLIV, in 8uo. decem et octo plagulae. Summa capitum sequens. I. Liuania antiqua et hodierna, auctore illustrissimo Dom. de HYLSEN, castenao Liuaniae, nunc palatino Minscensi. II. Historia Poloniae, regnante Sigismundo I. et Sigismundo Augusto, auctore GÖRNICKI, praefecto praefecturae Tykoczynensis. III. Dialogus de electione, libertate, legibus et moribus Poloniae, auctore eodem. IV. Tacitus Polonus, seu doctrina moralis de adulatione, auctore principe IABLONOVIO, palatino Rauenfi. V. Tractatus de Heraldica, auctore reu. patre KOLA. VI. Legatio comitis LESCINII, palatini Lencicensis, ad portam Ottomanicam, auctore FRANCISCO POKLOTECKI. VII. Noua litteraria Poloniae. Auctor huius operis est Dom. FRIESE, supremi nunc regni mareschalci secretarius, vir ingenuus, diligens, et in rebus Polonis, praesertim historicis, licet sit exterus, non indoctus. Optandum vt sincerus auctor hoc institutum continuasset, aliamque elegisset linguam, in qua elegantius scripsisset. Cum autem auctor sit natione Germanus, Galli litterati obuenientibus germanismis facile veniam dabunt, multo minus errata typographica, haud rara, ei imputanda sunt, opere absente auctore impresso. Multa vtilia dixit auctor, et quaedam prae caeteris memoria digna, quae vero a nonnullis sinistre interpretata fuere. Et hanc ob causam auctor forte credidit, melius esse in Polonia tacere, quam scribere, cum ea scriptorum in Polonia fors sit, vt veritatem dicendo semper plures sibi inimicos, quam amicos, comparent.



LAURENTII MIZLERI
ACTA
LITTERARIA
REGNI POLONIAE
ET
MAGNI DVCATVS LITHVANIAE
A. M D C C L V.
PVBLICATA
TRIMESTRE SECVNDVM.



CVM SERENISSIMI REGIS POLONIARVM PRIVILEGIO.

VARSAVIAE ET LIPSIAE,
TYPIS MIZLERIANIS.

SVMMA CAPITVM.

- I. DAVID BRAVNIVS de comitiis regni Poloniae generalibus.
- II. Vitae trium archiepiscoporum Gnesnensium, seu regni Poloniae primatum, nempe ANDREAE ROSAE de BORYSZEWICE, IOANNIS de LASKO, et MATTHIAE de DRZEWICA.
- III. Polonia litterata nostri temporis, auctore Io. Dan. Ianozki.
- IV. Eiusdem Lexicon eruditorum nunc viuentium etc.
- V. Specimen physicum de animalculorum spermaticorum natura et ortu, auctore D. ERNESTO IEREM. NEIFELD, medico Lesnensi.
- VI. Obseruationes LAVRENTII MIZLERI de KOLOF binae ex medicina practica selectae, altera de vlcere super vesicam puerperae curato, altera de morfu serpentis in se ipso intra viginti quatuor horas sanato.
- VII. Noua litteraria Polonica.



I.

De comitiis regni Poloniae generalibus, origine, progressu et catalogo omnium, quotquot vnquam cum ordine equestri celebrata sunt, cum actis et successu eorum, deque dubiis et defectibus constitutionum et statutorum regni, commentatio brevis et selecta. Ex collectaneis DAVIDIS BRAVNII, S.R.M.

Prussiae Consiliarii. Anno MDCCXXII. Coloniae typis Theodoti Brabei. in 4to.



Comitia generalia regni Poloniae, in quibus rex cum senatu et officialibus suis prouincialibus de republica consilia habuit, diu fuerunt in vsu, sed quod plebi nobilitatis, (quo verbo tunc ab equitibus, officialibus, baronibus, sub titulo gregariorum militum, distinguebantur, de quo latius alibi) ad comitia accedere permissum sit, hoc demum cum initiis libertatis et praerogatiuarum eius, fere a morte CASIMIRI magni coepisse constat. Emortua enim stirpe mascula Piastorum, a CASIMIRI Successore, LVDOVICO Hungaro, tanquam extraneo, magnae libertates ratione tributorum, regi debitorum, stipulae fuere. Nobilitatem vero Poloniam iam olim cum palatinis suis, ad comitia eligendorum principum et regum conuolasse, nemo, qui historiam gentis inspexit, negabit, sed absque iure status, sub directione palatinorum et caeterorum officialium prouincialium desideria sua ingressit nobilitas, nec quicquam disponens, vel sciscens. Ad negotia enim publica sententias suas ante tempora Iagellonidum expedire, nullam facultatem habuit, vt quae a solo rege cum senatu expediebantur. Sub ipso adhuc VLADISLAO IAGELLONE,

K

et

et filiis eius, ordo ille equestris, tantum ad custodiam et praecautiorem libertatum recenter acquisitarum, interesse coepit conuentibus regni, absque vocatione regis accurrens. Anno 1404. demum, ex insolito casu, quod idem rex crucigeris, pro liberatione terrae Dobrynensis, magnum aes deberet, quandoquidem priuilegiis *LYDOLICI* regis, et suis ipsius, nobiles a tributis liberi pronunciati essent, neque tamen ordinarii regni prouentus aeri tanto soluendo sufficerent, pro eo extra ordinem colligendo, conuentus particulares vniuersae nobilitati per prouincias concessit. Ex quibus conuentibus prouincialibus deputatos nuntios suos ad comitia regni generalia *KORCINVM* miserunt, qui collationem eam a nobilibus, officialibus a regiis persuasis, duodecim videlicet grossorum de quolibet *laneo* siue manso, laudatam et acceptam esse, sed pro ea tantum vice, saluis in futurum priuilegiis suis, coram rege et senatu declararent. Quae omnia ex *DLVGOSI*, aetati illi proximi, relatione Lib. X, ad an. 1404. euidentia sunt, quocum et *CROMERVS* consonat, addens Lib. XVI. „*particulares conuentus prouinciales tunc primum haberi, propter rem nouam coeperunt*„ Postea in famoso diplomate illo, vnionis magni ducatus Lituaniae cum regno Poloniae, vna cum singuloribus priuilegiis et indultibus, nobilibus Lituaniis in *HRODLO* anno 1413 dato, idem rex *VLADISLAVS*, statibus Lituaniae, *LYBLINI* vel *PARSZOVIAE*, cum Poloniae statibus, quoties pro commodo ipsorum visum ipsis fuerit, conuenire, facultatem concessit. Qui tamen conuentus, senatoribus et officialibus, non nobilibus, magisque ad retinendam in vnione Lituaniam, quam ad alia quaeuis negotia reipublicae tractanda pertinuit. *SARNICIVS* enim annal. lib. VII. p. 349 recte de conuentu illo ait: „*nuntiorum terrestrium vsus tunc nondum obtinuit, officiales enim terrestres munus eorum supplebant.*„

Sub imperio *CASIMIRI III* Jagellonidis autem, cum ob diuturnum bellum Prutenicum cum crucigeris, ad tributa extra ordinem saepius recurrendum esset, tandem anno 1469, ex simili necessitate placuit, vt ex singulis palatinatibus minoris Poloniae bini deputati ad comitia regni Petricouiensia mitterentur, qui decernendi modici tributum cum caeteris nuntiis ex maiori Polonia facultatem prouincialium secum afferrent. „*Hoc itaque tunc primum coeptum, sic inoleuit posterioribus temporibus, vt sine illis legatis, siue nuntiis terrarum, nulla comitia legitima haberentur, neque tributum decerni, ac ne lex quidem vlla ferri posse videatur.*„ Sunt verba *CROMERI* Lib. XXVII.

Inualuit igitur ab eo tempore mos particularis conuentuum, et ex iis mittendi nuntios terrestres, hoc est, deputatos prouinciales, ad comitia regni generalia, quorum numerus tamen, et loci, ubi nobiles in prouinciis suis conuenirent, demum a SIGISMUNDO I rege, annis 1515. 1520. 1522. et 1540 definitus fuit, quod ex Vapouii fragmentis ad an. 1522 et ex ipsis statutis SIGISMUNDI I legimus. Sed in forma quarum deputati ex conuentibus prouincialibus, negotia sua et quae salutem reipublicae tangere ipsis visa, in comitiis regni generalibus ad regem deferre, de tributis quoque consensum, vel dissensum, suorum prouincialium declarare, aut nulla potestate consultoria sententias dicere, tanto minus intercedere, vel vetare potuerunt. Insigne exemplum DLVGOSVS Lib. XIII. ad a. 1459 habet, ne RITWIENSIO, capitaneo Sendomiriensi, deputato nuntio, terrarum Cracouiensium et vniuersi regni nomine, vitia regnandi et damna reipublicae, in comitiis Petricouiensibus, libere, sed quod expresse additur, petitionis et querelae forma regi proponente. Qui cum collegis nuntiis caeteris coram concilio regis et Senatus stantes responsionem regiam exceperunt, verbisque et promissis acquiescentes obedientiam regi suam testati sunt. Certe hoc rege imperante nulli nuntii terrarum vnquam ad negotia reipublicae comitialia vocati, nisi pro tributis, nec nobiles prouinciales aliter, quam per officiales et capitaneos seu praefectos, grauamina sua detulerunt. In subscriptionibus igitur statutorum, a rege CASIMIRO III conditorum, nusquam apud LASKIVM nuntiorum terrestrium fit mentio. Sed confirmatio statutorum antecessorum eius regum, in comitiis Petricov. an. 1451 expedita, fol. 82 - 87 ita subscripta: *Nos Sbigneus etc. caeterique praelati et barones, dignitarii nobiles et procures, in hac conuentione generali congregati.* Verum in confirmatione huius ipsius statuti, a rege IOANNE ALBERTO, in comitiis Petricouiensibus a. 1496 facta, iam apud Laskium fol. 96 legitur: *praeclarorum Baronum, nuntiorum de singulis terris hic congressorum, vniuersorum consilio et voluntate confirmandum duximus et confirmamus.* Eandem formam postmodum ALEXANDER rex, in constitutione a. 1504. et sequentibus, presse seruare, atque nuntiorum terrestrium consensum necessarium ad leges ferendas declarare, coactus fuit. Vnde error SARNICII, lib. VII. annal. p. 368 facile patet, qui nuntiorum terrestrium ex prouinciis ad comitia regni mittendorum institutionem anno 1462 factam contendat. HERBERTVS vero pag. 467, altius, quam ad haec comitia Petricouiensia anni 1496 ascendere non potuit.

Idcirco SIGISMUNDVS I rex, in statuto suo a. 1538, de nouis constitutionibus, sine consensu senatus et nuntiorum terrestrium non faciendis, ad illud ALEXANDRI statutum prouocauit. Hinc CROMERVS Lib. II. descript. Poloniae, post medium, recte ait: *Posteriore tempore, hoc est, auorum fere nostrorum memoria, cum vniuersa nobilitate et vna ciuitate Cracouiensi, communicata sunt comitia, coeperuntque adhiberi legati nobilitatis, siue nuntii terrarum, principio quidem vnā ob rem, nempe sciendi in bellum tributi causa. Deinde vero, cum siue incuria principum, siue consiliariorum conuiuentia, multa negligi et nobilitatis praerogatiuae minui viderentur, ad alias etiam consultationes de republica accedere coeperunt, non ut consilarii, sed ut monitores principis et consiliariorum, ceu custodes libertatis et praerogatiuarum nobilitatis ac legum publicarum.* Horum itaque nuntiorum terrestrium potestas a tempore IOANNIS ALBERTI regis, pedetentim creuit, donec SIGISMUNDI I regis nimia lenitas, qua ad retinendas habenas imperii remissior, maiestatem cum illis nuntiis, incautus publica lege a. 1510. communicaret. Nam in violatores nuntiorum terrestrium disertis verbis crimen laesae maiestatis pronunciauit. Hanc ob causam CROMERVS Lib. XXVII cum summo dolore et augurio sequentia scripsit: *potestas, inquit, instar tribunitiae apud Romanos, vel ephorum apud Lacedaemonios, esse coepit. Qui tantum sibi nostra tempestate arrogare coeperunt, ut nullam rem grauem iniussu suo decerni a rege et senatu, aut fieri vellent, et in senatum atque regem ipsum censuram grandi supercilio sibi sumerent. Aluerunt autem eorum hanc licentiam, eoque magnitudinis sensim prouexerunt, partim reges, multa ipsis indulgendo, inopiae fisci sui, siue quieti et otio consulentes, partim potentiores et factiosi procures, certatim eos prehensare et quasi tibias inflare, quocunque libuisset incitare soliti. Metuendum vero, ne infinita illa potestas, et in licentiam prorumpens libertas, prostrata et euersa regia maiestate, ac auctoritate senatoria, summam reipublicae confusionem, et exitialem anarchiam aliquando pariat, aut certe graui et acerba tyrannide finiatur.* Prudentissimi sane ac moderati Polonorum semper questi sunt, quod abusus tribunitiae tantae potestatis inde profluat, quia nullis legibus circumscripta, aut ullis limitibus definita sit, atque ius hocce vetandi, non vniuerso ordini equestri eiusdemque legatis collectum, sed singulis nuntiis, asseratur.

Primum exemplum ruptorum comitiarum generalium regni, sub SIGISMUNDO I, a. 1536, alterum mox sub eodem, a. 1545 contigit, non sane nuntii alicuius contradictione et voce vetandi, sed a toto ordine equestri

equestri, factionibus senatorum excitato. Ita enim BIELSKY verba Polonica de his comitiis, exscriptor eius NEVGEBAYERVS Lib. VII. p. 563, vertit: *comitia Cracouiae indicta, ob ordinum studia diuersa, inque factiones scissa, nullo operae pretio facto soluta sunt.* Sic sub SIGISMUNDO AVGVSTO rege, a. 1548. et 1550, comitia, discessione plerorumque ordinum senatorii et equestris, sine conclusione irrita facta, referente eodem BIELSCIO. Porro de comitiis, a. 1582, Varsoviae a STEPHANO rege congregatis, et ob seueritatem regis in nobiles homicidas et aliorum bonorum raptores, a nuntiis deputatis, ruptis, ita NEVGEBAYER ex Bielscio loquitur: *nuntii in proposito suo (auocandi scilicet causas nobilium a rege) perstiterunt, et per complures dies disputatione extracta, frequenter in consilio suo tumultuati sunt.* Sic totum tempus, comitiis destinatum, consumptum ac tandem rebus infectis et pendentibus discessum. Adeo neque tunc publice a nuntio aliquo singulari, vetandi voce, comitia soluta fuerunt. Sub SIGISMUNDO III, vsque ad annum 1615, septem comitia rupta fuere, sed singula totius ordinis equestris commotione et discessu, relictis semper in suo vigore iam sancitis ordinum ante discessionem, praesertim tributorum Scitis. Anno vero 1652, vnus nuntius Lituani hoc primus ausus est. ZAWADSKI, castellanus Culmensis, in historia sua arcana p. 93, ex sententia NOWOMIESCII, nuntii Rauensis, prouocat ad legem a. 1667. quasi expressa eius vi ac dispositione, vnus intercedentis nuntii protestatione, nulla caeteris collegis ordinibusue, in comitiis relicta sit actiuitas. Enimvero in constitutione istius anni, imo in nulla alia ante vel post lata, singulis nuntiis nobilium, tale ius tribunicium concessum vel approbatum legi potest. Praeter toties enim repetitam securitatem nuntiorum ad consilia publica venientium et abeuntium, parem senatoribus et ministris status regni, hoc est, sacrosanctam, in illis quoque annorum 1659 et 1667 nihil de nuntiorum potestate et iure vetandi constitutum est. Cum denique in constitutione a. 1690, omnes anteriores constitutiones, de ordine comitorum, articulatim repetitae simul collectae sint, de iure tamen vetandi, quod singulis nuntiis competat, nulla omnino inserta est dispositio. Quocirca ex hactenus deductis concludere licet: de scripta lege, toti equestri ordini ac collegio nuntiorum eius vniuerso, omnino, si quid contra patriae salutem, inuolutionem iuris communis publicae priuataeque libertatis, et praerogatiuarum conuulsionem fieri viderint, talia, voce sua vetandi, impediendi prouisum esse. Sed quod fere cum initio saeculi decimi septimi, singuli nuntii plenam illam libertatem vetandi sibi arrogare coeperint,

nec tamen, nisi gregatim, plures simul, exercuerint, donec a. 1652. vnus nuntius Lituanus solus protestatione sua, tota comitia muta, et in omnibus etiam, ante ruptionem, decisus ac scitis, otiosa reddere ausus fuit, hoc omnino absque lege expressa, cum euidenti pernicië consiliorum publicorum, regibus et senatui a factiosis primum extortum, nunc ipso violento et adulto iam abusu in ius aliquod ex consuetudine inualuit.

Quam saepe et quam acerbe magni aut docti quoque Poloni, in scriptis suis, cumque iis omnes, tam inclyto regno bene cupientes, tanto abusu libertatis indoluerint, magnaeque mala, denique inuersionem status, ex hoc morbo comitali, patriae ominati fuerint, non attinet exscribere, chartasque planctibus onerare, cum legenti historicos et politicos scriptores Polonos, passim et vix non in singulis libris querelae huiusmodi occurrant. Vnius ex recentioribus КОСНОВСКИ luculenti historici, verba hic adduxisse sufficiant, qui climaët. I. Lib. V. p. 313 „vidimus, inquit, toties irritos conuentus malo publico dissolui, et vniuersorum salutem pendere ab vnus ciuis arbitrio, qui si orator adolescentulus, aut ambitu, vel rei priuatae studio actus auarus senex, nullo successu comitia diffluere, et irrita iam Sancitorum omnium valore abire ordines coguntur. Proh amentiam! Deus aut priscam Polonis mentem, aut efficax aliquod elixir periculosae huic libertati exhibeat!

Huc vsque DAVIDIS BRAVNII verba fideliter retuli, qui in rebus Polonis, historia et iure publico olim fuit versatissimus. Antequam autem ea quae ad Braunii sententiam dici possunt, adiiciam, opus videtur magni auctoris * verba eadem de re inferere ex libro: *Głos wolny Wolność i ubezpieczenie*, hoc est: vox libera libertatem securam reddens, ibi haec p. 74 dicuntur:

Mowięc ieszcze de securitate consiliorum, niech mi się godzi examinaować liberum veto, ktore per abuzum confundimus, cum potestacie sistsendi actiuitatem lubo wielka obęyga roznosc. Bo liberum veto iest fundament status nostri, ktory w tym essentialiter consistit, zewszystkie sancita niepowinny bydz

Dicens adhuc de securitate consiliorum, licitum sit mihi examinare liberum veto, quod per abuzum confundimus cum potestate sistsendi actiuitatem, licet valde inter se differant. Nam liberum veto est fundamentum status nostri, quod in hoc essentialiter consistit, vt omnia sancita non debent vim legum acquirere

* Regis STANISLAI, Ducis Lotharingiae.

stanowione, tylko nemine contradicente, co sacrosancte obserwować powinnismy. Tę wolność kontradykowania zowiemy, liberum veto, ktore nigdy nie powinno extendi, ad sistendam actiuitatem; bo co by to za despotica potestas była party kularnego obywatela, zamknęć gębę całemu wolnemu narodowi, yodięc auctoritatem radzenia o sobie całej Rzeczy pospolitey: Przyznam się ze wartuieć konstitucye, zda mi się, ze nie znalazłem zadney a condita Republica, zeby wolno było zerwać seym, albo seymik, albo sistere actiuitatem.

quirere tantum *nemine contradicente*, id quod *sacrosancte* nos obseruare oportet. Hanc libertatem contradictionis appellamus, *liberum veto*, quod nunquam debet *extendi ad sistendam actiuitatem*; qualis enim *despotica potestas* esset priuati ciuis, toti liberae genti os claudere, et vniuersae reipublicae *auctoritatem* consilia inter se communicandi adimere. Profiteor me euoluentem constitutiones regni, nullam, ut mihi videtur, inuenisse *a condita republica*, ut liberum sit comitia rumpere, vel comitiola, vel *sistere actiuitatem*.

Qui in rebus status regni Poloniae, vel mediocriter, versatus est, sequentia dicet ad ea, quae DAVID BRAVNIVS, liberum veto quod attinet, Scripsit: Verum est, quod nulla in constitutione regni, expressis verbis, liberum veto, libertatis Poloniae fundamentum, ad singulos nuntios terrestres extendatur, sed nemo etiam negare potest, usu id, et tacita reipublicae lege, ad singulos in comitiis nuntios fuisse extensum, quod hoc vnico, sed grauissimo, argumento probatur. Quando, ut saepius factum, nuntius terrestris ex comitiis cum protestatione abiit, et sic comitia irrita reddidit, seu rupit, tunc caeteri nuntii, cum serenissimo rege et senatu, potuissent talem nuntium punire, si contra legem fuisse putassent. Hoc autem cum nunquam factum fuit, eo ipso *liberum veto*, ad singulos comitorum nuntios, tacita lege et usu, fuit extensum. Caeterum multi, exteri inprimis egregie falluntur illi, qui sibi persuadent, in vnus nuntii libitu positum esse, toti liberae genti os claudere, vel vniuersae reipublicae, auctoritatem, consilia inter se communicandi, adimere. Nullum in tota historia Polona extat exemplum ut vllus vnquam nuntius ex solo vetandi pruritu id facere ausus sit, et si forte quis in suspicionem eiusmodi vetandi pruritus inciderit, in existimationis atque adeo vitae discrimine versabatur, et mox consentire coactus fuit. Ii autem, qui comitia ruperunt, semper potenti factione fuerunt fulti, et nil habuerunt, quod timerent. Sic nuntius ille Lituanus, qui regnante

IOANNE

IOANNE CASIMIRO primus solus comitia a. 1652. rupit, nomine SCINSKI, non id ad suum, sed IOANNIS ducis RADIVILI, cuius erat familiaris, et CHRISTOPHORI OPALINSKI, palatini Posnanienfis, arbitrium egit, ut Rudauscius in annalibus IOANNIS CASIMIRI, p. 100 nos docet. Sic comitia aliis temporibus eandem ob causam, nempe ob factiones procerum, rupta fuere. Ideo miror, tam multos scriptores, Polonos etiam, scripsisse, quod uniuersorum salus in Polonia ab unius ciuis pendeat arbitrio, quod omnino, consideratis rebus circumstantibus, falsum est. Proceres potentes in Polonia eodem modo, ac id Romae olim fuerat, tribunitia potentia et utuntur et abutuntur, ut IULIUS CAESAR et POMPEIUS, ope tribunitiae potestatis simultates primum exercebant, ex quibus mox belli intestini initium natum, quod tandem interitum libertatis Romanae effecit. Ne autem eadem ratione libertas Polona ita facile periclitari possit, Rex in causa est, qui patriae pater maiestate sua intercedit, omniaque ita temperat, ne factiones potentes male sibi inuicem facere possint, cuius in manibus semper efficacissima sunt ad hoc efficiendum media. Ex hoc facile intelligitur libertatem Polonam vero in sensu, tranquillitatemque publicam, eo esse securiorem, quo Rex caeteris paribus potentior. Exempla regum haud potentum, IOANNIS CASIMIRI et MICHAELIS, quorum sub imperiis omnia turbulenta et misera erant, hoc etiam probant.

Cum BRAVNIVS utilissimum indicem omnium comitiarum regni Poloniae, a tempore, quo nuntiis terrestribus nobilitatis, facultas in comitiis de quibusvis negotiis reipublicae cum rege et senatu consentiendi, concessum fuit, magno labore confecerit, in usum Polonorum exterorumque hic eum, usque ad regem Sigismundum III, adiiciam:

Catalogus comitiarum regni Poloniae.

IOANNE ALBERTO rege.

Annus.	Locus.	Successus.
1496.	Petricouiae.	integra.
1499.	Vilnae.	integra.

Confirmatio statutorum parentis et alia noua cum senatu et nuntiis terrestribus sancita apud Laskium fol. 96, 110.

Status Lituani solam Lituaniae unionem, cum regno hucusque a VLADISLAIS IAGELLONIDIBUS regibus dilatam, confirmarunt. vid. Lasko fol. 130.

Annus.

Annus.	Locus.	Successus.	
1499.	Cracouiae.	integra.	Rex a morbo liberatus Cracouiae, quo indictus conuentus Petricouiae, ob regis absentiam, limitatus fuerat, foedus cum fratribus perfecit. CROMERVS ad eum annum, item recessus Prutenici.
1501.	Petricouiae.	integra.	Foedus cum Tartaris, induciae cum Turcis, et, metu STEPHANI MOLDAVI, quocum rex, non necessario bello, male rem gesserat; Petro, filio antecessoris illius Eliae, exuli, suppetias petenti, caput amputatum. vid. Cromerus.
			ALEXANDRO rege.
1501.	Petricouiae.	integra.	Electionis ALEXANDRI, Ducis M. Lithuaniae.
1501.	Cracouiae.	integra.	Coronationis eiusdem regis. CROMERVS Lib. XXX.
1501.	Cracouiae.	integra.	In absentia regis apud suos Lituanos, fratre regio, FRIDERICO cardinali, gubernatore regni, a proceribus et nuntiis quatuor leges latae, a rege dein confirmatae, quas exhibet Lasko, fol. III.
1504.	Petricouiae.	integra.	Rex cum senatu et nuntiis terrestribus statuta quaedam condidit. Lasko fol. 112.
1505.	Radomiae.	integra.	Constitutiones nouas cum iisdem ordinibus fecit, quas Lasko fol. 115. seq. exhibet. Ex iisdem comitiis rex diploma dedit, quo Lasko cancellario regio collectio et editio omnium statutorum et priuilegiorum commissa fuit, Quod Laskius fol. 67 exhibet.
1506.	Lublino.	integra.	Vbi de loco digniori in comitiis, item de bonis ecclesiasticis ad expeditionem bellicam obligatis, inter episcopos et senatores seculares certatum. De moneta quoque cudenda, et praesidium Russiae rubrae decretum. Cromerus.

Annus.	Locus.	Succellus.	SIGISMVNDI I rege.
1506.	Petricouiae.	integra.	Electionis, post obitum ALEXANDRI vid. VAPOVIUS.
1507.	Cracouiae.	integra.	Coronationis. Constitutiones quoque nonnullae cum ordinibus factae, quae in statuto SIGISMVNDI I exhibentur. Ibi- dem diploma, quo rex ille editum, iussu ALEXANDRI regis, librum statuto- rum et priuilegiorum per Laskium confir- mauit. Quod Laskius in fine operis adiecit.
1509.	Petricouiae	integra.	In recessibus Prutenicis annotata.
1510.	Petricouiae.	integra.	Leges variae sancitae, quae in statuto SIGISMVNDI I continentur.
1511.	Petricouiae.	integra.	Leges itidem sancitae vid. dictum statu- tum.
1515.	Cracouiae.	integra.	Iter regis Viennam ad caesarem decre- tum, quod refert Vapouius.
1516.	Miclecy.	integra.	Rege in Lituania absente, senatus ratio- ne Tartarorum incurfantium limites regni conuenere, et securitati prouiderunt. VAPOVIUS.
1518.	Cracouiae	integra.	Tributum ad biennium scitum, et alia ordinata. Sed in statuto illo SIGISMVN- DI I defectus est. Vapouius et Bielski narrant.
1519.	Petricouiae.	integra.	Leges variae sancitae, quae in dicto sta- tuto.
1520.	Bydgosctiae.	integra.	Leges variae promulgatae in d. sta- tuto.
1520.	Thorunii.	integra.	Ibi statutum de captiuatione nobilium in ciuitatibus, in recenti crimine, quod in constitutione anni 1538. exhibetur, sancitum fuit. Herburtus quoque p. 252. legem horum comitiorum, de laboribus subditorum hebdomadalibus allegat, sed statuti SIGISMVNDI I volumen hoc anno deficit.

Leges

Annus.	Locus.	Successus.	Leges variae, ordinatio processus, et de citationum inscriptionumque formulis sancitae vid. d. statutum.
1523.	Petricouiae.	integra.	De his nihil in d. statuto, neque in Herburto. Bielski narrat.
1525.	Petricouiae.	integra.	Leges variae promulgatae. v. in d. statuto. Electio SIGISMUNDI AVGVSTI regis, viuentis patre. VAPOVIVS ET BIELSKI. Sed etiam apud Herburtum p. 159 in diplomate liberae electionis horum comitiorum fit mentio. In statuto SIGISMUNDI I nihil est.
1527.	Cracouiae.	integra.	Coronatio SIGISMUNDI AVGVSTI. Herburtus p. 157. seq. exhibet diploma liberae statuum regni electionis, ex his comitiis. In volumine statutorum SIGISMUNDI I nihil.
1530.	Cracouiae.	integra.	Leges multae sancitae, quae in d. statuto sunt.
1532.	Cracouiae.	integra.	Turbulenta. Nuntii enim caeteri, absque palatinatibus maioris Poloniae absentibus, nisi et hi in futuro conuentu suo prouinciali consenserint (quod postea factum) tributum nullum sciscere voluerunt. Malo exemplo. Vapouius et Bielski. statutum nihil habet.
1533.	Petricouiae.	integra.	Absente rege in Lituania, senatus cum nuntiis laudum tributorum et alios articulos sciuerunt. Bielski narrat. Statutum dictum et Herburtus nil habent.
1534.	Petricouiae.	integra.	A die 28. Nouembris ad d. 12 Martii anni sequentis extracta. SIGISMUNDVS AVGVSTVS super iuribus regni iurauit, et alia multa negotia acta. Tandem discessu plerorumque nuntiorum absque ordine soluta. BIELSKI refert. Nihilominus Herburtus p. 112 114 et 226 leges ibi promulgatas exhibet. Vsque adeo, li-
1536.	Cracouiae.	irrita.	

Annus.	Locus.	Successus.	<p>cet male finitis comitiis, ante sancita vi- guerunt.</p> <p>In expeditione generali nobilitatis, ad- uersus Moldauum, omisso externo hoste, factiones procerum, bonitate regis ab- utentium, rokosz excitarunt. Oricho- uius et Bielski. Hic secundus numeratur ab illo cruento Rokosz sub LVDOVICO a. 1380 ad Gliniany, de quo PIASECIVS ad annum 1606 p. 280. KOCHOWSKI climaet. I Lib. VI et alii, sed tantum ex traditione, absque auctore antiquo refe- runt. (Quid sit Rokosz vid. RYDAWSKI annales IOAN. CASIMIRI p. 98.)</p>
1537.	Leopoli.	Rokosz.	
1538.	Petricouiae.	integra.	Leges ibi variae sancitae cum tributis. vid. statutum Sigismundi I.
1539.	Cracouiae.	integra.	Laudum tantum tributorum cum dif- pensatorio in dicto statuto apparet. Sed Herburtus multas constitutiones ex his co- mitiis allegat pag. 4. 49. 110. 127. 193. 230. 243. 268. 271. 295. 408. 410. 485. 495. 514. 522. et 548, quas, qui statu- ti illius volumen supplere voluerit, inde colligere potest.
1540.	Cracouiae.	integra.	Reuulsis statutis et constitutionibus regni, obliuione, seu, ita scribitur ibi, impru- dentia, omissa constitutio anni 1538 dicto statuto adscripta. Sed Herburtus prae- terea multas leges ex his comitiis exhibet, p. 43. 44. 45. 71. 90. 91. 110. 125. 168. 171. 173. 208. 276. 278. 304. 309. 310. 434. 466. 494. 496. Etiam constitu- tio anni 1611 harum legum mentionem facit.
1542.	Petricouiae.	integra.	Absente rege per eius delegatos atque senatum et nuntios, varii articuli et tri- butum agrarium scita. Statutum siler, et Herburtus. Bielski narrat.

Multae

Annus.	Locus.	Successus.	
1543.	Cracouiae.	integra.	Multae leges his comitiis perlatae, quas Herburtus p. 5. 15. 28. 59. 84. 85. 88. 92. 93. 96. 139. 144. 146. 162. 166. 181. 186. 193. 209. 210. 255. 282. 294. 295. 310. 315. 370. 371. 397. 406. 409. 453. 473. 486. 492. 494. 498. 501. 505. 517. 523. 546. 547. exhibet. Statutum dictum iis caret. Bielski etiam Laudum agrarii tributi in iis scitum addit. In confirmatione iurium anni 1550. p. 8. statuti huius anni 1543. quoque fit mentio.
1544.	Petricouiae.	integra.	Leges variae circa defensionem regni, contra Turcorum potentiam, et de expeditionibus bellicis sancitae, quas statutum SIGISMVNDI I non habet, sed Herburtus apag. 37 ad p. 41 exhibet. vid. Bielski.
1545.	Cracouiae.	irrita.	Factiones procerum, discessu plurimorum vtriusque ordinis, dissoluerunt. Bielski. Tamen Herburtus p. 26 seq. lustrationis ordinationem ex his comitiis exhibet, quae, licet male finitis comitiis, legis obtinuerat vigorem.
1548.	Petricouiae.	irrita.	SIGISMVNDI AVGVSTO rege, mortuo patre. A die 18 Octobris ad d. 1 Ianuarii anni sequentis extracta, tandem ob coniugium regis clandestinum cum RADZIWILOWNA sine conclusione soluta, quia rex ab ordinibus ad dimissionem vxoris exorari nequit. Sed rex litteris ad provinciales animos bonis verbis deliniuit. Nihilominus Herburtus p. 429 articulum de non negligendo regi senatus consilio, ab his comitiis exhibet. (Mareschalcus horum comitiorum fuit IOAN. SIERA-

Annus.	Locus.	Successus.	
			KOWSKI. vid. Manuscriptum bibliothecae Zaluscianae auctore PSZONKA p. 231. OKOLSKI T. 2 p. 328.)
1550.	Petricouiae.	irrita.	Confirmatio tantum iurium regni et exorbitantiarum correctio, regis diplomate promulgata. In volumine constit. p. 1. Factiosi autem, gregatim iterum abeuntes, soluerunt. Bielski.
1552.	Petricouiae.	integra.	De iurisdictione episcoporum magni cum secularibus statibus motus a rege sopiti. Laudum quoque tributi scitum, quae tamen omnia, cum caeteris actis, in Volum. Constit. deficiunt. Bielski videatur.
1553.	Cracouiae.	integra.	Coronatio tantum reginae CATHARINAE peracta, sed in Volumine nulla acta sunt. vid. Bielski. (Mareschalcus comitiorum fuit OSSOLINSKI)
1554.	Lublino	irrita.	Ob locum insolitum absentia plurimorum ex statibus, nulla. Bielski.
1556.	Varsauiae.	rupta.	(Nuntius Chelmenfis, NICOLAVS SIENICKI rupit haec comitia, quorum diarium extat in manuscripto Bibliothecae Zaluscianae auctore PSZONKA, p. 274.)
1557.	Varsauiae.	integra.	Variae leges sancitae, quae in Volum. p. 9. videntur.
1558.	Krasnostaviae.	irrita.	Ob locum insolitum plane infrequentia et nulla. Bielski.
1562.	Petricouiae.	integra.	A die 22 Nouembris ad d. 20 Martii anni sequentis de executione legum in possessores bonorum regaliū. Item de quarta prouentuum illorum in vsum belli, et alii articuli sanciti. Volum. p. 13.
1563.	Varsauiae.	integra.	Ex decreto praecedentium Lomziae designata, inde Varsauiam translata, a die S. Martini ad d. 1 Aprilis anni sequentis. Varia circa vnionem plenariam magni ducatus Litvaniae et angarias, agrariaeque tributa sancita. In volumine constit. p. 38. Limi-

Annus.	Locus.	Successus.	Limitata quoque haec comitia pro die S. Ioannis Parczouiam, ad negotium vnionis Lituaniae, p. 44.
1564.	Parczouiae.	irrita.	Ex limitatione praecedentium, sed nihil hic conclusum, ideo volumen legum hic vacat.
1565.	Petricouiae.	integra.	Multae hic leges sancitae, quae in volumine p. 83 exhibentur.
1566.	Lublina.	integra.	Recessus tantum conuentus huius in Volumine pag. 124; quia ob absentiam Lituaniae statuum praeterea nihil actum.
1567.	Petricouiae.	integra.	Constitutiones aliquot sancitae. Volum. p. 128.
1568.	Grodnae.	integra.	Allegantur in constitut. anni 1581. et ab IANVSZOVIO. Sed tantum cum statutibus Lituaniis celebrata, in ordine ad vnionem plenariam cum regno. Ideo in volumine constit. regni defunt acta haec, tamen ad statutum Lituaniae allegantur.
1569.	Lublina.	integra.	Nunc demum vnio totalis M. D. Lituaniae cum regno, item ducatum Podlachiae, Volhyniae et Kyiouiae perfecta, quae diplomata, item ordinatio curulis senatus ex vtraque gente; item laudum tributi agrarii in volumine pag. 149 seq. apparent. Tunc etiam a rege duci Prussiae ALBERTO FRIDERICO inuestitura solennis concessa. (Mareschalcus fuit SANDIVOGIVS CZARNKOWSKI, referendarius regni. Ita PONENTOWSKI in comment.)
1570.	Varfauiae.	integra.	Ordinatio quartae ex bonis regalibus perfecta, in Volumine pag. 205. (Mareschalcus ANDR. POTWOROSKI, iudex terrestris Calissiensis)
1572.	Cracouiae.	integra.	Vnio capturalis senatus regni post mortem regis Vol. p. 207.
1573.	Varfauiae.	integra.	Conuocatio ordinum regni in Ianuario ad

Annus.	Locus.	Successus.	ad ordinationem futurae electionis, in qua confoederatione pax inter diffidentes de re- ligione Romana seruanda, vnanimi omnium statuum consensu sancita. Vol. p. 208.
1573.	Varſauiae.	integra.	Electionis die vi. Aprilis, item laudum contributionis. Notificationae de electo rege, et articuli pactorum conuentorum in Maio perfecta. In volumine pag. 120. (Mareschalcus SANDIVOGIVS CZARN- KOWSKI.)
			HENRICO rege.
1574.	Cracouiae.	integra.	Coronatio cum articulis pactorum con- uentorum, in Volumine pag. 227.
1575.	Varſauiae.	Scissio.	Post discessum regis in Galliam, tandem publicato interregno, nunc regina ANNA, SIGISMVNDI I filia, cum STEPHANO, Transyluaniae duce, iungenda, eligun- tur. Pars alia MAXIMILIANVM caesa- rem, regem dixit. Illius literae significa- toriae in Volumine p. 230. (Mareschal- cus comitiorum fuit NICOLAVS SIENI- CKI, Succamerarius Chelmenſis.)
1576.	Andrzejoi- uiac.	integra.	Laudum vniuerſale deſenſionis statutum. Item confirmatio electionis STEPHANI, h. e. Poparcie, in Volumine p. 235.
			STEPHANO rege.
1576.	Cracouiae.	integra.	Coronatio peracta, et post significato- rias, iuramentum regis atque pacta con- uenta, confirmatio articulorum ſingularium HENRICO regi oblatorum, item confirma- tio iurium et priuilegiolorum generalis, item approbatio laudi Andreiouiensis ſtatutum, conſenſus eorundem belli in obſtinatos, regem non agnoſcentes, denique nonnullae leges ſancitae, in Volum. p. 247 ſeq. (Mareschalcus fuit ANDREAS FIRLEI, capitaneus Sendomiriensis.)

Annus.	Locus.	Successus.	
1576.	Torunii.	integra.	De actis illorum, tantum excepta et consuetudines Masouiae, item vniuersales literae regis de angariis agricolarum et oppidorum, volumini inserta p. 297.
1577.	Torunii.	integra.	Tantum prouinciales conuentus a rege, Gedanum oppugnante, propter necessitates publicas, ad sciscendum tributum indicti, regi, potestatem iubendi tributum, per litteras vniuersales fecere, in volumine p. 315.
1578.	Varſauiae.	integra.	Iudicia tribunalitia regni, iam antea excogitata, nunc tandem ordinata, et variae leges sancitae, atque tributum. Vol. p. 325.
1580.	Varſauiae.	integra.	Nihil actum, praeter tributi agrarii scitum, p. 356.
1581.	Varſauiae.	integra.	Multae leges perlatae et tributa ad biennium Scita. p. 372. Mareschallus, hoc est, director nuntiorum STANISLAVS PRZYIEMSKI, (capitaneus Koniacensis) vid. Bielski. In volumine adhuc de eo nihil.
1582.	Varſauiae.	irrita.	Turbulenta ob rigorem iudiciorum regis inexorabilem, tandem a plerisque nuntiis soluta. Mareschallus nuntiorum SVEN-TOSLAVS ORZELSKI (capitaneus Radzikienſis) Bielski et Neugebauer.
1585.	Varſauiae.	rupta.	Ob decollatum Zborouium, homicidii causa proscriptum, rigorem regis aduersus fratres eius et Czarnkouium perduelles, post expedita quaedam negotia publica, protestatione totius nuntiorum collegii, solenniter rupta. Mareschallus nuntiorum SBIGNEW OSSOLINSKI. vid. Bielski.
1587.	Varſauiae.	integra.	Conuocatio generalis ordinum, mortuo rege, in Martio. Mareschallus nuntiorum STANISLAVS VCHANSKI, absque vlla praerogatiua inter nuntios caeteros subscripsit. Volum. p. 406. et 418.

Annus.	Locus.	Succensus.	Electio in scissione, vna parte, SIGIS-
1587.	Varſaviae.	Scissio.	MYNDVM, Sueciae principem, altera archiducem Austriae, MAXIMILIANVM, regem dicentibus. Illius electi confirmatio h.e. Poparcie, in Volumine pag. 430. exhibetur.

Notandum verba, vncis inclusa, a nobis esse addita, ex exemplari illustrissimi regni Referendarii comitis ZALVSCII, qui ea adiecit, quae BRAVNIVS omisit. Continuatio huius catalogi vtilissimi erit in sequenti trimestri.

II.

VITAE trium archiepiscoporum Gnesnensium, seu regni Poloniae primatum, nempe ANDRAEAE ROSAE de BORYSZEWICE, IOANNIS de LASKO, et MATTHIAE de DRZEWICA.

Archiepiscopus Gnesnensis XLI, ANDREAS ROSA, de BORYSZEWICE. Vetusta stirps Rosarum, a primis fidei catholicae auspiciis, per prouincias Poloniae propagata, potissimum tamen in terra Siradiensi domicilium fixisse videtur. Ab his fuerat ramus Boryseuicorum, seu Krepiciorum, vt in tesseriis Polonae nobilitatis memorat PAPROCIVS, vnde ortus ANDREAS noster. In aula CASIMIRI Iagellonidis, et IOANNIS ALBERTI, regum, post diuturna et continua obsequia, per minora sacerdotia, praeposituram Lanciciensem, cononicatum Cracouiensem, Theomuniensem insulam, mox a IOANNE ALBERTO ad Praemisliensem ecclesiam, deinde Leopoliensem archiepiscopatum, quem cum Praemisliensi episcopatu retinuit, promotus, inde ad metropolitana translatum Gnesnensem. Quam grauibz exercitus negotiis, illa tempestate regis CASIMIRI merebatur gratiam, accuratius connotarunt rerum Polonarum scriptores. Anno 1477 exarserat belli flamma inter FRIDERICVM III, imperatorem, et MATTHIAM, Hungariae regem, ab illo irritatum. Hic dissuadentibus Hungaris bellum in Austriam promouit, omniaque ad fines vsque Bauariae peruastavit, FRIDERICO in Styria se continente, et Bohemorum Polonorumque auxiliares frustra implorante. Miserat tamen CASIMIRVS, Poloniae rex, pro eo affinitatis nexu, qui ei cum FRIDERICO intercesserat, pro belli sumptu decem millia aureorum, per Andream Boryseuicium, tunc Lanciciensem praec-

praepositum, quae imperator vero non acceptauerat, vel quod summa pecuniae tanto bello alendo non responderet, vel spes pacis affulgeret, SIXTO IV, pontifice, Hungaris et Venetis mutuo conatu eam promouentibus. Hac legatione non absque prudentiae ac dexteritatis peracta commendatione ad altiore adscendebat gradum. MATTHIAS Hungarorum rex cum CASIMIRO Iagellonide, tum aperto bello, tum occultis certabat simultatibus; caesaeque NICOLAI TUNGENTI, qui ob episcopatum Varmiensem, eiusque retinendam possessionem, cum CASIMIRO rege, in aleam belli descenderat, patrocinebatur. TUNGENTI tamen conatus improspere ceciderunt, et omnis dissidiorum fomes pacis mediis suppressus, MATTHIA rege ultro id poscente. Igitur ad MATTHIAM tres legatos, RAPHAELEM IAROSLAVIVM, Marefchalcum, PAVLVM IASIENIVM, thesaurarium regni, et ANDREAM ROSAM, praepositum Lancicienssem, cum summa misit potestate CASIMIRVS rex, qui futurae pacis tractationem ita nauiter promouerunt, vt non multo post inter reges et regna, veteris amicitiae nexus fuerit cum omnium plausu redintegratus. Paulo ante cum STANISLAO de STRZELCE WONTROBKA, gente OKSIO, Andreas Rosa designatus a CASIMIRO rege, profectus in Valachiam, anno 1475, iuramentum fidelitatis excepit a STEPHANO, Valachiae palatino. Tandem IOANNES ALBERTVS, Casimiri parentis in throno successor, Andream, veteranum in aula, ad episcopatum primum Praemisliensem, inde ad Leopoliensem promouit archiepiscopatum, vacantem ab obitu IOANNIS de STRZELCE WONTROBKA, factumque interuentione regia, ALEXANDRO VI, summo pontifice, indulgente, vt Andreas vicinum episcopatum, cum Leopoliensi archiepiscopatu simul retinuerit. Anno vero 1494, Leopolim ingressus, sponsam illam salutauit ecclesiam. Damna per hostilem rabiem bonis ecclesiae illata reparare occipiebat. Egenorum pupillorum et viduarum patronus liberalis, erga subditos beneuolus, in negotiis priuatis et publicis egregie dexter. Mortuo IOANNE ALBERTO Thorunii a. 1501, inter legatos fuit, qui ab ALEXANDRO rege iusiurandum de seruandis pactis exegerunt, regnumque ei detulerunt, cuius gratia ad primum in Polonia honoris gradum, ad metropolitanam Gnesnensem cathedram fuit promotus a. 1503, confirmatus a IULIO II, summo pontifice, anno sequenti iniens ecclesiae metropolitanae possessionem, magno cum laetitiae publicaeque hilaritatis sensu a clero populoque exceptus. Biennio elapso, ELISABETHA Austriaca, ALBERTI, Romanorum imperatoris filia, regis CASIMIRI relicta vidua, eximiae prolis foecunda mater, supremum Cracouiae clausit diem, cui iusta funebria persoluit ANDREAS ROSA,

archiepiscopus, actum illum lugubrem multis aliis episcopis cohonestantibus. At interim ALEXANDER cura et industria medicorum a graui confanescens aegritudine a. 1508. Lublinum profectus ad conuentum generalem. Exarsit ibidem acrior concertatio inter sacrum ordinem ac politicum, de ratione sedendi, ferendique sententias in senatu, ac de bellica expeditione ex bonis spiritualium. Post diuturnam tandem altercationem, rex controuersiam ita decedit, vt episcopis circa vtrumque latus regium sedendi praerogatiua et ecclesiae immunitas a militari seruitio, salua intaminataque maneret. Peraeto eo Lublinensi conuentu, recta in Lithuaniam ALEXANDER iter ingressus, res ibidem, Tartarica incursione turbatas, ac praeter modum afflictas deprehendit. Tartari enim e Taurica Chersoneso fecerunt irruptionem, et Podoliam, Russiam, ac Lithuaniam longe lateque crudeliter affligerunt, et praeter aliam praedam ingentem ad centum millia hominum in barbaricam abstraxerunt seruitutem. Valerudinem interim regis ire in peius non dubiis euincebatur indiciis. Empiricus quidam, seu agyrta impostor, qui, cum Polonus esset, Graecum se origine mentiebatur, regemque balneis ac sudoribus, vini etiam Maluatici propinatione ita debilitauerat, vt rex non longe a fati limine videretur abesse, qui Vilnae a. 1506, mense Augusto, mortuus. Quo facto SIGISMVNDVS I, Alexandri frater, Vilnam magnis properabat itineribus, Lithuaniae princeps inauguratus, et mox eodem anno Poloniae rex denuntiatus per Andream Rosam, archiepiscopum, qui regem, sequenti anno, xx Ianuarii, Cracouiae praesentem, in festo conuersionis S. Pauli regni diademate insigniuit. Exorta ibidem fuerat inter episcopos controuersia, inter archiepiscopum Leopoliensem, et Cracouiensem et Vladislauensem episcopos, quisnam illorum regi a dextris assisteret circa deductionem ad ecclesiam. Verum rex decreuit, vt episcopus Cracouiensis, vt pastor ecclesiae ad eum praesertim actum, regi a dextris assisteret. Quod superest ANDREAS synodum Lanciciam conuocauerat circa festum S. Matthaei, in qua regi pro publica regni necessitate duplicatum decretum fuerat subsidium. Tandem fessus annis, maturoque propior funeri, IOANNEM de LASKO coadiutorem, cum futura adoptauit successione, vno ante obitum anno, Rex SIGISMVNDVS effecit apud IVLIVM II, pontificem, vt eandem confirmaret adoptionem. Paulo post septennio in regimine cathedrae metropolitanae expleto, a. 1510. d. xx Aprilis Louicii supremum vitae diem obiit. Gnesnam corpus delatum, honorifice ibi tumulatum. Vir fuit doctus, amoeno ingenio semperque hilaris. CLEMENS IANICIVS posthumae eius memoriae hoc scripsit carmen:

Vna

Vna tot aestates vixit rosa, florida semper,
 Et vernans nullo tempore digna mori.
 Cana quidem, sed grata fuit tunc omnibus illis,
 Qui choreas, ludos, deliciasque colunt.

Archiepiscopus Gnesnensis XLII, IOANNES de LASKO. Domi-
 cilium familiae Lasciorum erat in terra Siradiensi, et oppidum extinctae
 iam domus, in hunc vsque diem illorum conseruat memoriam. Stemma
 priscum gentis habet nauem, pingiturque in eum fere modum vt corbi-
 tae, qua ex stirpe prodiit archiepiscopus. Emenso domi forisque cultio-
 ris literaturae cursu ad CRESLAVM CVROSWANSCIVM, regni cancella-
 rium, post Vladislaiensem episcopum, se contulit, in eius contubernio
 meruit, vt minoribus auctus sacerdotiis, Cracouiensi canonicatu, praepo-
 situra Scarbimirensi, ac demum Gnesnensi cancellariatu, Creslao promouen-
 te, cui in publicis regni negotiis, quorum moles cancellarios fatigat,
 promptam et sedulam impendit operam. Regni deinde primus Secreta-
 rius renuntiatus, cancellariorum vices a regali curia absentium suppletu-
 rus. Rex ipsemet annulare sigillum illius manui imposuit, iuramentum
 autem coram FRIDERICO cardinali, praestitit. Haec maioris regni
 Secretarii dignitas et praerogatiua instituta a. 1504. Petricouiae, vt legi-
 tur in statuto Herburii. In conuentu generali Lublinensi ab Alexandro
 rege accepit sigillum maius, qui eum cancellarium renuntiavit. Cum
 ALEXANDER rex, artibus MICHAELIS GLINSCII, hominis ambitiosi
 et audacis, quique occupando Lithuaniae principatui inhiabat, circum-
 uentus, ex consilio eius conuentum Brestae habendum indiceret, vt sub
 tali praetextu, varios primores, quos rebelles esse regi Glinscius per-
 suaderet, in arce caperet trucidaretque, Ioannis de Lasko persuasionibus,
 tum et Ioannis de Oswecim, canonici Cracouiensis hortatu, qui regi
 erat a confessionibus, ad mitiora se flecti passus est, cum tam sanguina-
 rium consilium euulgatum esse comperisset. Ignari procures ad locum
 publici consilii satis frequentes conuenere, sed IOANNES de LASKO,
 regni tunc cancellarius, tam feralis, scenae instructae bene gnarus, im-
 pendens tantis capitibus denuntiavit discrimen, monuitque vt arcis in-
 gressu abstinerent. Mortuo Alexandro, SIGISMVNDI I regis fidus
 fuit minister, et in negotiis status summam probauit dexteritatem. Vix co-
 ratione peracta a SIGISMVNDO missus orator ad VLADISLAVM, Hun-
 gariae regem, cum IOANNE LVERANSICIO, episcopo, et CHRISTO-
 PHORO SZYDLOWIECIO, foederum innouationem inter haec vicina
 promouit regna. Anno 1509, ab Andrea Rosa, archiepiscopo, vt su-
 perius

perius diximus, adoptatus, eoque sequenti anno rebus humanis exempto, plenariam ecclesiae metropolitanae iniit gubernationem. Mox ad sopiendam cum crucigeris nuper exortam dissensionem a rege Sigismundo destinatur ad congressum cum iisdem Posnaniam, cum variis aliis proceribus, qui tamen congressus nihil solidi parturiit, magisque irritatis, quam pacatis, animis, solutus est. Totius negotii legatorum ordinis et sociorum summa fuit, ut Prussia tota simul et Pomerania, ordini crucigerorum restituerentur, item ut a sacramento fidei, quod ex vi pactorum praestare tenebantur, omnino essent liberi, tertio, ut a bellicis expeditionibus, quas cum Polonis subire obligabantur, prorsus essent immunes. Postremum erat, ne Poloni ad ordinem vnquam admitterentur, quod cum risu exceptum, neque difficulter Poloni consensum praebuerunt. Mortuo autem magistro ordinis FRIDERICO, Saxoniae duce, in eius locum successit ALBERTVS, marchio Brandenburgicus, SIGISMVNDI regis sororis filius, a. 1512 qui Polono regi consuetum detrectauit praestare iuramentum. Sigismundus rex erat coelebs et de sceptri assumenda socia agitabat consilia. Non impar tanto principi visa consors BARBARA, Stephani comitis Scepusiensis et Hedwigis ducis Teschinentis filia, quae ad regni fines cum deducta esset, MORAVICIAE, pago vicino Cracouiae, Barbara egit noctem, ubi Ioannes de Lasko eam salutauit, et paulo post d. VIII. Februarii a. 1512 Cracouiae coronauit. Excurrebat rex SIGISMVNDVS in maiorem Poloniam a. 1513. et Posnaniae morabatur, ubi BARBARA regina, primo partu enixa filiam, cui nomen Hedwigis impositum. Venerat ibidem Lasko archiepiscopus, quem rex ad Iulium II, pontificem designauit legatum, qui Cracouiae parum moratus, primis Aprilis diebus itineri se accinxit. Contenta legationis haec fuere, ut ad concilium Lateranense, nuper a IULIO II inchoatum, regis Sigismundi orator properaret, tum etiam res Pruthenas, quas crucigeri susque deque permiscere non cessabant, et sequiori de illis relatione, aures pontificis onerabant, fide integra pontifici repraesentaret. Vix Cracouiae archiepiscopus abiuit, cum nuntiatum esset, pontificem die XXI Februarii e vita abiisse, et paulo post XI Martii LEONEM X electum. Mutato itaque legationis titulo, nihilominus Romanum continuauit iter, dumque Oenipontem peruenisset STANISLAVS OSTROGG, Califfiensis castellanus, adiunctus a rege SIGISMVNDO, legationis collega, archiepiscopum assecutus est, simulque Venetias perrexerunt, illamque urbem ingressi a principe Venetiarum, LEONARDO LAVREDANO, a senatu totoque populo perhonorifice excepti. Postridie IOANNES DE LASKO

in

in senatum reipublicae Venetae deductus, dixit: Sigismundum regem praesentem Venetorum calamitatem acerbius indolere, omnemque operam impendere velle, ut optata tranquillitas restituatur. Hisce confectis Romam oratores regii properarunt, ubi in publico consistorio ad LEONEM X prolixè satis peroravit archiepiscopus, obedientiam LEONI X deferendo, adstante STANISLAO OSTROG, d. XIII Junii a. 1513. qui legatus in Hispaniam ad PHILIPPVM I abiuit, cum interim Lasko concilio Lateranensi Romae interesset. Omnia, quae ad has legationes pertinent, continentur in Tom. I epistolarum et legationum PETRI TOMICII, episcopi Cracouiensis. In hoc concilio Lateranensi archiepiscopus pro se, suisque successoribus, a LEONE X impetrauit ius et titulum legati nati. Diploma seu bulla legationis natae insertum volumini constitutionum prouincialium Tom. I. LASKO noster deinde, supra biennium Romae moratus, concilio absoluto d. XVI Martii a. 1517, rediit in Poloniam. Interim, mortua regina BARBARA, Sigismundus rex, de nouis nuptiis cogitabat, qui BONAM Aragoniam, Italiam, ducem Bariensem, regio censuit dignam thalamo. Erat tum rex Vilnae, veneratque ibidem CHRISOSTOMVS COLUMNA, qui comitabatur MAXIMILIANI caesaris, ad magnum Moschouiae ducem BASILIVM, legatum, baronem de Herberstein, cum Secretario ISABELLAE Aragoniae, quae fuit mater BONAE, hocque connubium apud caesarem promouebat. Cum igitur SIGISMVNDVS rex hoc approbaret connubium, tabulaeque super eo confectae fuissent, a PETRO TOMICIO, Praemisliensi episcopo, regni procancellario, COLUMNA Italum vnum e domesticis Antonetum, Vilna Barium cum laeto nuntio expediti, qui celeritate incredibili Barium peruenit, die vigesima tertia; cum Vilna et Barium inter se distent trecentis septuaginta sex milliariis Germanicis. Oratores postmodum ad sponsam deducendam expediti, STANISLAVS OSTROG, Calissiensis castellanus, et IOANNES CONARIVS, archidiaconus Cracouiensis. Iuerat obuiam sponsae Sigismundus, quae Morauciae substiterat, cumque Cracouiae appropinquaret, salutauit eam rex et Ioannes Archiepiscopus. Ab ingressu Cracouiam, qui fuit xv Aprilis, quarta die, Sacro delibutam chrismate coronauit Ioannes archiepiscopus a. 1518. Biennio elapso BONA inter magnas bellorum procellas, peperit SIGISMVNDVM AVGVSTVM, Cracouiae, ipsis Augusti calendis a. 1520. Hoc tempore crucigerorum magister, ALBERTVS, abiecto nigro pallio cum alba cruce crucigerorum ductaque vxore, regis Daniae filia, religionem LVTHERI colere coepit, simul et orientalem Prussiam, iure fiduciario, praestito Cracouiae fidei sacramento, a rege Sigismundo impetrauit.

tunc

tunc in Prussiam, religionis Lutheranae propagnadae causa ex Germania ANDREAS OSIANDER et IOANNES POLYANDER, qui cum PETRO, episcopo Lacaedemoniensi, suffraganeo Plocensi, litterariam de fide habebat concertationem. Duo etiam episcopi, alter Sambienſis, GEORGIUS POLENTA, alter Pomesaniensis, ERHARDVS eandem profitebantur religionem, quorum prior matrimonium contraxit, reditumque episcoporum fisco ducali permisit adscribi. Hoc tempore factum, ut CLEMENTIS VII, pontificis iussu, magna pars dioecesis Pomesaniae, Mariaeburgensis palatinatus et insula maior, cum omni clero curae pastoralis et iurisdictioni Culmenſis episcopi subiiceretur, qui in hunc vsque diem titulum Pomesaniensis episcopi, patrimonio episcopatus ad fiscum ducalem redacto, vsurpat. Gedani etiam religionis causa magnae exortae turbae, ad quas sopiendas SIGISMUNDVS profectus. Praecipuus concitati tumultus habebatur IOANNES SOLCIVS, acerrimus dogmatum Lutheri propugnator, a partibus catholicorum fuerat PHILIPPVS BISSOVIVS, motus et exturbatus magistratu. Hic SOLCIO rege praesente, religionis mutationem, et vasorum sacrorum rapinas exprobrauit, qui deinde in carcerem ductus, cum tredecim aliis, capitis subiit supplicium. Sic catholica res in ea ciuitate restituta credebatur, quae potius inde exacerbata magis fuerit, adeo ut SIGISMUNDVS Lutheranismum regio rescripto firmare ex ratione status coactus fuerit, promouente hoc negotium CHRISTOPHORO SZYDLOWIECIO, castellano Cracouiensi, regni cancellario. Hic cum postea a Gedanensibus multis halecum doliis, aliisque muneribus donatus esset, ANDREAS CRICIVS Szydlowiecium satyrica carpsit mordacitate scribens:

Assē IESV terdeno venditus ante fuisti,
Vilem nunc halecem vix bone Christe vales.

A. 1523. SIGISMUNDVS rex paciscebatur, et foedus perpetuum cum rege Daniae FRIDERICO I, cum ducibus Meklenburgensibus et Pomeraniae sanciebat, quod negotium Gedani IOANNES LASKO, cum variis aliis proceribus Polonis, perfecit.

Anno 1526, clades, quam LVDOVICVS Hungariae rex, a SOLIMANO Turcarum imperatore d. xxix Augusti accepit, ansam dedit, ut magnae inuidiarum procellae in caput IOANNIS archiepiscopi redundarent. LVDOVICVS enim Hungariae rex, suis adinternecionem ad Mahatzium deletis, ipse fugiens in palude limo oppressus periit, quo mortuo, Hungariae et Bohemiae regnum, ad FERDINANDVM I, Caroli V
fra-

fratrem germanum, iure dotali, in conuentu Viennensi pactis firmato, cuique Soror LVDOVICI nupta erat, pertinebat. Verum Hungari celeri magis, quam maturo, vti consilio, IOANNEM comitem Scepu-sensem, cuius Soror, BARBARA regina, SIGISMVNDI vxor, nuper abierat e viujs, electum Hungariae regem, die festo S. Martini regali curarunt insigniri diademate, quo facto FERDINANDVS, ius suum ad regnum Hungariae asserendo, cum praeualido exercitu Hungariam ingressus, regni illius iniit dominationem, et coronationis solennijs peractis, IOANNEM aemulum ad amnem Tibiscum profligauit. Viētus IOANNES comes, castrisque exutus, in Poloniam profugit, quem SIGISMVNDVS rex, vt affinem, non grauatim patiebatur in regno comorari, et in solatium aerumnarum cum Poloniae primoribus familiarius conuersari, inter quos non erat postremus HIERONYMVS LASKO, palatinus Siradiensis, vir et bellicae fortitudinis praeclarus, et in rebus agendis consilio promptus, nepos ex fratre Ioannis archiepiscopi. Cum hoc et IOANNE TARNOVIO, comite, IOANNES collatis sermonibus, de amissi regni infortunio, repetendoque regali folio, lamentabilis saepe colloquebatur. Tandem redintegrandae fortunae regiae nullum alium modum superesse perhibebat Lascus, quam remedium apud SOLIMANVM, Turcarum imperatorem quaerere. HIERONYMVS LASCVS, tam arduam et periculi plenam suscepit prouinciam, profectus Constantinopolim, precibus, muneribus, perfecit, vt IOANNES imperatoris beneficiarius appellaretur, et in clientelam reciperetur. Ineunte vere a. 1529 auxiliares copiae IOANNI in regnum reducendo decretae, quae eundem in regni possessionem immiserunt, FERDINANDI praesidijs electis, profligatisque copiis. Non probabat SIGISMVNDVS rex tam impium HIERONYMI LASCI conatum, et quae nepos attemptauerat, in patrum IOANNEM archiepiscopum redundabant, cui tam feralis tragoediae apparatus imputabatur. Ioannes archiepiscopus, in litteris ad regem, suam quidem deduxit innocentiam, se incio inconsultoque, nepotem Hieronymum, tam atrox incendium rei christianae concitasse, sed Romae neque Ioannes archiepiscopus vacare culpa, credebatur, et hanc ob causam anathema contra archiepiscopum Ioannem a CLEMENTE VII, fulminatum. Deinde ad instantiam FISCALIS mandato summi pontificis, Petrus S. R. E. episcopus Sabinensis Anconitanus vulgo dictus, ad eam causam iudex a CLEMENTE VII deputatus, IOANNEM archiepiscopum, Romam citauit, obiciendo, consilii eum participem fuisse cum nepote, de Turcarum armis in Hungariam euocatis. In-

ferta haec citatio, seu monitorium, Tom. VIII, epistolarum Petri Tomicii, tres fere philuras efficiens, ubi dictum, ut archiepiscopus in persona, non per procuratorem, compareat, sub poena priuationis ab archiepiscopatu. Totus contextus citationis fabricatus verbis quaesitissimae asperitatis, quae legi absque horrore non potest. Nomine archiepiscopus, opere archidiabolus, appellatur Ioannes, et cum Datan, Core, Abiron, et Iuda, Saluatoris proditore, in vna ponitur lance. Exprobratur archiepiscopo, pro tam nefando nepotis facto complendo, bona ecclesiae distracta, oppignorata, arma, bellica instrumenta, lanceas in oppidis ipsius fabricatas, et in Hungariam Turcis submissas fuisse. Qualem summi pontificis indignatio effectum habuerit, non liquet, neque diu superuixit archiepiscopus.

SIGISMUNDVM AVGVSTVM, Sigismundi filium, archiepiscopus solitis caeremoniis renuntiavit magnum Lithuaniae ducem, annorum nouem puerum, xv calend. Nouembr. a. 1530. eundemque consensu ordinum, patri successorem designatum, sequentibus ix calend. Martii regio insigniuit diademate, necdum decem annos natum. In eo conuentu rex cum regina cauit regni ordinibus, non teneri ordines regni ad obedientiam praestandam regi nouiter inaugurato, donec adultior factus priuilegia iuraque eorum confirmet iuramento. Cum PETRO TOMICIO, episcopo Cracouiensi, acriores fouit similitates, ab ANDREA CRICIO, ex soror Tomicii nato satyrica etiam exagitatus mordacitate. MAVRITIVM FERBERVM, Varmiensensem episcopum, d. xxviii. mens. Octobr. a. 1523 consecrauit Petricouiae. Ecclesiam collegiatam in oppido haerediterio Lasko erexit, praepositum insulatum ibidem constituit. Synodos prouinciales frequentius, etiam vnam Gnesnae, congregauit. Constitutiones Synodales suorum antecessorum et proprias, primus in lucem edidit publicam. Statuta et leges regni, Alexandri regis iussu, priuilegia, diplomata, ex archiuo, seu scriniis deprompta in vnum compegit volumen, primusque imprimi curauit. Librum iuris feudalis et iuris Magdeburgensis; cuius in ciuitatibus et oppidis promiscuus est vsus, ordinauit, correxit et prelo subiecit. Sic dictum nepotismum strenue promouit, agnatis suis multa largiendo. Ciuitatem Louiciensensem, priuilegiis, immunitatibus decorauit, et quasi aemulam Cracouiae fieri desiderabat. Iudaeos Louicii commorantes expulit. Sodalibus Dominicanis Znenensibus, lacum, molam, certum pratum, cuius vsu iure postulabant, mandauit restitui. Archiepiscopi auctoritatem ille primus ampliauit, efficereque contendebat, ut non nisi

nisi in ecclesia metropolitana episcopi, suffraganei consecrarentur. Tandem coronationi SIGISMUNDI AVGVSTI, cui refragabatur, Petricouiae in conuentu electionis, tum etiam Cracouiae, circa actum inaugurationis, aperte resistebat, id quod nullius frugi futurum, et rempublicam turbaturum praedicebat. Placatus tamen suis ingratiis coronationis impleuit actum. Cum aetate iam esset prouecta, septuaginta quinque annorum, languere coepit, et mox, viginti annis, mensibus quinque in regimine metropolitanae ecclesiae completis, Calissii in curia archiepiscopali XIX Maii mensis a. 1531 mortem cum vita commutauit. Statura fuit procerus, vultu serius, moribus grauis, vita honestus, rerum gerendarum, et si ardua interueniebant, dexteritate pollens, magno et excelso animo, consilio promptus, subditis, pauperibus, clemens, benignus, sanguini proprio locupletando nimio plus addictus, Gnesnae tumultatus. CLEMENTIS IANICII versu finiamus vitam huius archiepiscopi:

Relligionis amor, patriae pater, auctor honoris

Gnesna tui, castus cum pietate pudor,

LASCIVS. O sancta mors simillima vitae,

Sic, o si fas est, sunt mea vota, mori.

Archiepiscopus XLIII. MATTHIAS de DRZEWICA. Locus illius natalis in terra Sandomiriensi, Opocinensi districtu, oppidum Drzewica, ad amnem eiusdem nominis situm, e stirpe Culkorum seu Vitelliorum. Exacta in scholis adolescentia, ingenioque grauiori literatura exculito, in seruitium aulicum, viuente rege CASIMIRO, cooptatus, eam prudentiae atque integritatis nactus existimationem, vt a morte Casimiri, IOANNES ALBERTVS, minoribus prouisum sacerdotiis, annularem secretarium, mox regni procancellarium renuntiavit, eique tantum magistratum a VINCENTIO PRZEREMBO dimissum detulerit. Eidem postmodum in Praemisliensi et Vladislauensi successit cathedra. Breui magna moles aduersorum Drzewicium fatigauit. Suspicio, vel sinistra delatio, aures Friderici cardinalis imbuerat, DRZEWICIVM, vita functo rege IOANNE ALBERTO, centum viginti millia florenorum, ex regio priuato thesauro, cuius habebat curam, tum alias summas FRIDERICI cardinalis, contrectasse, et IASINSKI, vir nobilis, conscius et complex nominabatur. Hanc ob causam a. 1501, nullo respectu, tanti magistratus et sacri ordinis, habito, die xxx Iulii in custodiam et carcerem trusus, tandem deducta innocentia dimissus nona Augusti. DRZEWICIVS, hoc infausito superato casu, ab ALEXANDRO rege episcopus Praemisliensis fuit designatus, gubernacula illius episcopatus vndecim annis tractans.

Ioanne de Lasko archiepiscopo facto, sigillumque maius dimittente, a. 1510. a SIGISMUNDO I cancellarius regni renuntiatus. Regiae beneficentiae amplam et luculentam nactus est testificationem, quam non interrupta serie erga Drzewicium SIGISMUNDVS continuauit. Rex IOANNES ALBERTVS, non multo ante supremum vitae suae diem, a. 1497, ius patronatus et collationem canonicatus, et sic dictae praebendae, in ecclesia cathedrali Praemisliensi quae regii iuris erat, academiae Cracouiensi perpetua transcripsit donatione, insuper Matthiam Drzewicium requisiuit, vt eandem, tanquam *dioecesanus loci ordinarius*, approbarer, quod omni facilitate confecit. A. 1518 SIGISMUNDVS rex Drzewicium episcopum Vladislaiensem nominauit, maius autem sigillum CHRISTOPHORO SZYDLOWIECIO, palatino, post castellano, Cracouiensi, rex contulit. Ad congressum Viennensem, Maximiliani imperatoris cum Hungariae rege, comitatus est Sigismundum Drzewicius, episcopus Vladislaiensis, cum IO. LUBRANSICIO, Polnaniensi, PETRO TOMICIO, Praemisliensi, procancellario, episcopis, Ex eodem conuentu miserat rex Sigismundus legatos ad rempublicam Venetam, MATTHIAM DRZEWICIVM, RAPHAELEM LESZCZYNIUM, IOANNEM DANTISCVM Secretarium, qui episcopus Varmiensis obiit, qui inter imperatorem et Venetos pace composita, in Poloniam redierunt. Mortuo imperatore MAXIMILIANO, ad comitia Francofurtum ad Moenum pro nouo eligendo imperatore Sigismundus Drzewicium misit legatum cum Raphaele Leszcynio. Rebus in eo conuentu ex regis sententia confectis, rediit in Poloniam, animum vertens ad curas pastorales. Illo enim tempore in tota Prussia et Gedani imprimis Lutheri doctrina propagabatur, prae caeteris a IACOBO FINKENBLOCK, et PANCRACTIO, Sodali Dominicano, quos auctor insignes Christi perduelles vocat. Ideo DRZEWICIVS communicato cum archiepiscopo Ioanne de Lasko consilio, Gedanum venit, et vicarium constituit, qui doctrinam nascentem reprimeret, et sacerdotes licentius viuentes ad omnem componeret honestatem. Sed nil effecit. Rediit altera vice Gedanum Drzewicius cum archiepiscopo de Lasko, et cum quendam Lutheranae doctrinae buccinatorem comprehendere et in carcerem conicere mandasset, a plebe nautica contumeliosis verbis impetitus vix discrimini se subduxit, misso e carcere, quem plebs postulabat. Hoc facto statim e ciuitate abiit cum archiepiscopo, nemine salutato. Brunsbergam etiam Drzewicius ad motus religionis causa componendos a rege missus fuit. Posteaquam in regimine Vladislaiensis ecclesiae compleuisset annos octodecim, IOANNE de LASKO

e vita

e vita migrante, qui viuens Drzewicium sibi optabat successorem, rege Sigismundo promouente archiepiscopus electus est. CLEMENS VII pontifex, translationis impertiit diploma vna cum pallio metropolitanae dignitatis, nonis Augusti a. 1531. Binas celebrauit Synodos Drzewicius, primam Petricouiae 1532, alteram Lanciciae, a. 1534. Cum Ioanne Karnkouio, successore in episcopatu Vladislauensi, ob restitutionem fructuum, quos iam archiepiscopus perceperat, litigium et simultas tanta illi intercefferat, vt negotium ad trutinam Romanae deuenisset curiae CLEMENS VII pontifex, totius causae, TOMICIO, episcopo Cracouiensi, delegauit cognitionem, qui eam amice composuit. Vergebatur in tribunali Drzewicii litigium Ioannis de Wolborz, parochi Chencinensis, cum consulibus et tota communitate. Satagebat parochus, vt decimam, ex agris ciuilibus prouenientem, ad parochi deueherent horrea, quod ante nunquam fuit in vsu. Quinimo Sbigneus de Olesznica, Drzewicii decessor, litem super hoc exortam ita complanauerat, vt qui precario, vel mercede conducta a parochio decimam vellent conducere, a consulibus non prohiberentur. Interuentione Tomicii ciuitas illa ab hac impetitione liberata, et parochio, temere litiganti, silentium impositum. Tandem Drzewicius aetate maturus ac prope septuagenarius febre continua correptus supremum expleuit diem anno 1535, die XII Augusti, hora noctis secunda, in arce Louiciensi, aetatibus LXIX. Perhibetur, fuisse miti et placido ingenio, prudentia singulari. Arces et bona mensae archiepiscopalis, diligens et prouidus pater familias resarciebat, conseruabat. Fertur fuisse ad rem attentior et magis beneuolus, quam beneficus. Ecclesiam in fundo haereditario DRZEWICA coctis lateribus aedificauit, vbi eius visebatur effigies. Gnesnae tumulatus, vbi in lapide sepulcri haec legitur inscriptio: *Iacet hic Matthias de Drzewica, gratia diuina in archiepiscopatum Gnesnensem euectus 1531, qui antea trium Poloniae regum fuit vicecancellarius, episcopusque Praemislensis et Vladislauensis xxvi annis, obiit in arce Louiciensi M. D. XXXV die XII Augusti, hora secunda noctis, 29. Septembris sepultus, vixit annos LXIX.*

Parcus eram forsan, vel sic me fama vocabat,
Quae solet insignes insinulare viros.
Sive tamen verum, cur sim vitiosus in isto?
Est virtus rebus parcere magna suis.

III.

Polonia litterata nostri temporis, auctore IO. DAN.

I A N O Z K I, bibliothecae Zaluscianae Secretario.

Pars I. Vratislaviae apud Io. Iac. Korn. M. DCCL.

in 8. mai. plag. 9.

In duos hic libellus diuiditur iterum libros, in priori recensentur Scriptores Poloni hac nostra aetate illustres, in posteriori vero exhibentur Scriptores Poloni nostra ipsa aetate, hoc est, AVGVSTO TERTIO, optimo maximoque principe Poloniam obtinente, demortui. De priori nil hic dicemus, quia in capite sequenti, dicturi de Lexico eruditorum Ianociano, integrum eruditorum viuentium, eorumque scriptorum catalogum inseruimus, quod lexicon litteratae Poloniae editio quasi Germanica est, hac tamen cum differentia, vt literatissimus auctor, nomina quidem eruditorum, in Polonia litterata obuientia, repetierit in lexico, quorundam omiserit, nonnullorum adiecerit, lectorem vero ad cognoscenda eorum scripta ad Poloniam litteratam semper remiserit, vitas eorum in compendio addens, quae in Polonia litterata desiderantur.

Elenchum igitur hic eruditorum, nostra aetate mortuorum, eorumque scriptorum suppeditabimus ex libro posteriori, quorum sequentes sunt:

GALECKA (*Sophia*) Palatini Poseniensis filia, canonicarum saecularium Varsauensium abbatissa. Excessit mense Febr. A. MDCCCLVIII. Ex gallico in vernaculum sermonem eleganter conuertit, typis exprimi curauit: Francisci Terueni, S. Th. D. et parochi Nanceiani, tractatum, de felicitate canonicae saecularis, officio suo rite fungentis. Varsauiae, typ. Soc. Ies. 1745. in 8. plag. 11.

GRZYBOWSKI (*Anthonius*) ord. min. conv. S. Th. D. et minister in prouincia Lithuana emeritus, obiit 1749. Varia edidit opuscula, lingua vernacula, inter quae commentarius de Franciscanis, inter Lituanos, martyribus, Vilnae 1740. in 8. plag. 10¹.

HOSIUS (*Stanislaus Iosephus de Bedzan*) episcopus Poseniensis, ord. aquilae albae eques. Aetatis suae LXV, A. MDCCXXXVIII, III. id. Octobr. e vita decessit. Extat eius: Synodus dioecelana Poseniensis A. D. 1738 diebus VII. VIII. et IX mens. Iulii, in ecclesia cathedrali Poseniensis habita, publicae edita. Varsauiae, typis coll. Soc. Ies. in 4. Alphab. 1. plag. 17.

IDLINSKI (*Elias a S. Francisco*) Carmelit. strict. obf. in maiori Polonia prouincialis emeritus, a. 1748. nonagenario maior e vita migravit. Scripta eius:

I) Ideae theologiae moralis. Varf. typ. Schol. piar. 1726, in 4. Alphab. 5¹.

II) Scrutinium iuris in re et ad rem theologico-iuridicum, etc. in sex tomos vna cum septemplici indice respectiue ad sua iura dispositum. In folio. Vnus solum romus adhuc Idlinscio viuo in vulgus exiit. Varf. typis Schol. piar. A. 1736. Alphab. 6. plag. 10. Reliqui in conuentu Carmelitarum Varsauensi summa diligentia seruantur.

KAMPENHAVZEN (*Io. Mich.*) Succamerarius Pernauiensis, celebris ille copiarum dux, ante octo circiter annos fato concessit. Scripsit de usu ac praestantia hastarum lingua vernacula, Calissii, 1737. in 8. plag. 12 $\frac{1}{2}$. Afferuntur quoque inter codices manu scriptos bibliothecae Zaluscianae: de re militari nostrorum temporum disciplina: observationes et alia opuscula ad rectam bellorum administrationem, pertinentia. Idem ille KAMPENHAVZEN AVGVSTI II regis gesta, nobilissimo opere fuisse prosecutus traditur.

KARP (*Iosaphat Michael*) Samogitarum antistes, mortuus a. 1739. reliquit epistolam pastorem ad clerum dioecesis Samogitiensis. Vilnae typ. Soc. Ies. 1737. in 4. plag. 17.

KOCZOROWSKI (*Franciscus*) Soc. Ies. rector collegii Lublinensis, viuis excessit VII. Kal. Aprilis A. 1743. Scripta eius.

I) orationes sacrae vernaculae de S. Benedict. Sandomiriae 1734. in folio.

II) orationes sacrae de S. Thoma Aquinate, Calissii, 1738. in 4.

III) Elementa, fidei et doctrinae catholicae, lingua Polona. Sandomiriae 1734. in 8. Liber idem, eadem in vrbe Gallico simul et Polonico sermone prodit, 1735. in 8. Postea *theologiae controversiae Hannenbergianae* fuit subiunctus, praemissa KOCZOROWSKI vita, lingua vernacula. Calissii 1744. in 8.

IV) Kalendaria politica annorum 1742 et 1743. Lublini, in 12.

KOMOROWSKI (*Stephanus a Komorow*) celsissimi primatis frater germanus, dapifer palatinatus Belzensis etc. A. 1750 functus vita. Reliquit orationes aliquas vernaculas, in conuentibus nobilium habitas. Polono carmine Thomae a Kempis de imitatione Christi lib. III reddidit, qui nondum impressi.

KOZYCHOWSKI (*Stanislaus a Kozuchowo*) pincerna Vielnensis, A. 1744 senio confectus obiit. Is regni leges ab a. 1550 ad an. 1726, literarum ordine, vnum in codicem retulit, typisque suis propriis in praedio Mokrzek exscripsit. a. 1732. in fol. Alphab. 10. plag. 21.

KVLCZYNSKI (*Ignatius*) ord. S. Basilii, abbas Ruthenus Grodnensis, morte praematura e vita sublatus d. ix Ianuar. Anno 1747. Scripta eius, admirabilium Ruthenicarum copia referta, sunt

I) specimen ecclesiae Ruthenicae, ab origine susceptae fidei, ad nostra usque tempora, in suis capitibus, seu primatibus Russiae, cum S. Sede Apostolica Romana semper vnitae, exhibitum. Romae. 1733. typis Hieronymi Mainardi in 8. plag. 20. cum sanctorum illorum Ruthenorum, ac singulorum archiepiscoporum Kiouiensium, totiusque Russiae metropolitaram imaginibus aeri nitide eleganterque incisis, in charta augusta.

II) Appendix ad specimen ecclesiae Ruthenicae, in quo nonnulla plane noua et hucusque nondum edita, continentur. Romae. 1734. apud Mainardum. in 8. plag. II.

III. Oratio de b. V. Mar. imagine Zyrowicensi, corona solenniter exornata. Romae, 1732. in 12. plag. 4.

IV) Il Diafro prodigioso di tre colori, ouero Narazione istorica delle tre magini miracolose della beata vergine Maria. In Roma. 1732. in 4. plag. II.

V) Historia S. Mariae Zyrowicensis. Supraslii. 1728. in 8. plag. 4.

VI) Relationes authenticae de statu Ruthenorum, cum S. R. E. vnitorum,
in

in regno Poloniae degentium. Romae, typis reuerendae camerae Apostolicae, A. 1727. in 4.

KWIATKOWSKI (*Petrus*) Soc. Ies. prope nonagenarius mortuus pridie calend. Maii, A. 1747. scripta eius

I) collectanea ascetica, exercitiis spiritualibus S. Ignatii fundatoris Soc. Ies. accommodata etc. Augustae Vindelicorum, sumptibus Christoph. Bartl. 1740 in folio. Alphab. 4. plag. 5.

II) Historia veteris et noui testamenti. Aug. Vind. 1741. in 4. Alphab. 4.

LABISZEWSKI (*Antonius*) Christianis. Gallorum reginae a confessionibus et Eleemosynis, anno circiter 1747. mortuus. Extat ipsius dispositio ad bonam mortem, in 12. plag. 13.

LIPSKI (*Io. Alexander a Lipie*) S. R. E. Presbyter cardinalis, episcopus Cracouiensis etc. Extant duae epistolae ad clerum Cracouiensem datae, typis etiam excusae orationes coram senatu recitatae, inter quas illa disertissima, qua Augusto III, principi diuinitus ad nos delato, imperii Poloni auspicia, reipublicae nomine gratulatus est. Mors eius senatui populoque Polono flebilis accidit x Kalend. Martii A. 1746.

LVBOMIRSKI (*Theodorus*) S. R. I. princeps, palatinus Cracouiensis et praefectus Scepusiensis, eques aurei velleris, ex hominibus abiit VIII. iduum Febr. A. 1745. Extant illius orationes vernaculae, ad senatum vel honoris officiique causa habitae in Io. Ostrowscii DANEYKOVICII Suada Polona et Latina Tom. I. p. 26. 99. 386.

LVDER (*Bartholomaeus*) Soc. Ies. viuere desit 1747. Scripta eius.

I) Castalis, flumenque rhetoricum, in littus idem, commissum, seu epigrammata et elogia diuorum Soc. Ies. A. 1737. Gedani, typis Io. Iac. Preussii, in 8. plag. 16 $\frac{1}{2}$.

II) Olympus litteratus etc. Leopoli. 1733. in 8. Alphab. 1. plag. 4.

III) Noctes Atticae in solem diemque datae, seu lucubrationes rhetoricae oratorum Soc. Ies. Gedani, typis Preussii. 1740 in 8 Alphab. 1. plag. 3.

MADYSKI (*Aegidius a S. Iosepho*) Schol. piar. rector collegii Lucouiensis, anno circiter 1748 mortem obiit. Eius sunt

I) Panegyrici, regni optimatibus, totius ordinis nomine, dicti. Varfauiae 1729. in 8. plag. 19.

II) Priuilegia, seu constitutiones Apostolicae, religionem clericorum regularium scholarum piarum concernentes, vna cum collecta breuiter, de eiusdem religionis initiis et progressu, historia. etc. A. 1736. Varfauiae in 4 plag. 22.

III) Sermones vernaculi, singulis diebus Dominicis ad populum Cracouiensem habiti Varf. 1739. in fol. Alph. 4 plag. 22.

IV.) Alii Sermones, festis diebus habiti. Cracouiae. 1741. in fol. Alphab. 3.

V) Vita b. Ios. Calasantii, cleric. reg. Schol. piar. primi conditoris et moderatoris, lingua vernacula. Varf. 1744 in 4. Alphab. 2. plag. 6.

MANIECKI (*Franciscus*) Soc. Ies. clarus poeta, morte functus, pridie Kalend. A. 1749. Sunt admodum multa illius carmina, inter quae illud maxime iucundum videtur, quod *Apollo* inscribitur.

MATYSZEWIC (*Io. Herculanus ex Dowmont*) S. Th. D. Canonicor. reg. Lateranensium per minorem Poloniam et M. D. Lith. praepositus generalis. mortuus 1734. Liber eius eruditissimus: *Canonicus regularis Lateranensis in Polonia et M. D. Lithuaniae, explicatus*. Cracouiae typis Franc. Cezary A. 1720. Alphab. I. plag. 5.

MEKONI (*Antonius*) Soc. Ies. in collegio Stanislaopolienfi studiorum praefectus, diem obiit 1745. Permultae sunt ipsius disputationes theologicae. In Polonum sermonem conuersae etiam ab eo *Boitaei* cogitationes selectae Leopoli, typis Soc. Ies. A. 1729. in 8. Alphab. 2.

MIONCZYNSKI (*Adamus*) Petri palatini Czerniechouiensis filius, Ser. regis cubicularius et praefectus Krzepicensis 1749 decessit admodum iuuenis. Extant eius theses philosophicae etc. in fol. plag. 6.

MIASKOWSKI (*Adrianus*) Soc. Ies. ipsis Cal. Martii A. 1737. aetatis suae annorum LXXX ab hominibus emigravit. Opera eius

I) Expedita salutis via, per exercitia Spiritualia a S. patre Ignatio, monstrata, Sandomiriae A. 1728. in 8. partes III.

II) Introductio in vniuersam Aristotelis philosophiam. Sandom. A. 1720. in 4 Alphab. I. plag. 15.

III) Deus in essentia vnus, in personis trinus etc. Praegae in coll. Soc. Ies. Anno 1723. in fol. Alphab. 6½.

IV) Deus homo, seu incarnatio verbi diuini etc. Praegae per Norb. Io. Fitzky A. 1728. in fol. Alphab. 10. plag. 7.

V) Tractatus de angelis etc. Posnaniae, 1730. in fol. Alph. 6. plag. 2.

VI) Tractatus de fine vltimo et beatitudine creaturae rationalis. Posnaniae A. 1731. in fol. Alphab. 3. plag. 5½.

MISZTOLT (*Antonius Aloysius*) Soc. Ies. rector collegii Vitepscenfis, vitam posuit VII calend. Dec. Anno 1740, aetatis LV. Edita ab eo: *Historia illustris. domus Sapiehae, ab origine et antiquitate sua; genealogico syllabo, per gloriosos Heroum eiusdem et connexarum familiarum progressus in praesens saeculum deducta*. Vilnae, A. 1724. in 4 Alphab. 2. plag. 9. Eidem locus in Suadae Polonae Tom. II part. vi. p. 118 - 238 datus.

MNISZEK (*S. R. I. comes Iosephus Vandalinus*) Castellanus Cracouiensis, aquilae albae eques etc. excessit e vita ix Calend. Sept. A. 1747. Viri huius principis orationes vernaculae leguntur in suadae Polonae Tom I p. 52. 170. Lectissimam possidebat bibliothecam.

MOSZYNSKI (*Constantinus*) ex ordine S. Pauli primi eremite ad Liouoniae pontificatum euectus. Naturae concessit 1738 fere nonagenarius. Reliquit annales Claromontanos.

NARAMOWSKI (*Adamus Ignatius*) Soc. Ies. praepositus domus professae, et rect. coll. Varf. morte ereptus A. 1736. Scripta eius

I) Facies rerum Sarmaticarum. Liber prior prodit Vilnae 1724 in 4 Alphab. 2. Posterior ibidem 1726. Alph. 3. plag. 18½.

II) Aurorae Solis Sarmatici etc. 1727. Vilnae, in 4. plag. 16.

III) Cancellarii et Procancellarii regni Poloniae, quibus adiuncti supremi thesaurarii regni. Varšaviae typis coll. Soc. Ies. 1727. in 4 plag. 19.

IV. Conciones vernaculae. Vilnae 1723 in 4. Alphab. 2. plag. 7. Latent adhuc in tenebris ipsius confilia: *de studiorum in provincia Soc. Ies. Polona. forma corrigenda emendandaque.*

NAVMANSKI (*Ioannes*) mortuus a. 1740. In eo, de Polona iuuentute, optime meritis, quod Io. Hubneri, rect. Hamburg. compendia geographica, genealogica atque historica in vernaculum sermonem translata, edidit.

NIEPRECKI (*Ioannes*) Soc. Ies. colleg. Varf. eloq. professor, adolescens decessit, A. 1749. Tabulam geographicam Lithuaniae confecit, Homanniorum haereditum sumptibus edita. Varias etiam orationes reliquit.

NIESIECKI (*Gasper*) Soc. Ies. ante duodecim, et quod excurrit, annos, morte extinctus. Auctor magni operis, quo gentium et familiarum Polonarum originem, literarum ordine persequutus est, cuius inscriptio: *Corona Polona* quatuor tomis constans, Leopoli typis Soc. Ies. excusis 1728. 1738. 1740. et 1743. cum figuris insignium gentilitiorum, ligno incisorum in folio. Primus tomus habet A - C. Alphab. 3. plag. 6. secundus D - K. Alphab. 7. tertius L - R. Alphab. 9. plag. 16. quartus S - Z. cum supplementis Alph. 8 $\frac{1}{2}$ lingua Polona.

OSIECKI (*Bruno*) ord. S. Pauli primi eremita. S. Th. D. concionator conuentus Varšaviensis, ante octo circiter annos e vita decedens, ingens reliquit concionum Volumen. typis Clarimontis Czenstochouienfis impressum 1738. in 4.

PEZARSKI (*Andreas*) Soc. Ies. S. Th. D. Vilnensis domus primae et secundae probationis rector, aetatis LIX de 2 mens. Aug. 1744 ex hominum vita demigrauit. Liber eius: Annibal ad portas. Vlodimirus Monarcha Russiae, in facie et acie Ducum et Heroum illustris. Oginscianae domus, a prima prosapiae origine, vsque ad praesens saeculum, cum colligatis sibi familiis, genealogica productus serie. Typis regii coll. Soc. Ies. Varf. A. 1732. in 4. Alphab. 2. plag. 2.

POKORSKI (*Innocentius*) ord. S. Pauli I crem. Vicarius prouinciae Poloniae et prior conu. Varf. A. 1740. aetat. LXVIII mortuus perhibetur. Edidit vitas S. S. patrum Paulinorum ex S. eiusd. ord. annalibus excerptas. Varf. Schol. piar. 1730. in 8.

PONINSKI (*Antonius Lodzia a Ponin*) palatinus Poseniensis, eques aquilae albae, poeta celeberrimus, fato succubuit VIII id Quintil. A. 1742. Clarissima opera eius.

I) *Opera heroica*, olim sub nomine equitis Poloni, sparsim edita, nunc vero plurimum aucta. Cura Io. Max. Krolikiewicz, S.R.M. S. impressa. A. 1739. Varf. typis Schol. piar. in 4. Alphab. 2. plag. 8.

II) *Sarmatides*, seu satyrae, ab eodem Krolikiewicz publicatae, sine loci mentione A. 1741. in 4. Alphab. 1. pl. 10.

III) *Orationes* tam vernaculae, quam Latinae cultissimae, coram rege ac regni proceribus, et exterarum nationum principibus, a *Poninscio*, dictae, lucem adspexerunt in *Suada Polona* et *Latina* Tom. I p. 46. et 189. Tom. II p. 5. et 8.

POTOCKI (*Comes Theodorus*) Archiepiscopus Gnesnensis et regni Primas etc. ord. aq. alb. eques, caelitibus restitutus aetatis suae LXXV. A. 1738. pridie

pridie Idus Nouemb. Permultae huius sunt orationes vernaculae et epistolae, ad regni ordines exaratae. vid. Gasp. Niesiecii Corona Polona Tom. III p. 705.

PRZYNA (*Stephanus*) Christophori, palatini Mscislauiensis frater germanus, S. Th. D. praefectus typographiae Soc. Ies. Varf. Septuagenarius spiritum extremum edidit 1738. Scripta eius

I) De immaculata conceptione b. v. Mariae. Varf. typis coll. S. I. a. 1737. in 8. plag. 12.

II) Quatuor orbis partium etc. brevis descriptio. Lublini, typis S. I. 1750. in 12. plag. 10. edit. altera. Latino simul et polono sermone.

III) Iac. Casimiri Haur Oeconomicum, supplementis suis expletum. Varf. 1730. in folio Alphab. 2. plag. 16.

RADZEWSKI (*Franciscus*) Succamerarius Poseniensis, A. 1748 de vita migravit. Scripta, adscito Poklatecii nomine,

I) Quaestiones politicae a. 1743. in 8. absque loci indicio, quibus praecipua iuris Poloni et publici et priuati capita persecutus est.

II) Commentarius legationis a Raphaele comite LESZCZYNSKI, Palatino Lenciciensi, Augusti II. reg. Pol. nomine, ad Mustapham II, Turcar. imper. Summa cum laude et dexteritate, obitae. Poseniae. 1744. in 8.

ROSTKOWSKI (*Adamus Franciscus Xau. in Rostkowo*) S. Th. et V. I. D. episcopus Philadelphiae, archidiaconus Plocensis, praepositus Varfauiensis et Pultouiensis octogenarius acceperit iv. Non. Martii A. 1738. Opera eius.

I) Relatio de obitu Andr. Chrysoft. Zaluski, S. R. I. principis, Episcopi Varmiensis et Sambiensis, sub ficto ROGALLI nomine prodiit Brunsbergae 1711. fol. plag. I. quae nonnihil multata accessit Epist. Zaluscianarum Tom. III p. 906.

II) Clypeus Cleri Poloni, contra tela fori saecularis etc. Varf. typ. Sch. piar. A. 1728. in 4. Alphab. 1. plag. 16.

III) De vita priuata sapienter instituenda, liber ex Galileo Polonice versus, Brunsbergae 1714, in 8. plag. 15.

IV) De rege Poloniae ex indigenis eligendo, disceptatio. Varf. 1733. in 4. plag. 10. lingua vernacula.

RVDNICKI (*Dominicus*) Soc. Ies. rector collegii Pultouiensis, e viuis abiit, annos natus LXIII, calend. Octobr. a. 1739. Extant ipsius orationes Latinae, seu panegyrici, item conciones vernaculae, et varia poemata.

SCIPIO (*Iosephus de Campo*) Marechalculus curiae Lithuaniae, mortuus a. 1743. Sunt eius aliquot orationes vernaculae, in senatu habitae, magnorum consiliorum plenissimae, Suadae Polonae T. I p. 91. et 393 insertae.

SCZANIECKI (*Stephanus*) Soc. Ies. per Poloniam praepositus prouincialis, ab humanis decessit A. 1773. Opera eius

I) Fragmenta philosophiae vniuersae, ex ipsius praelectionibus collecta. Vol. I. Calissii a. 1694, Vol. II. Lublini a. 1710 editum in 8.

II) Ars docendi religiose, vtiliter, honeste etc. Calissii, typis coll. Soc. Ies. 1715. in 8. plag. 5.

III) Nuda veritas de terra puri verbi Dei pridem exorta, contra palliatam falsitatem, ex carne et sanguine, spirituque priuato, subinde renatam; seu vetus et genuina ex Sacra Scriptura, responsio catholica, ad sophistice nouellas dissidentium,

tium, praesertim Caroli Drelinkurtii, ex eadem scriptura, obiectiones, idiomate Polono, Calissii. 1719. Deinde ab alio Soc. Ies. theologo Latine reddita. Posnaniae 1723. in 4. Alphab. 2. plag. 14.

IV) Remonstratio, contra cuiusdam D. Lutherani mellite maledicam Demonstrationem, quod sanctissimus D. noster BENEDICTVS XIII, in multis articulis sit bonus Euangelico-Lutheranus, et iuxta protestantium fundamenta, in suis ordinationibus et dispositionibus procedat, cum appendice libelli, de famoso dissidentes inter, atque catholicos, negotio Thorunensi 17 Iulii 1724. coepto, et 7 Decembris eiusdem anni terminato. Posnaniae. 1727. in 4. pl. 17. Auctor is quoque est: *Protreptici ad Magistros*, dissimulato nomine.

SERIEWICZ (*Adrianus*) ord. frat. min. obseru. qui Bernardini vocantur, in Russia, custos prouincialis, ante octo circiter annos mortuus. Extant eius con- ciones vernaculae pergrauae et vehementes. Leopoli A. 1738. in 4.

SOBIESKI (*Iacobus Ludouicus*) IOANNIS III, regis Poloniae filius, aurei velleris eques, bonarum in Polonia litterarum praecipuus existimator, ad Deum excessit xiv Calend. Ianuar. A. 1737, annum gerens aetatis LXXI. Constat opti- mum hunc principem permulta, exercendi animi gratia, composuisse, et paren- tis sui gesta opere quodam Gallico posteris commendauisse. Neque defunt, qui referant, eundem arti, quam cabbalisticam appellant, opem haud mediocrem dedisse, deque eius placitis libros duos reliquisse. Instruētissimam possidebat bibliothecam.

SZEMBEK (*Christophorus Andreas Ioannes comes in Slupow*) primum Chel- mensis, post Premisliensis, demum Varmienfis Episcopus, ord. aquilae albae eques, obiit a 1740. Opera eius sunt

I) Synodus Dioecesaia Chelmenfis, Crasnostauiae, in ecclesia cathedrali, praesente vniuerso dioecesis clero, celebrata. Die decima octaua mensis Iulii et aliis duabus sequentibus diebus. A. D.M.DCC. XVII. Zamoscii, typis vniuersita- tis in folio. Alphab. 1. plag. 10. Huic adiecta est: Bernardi S. R. E. presby- teri cardinalis MACIEIOWSKI epistola pastoralis ad parochos prouinciae Gnef- nensis.

II) Synodus dioecesaia Premisliensis etc. celebrata d. xi seq. m. Iulii A. 1723. Cracouiae, typis Iac. Matyaskiewicz. in fol. Alphab. 1.

III) Epistola pastoralis ad clerum Dioeceseos Varmienfis, exarata. d. xxix Dec. A. 1724. in 4. absque loci et typographi mentione.

IV) Synodus dioecesaia Varmienfis, Heilsbergae instituta. d. 14 Iulii A. 1726. Brunsbergae. typis coll. Soc. Ies. in 4. plag. 16.

V) Meditationes de passione Christi. Brunsbergae. typis iisdem, in 12. plag. 3.

VI) Orationes vernaculae, in diuersis dioeceseon suarum ecclesiis recitatae. typis iisdem. Brunsbergae. 1740. in folio Alphab. 2. plag. 6. in charta augusta, cum celsissimi ipsius Szembekii imagine, manu I. G. Haid, in aere affabre caelata. Re- liquit et orationes tam vernaculas quam Latinas, coram AVGVSTO III summo patriae patre, habitas, et in Suada Polona T. I p. 56. Tom. II p. 8. legendas.

VII) Doctrinae Christianae compendium etc. Brunsbergae 1735. in 8. plag. 13.

VIII) Curante eodem principe, ibidem impressi Sermones Sacri, diebus solemnibus, lingua vulgari dicti a Stanislao Szembeck, archiepiscopo Gnesnensi et regni primate, 1726 in 4. Alphab. I.

SZEMBEK (*Christophorus Anzonius comes in Slupow*) Primum Liuaniae, deinde Posnaniensis, postea Cuiauiensis episcopus, tum denique archiepiscopus Gnesnensis, regni primas etc. in tuenda religione auita acerrimus, ceteroqui natura bonus, et vulgo *SWIĘTA DUSZA*, hoc est, sancta anima, appellatus. Aetatis LXXXV obiit pridie Non. Iulii A. 1748. Scripta eius haec sunt:

I) Sanctissimi D.N. Dom. Clementis, papae XI, duae constitutiones, quarum una incipit: *Vnigenitus Dei filius*, altera: *pastoralis officii etc.* adiaciuntur cardinalis de Alfaria de Bousfu etc. epistolae pastorales, et plura alia, in constitutionum illarum Apostolicarum defensionem, edita. Varf. typ. Schol. piar. A. 1719. in 4 plag. 10.

II) Synodus dioecesana Posnaniensis, per biduum Varf. celebrata. A. M. DCC.XX. diebus 27 et 28 mens. Feb. Varf. typ. Schol. piar. in 4 Alphab. I. plag. 5. in fine addita est: *collectio nonnullorum iurium regni Poloniae contra haereticos.*

III) Monita pastoralia, vniuerso clero et populo dioecesis Cuiauiensis et Pomeraniae, data, aduersus eos, qui cognitiones, de sagis sinistre instituunt. Vratislaviae in Polonia maiori. A. 1727 Latine et Polonice. Germanica versio legitur in diario illo: *Preussischer Todes-Tempel* p. 322.

IV) Oratio vernacula, quam ad regni ordines, Stanislai regis seruandi causa, mutuo foedere iunctos, habuit. Czenstochouiae d. 1x mens. Febr. A. 1735. reperitur etiam in *Suada Polona* T. I p. 204.

Idem princeps perhibetur auctor commentationis vernaculae: de cardinalitia Cracouiensis episcopi dignitate, archiepiscopi Gnesnensis iuribus, non derogante. a. 1741.

TARLO (*Ioannes*) Palatinus Sendomiriensis, aquilae albae eques, morte occubuit 1750. Reliquit permultas orationes vernaculas in senatu dictas.

WCISŁOWSKI (*Valentinus Iosephus*) S. Th. D. Can. reg. S. Sepulcri congregat. Miechouiensis, praepos. conuentus et eccles. Cracou. obiit xv Calend. Maii a. 1747. Scripsit poema vernaculum, *Theologia Polona*, inscriptum, Leopoli 1742 in 4 plag. 20.

WESSEL (*Augustinus*) Episcopus Camenecensis, animam Deo reddidit III idus Febr. a. 1735. Scripta vernacula haec reliquit:

I) In psalmos septem poenitentiales paraphrases Cracouiae, typis Caesarii, 1724 in 4 Alphab. 3 plag. 10

II) Ad vitam piam et Christo dignam, adhortationes. Varf. typ. Soc. Ies. 1728 in 4 Alphab. I.

III) Passionis Christi mysticam expositionem, typ. coll. S. I. Leopoli. 1738. in folio. Alphab. 9. plag. 2.

IV) Optimam episcopi formam, absque anni et loci mentione, in 8.

WIERVSZEWSKI (*Casimirus*) Soc. Ies. circa annum 1745 naturae debitum persoluit. Scripta eius:

I) Elogia heroica, D. Stanislao Kostka per Clementem XI, apotheosi donando, dicata. Posnaniae, 1717. in 4 plag. 21.

II) Io. Francisci Regis, Soc. Ies. professi, vita et res gestae, elogiis adornatae. Posnaniae. 1719. in 4. plag. 21.

III) Illustres umbrae: id est, principes ordinum religiosorum conditores, elogiis celebrati. Posnaniae. 1719. in 4 Alphab. 1. plag. 20.

IV) Laurea poetica, e Soc. Ies. sago et toga inclutis. Calissii 1726. in 8. Tomi II.

V) Europa in Serenissima Leszcyniorum domo, sanguine et affinitate, per orientis et occidentis imperatores: per absolutos Monarchas; per omnes fere Poloniarum reges, per duces, heroes et summos proceres, inclusa, ad connubiale Festum Ludouici XV ac MARIAE LESZCZYŃIAE Christianissimorum Galliae regum, pro augenda totius Europae laetitia, aperta. 1725. Francof. in 8. plag. 15. WIERVSEWSCIVS familiarum omnium illustrium, cognatione cum Ser. Leszcyniorum domo, coniunctarum, originem luculenter subtexuit.

VI) Libellus de conscribendis epistolis, lingua vernacula, Posnaniae 1720. in 8. edit. altera Varf. 1739. in 12.

Ei quoque tribuuntur: *Litterae amici ad auctorem libelli, cui titulus: de emendandis vitiis eloquentiae*, quibus mira inest verborum petulantia atque mordacitas. Idem ille: *historiam sui temporis*, reliquisse traditur. Suppellex eius libraria collegio cessit Soc. Ies. Lancienfi ab ipso eodem condito.

WISNIOWIECKI (*Ianussius Korybut Dux in Zbaraz et Wisniowiec*) Castellanus Cracouiensis, eques aquilae albae, humanis rebus exentus A. 1741. Extant carmina ipsius complura, adscito Ignatii Lucae Olzowfcii nomine, edita. Orationes vernaculae ipsius reperiuntur in Suada Polona Tom. I part. I p. 6. part. II. Gallicum librum: *pensez y bien*, inscriptum, Polonice. reddidit Posnania. a. 1728. in 4. Alphab. I.

WISNIOWIECKI (*Michael Korybut, Dux in Wisniowiec*) Ianussii frater germanus, supremus Lith. Cancellarius, post etiam palatinus Vilnensis, et copiarum Lituandarum imperator perpetuus etc. exiit e vita die xvm. mens. Sept. 1744. Pauli Segneri Soc. Ies. Mannam animae ex Italico in patrium sermonem translatam diuulgauit. Varf. typ. coll. S. I. 1728. in 4. Reliquit etiam historiae populi Dei, a Berruyerico Gallice scriptae versionem Polonam, cuius tomus secundus typ. Schol. piar. Varf. impressus. in folio, 1740. Orationes vernaculae inueniuntur in Suadae Pol. T. I. p. I. p. 4. et 54, litterae Polonae T. I. p. IV. p. 35. 63. 66. 81. Bibliotheca hic princeps, vndique magno studio conquisita, gaudebat.

ZAKRZEWICZ (*Simon*) Congregat. missionis Superior Cracouiensis, mortalis esse desiit a. 1740. De cura animarum liber post auctoris obitum Supraslii excusus. a. 1741. in 4. Alphab. 1. plag. 5½.

ZALVSKA (*Alexandra*) Adalberti com. Lanskoronski, Castellani Gostinensis vxor, mortalium grege crepta a. 1744. Crasseri colloquia de augustissimo Eucharistiae Sacramento, ex Gallica in Polonam linguam vertit. Varf. ex typographia Schol. piar. 1735 in 8. plag. 13.

ZALVSKI (*Franciscus comes in Zaluskie*) palatinus Plocensis, eques aq. alb. Spiritum edidit xv. Calend. Dec. a. 1735, aetatis suae LXXV. Extat liber ab eo Polonice confectus: de vita Michaelis, Poloniae regis in folio.

ZAWISZA (*Christophorus Stanislaus comes in Bakszy*) palatinus Minscensis diem obiit a. 1734. Adolescens adhuc publicae luci exposuit:

I) propositiones Christiano politicas, vnitati et pietati animorum, bello et paci vniuersae christianitatis, accommodas. Cracouiae typis vniuersit. 1695. in 4. Alphab. 2. plag. 3.

II) Stanihursti, Soc. Ies. historiam Dei immortalis in corpore mortali patientis e Latino in Polonum Sermonem conuersam excudi curauit, Vilnae 1721. in 4. Alphab. 1. plag. 4.

III) Orationes vernaculae, quibus propriae familiae suae origines adiecit. Varf. typ. S. I. 1728. in 4 Alphab. 2. plag. 3 $\frac{1}{2}$.

Ante octo circiter annos occubuit filius eius, IGNATIVS ZAWISZA, M.D. Lith. curiae mareschalcus, eques aquilae albae, cuius commentarius legationis suae, ad ANNAM Russorum imperatricem, Augusti III Polon. reg. nomine peractae, lingua vernacula editus. a. 1734. in folio plag. 8.

ZRZELSKI (*Ioannes*) Soc. Ies. Sexaginta annis maior obiit III Non. Dec. 1746. In magno pretio Polonis habentur septem illae conciones vernaculae: de passione Christi. Vilnae typ. S. I. academ. 1739. in 4. plag. 18.

IV.

Lexicon derer itztlebenden Gelehrten in Pohlen,
herausgegeben vom Canonico und Bibliothecario
Ianozki. Erster Theil. Breslau, verlegts Io. Iac.

Korn. 1755.

Hoc est:

Lexicon nunc viuentium eruditorum in Polonia,
editum a Canonico et bibliothecario IANOCIO. Par prior.
Vratislaviae Sumtibus Io. Iac. Kornii, 1755 in 8.
mai. 14. plagulae.

Dominus IANOCIVS, Canonicus Scarbimiriensis, laudabiliter labores suos literatos sustinet, donando Poloniam hoc eruditorum Lexico. Nemo vero mireretur, hoc lexicon tam angustis circumseribi terminis, et quatuordecim tantum efficere plagulas. Qui noscit difficultatem, eruditorum Polonorum vitas et scripta ex iis comperire, et quam delicatissima sit res in Polonia de viris doctis viuis scribere, et veritatem dicere, ille certe mirabitur magnitudinem voluminis. Arduum omnino laborem subiit, in re litteraria Polona prae multis aliis versatus IANOCIVS, scribendo de eruditis in Polonia viuentibus, qui, licet aequae laudari cum modestia ad vnum omnes, quosdam tamen deprehendit male contentos, quia forte laudis nondum habuere satis, vnde quis non inepte colligere possit, istos magis vanis laudibus, quas haud merentur, quam veris meritis, illustri laude dignis,

dignis, florere velle. Quod super est, auctor eruditorum Polonorum scripta parce tantum citauit, quia in Polonia litterata, vbi catalogum plurimorum eorundem eruditorum suppeditauit, de iis iam loquutus est. Nobis e re esse videtur, catalogum omnium eruditorum in Polonia nunc viuentium ex hoc lexico, erundemque scriptorum ex Polonia litterata, simul hic adiicere, vt exteris, si non ita cito eorum scripta, nomina tamen interim illorum innotescant. Sunt autem sequentes:

ANTONOWICZ (*Michael*) Sacerdos. Persium cum explicatione Polona edidit.

BARTOLT (*Erasmus*) Monachus Ord. S. Augustini, S. Th. D. opus eius de disciplinis Sacris ex Sententia D. Augustini, lucem nondum vidit.

BIEGACZEWICZ (*Albertus Ioannes Cantius*) A.M. eloquentiae in Academia Cracouiensi Professor, canonicus colleg. S. Annae.

* BIELINSKI (*Franciscus*) comes supremus regni Mareschalcus, magnus literarum aestimator et Maecenas, variorum bonorum librorum promouit liberalitate sua impressionem, varia etiam scripta vtilia idiomate Polono donauit, de quibus alio loco vberius dicemus.

BIELSKI (*Ioannes*) e Societate Iesu, in collegio Posnaniensi eloquentiae professor, purioris Latinitatis in Polonia instaurator.

BOHOMOLEC (*Franciscus*) e Societ. Ies. prouinciae Lithuan. collegii nobilium Varsauensis eloquentiae Professor. Primus puritatem linguae Polonae introducere laudabiliter conatus est.

BOSZKOWSKI (*Philippus*) ord. Cisterciensis, S. Theol. D. Liber eius prae caeteris vtilis, est: *noua et vetera, liberas, ab antiquo, electiones regularium abbatum Poloniae, concernentia*, in 4. Alphab. 1. plag. 12.

BRZOWSKI (*Iosephus*) Societatis Iesu, rector collegii Societ. Ies. Mscislauiensis.

BVLHAK (*Georgius*) Episcopus Pinscensis et abbas Suprasliensis. Iussu et sumptibus eius biblia idiomate Ruthenico Suprasliae impressa fuere, anno 1743.

BVRZYNSKI (*Stanislaus*) Castellanus Brestensis, antea instigator m. D. Lithuaniae. Edidit

I) Academiam et vniuersitatem Vilnensem Societatis Iesu, priuilegiis, constitutionibus etc. roboratam etc. a. 1738. fol. plag. 13.

II) Apologiam academiae Vilnensis aduersus scholas pias, a. 1738. fol. plag. 3.

III) Decisiones causarum inter Acad. Vilnensem aduersus scholas pias, factas a Sereniss. Augusto III, Pol. rege. 1738. fol. pl. 1½.

BVTIVS (*Andreas Vincentius*) Auditor et iudex generalis S. Apost. Nunciaturae regni Pol. et M. D. Lithuaniae, natione Italus. Decisiones eius ab a. 1747, vsque ad an. 1754. Varsauiae impressae fuere, apud patres Scholarum piarum.

BYUDECKI (*Florianus*) S. Th. D. ord. Canonicor. S. Sepulcri custos generalis, et Canonicus metropolitanus Gnesnensis. Inter scripta eius praecipuum: vita venerabilis serui Dei, MATHIAE LVBIENSKI, Archiepiscopi Gnesnensis etc. Calissii A. 1752. Alphab. III. continens.

BYSTRZONOWSKI (*Adalbertus*) Societatis Iesu, rector collegii Soc. I. Leopoliensis. Scripta eius

I) Polonus politus.

II) Elementa matheseos vniuersae, Lublini, 1743.

III) Kalendaria historica et politica.

BYSTRZYCKI (*Martinus*) Soc. Iesu, S. Th. D. et monitor spiritualis. Iuuenis scripsit introductionem in arithmetica, Polono idiomate, opus etiam IACOBI CASIMIRI HAVR de re oeconomica, lingua Polona scriptum, amplissimis locupletatum accessionibus, edidit Varsoviae. 1744. in folio Alphab. 3. plag. 4.

CHMIELOWSKI (*Benedictus*) Canonicus honorarius metropol. eccles. Leopoliensis. Varios libros theologicos, nec non introductionem ad eruditionem vniuersalem Polono idiomate scripsit.

CHODYKIEWICZ (*Clemens*) Ord. S. Dominici, conuentus generalis Leopoliensis theologiae professor. Triadem dissertationum, de septem diaconis, deque epistolis ad Corinthios, et martyrio S. Clementis, pontif. max, edidit 1749. in fol. plag. 5.

CIESZKOWSKI (*Crispinus*) Canonicus cathedralis Leopoliensis. Opera Latina poetica auunculi sui edidit, praemissa praefatione erudita de fato poescos Latinae apud Polonos, a. 1747. in 4. Alphab. 2. plag. 10.

CZAPLEWSKI (*Stanislaus*) Societ. Iesu, eiusdemque Archiuarius et historiographus provinciae Polonae, editurus breui historiam provinciae Polonae Soc. Iesu.

* CZARTORYSKI (*Theodorus*) Celsissimae Czartorysciorum principum familiae, decus, Poloniae Maecenas, Episcopus Poseniensis, aquilae albae eques. Orationem de effusione Spiritus Sancti, Romae habitam, nec non epistolam pastorem, imprimi curauit.

* CZARTORYSKI (*Michael*) Dux in Klewan et Zuko, M. D. Lithuaniae cancellarius supremus, Poloniae Maecenas. Auspiciis eius editio nouissima SARBIEVII. Soc. Ies. Lyricorum prodiit Gedani, a. 1737. Alphab. 1. plag. 2.

CZOSNOWSKI (*Ignatius*) Cubicularius regius, optimas Petri Cornelii tra-goedias Gallicas, elegantissimis versibus Polonis expressit.

DAMBROWSKI (*Stanislaus*) Scholarum piarum. Orat. Cic. select. XIII edidit, et alia quaedam.

DANEYKOWICZ (*Ioannes*) thesaurarius districtus Pinscensis, editor Suadae Polonae Latinaeque.

* DEMBOWSKI (*Anthonius Sebastianus*) Episcopus Cuiauiensis, ord. aquilae albae eques, Poloniae Maecenas. Scripta eius sunt

I) Recta dioeceseos Plocensis visitandae ratio.

II) Officium passionis etc. carmine Latino et Polono, Dantisci. 1743.

III) Oratio in comitiis a. 1740, sermone vernaculo habita extat in Suada Polona Tom. I. p. 181.

IV) de vniuersae rei Polonae publicae statu, Gallico idiomate.

V) De libertate Polonorum, Latine.

DOCTOROWICZ (*Fabianus*) Soc. Iesu, Rector collegii Grodnenfis. Ora-tiones sacras vernaculas edidit, in comitiis maxime Grodnenfis habitas, maximo regni procerum applausu. Varsoviae. 1748. in 4. Alph. 1. plag. 3.

DOGIEL (*Matthias*) Scholarum piarum, prouinciae Lithuaniae assistens. Vir in rebus litteratis Polonis versatissimus, simul et diligentissimus. Breui orbem litteratum donabit codice diplomatico, quo tabulae publicae, tam veteres quam recentes, ad regnum Poloniae et M. D. Lithuaniae ac reliquas prouincias, Poloniae iunctas, spectantes continentur. Opus sex circiter voluminibus in folio consistens, et quale Polonia nunquam antea vidit.

DOMARADSKI (*Iosephus*) Societ. Iesu Prouincialis dignitate functus methodum tractandi studia correxit, plus sic pro litteris in Polonia faciens, quam scribendo libros, ad quos edendos tempore caret, multis negotiis obrutus. Varias Theses, eo praeside, propugnatas promulgauit, artis disputandi admodum peritus.

DRVZBACKA (*Elisabetta*) Celeberrima Poloniae Poetria, genere Kowalska, Casimiri Druzbaseii, thesaurarii olim Zydzaceuiensis, vidua. Opera eius omnia poetica in primo Tomo collectionis poematum viuorum poetarum continentur. vid. biblioth. Varfauiensis pars IV. p. 326.

DVNCZEWSKI (*Stanislaus*) mathes. Prof. in academia Zamoscensi et regni Pol. geometra. Edidit defensionem astrologiae, meditationem de cometa a. 1744, et commentationem de re Poloniae monetali, adiectae Kalendariis, quae ab a. 1726. edere quotannis coepit. Correctionem etiam Heraldicae Polonae Niesiecii suscepit.

DVNSKI (*Aloysius*) I. V. Doctor, et coll. S. Mariae Posnaniae praepositus, canonicus Varfau. honorarius etc. edidit Iureconsultum in materia censuum et decimarum. Posnaniae. in 4. Alphab. I. plag. II.

EBERT, natione Saxo, Illustriss. comitis Sapieha, episcopat. Vilnensis coadiutoris, et supremi Lithuan. Referendarii, Secretarius et Bibliothecarius. Opus, quod CONNOR de Polonia edidit, quam plurimis in locis correxit, breui forte typis exscribendum.

FORMICA (*Antonius*) Celsissimi episcopi Cracouiensis archiater, per multos annos in Polonia medicus celeberrimus, natione Italus, nunc colleg. om. Sanctor. Cracouiae Decanus. Edidit consilium medicum, pro auertenda et curanda lue epidemica, in tractu Varfauensi, anno eodem 1737 grassante. Varfauiae in 8. plag. 4.

GARCZYNSKI (*Stephanus*) Palatinus Posnaniensis, aquilae albae eques etc. Variarum eius impressarum sunt orationes, in comitiis habitae lingua vernacula, scripsit etiam anatomiam reipublicae Polonae, Sermone Polono, Varfauiae. a. 1751. impressam in 4to. Optimus Senex praeterito anno fati functus, veneno, ut dicitur, sublati a domestico seruo.

GOLEMBIOWSKI (*Anastafius*) Carmelit. discalceat. prouincialis. Extat opus eius Leopoli a. 1751 impressum, cuius inscriptio: philosophia naturalis: octo libros physicorum, libros de generatione et corruptione, de anima, ac compendium meteororum complectens, vna cum dedicatione ad S. Thomam Aquinatem, in fol.

GRABIA (*Stanislaus Stephanus*) Canonicus regularis S. Augustini, prior conuentus canon. reg. Tresmenensis. Scripsit

I) de Bennonis, episcopi Misnenensis, vita et miraculis,

II) de

IV. *Lexicon derer itztlebenden Gelehrten in Pohlen.* 115

II) de ritu gentium, fidei catholicae addictarum, instituendi, in ecclesiis, pia loca, viae crucis, seu Caluarii nuncupata, ad instar stationum montis Caluarii a. 1739. in 12. plag. 5.

III) dissert. de canonicis regularibus S. Augustini Calissii. in 4. plag. 3.

* GRABOWSKI (*Adamus Stanislaus*) Episcopus Varmiensis, S. R. I. princeps, aquilae albae eques, magnus literarum aestimator. Poloniae Maecenae. Scripsit

I) explication historique d'un tableau en relief. in 4. mai. pl. 5.

II) Orationem memorabilem Polonam in comitiis Grodnenfibus a. 1744. habitam, inuenitur in Daneykowiciana Suada Polona Tom. I p. 441. Auctor etiam hic celsissimus Maecenae, ut Martinus Gallus et Vincentius Kadlubko, cum duobus anonymis ex Ms. bibliothecae episcopalis Heilsbergensis, per celeberrimum LENGNICHIVM in lucem prodierint.

GRABOWSKI (*Manfuerus*) ordinis minorum obseruantium, cognomento Bernardinorum. Impressae sunt ab eo scriptae orationes vernaculae, de laudibus sanctorum. Auctor etiam commentarii rerum, a fratribus ordinis minorum obseruantium qui Bernardini nuncupantur, in Polonia, ab anno 1450, vsque ad an. 1744 gestarum.

GRODZICKI (*Faustinus*) Soc. Iesu. Scripsit

I) theatrum eloquentiae, illustrium personarum apparatu, ex antiquissimis et probatissimis Rhetoribus etc. instructum, Leopoli, 1745. in 8. Alphab. I. pl. 15. In hoc libro nimium inuehitur in KONARSCIVM, optime de litteris in Polonia meritum.

II) Scientias artium militare, architecturam, pyrothechnicam, Tacticam, Polemicam, Perspectiuam complectens etc. Leopoli. 1753. editio altera auctior cum tabulis aeneis, in 4.

GRYSZEWSKI (*Hieronymus*) Regens studii theologici fratrum minorum conuentualium S. Francisci Polnaniae, et definitior prouinciae Polonae. Scripta eius sunt

I) de recta litterarum sacrarum pertractione, Varsoviae, 1734, in 12.

II) de vtilibus et inutilibus controuersis fidei christianae, A. 1740. in 4. lingua vernacula.

III) Orationes sacrae, in duobus Tomis in 4. Polnaniae, 1748.

IV) Consilium de reformandis studiis monasticis, in regno Poloniae. Manuscriptum, quod ob inhibitionem superiorum nondum fuit euulgatum.

HALKIEWICZ (*Michael*) fratrum minorum conuentualium S. Francisci prouincialis. Studium theologicum ordinis sui Varsouiense magno labore correxit, melioremque methodum introduxit, bibliothecam etiam ad eum pertinentem auxit. Scripsit doctrinas Sacras, presbyteris ac vniuerso clero etc. vtilissimas. Varf. 1740. in 8. pl. 11.

HEMPPEL (*Raphael*) Soc. Iesu, collegii nobilium Varso. humaniorum litterarum et philos. experimentalis professor. Scripsit: Clodoaldum, Daniae principem, Tragoediam. Varf. 1748. in 4. pl. 6. et Darium, Tragoediam. Varf. 1749. in 4. pl. 7½. misurus breui in lucem orationes suas publice habitas, in quas erit

et illa, de bibliotheca Zalusciana publica, litterarum in Polonia culturam plurimum iuuante.

HERKA (*Clemens Stanislaus Kofka*) Gymnasii academici Pofnanienfis director, et confistorii generalis assessor. Scripta eius sunt

I) Quaestio iuridica de feriis. Cracouiae in fol. 4.

II) Recueil de quelques exercices de piété, de civilité et de la Chronologie Sacrée et profane propre à faire profiter la jeunesse dans la langue Françoisé et ces trois choses en même tems. à Posen. 1752 in 8. plag. 35. Historia eius Academiae Cracouienfis summo desiderio expectatur.

HOLOWKA (*Casimirus Aloysius*) Soc. Iesu. apud illustres Anton. Przewdziecki, M. D. Lith. Referendarius a confessionibus, eiusque filiorum studiorum moderator, antea Seminarii academici Vilnensis viceregens. Scripta eius

I) Compendium Geographiae, e praeis nouisque Scriptoribus depromptum. Vilnae 1743 in 8. plag. 7.

II) Notitia vtriusque Poloniae in duabus tabulis chartae, quam regalem dicimus. 1748. Varias alias praeterea tabulas Geographicas edidit.

HREBNICKI (*Florianus*) archiepiscopus Polocensis et episcopus Vitepsensis ord. S. Basilii. Litterarum aestimator et promotor. Varia edidit Scripta contra patres Soc. Iesu Polocii, concernentia controuersiam ob bona, a rege Stephano Bathoreo, Graecis ante unionem adempta, patribusque Soc. Iesu ibi donata, facta autem unione a Graecis iterum repetita, inter archiepiscopos Polocenses, et rectores collegii Soc. Iesu ibidem fundati, per saeculum iam Romae ab utraque parte magno studio, summisque sumptibus agitatam.

HVLZEN (*Georgius Nicolaus*) Episcopus Smolenscensis, litterarum aestimator et promotor. Scripta eius

I) Laur. Scupoli, cler. reg. certamen spirituale ex ital. in Pol. conuersum. Vilnae. 1741. in 8. plag. 5.

II) Claudii Fleurii etc. catechismus historicus, ex gallico, Polonico expressum. a. 1746. in 8. Vol. II.

III) Epistola pastoralis vernacula, ad clerum vniuersum dioeceseos Smolenscensis. Vilnae 1746. in 4. plag. 3 $\frac{1}{2}$.

IV) Regulae precandi, lingua vernacula, 1747. in 8.

V) Pia ad SS. Trinitatem, suspiria, opusculum Latinum.

VI) Consilium, de recta beneficiorum ecclesiae conferendorum ratione.

VII) Monita, Confessariis imprimis pro directione, at vero praelatis et parochis pro correctione, scitu perquam necessaria; in epist. Card. Belarmini; ad episcopum Theanensem, nepotem suum comprehensa, cum annotationibus, Gedani 1755. in 8.

HVLZEN (*Io. Augustus*) episcopi Smolenscensis frater germanus, Palatinus Minscensis, aquilae albae eques, litterarum aestimator et promotor. Scripsit lingua vernacula Historiam veteris et nouae Liuoniae, cum omnibus eius privilegiis, immunitatibus etc. Vilnae, 1750. in 4. Alphab. 2. plag. 13. Varias etiam illustrissimi palatini orationes cultissimae vernaculae, in publicis regni conuentibus recitatae inueniuntur in Daneykowicii Suada Polona et Latina.

* IABLONOWSKI (*Ioseph. Alexander*) S. R. I. princeps, Palatinus Nouogrodiensis, Sti Spiritus in Gallica ordinis eques etc. Non magnus solum literarum aestimator et Poloniae Maecenas, sed et inter principes Polonos eruditos ponendus. Continuo studiis vacat, amplissima exquisitissimaque bibliotheca instructus, auctor multorum vtilissimorum scriptorum, edita nempe ab eruditissimo hoc principe sunt

I) *Wstawy y Zdania* seu *apophthegmata* ac sententiae depromptae et compilatae ex quatuor fontibus, scilicet Ameloti, Hufeyii, Oxensternae et Galli cuiusdam anonymi, addita propria ad capita nonnulla. Varf. 1741 typis patrum Schol. piar. Editio altera nitidissima cum dedicatione ad consanguineum suum et focerum Ducem in Wiszniowiec vltimum, in qua Genealogia et historia Ducum Wiszniowieciorum praeclare admodum, adhibitis etiam exteris auctoribus, pertractata est. Opus id stylo terso Polonico conscriptum, adeo vt vnique satis factum sit. Quingenta exemplaria erant A. 1754. de nouo impressa, ac vix vnicum apud bibliopolas prostat.

II) *L' Empire des Sarmates*, Gallico idiomate, seu *imperium Sarmaticum*, prima editio in 4. mai. Halae, 1741. Edit. secunda, reuisa, correctae et auctae, Norimbergae 1748, apud Georg. Christoph. Lochner. Tertia editio multo adornatior Halae 1755 apud Christoph. Petr. Franke. De Sarmatis seu Asiaticis seu Europaeis, eiusdem tamen gentis, nemo plura scripsit, hicque liber rarus ob exemplarium penuriam. In hoc opere non solum origo Polonorum a Slauis, horum a Sarmatis probatur, sed et antiqua regni Poloniae, tum M. D. Lit. geographia et topographia adiuncta est, cum chronologia veteri huius regni elaboratissima. In ipso vero fine celsissimus auctor adiunxit genealogiam veterum gentium doctissimam amplissimamque et tabulam Sarmatae geographicam.

III) *Osada Kleynotow Rycerskich* etc. hoc est Heraldica, seu scientia stemmatum vel insignium familiarum Poloniae omnium, scientia paucissimis in regno nota, cum multis ad rem spectantibus supplementis, et additamentis, plerumque ex tabulario regni et M. D. Lit. magna expensa desumptis, simul et chartophylacia thesauri, cancellarium, tribunalium, praefecturarum, et plus quam viginti praecipuarum familiarum regni et mag. Duc. Lit. in auxilium adhibita fuere. in 4. Leopoli, typis collegii Soc. Iesu 1743. Editio secunda aucta et correctae Leopoli, A. 1752. Alphab. I. plag. 2. cum multis tabulis aeneis. Opus magna diligentia et lingua vernacula elegantiori scriptum, Scientiae huius vocabula explicata omnia, secundum regulas Heraldicae. Celsissimus auctor disserit etiam de originibus Poloniae, magni Duc. Lit. Russiae et Prussiae. Additus tractatus de successione, quae in iure Polono nondum satis definita. Deductio eruditissima continet originem principum Radiuiliorum et comitum Sapieharum.

V) *Rollini historia antiqua* etc. ex Gallica in vernaculam versa. Lublini, typis colleg. Soc. Iesu. in 4. cultissimo hic liber stylo Polono exaratus, et iam rarus.

VI) *Tabulae Iablonouianae* etc. Opus in magno folio splendidissimum, in charta regia impressum, cui elaborando celsissimus auctor viginti quinque annos impendit. Amstelodami partim a. 1744, partim Norimbergae a. 1748 typis exaratum. Labor tam magnus in hoc fuit sciendo opere, vt Societatem ma-

gis eruditorum, quam vnicum virum desiderare videatur. Sumtus vero, quos celsissimus auctor in hoc opus genealogicum impendit, fidem fere superant. Breui hae tabulae Genealogicae, in suo genere vnicae et vtilissimae, de nouo auctae erunt impressae, quiaque Latinae, plurima exemplaria iam ad varia regna et bibliothecas publicas designata.

VII) *Vita et Martyrium D. Eustachii*, carmine heroico Polono, Leopoli, in folio, typis colleg. Soc. Iesu, plag. 50. Ducenta tantum exemplaria fuere impressa, vnde iam eo rarior, quo sublimior et gratior verificatio.

VIII) *Descriptio foundationis arcis et capellae Lachouecensis*, in 8. 1751. lingua vernacula, elegantissima de palatinatu Volhyniae continens collectanea varia.

IX) *Pars scripturae Sacrae et Psalterium*, Polonicam in linguam fidelissime translatum, in 4. A. 1752. Hunc librum nobilissimum auctor matri suae dedicauit, dignus tanto auctore labor, pia religionis aemulatione ardente.

X) *Musaeum Polonum* etc. in 4. Leopoli 1752. Auctorum Polonorum rariorum elenchum seu compilationem sistit.

XI) *Dissertatio de progressu artis poeticae* in vernacula lingua. Leopoli 1753. in folio. Additus est elenchus, seu musaeum poetarum Polonorum.

XII) *Trigonometria* in 4. A. 1753. lingua vernacula. Liber regni officialibus et geometris Polonis in primis vtilis. Adiunctae tabulae sunt mensurarum, ponderum etc.

XIII) *Podborecensis*, quibus castrum quoddam auctoris nomen ortumque dedit. Sub nomine nobilissimi domini Georgii Scopii, Angli prodiit, sed celsissimus auctor varia lectu digna addidit. Leopoli, 1754. in 4.

XIV) *Dodecas ducum Martis Poloniae et M. D. Lit.* seu classicum Sarmatae, Leopoli, 1754. in fol. typis Io. Filipowicz. Tom. I continet praefationem, ordinem rotius materiae distincte exponentem. Sequitur dissertatio de origine Ducum exercituum regni Poloniae, deque functionibus eorum et praerogatiuis, cui etiam historiae bellicae Poloniae potissima pars inserta est. Additae etiam sunt constitutiones omnes de ducum praerogatiuis et re militari summa cum cura ab celsissimo auctore compilatae, quam materiam nemo, quantum scimus, Polonbrum adhuc tangere ausus est. Series deinde ab anno millesimo ad nostra vsque tempora, omnium, qui in republica fuere, ducum, maximo cum labore collecta. Secunda dissertatio agit de ducibus exercitus militiae aulicae, vulgo domus regiae. Tertia, de Regimentariis seu generalissimis, qui et supremi et campi ducis munere simul fungebantur. Quarta, de ducibus ad vitae tempus regimen capeffentibus. Quinta et vltima ducum quorundam vitae et gesta illorum nitidissimo stylo Polono exponuntur. Tom. II aliorum Sex ducum vitas continebit. Tom. III. iam omnium exercitus ducum vitas comprehendet absolutas.

XV) *Anecdota Iablonouiana*, de quibus in trimestri primo fuisse egimus, cui operi vltimam auxiliatricem porrexit manum illustrissimus regni referendarius, comes ZALVSKI.

XVI) *Nagody* seu nuptiae Chananacae, liber purae et verae deuotionis, religioni Sacer. in 8 mai. Lipsiae typis Io. Christ. Langenheim. a. 1755.

XVII)

XVII) *Dissertatio de progressu literarum in Polonia*, seu Specimen literarum Slavo Polonarum in 4. Ex ea quilibet copiosissimam notitiam et eruditionem auctoris facile colliget.

XVIII) *Bibliorbeca Iablonouiana*, seu catalogus, studio Witzlebenii, viri eruditi in 4. mai. Lipsiae litteris Breitkopfianis a. 1755. Observationes, librorum raritas, et pretia adiecta sunt. Tres adhuc tomi sperantur, quorum primus manuscripta membranacea continebit.

Sequuntur nunc alia opera celsissimi auctoris, typis nondum exscripta, tempore autem imprimenda, nempe

XIX) *Ephemerides peregrinationis Iablonouii* in 4. Gallico idiomate.

XX) *Astronomia Iablonouii*, septem sectiones continens, etc. in folio.

XXI) *Repertorium Historiae*.

XXII) *Collectanea poetica selecta*, ex omnibus fere poetis.

XXIII) *Orationes Iablonouii*, comitiales, nuptiales et funebres, Polonico idiomate vario tempore habitae, et in vnum volumen collectae.

XXIV) *Vindiciae Poloniae contra Bohemiam*, seu scriptores Bohemos, qui corpus D. ADALBERTI, quod Gnesinae asseruatur, male se possidere gloriantur.

XXV) *Tabularium locupletissimum domus Iablonouianae*, in folio.

XXVI) *Diarium obsidionis Gedanensis*.

XXVII) *Mappa*, seu *tabula* geographica regni Poloniae, omni cum cura per celsissimum auctorem disposita, et per Saint-hillers delineata.

XXVIII) Duodecim orationes M. T. Ciceronis in usum emendandae eloquentiae.

Stupebit forte lector, celsissimum nostrum Iablonouium, principem, regni senatorem, tam multis aliis negotiis obrutum, tam multa variaque opera exarare potuisse. Sed ille est, qui se reipublicae, litteris Musisque totum dicavit, rarissimum, singulari memoria dignum, et non omni saeculo sperandum exemplum*.

IABLONOWSKI (*Stanislaus Vincentius*) S. R. I. princeps, Palatinus Rauenensis, Sti Spiritus in Gallia, et aquilae albae eques, Poloniae maecenas, nuper fato functus. Scripta eius sunt

I) C. Cornelii Taciti sententiae morales, de adulatione. Ex Gallica Amelotii editione in vernaculam translatae. Leopoli, 1744. in 4. Alphab. I. pl. 6.

II) Vita Sti Nepomuceni, lingua vernacula.

III) Poema de victoria magni STANISLAI IABLONOWSKI a Turcis et Tartaris A. 1685 reportata.

IABLONOWSKI (*Ioannes Caietanus*) S. R. I. princeps, palatinus Braclaiensis, aquilae albae eques, nec non aurei velleris, literarum aestimator et promotor. Scripta eius

I) Hi-

* Hic Catalogus Scriptorum IABLONOVII principis in Lexico Ianociano non reperitur, vbi lector ad Poloniam eiusdem litteratam remissus, in qua autem quinque tantum eius operum mentio facta est.

I) Historiae biblicae trium illustrium matronarum, Estherae Iudithae, et Susannae; patrio carmine delineatae Leopoli 1747, in 4.

II) Paralellon duorum Iosephorum, patriarchae et B. V. Mariae sponsi. 1749. in 4. plag. 8.

IARMVNDOWICZ (*Casimirus*) I. V. Doctor et Professor in Acad. Cracouiensi, collegii Ilcusiensis canonicus. Scripta eius variae dissertationes iuridicae, et Historia abbatiae cisterciensis, quae Landae est, et de eius abbatibus. Posnaniae a. 1745. in folio. Expectatur opus eius de re monetaria Polona summo cum desiderio.

IAROSZEWICZ (*Florianus*) ord. Min. S. Francisci strictae obseruantiae reformatorem prouinciae Russicae prouincialis, scripsit principia theologiae Asceticae ad vsum et captum tyrocinii religiosi, potissimum seraphici ordinis minorum S. P. N. Francisci strictae obseruantiae reformatorem. Ex probatis auctoribus collecta, disposita et elucidata A. D. 1752. Leopoli, typis confrat. Sanctissimae Trinitatis in 8. Alph. 2. pl. 9.

IAWORSKI (*Stanislaus*) Soc. Iesu prouinciae Polonae, orator et poeta. Prae caeteris eius scriptis memoria digna

I) Tragoedia Iouathan, lingua vernacula, versibus sine rythmis consistens, Calissii producta et impressa a. 1746 in 4. plag. 10.

II) Oratio pro vera eloquentia, Lublini habita a. 1751. in 4 pl. 3.

IEZIEWSKI (*Carolus*) Soc. Iesu prouinciae Lith. Philosoph. in Acad. Vilnensi Professor primarius, eiusdemque Syndicus et Bibliothecarius, varia edidit scripta in quibus philosophiam Aristotelicam contra patres scholarum piarum defendere conatur.

IEZIEWSKI (*Stanislaus Raymundus*) ord. S. Dominici, episcopus catholicus Bakouiensis in Valachia. Varias habuit orationes sacras solennes, quae autem nondum impressae. Bibliothecam Dominicanorum Lublini auxit.

IVNIEWICZ (*Michael*) Soc. Iesu prou. Lith. eiusdemque procurator generalis. Imprimi nunc curat lettres edificantes et curieuses, ecrites des Missions etrangeres par quelques missionnaires de la compagnie de Iesus.

IVRAHA (*Casimirus*) Soc. Ies. prou. Lith. tabularii prouincialis inspector. Editurus bibliothecam scriptorum Soc. Ies. prouinciae Lithuaniae.

IVRAHA (*Ioannes*) Soc. Iesu prou. Lith. Casimiri frater Germanus collegii et Academiae Vilnensis rector. Scripsit apologiam pro vniuersitate Vilnensi, aduersus clericos regulares, qui a scholis piis denominantur. Vilnae. 1739. in folio. plag. 4.

KAMIENSKI (*Valentinus*) Scholar. piarum. Historiam vet. et nou. testamenti episcopi Varmiensis et supremi Cancellarii, Zaluscii, ex Gallica editione dom. le Maitre in linguam vernaculam translata de nouo imprimi curauit pro vsu Scholar. piarum. Varf. 1744. in 8. Eodem tempore edidit controuersias religiosae Scholar. piarum collegii Varfauiensis, collegio Varfauensi Societatis Iesu, de iure publice imprimendi, illatas in 4. plag. 7.

KEMPSKI (*Adamus*) Secretarius mareschalci regni supremi, comitis Bielinscii. Poeta Polonus elegantissimus, breui editurus opus poeticum contra religionis cauillatores in Polonia.

KIELLSZ (*Michael*) Soc. Iesu prou. Lith. Auctor Tragoediae, cui nomen *Sedecias*, vtraque lingua, Latina et Polona scripta ab eo, et nobili iuuentute Varfauiæ acta a. 1752, eodemque anno impressa in 4. plag. 26.

KOBIELSKI (*Franciscus Antonius*) episcopus Luceoriensis et Brestensis, Ser. reginae cancellarius, aquilae albae eques. Scripta eius

I) Panegyricus Augusto II, regi Poloniarum optimo maximo dictus. Cracouiae 1734. in 4. plag. 3.

II) Sermones sacri solemnes, absque loci indicio excusi. 1735. in 4.

III) Litterae pastorales ad vniuersum clerum et populum vtriusque dioeceseos, cum annexis de verbo ad verbum, in testimonium legis suae, sanctissimi Domini Benedicti Papae XIV constitutionibus et litteris, in anno 1740. 1741. et 1742. emanatae, ad perpetuam rei memoriam, et intro contentorum executionem, pro vnaquaque Dioeceseos ecclesia, in vnum codicem, typis reimpressae. Leopoli 1744. in 4. plag. 20.

IV) Conciones vernaculae, ad Iudaeos, in maxima ipsorum celebritate, habitae. Leopoli, 1746, in 4.

KOLA (*Demetrius Franciscus*) Scholar. piarum prouinciae Polonae, in celsiss. regni primatis aula theologus. Scripta eius

I) Meditationes de summis Christianismi practici capitibus. Varfauiæ 1742 in 4. Alphab. I. plag. 2 Polono idiomate.

II) Catechismus Romanus, electissimis codicis sacri locis, adornatus. Varf. 1742. in 4. Alphab. I. plag. 5. Polono idiomate.

III) Nouum magnum Lexicon abbatis Daneti Gallicum et Latinum, cum interpretatione Polonica, Varfauiæ, typis S. R. M. et reipublicae in coll. Schol. piar. in folio. Tomus I. 1743. continet literas A. E. Tom. II. 1745. exhibet F. Z.

IV) Compendium Heraldicae. Varf. 1747. Polono idiomate.

* KOMOROWSKI (*Adamus*) Archiepiscopus Gnesnensis, regnique primas etc. etc. literarum in Polonia promotor et Maecenas. Sub celsissimo eius nomine prodierunt

I) Informatio pro vniuerso clero archiepiscopatus Gnesnensis etc. lingua Latina. in 4. plag. 2.

II) Defensio cleri Poloni contra accusationes saecularium. in fol. plag. 3. lingua vernacula.

KONARSKI (*Stanislaus*) Scholarum piarum, vir de litteris in Polonia optime meritis. Scripta eius sunt

I-) Elegiarum Libri III, quibus accessit decas Lyrica. Varfauiæ 1724. in 12. plag. 9.

II) De emendandis eloquentiae vitiis Liber I cum consensu superiorum. Varfauiæ 1741. in 8. plag. 20.

III) Grammatica Latina, ad vsum iuuentutis Scholar. piar. in 8. edit. tertia Varfauiæ. 1743.

IV) Flauii Eutropii breuiarium historiae Romanae, Laur. Reinhardi observationibus, indice Latinitatis et Geographico exornatum, iuxta exemplar Hafnien- se recusum. Varf. 1744. in 8. plag. 16.

V) Collegii priuati, ad normam illustrissimi illius Nasareni Romani, sub regimine scholarum piarum, cura eorundem pp. sumtibus autem publicis, pro educanda nobilissima Polona et Lituana iuuentute, coepti, tam interior quam exterior facies, exposita simul saluberrimi huiusce instituti ratione. Sermone Gallico et Polono. Varf. 1744 in folio. constat plagulis 8 et tabulis acri incis 4.

VI. Carmen epicum de Serenisf. Stanislai I regis, Lotharingiae et Bari Ducis, virtutibus. Lutetiae parisiiorum 1747. in 4.

VII. Reuer. pater KONARSKI maxime etiam auctor fuit, vt leges, statuta, constitutiones, priuilegia regni Poloniae, M. D. Lithuaniae, omniumque prouinciarum annexarum, a comitiis Visliciae A. 1347 celebratis, vsque ad vltima regni comitia, in sex tomos in folio colligerentur sumtibusque publicis typis Schol. piar. imprimerentur. Amplissimi vtilissimique huius operis Tomus I a. 1732 editus. Tom. II. a. 1733. Tom. III. a. 1735. Tom. IV. a. 1737. Tom. V. 1738. VI vltimusque Tomus a. 1739. Doctissimam praemisit doctissimus Konarscius praefationem: *de legum, apud Polonos ortu ac progressu.*

Eidem tribuuntur: Epistolae familiares. A. 1733. in 4. partes II.

Nec desunt, qui modestissimo Konarscio attribuant: Responsiones, ad Aca-
demiae et Vniuers. Vilnensis, Soc. Ies. priuilegia, constitutiones, Decreta, lingua vernacula, ex typographia Schol. piar. Varf. in vulgus editas. 1738. fol. plag. 6. Eius quoque ductu in publicum prodisse dicitur: Summarium priuilegiorum, decretorum, testimoniorum etc. concernentium fundationem Vilnensem Schol. piar. absque anni et loci indicio fol. plag. 10.

KOWALSKI (*Ioannes*) Soc. Ies. Polonae prouinciae. Innotuit scripto contra patrem Schol. piar. Antonium Wisniewski, Calissii a. 1750. impresso in 8, plag. 7. Sub titulo: philosophia peripatetica, orthodoxis veritatibus, prae aliis factis philosophicis conformior.

KRASZEWSKI (*Daniel*) Ord. Praemonstratensis, Abbas Vitouienfis. ingens condere aggressus est opus: de vitis sanctorum Praemonstratensium. in folio. Animo etiam meditatur opusculum: de ordinis Praemonstratensis apud Polonos, institutione atque propagatione in 4. Varia etiam opuscula theologica tuendae deuotionis causa edidit, omnia idiomate Polono.

KROLIKOWSKI (*Casimirus*) Ord. S. Dominici Polonae prouinciae, S. Th. D. ord. sui per Poloniam prouincialis. Scripsit

I) Observationem canonicam in constitutionem regni Poloniae A. 1685, sub IOANNE III, de reparatione viarum, in hac alma ciuitate Varfauensi latam in fol. plag. 2 $\frac{1}{2}$.

II) de petulantia Iudaeorum in regno Poloniae et in primis in magno ducatu Lithuaniae, vna cum remediis contra eam. Leopoli, in 4. A. 1750, Latino et Polono idiomate.

KRYSINSKI (*Iudas Thadaeus*) Soc. Ies. Missionarius Persicus. Praestantissimum eius opus est: *Tragica verientis belli Persici historia, per repetitas Persarum clades, ab anno 1711 ad annum 1728 continuata. Post Gallicos, Hollandicos, Germanicos, ac demum Turcicos, auctoris typos auctior. Accessit ad eandem historiam,*

riam, relatio Turcico - Persicae legationis, quam ad Persarum regem, Szah Sultan Hussein, Durri Effendi, solemniter administravit, et redux e Perside, Turcarum imperatori, Achmet III, in scripto consignavit. Ex Turcico, additis Scholiis, Latine facta. Coronidem imponit: de legationibus Polono - Persicis, dissertatio, Leopoli 1740: typis coll. Soc. Ies. in folio alphab. 7. plag. 14.

KRVSEWSKI (*Antonius*) Soc. Ies. provinciae Lith. Scripsit informationem pro iis, qui aegrotos ad mortem praeparare debent Varf. 1750 plag. 26. in 8.

KRVSEWSKI (*Franciscus*) Soc. Ies. provinciae Lith. Antonii frater, Acad. Vilnensis procurator. Eo curante prodierunt Odae VII, R.P. Matthiae Caf. Sarbicuii, S. I. quae in libris lyricorum non habentur. Vilnae 1747. in 12.

KVRZENIECKI (*Martinus*) Soc. Ies. prou. Lith. Explicationes euangeliorum una cum catechismo edidit, Polono idiomate, a. 1752. in 4. nec non colloquium inter procerem et in aula sua theologum, de maxime necessariis fidei capitibus, eadem lingua. in 8. Vilnae.

LABENSKI (*Simon*) Praefectus Rohatynensis. In Polonam linguam traduxit

I) instructions pour un jeune Seigneur, ou l'idée d'un galant homme, par Mr. de la Chetardie.

II) Reflexions sur les femmes, par Mad. la Marquise de Lambert. Satyram etiam edidit sine indicio nominis et loci in 4. contra ordinem liberorum murariorum. Optimas etiam Gallorum tragoedias Polonis versibus expressit, quae vero nondum impressae.

LASKOWSKI (*Martinus*) Soc. Ies. Polonae provinciae. Edidit Io. Musantii faciem chronologicam auctiorem, in 8. a. 1748. Sandomiriae. Auctor etiam variarum orationum poematumque Latinorum.

LAZNIEWSKI (*Ignatius Carolus*) Soc. Ies. prou. Lith. Nuper collectionem selectarum suarum concionum edidit Varf. 1742. in 4. mox in vulgus translationem orationum sacrarum, quas abbas Massillon coram Ludouico XV, Galliarum rege, tempore quadragesimae, habuit, editurus.

LEGVCKI (*Ioannes*) Soc. Ies. prouin. Pol. Volumen panegyricorum Leopoli a. 1750 in 4 edidit.

LESKI (*Adalbertus Stanislaus*) monachus Cisterciensis, episcopus Culmensis. Scripsit

I) Sancita ordinis Cisterciensis, tam antiqua quam nouissima, per capitula generalia, ac etiam provincialia, pro Polona congregatione Cisterciensium, sancita et definita A. 1745 in 4. Alphab. I. plag. 3. absque loci et typographi indicio.

II) Dissertationem, in qua controuertitur, liceatne dissidentibus Thorunensibus sanum, vulgo Zbor, pro exercitio suae Augustanae confessionis, erigere Thorunii, cum annexis literis et manifestationibus, hoc in negotio scriptis, atque ad acta castrensis Christburgensis porrectis in 4. plag. 10.

Ad hanc dissertationem Thorunenses solide responderunt, sub titulo: *animaduersiones ad dissertationem quandam, liceatne dissidentibus Thorunensibus sanum etc.* fol. plag. 3.

LIPIEWICZ (*Andreas Dominicus*) Poet. et mathes. in Acad. Pofnaniensi Prof. scripsit de vera origine capitaneatum reg. Pol. et M. D. Lith. nec non de ordine equitum Melitenfium, eiusdemque in Polonia administratoribus. Pofnaniae 1747. in 4. plag. 3.

LOPACINSKI (*Ioannes*) canonicus eccles. cathedral. Vilenfis. Compendium historiae ecclesiast. Langleti du Fresnoy, et abbatis de Vertot de rerum in Lusitania commutationibus ex Gallico in Polonum idioma traduxit.

LVBIENSKI (*Matthias Iosephus*) Archidiaconus eccles. cathedral. Cracouienfis etc. etc. Polono idiomate donauit Facciolati: Giouane cittadino instruito nella scienza ciuile, e nelle Leggi dell' amicizia; in 4. plag. 25.

LVBIENSKI (*Vladislaus Alexander*) Reg. Poloniae Notarius maior, Abbas commendatarius Paradisiensis, Scholafticus cathedralis Cracouienfis, canonicus metropolitani Gnesnensis, vir magnae probitatis. Opus magni laboris ei debemus, totius terrarum orbis descriptionem geographicam, chronologicam et historicam, lingua Polona. Vratislaui a. 1740. in fol.

LVBOMIRSKI (*Antonius Benedictus*) S. R. I. princeps, praefectus Cafimiriensis, ord. Sti Andreae in Moscouia eques. Praeter orationes Suadae Polonae infertas, celebratur et illa, quam in funebribus Soceri fui, comitis Georgii Ozarowski, reg. Pol. castrametatoris a. 1741 defuncti, habuit, Varfauiacque typis Schol. piar. in folio impressa est.

* MALACHOWSKI (*Ioannes*) Supremus regni Poloniae cancellarius, magnus litterarum aestimator et Poloniae Maecenas. Pater eius erat palatinus Pofnaniensis, mater nata princeps Lubomirska. Orationes tam vernaculae quam Latinae reperiuntur in Suadae Polonae T. I. p. 89. 423. Tom. II. p. 10.

MALCZEWSKI (*Adamus*) Soc. Ies. Scripta eius duo, contra celeberr. Stanislaum Konarscium, et falis et fellis plenissima nempe:

I) Specimina ligatae et solutae eloquentiae. A. S. 1747. Pofnaniae in 8 Alphab. I. plag. 5.

II) de vera eloquentia disceptatio, eiusdemque analysi Cicerone illustrata. M. DCC. XL. VIII. Pofnaniae in 4 plag. 12.

MAMCZYNSKI (*Stanislaus*) I. V. in Acad. Cracouienfi professor, eccles. colleg. Sti Michaelis decanus, I. V. D. et confistor. general. Cracou. assessor. Scripta eius

I) Praxis commissorialis fori spiritualis compendiosissima etc. Pofnaniae 1738, edit. altera 1745 in 8. plag. 12.

II) de priuilegiis iurisperitorum. Cracouiae, typ. vniuers. 1748. fol. plag. 4.

III) Panegyrici vernaculi lectiores, Diis Poloniae praesidibus dicti. Pofnaniae 1738. in 4. Alph. I. plag. 3.

Varias etiam edidit quaestiones iuridicas, ex quibus prae caeteris celebris de vita et honestate clericorum Cracou. 1747. impressa.

MASSALSKI (*Michael*) Castellanus Vilenfis, Lithuaniae belli dux secundus, ord. aquilae albae eques etc. Orationes vernaculas, viri huius eloquentissimi vide in Suadae Polonae Tom. I. p. 108, 261. Filius eius IGNATIVS MASSALSKI, M. D. Lith.

Lith. Notarius, eccles. cathed. Vilnensis et collegiatae Varſau. canonicus edidit diſputationem de praecipuis eccleſiae Romanae placitis. in folio plag. 10.

MASZTEROWSKI (*Ioſephus*) Congregat. miſſionum ſacerdos, varias edidit philoſophicas et theologicas diſputationes.

MICINSKI (*Adalbertus*) I. V. D. et profeſſor primarius in Acad. Cracou. eccleſ. cathed. canonicus. Scripſit de priuilegiis et immunitatibus vniuerſitatis Cracouiſis in 4. In animo etiam habet: ius regni Poloniae, auctore Zaſzowski, nouis acceſſionibus auctum edere.

MISKE (*Ludouicus*) S. Th. D. ord. min. conuent. S. P. Franciſci. Scripta eius:

I) Commentarius de rebus S. Hedwigis, Poloniae et Sileſiae ducis, con nobii virginum Cifterciensium, quod Trebnicii floret, conditricis. Cracouiae 1724. in 4. Alphab. 3. plag. 5 idiomate Polono.

II) de excellentia praestantiaque trium ordinum a diuo Francisco institutorum, deque illorum viris, apud Polonos, vel doctrina vel ſanctimonia illuſtribus liber ſingularis. Poſnaniae 1736, in 8. pl. 14. Varia etiam, magna religionis aemulatione correptus edidit ſcripta contra diſſidentes, nec non conciones vernaculas, partim typis expreſſas.

MIZLERS de KOŁOŦ (*Laurentius*) philoſ. et Med. D. Ser. Regis Polon. Conf. A. et Med. etc. natione Germanus. Scripta eius ſunt:

I) Diſſertatio quod muſica ſit ſcientia et pars eruditionis philoſophicae, quam in Acad. Lipſienſi publico eruditorum examini ſubmiſit, reſpondente Liborio Oſchmann. in 4. a. 1734. plag. 3. edit. altera 1736 plag. 4.

II) De vſu ac praestantia philoſophiae in theologia, iuriſprudentia, medicina, vbi ſimul recitationes ſuas priuatas indicat. Lipſ. 1736. in 4 plag. 2.

III) Muſicaliſche Bibliothek, oder gründliche Nachrichten etc. hoc eſt, Bibliotheca muſica, ſeu relationes ſolidae vna cum iudiciis ſinceris de libris ſcriptisque muſicis. Volumen primum, ſex ex partibus conſiſtens, vna cum tabulis aeneis indicibusque. Lipſiae 1739. Alphabet 1. plag. 12. in 8. Pretium decem Sextarii.

IV) Sammlung auſerleſener moralischer Oden etc. h. e. Collectio ſelectarum odorum moralium, in vtilitatem et oblectamentum muſices amatorum edita. Notae muſicae ſuper xxiv tabulas aeneas expreſſae ſunt auctore Mizlero, verſus autem odorum typis exſcripti. in 4. plag. 3 $\frac{1}{2}$. Lipſiae. Eadem ratio eſt ſequentium collectionum, quarum vnaquaeque xxiv odas, et totidem tabulas, aeri inſculptas, continet.

V) Zweite Sammlung auſerleſener moralischer Oden etc. hoc eſt: Secunda collectio ſelectarum odorum etc. Lipſiae. plag. 3 $\frac{1}{2}$. in 4.

VI) Dritte Sammlung auſerleſener moralischer Oden etc. h. e. Tertia collectio ſelectarum odorum etc. Lipſiae plag. 3 $\frac{1}{2}$. in 4.

VII) Vierte und letzte Sammlung auſerleſener moralischer Oden etc. h. e. Quarta et vltima collectio ſelectarum odorum etc. Lipſiae. plag. 3 $\frac{1}{2}$. in 4.

Hae quatuor collectiones ſimul ſumtae continent xviij odas, et totidem tabulas aeneas. Pretium huius operis eſt imperialis ſolidus.

VIII) Gradus ad Parnassum, oder Anführung zur regelmässigen musikalischen Composition etc. h. e. Gradus ad Parnassum, siue manu ductio ad compositionem musicae regularem, methodo noua, ac certa, nondum ante tam exacto ordine in lucem edita, elaborata a Ioan. Iosepho. Fux, S. Caes. ac Reg. cathol. maiestatis Caroli VI Romanorum imperatoris, supremo chori praefecto. Nunc ex Latino in Germanicum idioma translata, vtilibus necessariisque notis aucta, editaque. Lipsiae 1742. in 4. Alphab. 1. plag. 2. cum tabulis aeneis LVII. Pretium 1. th. 12. gl. seu $7\frac{1}{2}$ tynfones Poloni.

IX) Musicalische Bibliothek etc. h. e. Bibliotheca musica, seu relationes solidae vna cum iudiciis sinceris de libris scriptisque musicis, in qua omnia quae ex mathesi, philosophia, et litteris humanioribus, ad explicationem et correctionem cum theoreticae tum practicae musices pertineant, sensim suppeditantur. Volumen secundum consistens ex quatuor partibus, cum tabulis aeneis xxxvi. Lipsiae, 1743. in 8. Alphab. I. plag. 19. Pretium 1. Thal. seu 5 tynfones monetae Polonae.

X) Anfangsgründe des Generalbasses, nach mathematischer Lehrart abgehandelt etc. h. e. Elementa Bassi generalis, methodo mathematica scripta, et operum machinae hunc in finem inuentae perspicue proposita. Lips. 1739. in 8. plag. 10. vna cum machina, quae constat ex variis tabulis aeneis, quae super asserculos, vel varias conglutinatas philuras, agglutinatae, coloribus, cum tonis musicis sub eadem rationem cadentibus, distinctae et gummi transparente incrustatae. Pretium 2. Th. 12. gl. seu 12. tynfones.

XI) Musicalischer Staarstecher etc. h. e. Ophthalmiater musicus, qui probatorum musicorum errores modeste animaduertit, imaginarios vero melodiarum textores deridet. Appendicis loco, domini Riuae, tunc temporis Principis Mutinensis residentis Londini ministri, relatio pro musicis, qui cantica notis excipiunt, cantoribusque adiuncta, ex Italico in Germanicum idioma translata a Laur. Mizlero in 8uo. Lipsiae 1740. plag. 8. Pretium 6. gl. seu 4 Sextarii monetae Pol.

XII) Programma de natura Syllogismi etc. Lips. in 4 plag. 2.

XIII) Vier Sonatinen auf die Queerflöte etc. h. e. Quatuor cantica, dictae ab Italis Sonatine, pro tibiis transuersis, et illis, quae oboi dicuntur, nec non pro fidibus et pinnis tactilibus organicis, composita. fol. Super XVII tabulas aeneas expressa. Lips.

XIV. Bibliotheca musica, seu relationes solidae cum iudiciis sinceris de libris scriptisque musicis, in qua omnia, quae ex mathesi, philosophia et litteris humanioribus ad explicationem et correctionem cum theoreticae tum practicae musices pertineant, sensim suppeditantur. Volumen tertium, quatuor ex partibus consistens, cum tabulis aeneis LVII. Lipsiae 1752. in 8. Alphab. 2. plag. 6. Pretium 1. Th. seu 5 tynfones.

XV) Eiusdem bibliothecae musicae voluminis quarti, pars prima et secunda etc. Lipsiae 1754.

XVI) Dissertatio inauguralis medica de balsami sui vulnerarii vsu ac praestantia in omnibus vulneribus, vlceribus cum inueteratis tum venereis, omnibus exter-

externis et plurimis internis inflammationibus, scirrhis inflammatisque feminarum mammas etc. manibus pedibusque frigore laesis, viperarum morfu, tuberibus, scirrhis etc. inuentore et auctore Laur. Mizlero. in 4. plag. 5. Erfordiae. A. 1747.

XVII) Eadem dissertatio, Germanico idiomate: Abhandlung vom Nutzen und Gebrauch des Mizlerischen Wundbalfams. ibidem. 1747. in 4.

XVIII) De usu ac praestantia medicamentorum chemicorum. Varšaviae 1751. typis colleg. Schol. piar. in 4.

XIX) Consultatio de necessitate collegii medici auctoritate regia Varšaviae erigendi. Varš. typis colleg. Scholar. piar. a. 1752. in 4.

XX) Waršchauer Bibliothek etc. h. e. bibliotheca Varšaviensis, seu solidae relationes de libris scriptisque, tum veteribus tum nouis in Polonia editis, in qua simul hodiernus eruditionis in Polonia status enarratur. Ex partibus quatuor consistens, adiectis indicibus, Varšaviae et Lipsiae 1755. in 8uo. Alphabet. I.

XXI) Historiarum Poloniae, ab excessu Vladislai IV. regis Poloniarum ad pacem Oliuentem vsque Libri IX, seu annales regnante IOANNE CASIMIRO, Poloniarum Sueciaeque rege, ab anno 1648 vsque ad annum 1660, auctore Ioan. Laur. Rudawski, equite Polono etc. Ex manuscripto celeberrimae bibliothecae Zaluscianae edidit, notas, ubi opus videbatur, et historiam in compendio ab anno 1660 vsque ad annum 1668, adiecit ac praefatus est Laurentius Mizlerus. Varš. et Lipsiae. 1755. in folio Alphabet. VI. plag. 2.

XXII) Acta litteraria regni Poloniae et magni D. Lithuaniae A. MDCCLV. publicata. Trimestre primum et secundum cum Sereniss. regis Polon. privilegio. Varšaviae typis Mizlerianis. Pretium pro integro anno, 4. tynfones. Catalogum hic meorum scriptorum omnium inserui, licet in Lexico Ianociano tria tantum eorum citentur. Quod vitae meae res quasdam circumstantes attinet, valde optassem, ut reuerendus auctor huius lexici eas prius amice mecum communicare voluisset, ut de contrario eum certiore facere potuissem. Hoc autem non facto, non possum non, ad ea, quae typis exscripta a veritate desciscunt, respondere hoc loco, falsaue amice refutare. Primum aperte falsum est, quando literatissimus auctor p. 108 dicit: *me Varšaviae medicinam exercere coepisse.* Ego vero medicinam practicam Konściis, per sex annos ante semper exercui, medicinae doctor legitime factus aliquot annos ante Varšaviam quam veni, neque demum Varšaviae eam exercere coepi, ut quidam, nescio quem in finem, aliis persuadere male informati, non dubitarunt. Testis est ciuitas Konecensis, aula illustrissimi supremi regni cancellarii, et satis magnus numerus nobilium circumiacentium. Sed parum curo, si quis medicinae in Polonia practicum me credat vel septem, vel, ut verum est, tredecim annorum. Aliud est, quando dominus Ianocius scripsit: *er misse der gesammten zu großen und rühmlichen Unternehmungen, von Natur angetriebenen Nation, solche Fehler bey, die doch nur, wie in andern wohlgefügten, und aufweislichste eingerichteten Republiken, von einzelnen niederträchtigen Personen begangen werden,* hoc est: tribuit toti ad magnas laudabilesque actiones natura incitatae nationi, eiusmodi vitia, quae tamen tantum, ut in aliis bene moratis sapientissimeque ordinatis rebus publicis, a quibusdam abiectis hominibus committuntur. Nulla potui percipere cogitatione, quid tandem reuerendum canonicum Scarbimiriensem induxit, ut talia publice mihi obiciat, quae et falsa et incredibilia sunt, quaeque nullo modo pro-

probare potest. Falsum est, me vitia quaedam tribuisse toti inclytæ nationi in bibliotheca Varſauienſi, de qua ſemper cum debita reuerentia loquutus ſum. Nullo etiam alio de vitio, quam de literarum in Polonia negligentia generatim ſermonem feci. Euoluat quis bibliothecam Varſauienſem, et quærat, vtrum ea inuenire poſſit, quæ inique mihi hic obiiiciuntur. Affirmans debet probare argumentum. Prouoco nunc his, vt auctor locum indicare velit, vbi vitium, quod a quibusdam tantum committitur, toti nationi tribuerim. Incredibile deinde etiam eſt, me velle ſcribere contra totam gentem, cum qua conſuetudinem et familiaritatem iungo quotidianam, vbi dego, a qua denique remunerationem propter varios meos pro Polonia labores expecto. Sinceritatem meam erga Poloniam ſatis probaui, et quam plurimi cordati Poloni bene id ſciunt. Si quis inique ea, quæ de ſcientiarum in Polonia ſtatu recte ſcripſi, interpretari velit, iſ ſua per me vti poteſt opinione, mea ſcripta haud legere, et ſcriptores impoſtores, adultores, mendaces, ſi ita placet, ſibi acquirere. Ego vero nunquam talis ero, qui ſcio in republica litteraria, vt potentiam atque auctoritatem, ſic etiam adulationem atque impoſitionem nullum habere vſum. Sola veritas, ſoliditas ac ſinceritas vtramque hic faciunt paginam. Non credo reuerendum auctorem hæc mihi ex ſua ſententia obieciſſe, qui forte tantum inſtrumentum fuit paucorum quorundam inuidorum, qui in odium hac ratione me vocare voluerunt, haud perpendentes, iniquam in rebus litteratis inſimulationem nunquam vllum habere effectum. Merito etiam vir honeſtus eiſmodi machinationes contemnit, qui ventos falſorum rumorum colligere non curat. Haud recuſo etiam odium plebis litteratæ ſuſcipere, quod iſti excitare velle videntur, ſi modo finem meum obtineam, nempe vt Poloniae re vera vtilis eſſe poſſim.

Quando denique dominus Ianocius dicit: *me diſſertationes medicas measque inuentiones chymicas, copioſius in taedium amatorum litterarum Polonarum, inferere, vix* hic opus reſponſione eſt, quia ea iam in bibliotheca Varſauienſi, part. IV. pag. 282 reperitur. Alii aliter ſentient. Medicina enim atque chymia ſunt illæ ſublimiores ſcientiæ, quæ præ caeteris vtilitatem afferunt longe maiorem, quam puræ putæ recenſiones librorum Polonorum ſtupendæ raritatis.

MLODOWSKI (*Antoninus*) Monachus ord. D. Baſilii magni Ruthenus, S. Th. D. coll. Zyrouicenſis præfeſtus, ſcripſit: philoſophiam peripateticam, ex Graeca D. Io. Damasceni Baſiliani etc. interpretatione, a perditiffimis Arabum fabellis liberatam. Supraſlii A. 1749. in fol. pl. 17.

MORAWSKI (*Leo*) I. V. D. Canonicus metropolitanus Gneſnenſis. Orator Polonus per plures ſcripſit habuitque orationes vernaculas. Latina etiam vna extat, in conſtit. Synod. Poſnan. A. 1738 habitæ.

MOZANSKI (*Paulus Sebaſtianus*) canonicus regul. S. Auguſtini coll. Califfienſis, recudi curauit: R. D. Auguſtini Erath, tractatum, in quo Sacrae canonicorum regularium veſtes, ex ſummorum pontificum decretis SS. congregationum declarationibus etc. demonſtrantur. Califfii 1744. in 4. plag. 10. Ad calcem huius editionis adiecit obſeruaciones ad rem eiſdem ordinis Polonam pertinentes. Edidit etiam priuilegia, congregationi ſuæ, a Papis Romanis, archiepiſcopis Gneſnenſibus etc. data, adiectis explicationibus hiſtoricis.

NAGVRCZEWSKI (*Ignatius*) Soc. Ies. prou. Lith. Bucolica Virgilii polonis versibus donauit.

NAKIELSKI (*Stephanus*) Canonicus et concionator coll. eccles. Skalmier. scii vitam celeberrimi Samuel. Nakielscii breui editurus.

NAROLSKI (*Iosephus*) Ord. D. Basil. imprimi curauit: Iosaphatidos, siue de nece B. Iosaphat Kunczewicz, archiepiscopi Polocensis, ritus Graeci, pro vnione, Vitebsci a schismaticis caesi lib. III. olim A. 1628 a fratre Iosaphat Isakowicz, ord. D. Basil. elucubrati et typo mandati. Poczaioniae A. 1748. in 4. plag. II.

NEIFELD (*Ernestus Ieremias*) Med. D. et Medicus Lesnensis. Ex numero medicorum, qui in Polonia scientias excolunt, litteratorum, quique egregia eruditionis solidae specimina edidit. Scripta eius:

I) Primitiae physico-medicae, ab iis, qui in Polonia medicinam faciunt, collectae. Volum. I. Lesnae typis Presserianis. in 8. plag. 17. Volum. II. Züllichouiae, sumtibus Orphanotrophei apud Io. Iac. Dendelerum 1750. in 8. plag. 18. Volum. III. ibidem 1753. in 8. plag. 20. Ad has primitias multa etiam contribuit D. GOTTLOB EPHRAIM HERRMANNVS, celsissimi principis SVLKOVII medicus, et physicus ciuitatis Boianouae in maiori Polonia, qui pariter ex numero medicorum in Polonia litteratorum scientias excellentium, quique prae multis aliis locum in hoc lexico meruisset.

II) Specimen I physico-medicum de secretione humorum in genere, ex mechanica solidorum structura, fluidorumque genio demonstrata. Züllichouiae apud Dendelerum A. 1751. in 8. plag. 14.

III) *Physicalische Abhandlung vom Altwasser Sauerbrunnen in Schlesien etc.* hoc est: Tractatus physicus de aquis acidulis in pago Altwasser in Silesia etc. Züllichouiae apud Dendelerum. a. 1752. in 8. plag. 15.

NIEMIRZYCZOWA (*Anthonina*) Nata Ielowicka, poetria Polona celebris, edidit lingua vernacula cantilenas Sacras in 4. Leopoli 1743, nec non translationem Polonam fabulae romanensis domini Prechac: *Le beau Polonois*. ibidem 1750 in 4.

OLECHNOWICZ (*Antonius Bonauentura*) monachus conuent. minor. provinciae Lith. S. Th. D. Guardianus Grodnensis. Scripsit obseruationes rituales. Decreta Sacrae rituum congregationis circa missas ac diuinum officium debite ordinandum, quae nondum ad notitiam in his partibus peruenerunt, diligenter collecta. etc. Vilnae 1738. in 8.

ORLOWSKI (*Augustinus*) Schol. piarum prou. Pol. Praefectus coll. nobilium Varsauensis, historiarumque Professor fere omnes domini de Voltaire tragedias versibus Polonis donauit, quae Varsauiae super theatro collegii Schol. piar. magno applausu actae fuere, et breui typis exscriptae in lucem prodibunt.

ORLOWSKI (*Carolus Nepomucenus*) Archidiaconus Kliouienfis, edidit historiam episcopatus Kliouienfis, illiusque episcoporum Leopoli 1748 in 4.

OSMOLSKI (*Onuphrius*) Carmelita discalceat. Pol. prou. Sti Spir. uisitor in Polonia generalis, in linguam vernaculam transtulit P. Philippi a stma trinitate decus carmeli religiosi in splendoribus sanctorum ac illustrium carmelitarum. Pars I. Lublini a. 1746. in fol. Pars II. Cracouiae 1746. Pars III. ibid. 1747. ad quas accessit supplementum, ibid. in eadem forma.

OSTROWSKI (*Antonius Casimirus*) Episcopus Liuoniae, vicarius in spiritualibus et officialis generalis Ducat. Masouiae. Literarum in Polonia aestimator et promotor. Epistola eius pastoralis a. 1753. Varf. impressa, singulari memoria digna est, quia hic prudens antistes in ea falsam religionis aemulationem, nimium adhuc in Polonia grassantem, secundum Christi praecepta, et dicere etiam possumus, secundum regni constitutiones, moderari sapientissime conatur, his verbis: *Verum, ut vestri huius meminertis officii, iuuabit plurimum meminisse huius, quem incolitis, loci. Hae etenim, quibus excolendis delecti estis, prouinciae, ut ut numerum Christi fidelium contineant non temnendum, ferunt tamen plures quoque, a vera fide et Sancta ecclesia Romana catholica alienos. Vnde, quo facilius hi ad gregem et ouile Christi adducantur, quo zelo, quo exemplo praeditos vos esse oporteat? et zelo quidem, sed illo, qui secundum scientiam Christi est, suauis, discreto, modesto, temperato. Non in contentione vocis et clamoris, sed in ostensione veritatis, et soliditate doctrinae; non in persuasivilibus humanae sapientiae verbis, sed in fundamentis et inextinguibili robore Scripturarum.*

OZGA (*Alexius*) Schol. piarum, in prou. Pol. Secretarius, nunc perillustri ac magnifici praefecti Varfauiensis, comitis de BRÜHL, studiorum theologicorum moderator. Varias in lucem edidit orationes Latinas elegantes, nec non poemata. Speramus etiam ALZIRAM, Voltarii tragoediam Polonis versibus redditam.

PALASZOWSKI (*Io. Ios.*) I. V. D. et Professor in Acad. Cracouiensi, archidiaconus eccles. coll. O. Sancti. Imprimi iterum curauit: Hier. Venero de Leyua examen episcoporum et eorum, qui approbandi sunt ad administranda sacramenta. Posnaniae 1736. in fol. nec non Argenidem Barclai, a Venceslao Potocio versibus Polonis donatam, ibid. in 4.

PILECKI (*Alexander*) Soc. Ies. pol. prou. monitor Spiritualis collegii Leopoliensis, Io. Petri Pinamonti, opuscula ascetica omnia ex Italico sermone, in Polonum conuersa, edidit a. 1744, Sandomiriae in 4.

PODLESIECKI (*Alexander*) Soc. Ies. prou. Polonae. Scripta eius:

I) Compendium philosophiae Aristotelicae, ad consummatissimorum in Polona Soc. Ies. prouincia, philosophorum rationem, explicatae. Sandomiriae 1731. in 8. Alfab. I.

II) Placita recentiorum in prouincia Polona Soc. Ies. philosophorum. Lublini, 1743 in 8. plag. 22.

III) Logica FRANCISCI SVAREZ, S. I. in Hispania, e manu scripto edita. Leopoli 1755.

* PONIATOWSKI (*Stanislaus Ciolek comes*) Magnus litterarum in Polonia aestimator et Maecenas, castellanus Cracouiensis, et primus regni Poloniae Senator. Huic tribui solet libellus ingenii plenus: *Remarques d'un Seigneur Polonois Sur l'histoire de Charles XII, Roi de Suede, par Mr. de Voltaire.* A la Haye. 1741. in 8. plag. 12.

PORTALUPI (*Antonius Maria*) Theatinus, Italus natione, Ser. Reg. Pol. capellanus aulicus. Varios scripsit panegyricos, varia etiam dramata Metastasio Latina reddidit. Meritum etiam haud exiguum habet, qui philosophiam Wolfianam inter primos in Polonia docuit.

POSZAKOWSKI (*Ioannes*) Soc. Ies. Scripta eius:

I) Do-

I) Doctrina diffidentium, cum doctrina veteris ecclesiae collata. Vilnae 1733. in 4. plag. 12.

II) Corpus Controuersiarum theologicarum, partibus quinque distinctum, a. 1736 et quatuor subsecutis excusum. Vilnae. in 4.

III) Examen religionis reformatae. Varf. typis coll. S. I. 1742. in 4. Alphab. 1. plag. 9.

IV) Historia Lutheranismi. Vilnae 1745. in 4. Alphab. 3. plag. 5.

V) Historia Caluinismi. Varf. typ. S. I. 1747. in 4. Alph. 2. plag. 5.

VI) Nicolai Sanderi historia schismatis Anglicani, ex lingua Latina in Poloniam translata. Varf. 1748. in 4. Alphab. 2. plag. 22.

VII) Animaduersiones criticae in R. Simeonis Iochaidis librum, *Sobar* inscriptum. Varf. ex typographia S. I. 1749. in 4. Alphab. 1. plag. 16.

VIII) Kalendarium Soc. Ies. maius, res eiusdem Societatis memorabiles per singulos anni dies, a primis ipsius initiis, vsque ad secundum eius annum iubilaeum repraesentans. Vilnae. in 4. Alphab. 2. plag. 2.

IX) Kalendarium Societ. Iesu minus, secundo ipsius saeculo transacto, publicatum. Vilnae. 1740. in 12. plag. 19.

X) Guiljelmi Marcelli conspectus Chronologiae, Polonice versus, ingentique rerum ad Poloniae statum pertinentium, accessione locupletatus. Vilnae 1748. in 12. Partes II.

XI) Censura libri, ab HATZFELDO, peruersae mentis homine, hoc titulo diuulgati; *La decouverte de la verité et le monde detrompé à l'égard de la philosophie et de la religion.*

XII) Absurda Iansenistica, hoc est, sceleratus, per gratiam Paschasii Quesnellii, Iansenistarum antesignani, ab omni culpa et poena immunis, vti euidentissime demonstrat sequens: colloquium theologicum Catholici cum Iansenista: nunc primum ex Gallico, quo in Barauiā prodiit sermone, Latine redditum.

XIII) Vernacula lingua donauit Homelias Iosephi Lamberti, S. Th. D. Vilnae Tom. I. II. in 4. cui adiectus est catechismus cardinalis Bellarmini.

POTKANSKI (*Florentinus*) Schol. piar. Rector collegii Louicensis: Extat eius: de Zalusciorum in rem Poloniam litterariam, meritis, vid. nouvelle biblioth. Germanique. Tom. I. p. I. pag. 171. Extant etiam eius conciones vernaculae. Varf. typ. Schol. piar. 1744. in 4. plag. 14. nec non carmina, tam Latina quam Polona, haud inuita Minerva scripta.

* POTOCKI (*Antonius*) Palatinus Belzensis, ord. aquilae albae et Sti Andreae eques etc. Magnus litterarum aestimator et Poloniae Maecenas. Vir tanta facundia praeditus, vt in dicendo vix parem Polonia, nostra aetate, senatorem habeat. vid. genealogia Potociana p. 340. Leguntur eius aliquot orationes vernaculae elegantissimae in Suada Polona Tom. I. pag. 429. et Tom. I. part. VI. plag. 92.

RADLINSKI (*Iacobus Paulus*) S. Th. D. ordinis canonicorum regularium custodum S. Sepulcri praepositus generalis infulatus, vir optimus, et licet iam septuagenarius, tamen diligentissimus. Scripta eius:

I) Norma vitae apostolicae, vniuerso ordini apostolico canonicorum regularium proposita. Prima pars, Cracouiae 1725 in 8. Alphab. I. plag. 4. pars secunda, Lublini, 1732. in 8. Alphab. I. plag. 3.

II) Sepultura viuientium in sepulcro Christi, seu meditationes in psalmos, cantica et euangelia. Lublini 1734. in 8. Alphab. I. plag. 20.

III) Sepulcrum paraesues etc. seu praxis visitandi sepulcra Christi, quae pro die paraesues, in variis ecclesiis exstrui solent, in memoriam illius sepulcri Hierosolymitani, etc. Sandomiriae. 1736. in 8. Alphab. I. plag. 9.

IV) R. Stanislai a Lowicz, canon. reg. S. Sepulcri, enchiridion de immaculata conceptione B. M. V. A. 1538 Cracouiae impressum. Iam variis accessionibus amplificatum. Cracouiae, typis Dyaszewski. 1747. in 8. plag. 12.

V) Constitutiones capitulorum generalium Miechouiensium, ord. can. reg. S. Sepulcri etc. A. D. 1747. in 4. plag. 22.

VI) Encaenia bibliothecae Zaluscianae publicae Varsauensis. Crac. 1748. in 4. Alphab. I. plag. 5.

VII) Vita Claudiae, ducis Lotharingiae, fundatricis conuentus Carolopolitani, Virginum S. Sepulcri. olim a R. P. Hilarione de Coste, ord. minimorum, Gallice scripta, nunc in Latinos numeros conuersa. Crac. 1749 in 8. plag. 14. Veniunt nunc opera, quae Polona lingua scripta sunt:

VIII) Officium de Sepultura Christi Domini. Lublini. 1730. in 8. plag. 12 $\frac{1}{2}$.

IX) Sepulcrum paraesues etc. Lublini, 1730. in 8 plag. 21. idem liber qui No. III, ex hac Polona in Latinam versus.

X) De ratione diuini Sacrificii. Lublini. 1731. in 8. plag. 18.

XI) De dignitate Sacerdotali. Lublini. 1735. in 8. plag. 15.

XII) Veritas christianae religionis adserta, h. e. epistola R. Samuelis Marrocciani ad R. Isaacum, Subiulmecenensis Synagogae magistrum, missa etc. ex fr. Alphonfi Boni hominis ord. praedicat. Latina versione Polonice reddita et annotationibus aucta. 1733. Lublini in 8. Alph. 2.

XIII) Supplicationes dolorosae virgini Mariae praestandae. Cracouiae 1744. in 8. plag. 10.

XIV) Trophaea immaculatae conceptionis, b. v. M. ligato Sermone Latino. Crac. 1751 in 4. Alphab. I. plag. 14.

XV) Fundamenta scientiarum, seu principia et axiomata, partim philosophica, partim theologica. Crae. 1753. in 4. Alph. 2.

* RADZIWILL (*Michael Casimirus*) Dux in Olyka et Nieswiz, palatinus Vilnensis, exercitus Lituani imperator, eques ord. aquilae albae, magnus litterarum aestimator et Poloniae Maecenas. Extant eius orationes vernaculae in Suada Polona. T. I. p. 165. 241. 385.

* RADZIWILL (*Vlricus*) Dux in Olyka et Nieswiz, stabuli Lith. praefectus supremus, ord. Sti Andreae eques, magnus litterarum aestimator, doctissimusque princeps. Varia quidem scripsit, sed praeter poemata quaedam nondum typis ea mandare voluit.

REINALD (*Iosephus*) Schol. piar. extant eius conciones Polonae Varf. 1745. in 4. Alph. I. pl. 14.

ROBERTSON (*Guilelmus*) I. V. D. Archidiaconus Pofnaniensis, canonicus Gnesnensis et Varfauienfis. Extant eius Sermones Sacri Crac. 1724 et Pofnaniae auctiores recusi 1744. in 4. lingua vernacula.

ROSNEFSKI (*Martianus*) fr. minor. obseru. prouincialis maioris Poloniae, traduxit vitant Ladislai, de Gielnow Sancti, ex Vinc. Morauii Latine scripta.

ROSOCKI (*Lucas*) Schol. piar. prou. Lit. collegii Vilnensis Schol. piar. rector. edidit conciones de passione Domini. Varf. 1731. in 4. plag. 19. lingua Polona. et vitam Serui Dei Calasantii, cler. reg. pauperum matris Dei Schol. piar. fundatoris. Vilnae. 1736. in 4. Alphab. 2. plag. 5. Lingua vernacula.

ROSTKOWSKI (*Antonius*) S. Th. D. Canonicus chelmenfis etc. varia opuscula lib. Bar. de Wolf philosophica, nec non elementa eius matheseos Polono idiomate donauit, quae autem nondum impressa.

RVBECZYNSKI (*Martinus*) Carmelita antiquae obseruantiae, S. Th. D. prior conuentus Leopoliensis. varias vitas sanctorum sui ordinis ex idiomatibus, Gallico atque Italico, in Polonam linguam traduxit. Varia etiam Scripta et dissertationes polemicas contra schismaticos Polona et Ruthena lingua vulgavit.

RVDNICKI (*Syluester*) Episcopus vnitorum Luscensis. Scripsit: iura et priuilegia, genti Ruthenae catholicae a maximis pontificibus Poloniaeque regibus concessa, in 4. Leopoli. 1746.

RVDZKI (*Andreas*) Soc. Ies. pol. prou. Edidit sub ficto nomine Adalberti Obrembski, philosophiam orthodoxam, omnium ferme saeculorum consensu, doctissimorum virorum existimatione, ecclesiae auctoritate, cum suo principe Aristotele celebratissimam. Pofnaniae 1747 in 4. plag. 9. Sui autem nomine scripsit aristotelicam philosophiam, quaestionibus eruditae ac notis sententiarum illustratam, in 8. Lublini. 1750.

RYLLO (*Maximilianus*) Monachus ord. Basilii Ruthenus; S. Th. D. Scripsit commentarium in Baronii cardinalis historicam relationem de Ruthenorum origine, eorumque miraculosa conuersione. Supraslii.

* RZEWVSKI (*Venceslaus*) Palatinus Podoliae, exercitus regni Poloniae dux secundus, ord. aquilae albae eques, magnus litterarum aestimator, cultor et promotor. Scripsit carmen Polonum elegans, AYGVSII II, Polon. reg. virtutes celebrans. Oratio in celsissimum Wisniowiecium, humanis rebus ereptum, comitissima legitur in Suada Polona T. I. part. V. p. 98. Ibidem inuenitur responsum illustrissimi palatini, ad epistolam Clementis XII, Romani pontificis, quam ad Palatinum Podoliae A. 1739. d. VII. Sept. Scripsit. Tom. II. part. II. plag. 47.

SAPIEHA (*Io. Fridericus S. R. I. comes in Koden*) Cancellarius M. D. L. ord. aq. alb. eques, magnus olim litterarum aestimator et Poloniae Maecenas. Scripta eius:

I) Monumenta antiquitatum Marianarum, in imagine vetustissima, vulgo Gregoriana, a S. Augustino Romano, depicta, integerrimae virginis Deiparae de Guadalupe Kodnensis. Ex ipsius ecclesiae archiuis, tum domus suae tabulariis, collecta. Varf. typ. S. I. 1721. in fol. Vol. II. Sermone Latino.

II) Adnotationes historicae, de origine, antiquitate, excellentia, heroici ac celeberrimi in regno Poloniae, ordinis equitum aquilae albae etc. cum fig.

a. 1730 in 4. Alph. 2. plag. 5. Varſaviae, licet nomen Coloniae inſcriptum ſit. reuſum hoc opus in Daneykouiſii Suada Polona et Latina T. II. p. VI. pl. 32. etc. Polonice quoque prodiit, interprete Adamo comite CHODKIEWICZ, Sororis deſuncti cancellarii filio. Varſ. typ. S. I. 1730. in 4. Alph. 1. plag. 8.

III) Domina palatii, regina libertas, ſeu familiare amicorum colloquium, de ſtatu, libertatibus et iuribus regni ac reipublicae Poloniarum, ubi maleuolae extraneorum obſectatorum obiectiones ſolide et erudite refutantur. Primum typis polonice mandatum, nunc vero Latine redditum, ab Aenea Philone de Cantia Maſcarino Liliato ciue Cennio. Liberopoli. 1746 in 4. Alph. 1. Recuſum et hoc opus in Suada Polona T. II. part. III. p. 122.

IV) Renati Auberti de Vertot: hiſtoria commutationum reipublicae Romanae, ex Gallico in patrium ſermonem, translata. Varſ. typ. S. I. 1736. in fol. Alph. 4. plag. 17.

V) Orationes vernaculae, in Senatorum conuentibus habitae, leguntur in Suada Polona T. I. part. I.

VI) Epiſtolae ipſius Latinae, ad viros aevi noſtri principes ſcriptae, exhibentur in Suada Polona T. II. part. II. p. 30.

VII) Epitaphium, quod ſibi viuis poſuit Kodnae recenſetur in Suada Pol. Tom. II. part. IV. p. 119.

VIII) Auctor etiam eſt libelli Poloni, in quo demonſtrauit: *Polonos, in nouo eligendo Rege, a ſtirpe regia, temere nunquam diſceſſiſſe* a. 1743. in 12 ſine nomine auctoris, loci et typographi.

SAPIEHA (*Ioſephus*) comes in Dambrowna, epiſcopus Diocaeſarienſis, coadiutor epiſcopatus Vilnenſis, Supremus M. D. Lith. referendarius etc. magnus litterarum aeſtimator et cultor, nuper ſatis ſunctus. Muſae Polonae lugent mortem magni huius viri, qui prae caeteris multa praeclara pro incremento ſcientiarum fecit. Varia etiam ſcripſit, inter alia, libellum Gallico ſermone de educatione iuuenum nobilium, qui valde aeſtimatur. Sed eo uiuo nil fuit typis exſcriptum. Orationes eius publice habitae inueniuntur in Suada Polona T. I. p. 425. II. p. 31.

* SAPIEHA (*Michael*) M. D. Lith. procancellarius, ord. aquilae albae eques, magnus litterarum aeſtimator, in poeſi Polona excellens, Voltarii tragediam Zayram verſibus Polonis donauit, vt et alias Gallorum tragedias. Vilnae in 4.

SCZEPANOWSKI (*Stanislaus*) minorita conuent. prou. Pol. Scripſit: commentarium de vita et Scriptis vener. Ioannis Dun, cognomento Scoti, Doctoris ſubtilis et Mariani, in fol. Varſ. typ. Schol. piar. 1752.

SIERAKOWSKI (*Venceslaus Hieronymus*) Epiſcopus Premislienſis, litterarum praecipuus aeſtimator, edidit, cum adhuc eſſet epiſcopus Camenecenſis: edita et ordinationes, poſt peractam feliciter viſitationem generalem omnium eccleſiarum dioceſis Camenecenſis, omnibus, iuriſdictioni ſuae ſpiritali ſubiectis ad obſeruandum praefcripta, quae in nouis relationibus de rebus litteratis Lipſienſibus, (neuen Zeit. von gelehrten Sachen) a. 1747. p. 850 cum laude recenſentur.

SIESTRZEWITOWSKI (*Ludovicus*) Soc. Ies. prou. Lith. poeta clarus, qui inter illos, qui bibliothecae Zaluscianae laudes celebrarunt, praemium secundum obtinuit. vid. Nouvelle bibliothèque Germanique Tom. III. p. I. p. 204. Ille etiam est, qui omnia carmina Latina nomine provinciae Lithuaniae conficit.

SIKORSKI (*Marianus*) ord. Sanctiss. trinitatis de redemptione captiuorum Christ. Sacerdos. Scripsit: Hypomnema ord. discalceat. Stae trinitatis, in inclytum regnum Poloniae introducti etc. Varsoviae in fol. typ. Schol. piar. 1753. Alphab. IX. plag. 9.

SKOCZYNSKI (*Petrus*) ord. fratrum minorum S. P. Francisci reformatorum in provincia Pol. mai. provincialis. Edidit orationem saecularem Vernaculam etc. in Acad. Cracou. recitatam, cui historia Acad. Cracouiensis adiecta est. Posnaniae 1745 in fol. Alphab. I. plag. 7. Ex hac ea, quae in bibliotheca Varf. part. IV. et horum auctor. trimestr. I, de Acad. Cracou. dicta, deprompta sunt, adiectis nostris accessionibus et annotationibus.

SKORSKI (*Ioannes*) Soc. Ies. prou. Pol. Scripsit poema epicum sub titulo: Lechus, carmen heroicum, regni auri et liberi primordia et vetustatem fortunamque variam, decantans libris XII. in 8. Leopoli 1745. Auctor etiam est variorum panegyricorum Latinorum.

SLIWICKI (*Petrus Hyacinthus*) congreg. presbyterorum Saecularium missionis in Polonia visitator generalis et praepositus eccles. S. crucis Varsoviensis. Vir de litteris in Polonia bene meritus, quia methodum Scholasticam tractandi theologia in seminariis congreg. suae abrogauit, bibliothecam quoque, quae ad Stam Crucem pertinet, auxit, aliaque vtilia effecit. Multis negotiis obrutus scriptioni librorum vacare haud potest, eo magis autem alios consiliis suis adiuvat. In publicum tamen exire passus est: Vitam Beati Vincentii a Paulo etc. a Noireto Gallice descriptam. Varf. 1729. in 8. plag. 10.

SOKOLNICKI (*Benedictus*) ord. fr. minor. Francisci reformat. prou. Pol. mai. eccles. cathedral. Posnan. poenitentiarius, edidit tractatum theologicum, de conscientia recta in obscuris. Posnaniae 1748. in 8. Alphab. I. plag. 3.

STEINHAÜSER (*Ioannes Benjamin*) Ser. reg. Pol. consiliarius camerae, commissionis thesauri aulici vicepraeses. Vir in rebus Polonis, quae ad historiam et statum pertinent, valde peritus, diligentissimus simul et probatae fidei. Scripsit opus egregium de veteri et nouo statu regni Poloniae, Gallico idiomate, nec non correctiones et autiones, ad Heraldicam P. Niesiecii pertinentes. Nondum autem voluit typis opera haec vtilissima varias ob causas mandare.

SWINARSKI (*Laurentius*) celsissimi regni primatis, Adami Komorowski, cancellarius, varias sacras conciones lingua vernacula edidit selectas.

SZEMBEK (*Ioannes Eustachius*) Episcopus Plocensis, ord. aquilae albae eques, litterarum aestimator, edidit epistolam pastorem ad clerum et populum dioeceseos Plocensem. Varf. typ. S. I. in 4. plag. 13.

SZYDLOWSKI (*Laurentius*) Schol. piar. prou. Pol. rector collegii Sczuczynensis. Edidit varias conciones sacras, nec non summarium iudicii regularis ex Sacrosanctis canonibus, praecipue decretalibus, Gregorii IX, concinnatum, vna cum directorio visitationis pro clericis regularibus scholarum piarum. Varf. 1744. in 8. plag. 16.

TACZALSKI (*Onuphrius*) ord. congregat. Stae trinit. redempt. captiu. Definitor sui ord. in Pol. et Lith. edita ab eo sunt varia scripta ascetica, inter quae prae caeteris celebrantur: Homo paulo minor angelis, Leopoli 1738. in 8. et aula coelestis a. 1741. ibid. in 8. Tribuitur ei etiam pulcra translatio Polona, purpurati Ioannis Bona principiorum et documentorum vitae christianae, Vilnae 1747. in 8.

TORI (*Iosephus*) Theatinus, ex Italia primum Leopolum, deinde Varsaviam missus, ubi in collegio nobilium litteras humaniores cum laude docet. Edidit CCX propositiones historico - theologico - canonicas.

TRZEBICKI (*Nicolaus*) Soc. Ies. prou. Lith. Viceprovincialis et consultor provinciae, nil quidem scripsit, sed multum pro incremento scientiarum in provincia sua contribuit.

TYSKIEWICZ (*Antonius*) Episcopus Samogitiae, ord. aquilae albae eques edidit vitam et virtutes Sti Casimiri, Poloniae patroni. Vars. 1752. in 4. pl. 22.

VSZAKA (*Iosephus*) doctus nobilis in maiori Polonia. Scripta eius:

I) Petit dictionnaire Polonois et François, selon le stile et l'orthographe moderne in 8. Posnaniae 1746.

II) Prodromus Glossarii Polonici sub nomine Stephani Starachouii Califfii. 1749. in 4.

III) Colloquium de ortu et progressu, nec non hodierna defecientia poeseos et eloquentiae apud Polonos. a. 1753. sine nominis et loci indicio in 8.

WANSOWSKI (*Gordianus*) ord. minor. conuent. S. P. Francisci prou. Pol. provincialis. Scripsit conciones morales, lingua vernacula. Crac. 1743 in 4. pl. 20. tractatum de poenitentia, Crac. 1744. in 12. Translationem compendii meditationum, de praecipuis fidei nostrae mysteriis, auctore Ludou. de Ponte Soc. Ies. Crac. 1751. in 8.

WASILEWSKI (*Adamus Franciscus*) notarius palatinatus Volhyniae. Debetur ei: vita optimi seruatoris nostri, ex virorum diuinorum, Matthaei, Marci, Lucae et Ioannis, relationibus, carmine Polono tersissimo, concinnata, Vars. typ. Schol. piar. 1746 in folio. Alphab. 5. plag. 3.

WESSEL (*Iosephus Bartholomaeus*) Eques Melitenfis. Cum in Hollandia fuerit in lucem edidit a. 1750 Amstelodami: ad reflexiones philosophicas de origine animalium, gallice Londini impressas, atheismo velificantes, responsionem clari et exacti ratiocinii. in 8. plag. 7.

* WIELOPOLSKI (*Carolus*) Supremus stabuli regni praefectus, eques aquilae albae, marchio Pinczouienfis, magnus litterarum aestimator, in linguam Polonam transtulit Boethii de consolatione philosophiae Lib. V. Vars. 1738. in 8. plag. 11. Edit. altera a. 1744. typ. Schol. piar.

* WIELOPOLSKI (*Ioannes*) Palatinus Sendomiriensis, eques aquilae albae, praecedentis frater germanus, pariter magnus litterarum aestimator. Rollini, Acad. parisi. Rectoris opera idiomate Polono donat, suo tempore imprimenda.

WILKINOWICZ (*Ignatius*) Soc. Ies. prou. Lith. S. Th. D. Rector collegii Pinscensis, edidit tractatum de Deo vno et trino, A. 1739. Vilnae in 4. Alphab. 1. plag. 12.

WISNIEWSKI (*Antonius*) Schol. piar. prou. Polonae. Scripsit:

I) Propositiones philosophicas ex physica recentiorum. a. 1746. Varf.

II) Grammaticam Gallicam breuem et facilem. Varf. 1743 in 8. pl. 7.

III) Panegyricos quam plurimos, maximis Poloniae mactenatibus, communi ordinis sui nomine, dictos. in folio.

IV) Geographiam, tam generalem, quam specialem, methodo mathematica tractatam, breui forte typis exscribendam.

V) Compendium scientiarum mathematicarum omnium, in vsum iuuenum Polonorum nobilium, musis, in coll. Schol. piar. Varf. operam nauantium. opus nondum absolutum.

Reuerend. P. Wisniewski nunc est Constantinopoli, cum illustrissimo sereniss. reipubl. Polonae legato comite MNISZEK, theologi munere fungens, qui sine dubio redux variis experimentis, obseruationibus, historiam naturalem, physicam, concernentibus, deque statu litterarum apud Turcas certis relationibus nos donabit. Antea iam literatissimus Wisniewski in Gallia, Italia, Anglia, Germania fuit, variis cum viris doctissimis consuetudinem amicitiamque iungens, qui ille vir est, a quo Polonia multa adhuc expectare potest, insigne iam meritum habens, quod philosophiam Aristotelicam, recentiorum vtiliorem docens ac commendans, expurgare coeperit. Honor pro eo certe est, quando a monachis quibusdam, praestantiam philosophiae recentioris ignorantibus, persecutus atque adeo, quod fidem fere superat, pro haeretico declaratus fuit, id quod doctissimus Wisniewski et prudenter et patienter sustinuit, dignus qui suo tempore inter litteratos Heroes Polonos numeretur.

WŁOCKI (*Iosephus*) Schol. piar. prou. Pol. Orator sacer celebris. cononator ecclesiae cathedralis Cracouiensis. Typis euulgauit:

I) Concionum de Christi passione Volumen I. Vilnae 1729. in 4. Alph. I. Volum. II. Cracou, 1736 in 4. Alph. 1. plag. 2. Volum. III. Crac. 1740 in 4. plag. 15.

II) Sermones quam plurimos, solemnibus singulis diebus habitos, vnum in volumen redactos 1741. Crac. in fol. Alphab. 6. pl. 12.

III) Sermones sex, tempore iubilaei habitos. Crac. 1753. in 4. apud Hebanowski.

WODZINSKI (*Nicolaus*) S. Th. D. ord. fratrum eremitarum S. Augustini prior prouincialis emeritus. Maximo labore texuit: clarorum ex prouincia familiae Augustinianae Polona, virorum catalogum, cui multa insunt maxime memorabilia, historiam ecclesiae Polonae illustrantia. Lingua Polona, qui vero nondum impressus.

WOLLÓWICZ (*Antonius*) M. D. Lith. Secretarius maior, etc. litterarum aestimator, orator et poeta, scripsit carmen vernaculum, serenissimae reginae Polonae, Mariae Iosephae dicatum, in folio.

WOLSKI (*Iacobus*) ord. S. Antonii Patauni reformat. definitor generalis, edidit conciones de passione Domini. a. 1731. in 4. Vol. II. Polona lingua, et alphabetum dogmaticum collectum.

WYSOCKI (*Samuel*) Schol. piar. prou. Pol. Rector colleg. Varf. et prouinciae assistens. Scripta eius:

I) Orator Polonus, illustri iuuentuti, scholas pias frequentanti, ad exemplar propositus. Varf. 1740. in 4. Alphab. 4. plag. 16.

II) Tractatus de formandis epistolis, iuxta normam veterum recentiorumque scriptorum in vsum Schol. piar. conscriptus. Crac. 1743 in 4. Alph. 3. plag. 8. Haec opera Sermone partim Latino, partim vernaculo, composita.

III) Conciones vernaculae selectiores, coram illustrissimis tribunalis thesauri Radomiensis iudicibus, habitae. Varfauiae 1742. in 4 Alphab. 1.

IV) Conciones vernaculae de sanctis, diuersis in ecclesiis, regni principatibus, habitae. Varf. 1747 in folio. Alphab. 6. plag. 10. His accessit laudatio funebbris illustris. *Elisabeth Tarlouiae*, Palatini Sandomiriensis coniugis.

V) Conciones dominicae.

VI) Conciones de passione Christi Maiestaticae.

Multae praeter ea extant orationes diebus, ordini suo solemnioribus, dictae, inter quas et illa se commendat, qua demonstratur: *litterarum elegantiorum ac bonarum artium studia, maximo et ornamento, et emolumento, liberae esse reipublicae.*

WYSZYNSKI (*Casimirus*) congregat. immaculat. concept. b. M. V. Sacerdos, praepositus generalis. Varia scripta in laudem stae Mariae eddidit, et Francisci Arie, Soc. Ies. in Hispania, libellum de imitatione Sanctiss. Mariae idiomate Polono donauit. Varf. typ. Soc. Ies. 1749. in 4.

WYZYCKI (*Nicolaus Ignatius*) Archiepiscopus Leopoliensis, aquilae albae eques etc. litterarum aestimator. Duas edidit orationes lingua vernacula, alteram Diuo Stanislao, regni Poloniae custodi, alteram Diuinae Terefiae, ordinis a monte Carmelo, dicti, patronae, deuotas. Crac. 1725 in fol.

ZABA (*Io. Antonius*) Palatinus Minscensis, fatis nuper functus. Edidit Hermann Hugonis, Bruxellensis, S. I. pia desideria, eodem carminis genere, eademque venustate Polonice versa. Supraslii. 1744. in 8. plag. 9.

ZABIELSKI (*Adalbertus Aleysius*) Soc. Ies. prou. Pol. concionator tribunalis Lublinensis perpetuus. Edidit quinque orationes de debita erga clerum reuerentia eique soluendis decimis. Lublini in 4. plag. 18. Magnum opus historicum: de exordio Hierosolymae, suo tempore imprimendum.

ZAGIELSKI (*Iosephus Antonius*) Eques Ruthenus, in publicum protulit:

I) Vitam et res gestas Leonis Kiszka, primum Protoarchimandritae congregat. Ruthenorum Lituanae, post episcopi Vladimiriensis, ac demum Metropolitae totius Russiae. Supraslii 1746. in 4. plag. 3.

II) Professionem orthodoxae fidei, ab orientalibus faciendam, Romae iussu Pontificis Urbani VIII impressam, annotationibus historicis explicatam. Poczaioviae, 1750. in 4. plag. 6.

III) De episcopatu Graeco Pinscensi, eiusque episcopis in 8. Leopoli. 1750.

IV) Acta colloquii, a praesulibus Ruthenis, S. sedis apostolicae Romanae vnitis, cum iis, qui ab vnione dissident, A. 1680, die 24. Ianuar. in ciuitate Lublinensi instituti, auctore *Cypriano Zochowski*, archiepiscopo Kiiouienfi, de nouo edidit, Vilnae 1752 in folio.

V) Hypatii Pociey, archiepiscopi Kiiouienfi, defensio Graecorum vnitorum. Vilnae. 1753.

ZAGORSKI

ZAGORSKI (*Antonius*) Eques Polonus. Marchionis a Sancta cruce de Marzenado regulas militares et Politicas, ex Gallica, quam dom. de Vergy concinnavit, interpretatione, Polonice reddidit. Versionis huius quarta iam pars in publicum exiit. Gedani 1743. in 8. Reliquae adhuc expectantur.

ZAKIEWICZ (*Nicolaus*) ord. S. Dominici prou. Pol. Scripsit Vindicias accidentium peripateticorum contra R. P. ANTONIVM WISNIEWSKI, optime de literis in Polonia iam meritum, quae parum honoris auctori faciunt. Hic finis huius lexici partis primae, quem sequitur appendix, continens catalogum historicum omnium nunc viuientium in Polonia et magno duc. Lith. Archiepiscoporum, Episcoporum et Abbatum.

V.

Doctissimi in Polonia viri, D. NEIFELDI, hic inserui specimen physicum, quod antea nunquam fuit typis exscriptum, qui persuasum mihi habeo, haud male me facere, qui inter recensiones variorum librorum, scripta quoque plane noua lectoris oculis subiiciam integra. Eo maiorem meretur hoc specimen doctorum physicorum attentionem, quo obscurior haecenus, de animalculorum spermaticorum natura et ortu, fuerit doctrina. Credo, non amplius istos nostris temporibus audiendos esse physicos, qui existentiam animalculorum in semine humano spermaticorum negant, dicentes, microscopia ea creare, quo nihil mihi videtur a veritate remotius. Si enim microscopia animalcula spermatica mentiuntur, cur tam varias species animalculorum, vario in semine, repraesentant? et cur eadem animalcula in eodem semine calido uiua, et refrigerato mortua videntur? Opus fuisset prius secundum leges opticas, demonstrare, ea quae nudis oculis videri haud possunt, neque microscopiorum ope percipi posse, quam sine vlla ratione contra sensum disputare. Qui meliora edoctus contrarium poterit solide probare, magnam nobis faciet gratiam, si eruditionem suam nobiscum communicare in vsum publicum velit, totumque orbem physicum a tam graui liberare errore. Si vero existentia animalculorum spermaticorum vera sit, vt sensus vi experientiae, sana ratio et analogia generationis omnium animalium certos nos faciunt, experientissimus NEIFELDIUS noua quaedam et vtilia varia dixit. Audiamus ipsum auctorem:

Specimen Physicum de Animalculorum Spermaticorum

Natura et Ortu. Auctore D. ERNESTO IEREM. NEIFELD.
Medico Lefnensi.

§. I.

In meditullio testium, ex sanguine arteriarum spermaticarum *a)* constanti naturae lege, paratur liquidum, cinericeum, peculiarem plane, naribus admotum, spargens odorem, quod in vesiculis seminalibus, extra venerem, in usum oeconomiae animalis atque propagationem sui similis, sub specie *seminis virilis* adseruatur.

§. II.

Si, semen virile (§. I.) minimis lustratur lentibus; ingens animalium infinite paruorum, obseruatur copia, quae caudas rapide mouent suas, vndasque in liquido, cui innatant, excitantia, modo contrariis feruntur agminibus, modo se prosequuntur, modo iterum separantur, ordineque mouentur turbato. Viua haec animalia, vocantur *animalcula spermatica*.

§. III.

Leewenhoekii, aliorumque naturae indagatorum, obseruata confirmant, animalcula spermatica. (§. 2.)

- 1) in sanguine, sero, et liquoribus tenuioribus, existere nulla, imo et in ipso liquido arteriarum spermaticarum ex quo parantur (§. I.) abesse:
- 2) in infantibus deficere, et teste Hartsoekero, eorundem loco parua corpuscula obseruari *b)*.
- 3) In hominibus robustis, fanis, iuuenibus, numerosa, agilia et viuaciora existere, in senibus pauciora, languidiora, vel nulla.
- 4) a coitu deficere frequenti; pauca et languida fieri, imo et perire in iis; qui gonorrhoea laborant, denuo adparere gonorrhoea sanata.

§. IV.

a) Decursum et nexum horum vasorum e vasculis fecernentibus adcurate exposuerunt D. GEORGE MARTINI et ALEXANDER MONRO in the Medical Essays and Observations, revised and published by a society in Edinburgh, Vol. V. no. XVIII. XIX.

b) Suit. de Coniectur. p. 107.

§. IV.

Quae mechanismum, quo secretio liquidi genitalis in corpore humano, perficitur, determinant, in parte altera de *Secretione humorum in specie* a nobis hoc anno, si Deus det vitam et sanitatem, in usus publicos euulganda, fusius explicare allaborabimus. Nolumus proinde nunc dubia circa auctorum de seminis elaboratione, opiniones mouere, satis notum enim atque perspectum habetur, eos in diuersas philosophandi processisse vias. Hinc duo tantum in hoc specimine momenta nobis erunt consideranda, et quidem

1. Quae sit natura animalculorum spermaticorum,
2. Quo modo illa in corpore humano ex sanguine producantur.

§. V.

Ea, a Leewenhoekio aliisque naturae indagatoribus, animalculorum obseruatur figura, quae anguillae est. Gaudent enim capite rotundo, ouo fere simili, et cauda alterne flexa, in cuspidem desinente. Crassities caudae ad $\frac{1}{25}$ crassitiei capitis aestimatur, et longitudo totius animalculi plus vigesies, et fere trigesies crassitie maior deprehenditur.

§. VI.

Numerum horum animalculorum, si animo perpendamus attentiori, omnem certe nobis ille videtur transcendere humanum intellectum. Obseruauit enim Leewenhoekius, 10,000 eorum spatium replere, quod occupat sabuli granum, imo et 50,000 istorum eo spatio interdum collocari, idem adfirmat auctor. Curiosissimus Hartsoekerus contendit, tantam animalculorum spermaticorum esse exiguitatem, vt, si ea nullo intermedio fluido arte componerentur, 1000,000 eorum, spatium complerent, quod occupat particula arenae.

§. VII.

Obseruata §. VI. confirmant, liquidum in quo natant animalcula, se habere ad animalculorum numerum, vt, 1000,000, ad 10,000, h. e. vt 100, ad 1. Adeoque liquor seminalis centies plus spatii occupat quam animalcula ipsi innuantia.

§. VIII.

Magnitudo animalculorum, hoc modo, ex obseruatis §. VI. determinatur: Sumamus, cum HARTSOEKERO, 1000,000, animalculorum, in spatio collocari posse, quod occupat granulum arenae. Spatium quod occupat granum sabuli, obseruante Leewenhoekio, aequatur cubo, cuius latus est decima pars lineae, siue scrupulus. Si itaque ani-

malcula spermatica, figuram cubicam haberent, quodlibet eorundem, maius existere non posset, parte 1000,000ma cubuli dicti, atque crassities vnius animalculi, cubuli formam habentis, aequalis esset radici cubicae, nempe centesimae parti vnius scrupuli.

§. IX.

Cum animalcula spermatica, crassitie decrescant (§. V.) formaque proinde gaudeant cylindrica; facile intelligitur, magnitudinem eorundem dicto modo (§. 8.) exacte determinari non posse. Ponamus itaque animalculum figuram habere prismatis quadrati. Obseruata (§. V.) confirmant longitudinem plus vigesies, et fere trigesies, crassitie eiusdem animalculi esse maiorem. Hinc, ex hypothese, animalculum quoduis aequale erit prismati quadrato, cuius altitudo vigesies septies maior, latere baseos. Iam vero ex geometricis clarum est, soliditatem prismatis inueniri, si basis per altitudinem multiplicetur. Adeoque prisma tale, aequatur, quadrato lateris baseos, multiplicato per vigecuplum septuplum eiusdem lateris, seu quod idem est, vigecuplo septuplo cubi ex baseos latere. Quare, cum hoc prisma, ratione soliditatis aequale sit animalculo, quod cubica forma gaudere adsumimus §. 8. necesse omnino est, vt cubus eius lateris sit pars vigesima septima cubuli, ipsi animalculo, mole aequalis. Hinc latus ipsum, pars tertia erit lateris cubi, et crassities animalculi erit 300ma pars scrupuli.

§. X.

Crassities animalculi, est pars 300ma scrupuli. §. 9. Quare, cum obseruante Leewenhoekio, crassities trium capillorum humanorum, integrum scrupulum compleat: prona inde fuit consequentia, crassitiem vnius animalculi, partem esse centesimam pili humani.

§. XI.

Teste Leewenhoekio, 10,000 animalculorum, spatium occupant, in semine masculino, quod grano sabuli aequale est §. VI. Quaestio igitur moueri posset, quo modo ingens haecce copia animalculorum, in testium meditullio, epididymide, vase deferente, et vesiculis seminalibus, reperiunda, in fluido genitali §. I. ceu vehiculo, viuere et libere sese mouere queant §. II. At enim vero, stupendam horum animalculorum exilitatem §. VIII. IX. X: qui mente perpendit adtenta, facile perspicere potest veritatem adserti, Ex iis enim quae supra adseruimus, liquet, fluidum, in quo natant animalcula spermatica, centies plus spatii occupare, quam animalcula ipsa. (§. VII.) Si itaque concipiamus, fluidum

dum animalculo ubique aequaliter esse circumfufum, adeoque fimili cum animalculo gaudere figura: liquidi figura centuplo maior erit, figura animalculi. (§. VII.) Iam vero ex mathematicis conftat, latera homologa corporum fimilium eſſe, vt radices cubicae magnitudinum iſtorum corporum. Adeoque craſſities animalculi erit ad craſſitiem fluidi, vt $\sqrt[3]{1}$ ad $\sqrt[3]{100}$, h. e. fere vt 1 ad 5. Idcirco quodlibet animalculum habet ſpatium quintuplo longius ſe ipſo, in quo ſeſe mouere et nutrimentum capere poſſit.

§. XII.

Haec de natura animalculorum dicta ſufficiant. Superest, vt iam indicemus modum, quo iſta in corpore humano producantur.

§. XIII.

In infantibus, loco animalculorum spermaticorum, corpuscula parua liquori ſeminali, innatantia, a cl. Hartſoekero, obſeruata fuerunt §. III. no. 2. Quare, cum corpuscula haecce in homine adulto, vel nulla, vel ſaltim in copia minori, conſpiciantur: probabile eſſe videtur; haecce corpuscula in ſe continere aliquid, quod futuro animalculo originem dare poſſit.

§. XIV.

Huius generis corpuscula (§. XIII.) humoribus animalium ubique intime mixta, in ſe continere organica futuri animalculi rudimenta, quae, ſub datis circumſtantiis, animalculo producendo ſufficiunt, ſi ſecundum certas leges ab initio uſque ad perfectum animalculi ſtatum dilatentur, ſtatueri nulli dubitamus.

§. XV.

Quum extenſio rudimentorum futuri animalculi, concipi nequeat, niſi fluidum aliquod, in iis a vi qualicunque propulſum, ſubponatur: probabile omnino eſt, in cauis corpusculi organici, recondiri exiguam copiam ſuccorum innatorum, quieſcentium.

§. XVI.

Liquido, in vaſculis teſticularum ſecernentibus, contento, Spiritus animales admifcentur. Anatome docet, teſtes, inſtructos eſſe maiori neruorum copia, quam vllum aliud humani corporis viſcus. Quare, cum illi, neque pro motu, neque pro ſenſu, organis ſecretoriis adducantur: promptum inde videtur conceptu, eos liquidum in cauis ſuis contentum, adfundere liquido genitali iam ſecreto *.

§. XVII.

* Hamberg. Phyſiolog. §. XCVI. XCVII.

§. XVII.

Admixtione spirituum nervorum (§. XVI.) particulae seminis, in particulas subtiliores, resoluuntur. Ex structura et origine nervorum, intelligitur, fluidum in cauo eorundem contentum, omnium humani corporis, fluidorum, existere subtilissimum atque leuissimum. Iam vero ex physicis constat, fluidum specificè leuius, corpori specificè grauiori adhaerere, atque ob exiguitatem partium suarum, poros huius penetrando, particularum constituentium cohaesionem superare*. Hinc, cum particulae, quibus constat fluidum seminale, totidem sphaerulas consistant, quorum quaelibet ex sex sphaerulis minoribus (*Spec. I. de secretionē §. CIII.*) componatur; facile intelligere datur, interstitia minima, in intimis recessibus harum particularum existere. Particulae itaque fluidi nervei, particulis seminalibus adhaerentes, in interstitia istarum penetrabunt, et ad singulas minimas globuli resoluendi, particulas, adcedentes, cohaesionem sensim paulatimque superabunt, et ita totum in suas partes resolvere poterunt.

§. XVIII.

Cum actio fluidi nervei in particulas seminis sit perdurans, neque a motu fluidi progressiuo, tardissimo, minuatur; facile concipitur, *particulas seminis omnium facillime in particulas minores resolveri posse.*

§. XIX.

Resolutione liquidi seminalis (§. XVII. XVIII.) corpuscula organica §. XIV. a nexu aliorum libera sunt. Dantur in particulis fluidi seminalis, recondita corpuscula parua, futuri animalculi rudimenta organica, continentia (§. XIII. XIV.) Quare, cum a fluido nerveo, particulae seminales in minimas resoluantur moleculas §. XVII. Statuere omnino licebit, corpuscula dicta, hoc modo, a nexu earum partium quibus intime mixta erant, libera fieri.

§. XX.

Actioe Spirituum, corpuscula organica, rudimenta futuri animalculi continentia, sui iuris sunt (§. XIX.) Quare cum in infantibus et senibus sufficiens copia spirituum deficiat: *corpuscula haecce organica, non resoluuntur, sed particulis seminalibus mixta manent, in senibus et pueris.*

* Hamb. Elem. Phys. §. 207. n. 2. et schol.

§. XXI.

§. XXI.

Corpuscula organica a nexu aliarum particularum, separata, vivere incipiunt. Corpuscula organica, caua quaedam, exigua copia succorum innatorum repleta, ceu futuri animalculi rudimenta, continere §. XIV. XV. patet. Hinc, cum praeter aerem crassiolem, insigniores corporum poros replentem, detur aura subtilior elastica, in intimis et minimis corporum claustris hospitans atque compressa; eo ipso momento, quo particulae subtilissimae atque tenerrimae fluidi neruei, minimos poros particularum seminalium penetrent, eosque adperiunt: aura elastica subtilior, condensata, prosilit vi quadam, atque hoc modo primum dat impetum, fluido in corpusculo organico haerenti, qui humorum motus postea ex propria organici corporis continuatur structura. Hic igitur est locus, ubi vitalitatis noui producti corporis animati, initium.

§. XXII.

Cum vitalitatis initium corpusculi organici pendeat a particulis fluidi neruei, impetu quodam poros ipsius aperientibus (§. XXI.) atque in senibus, nec non in iis, qui laborant gonorrhoea, vigor spirituum animalium deficiat: facile intelligere datur, *cur in senibus, et iis, qui laborant gonorrhoea, animalcula spermatica sint vel nulla vel pauciora et languidiora* §. III. no. 3. 4.

§. XXIII.

Eo ipso momento, quo, vivere incipiunt, corpuscula organica (§. XXI.) partes ipsorum, crescunt, atque fluidorum varii generis irrigantur transfusu. Partes, quae perfectum constituunt animal, non praexistere in rudimento organico, verum, ab impulsu fluidorum successiue produci, multis rationibus conuicti, statuimus. Quare cum vascula, quae rudimenta animalculi futuri, sistunt, sint mollia est flexilia, nulla remanere videtur dubitandi ratio, quin ista ab impulsu fluidorum explicentur, et ita in maiorem molem excrescat animalculum. Poros in superficie externa corpusculi organici existere, absorbentes vero simile est. Quare cum vascula ipsius succis innatis repleta sint §. XV. promptum videtur conceptu, poros eos ex fluido genitali, adtrahere succos, qui succis, quos continent caua, sunt congeneres.

§. XXIV.

Cum nutritio animalculi, dependeat a succis, qui per poros ex fluido genitali, hauriuntur, iis congeneribus qui iam in vasculis singulis latent: (§. XXIII.) euidenter adparet, *animalcula, aliis commixta fluidis nostri corporis, ob nutritionis defectum, vivere non posse.*

T

§. XXV

§. XXV.

Animalcula aliis commixta fluidis nutriri nequeunt (§. XXIV.) Hinc cum physiologi doceant, semen virile, ex vesiculis seminalibus cruori sanguineo, perpetua circulationis lege, refundi; inde ratio patet, *cur animalcula sanguini mixta, denuo in corpuscula simpliciter organica §. XIII. XIV. XV. reducantur.* §. III.

§. XXVI.

Nouum hoc productum corporis animati (§. XXI. XXIII.) limites extensionis, seu formam accipit, in transitu per minima secernentia vascula. Dantur in corpusculo primitiuo, iam vasa quaedam fluidorum transfluxu perenni irrigata (§. XXIII.) Quare cum ex hisce cauis tanquam ex rudimentis, reliquae futuri animalculi partes, humorum adpulsu perficiantur, determinandae a nobis sunt illae conditiones, quae efficiunt, vt animal productum hac potius quam alia forma producatur. Hae conditiones erunt partim internae, partim externae. Internae consistunt in eo, vt determinatum quendam iam nexum habeant vasa primitiua, quo fit, vt impetus versus alias partes sit maior, versus alias minor; illae magis, hae minus extenduntur. Externae vero conditiones, in eo consistere videntur, vt corpusculum crescens in vna superficiei parte magis prematur, quam in altera. Hinc partes minus pressae, magis, magis pressae, vero minus extenduntur, et ita limites extensionis determinantur. Videtur vero mihi in vasculis seminalibus, eam latere fabricam, quae in nulla alia corporis humani parte, deprehenditur, qua mediante, animalculorum conformatio vnice perfici possit, ita quidem vt diuersitas structurae testiculorum, diuersitatis structurae in variis animantibus rationem sufficientem in se contineat. Locus vero vbi in fistulas communes, colligantur minima vascula seminifera, videtur esse aptissimus, in quo formam accipiant, seu limites extensionis. Si vero semel formam per aliquod tempus determinatam, in transitu per innumera vascula seminifera retinuerit animalculum; ab impetu interno humorum talis struitur partium nexus atque delineatio, secundum quam natura, dato tempore, animal producit perfectum.

§. XXVII.

Haec omnia si colligamus, modus, quo animalcula in corpore humano, producantur, ita concipi posse existimamus. Corpuscula nempe organica, rudimenta animantium in genere continentia §. XIII. XIV. XV. vbique locorum, adeoque et in sanguine humano reperiunda, actione fluidi neruei a nexu particularum sanguinearum in testibus, separata,
§. XIX.

§. XIX. viuere incipiunt atque crescere (§. XXI. XXIII.) ea quidem proportionem, vt similem constanti naturae lege, nanciscantur figuram.

§. XXVIII.

Quae supersunt dicenda, de hoc non satis 'admirando secretionis negotio, in Volumine secundo de secretionem omnium humorum corporis humani, hoc anno, si Deus largiatur sanitatem, otiumque relinquunt mihi negotia practica, promulgando, studiosius paulo exponere allaborabo.

VI.

LA VR. MIZLERI, medici Varfauiensis,
Obferuationes binae ex medicina practica selectae, altera de vlcere
super vesicam puerperae curato, altera de morfu
serpentis in se ipso intra viginti quatuor
horas sanato.

A.

Cum practicae obseruationes medicae, fideliter et recte descriptae, eximii sint in arte salutari vsus, et ex his solis medicina practica incrementum capiat, officii esse mei duxi, selectiores, quasa tredecim annis, medicinam in Polonia continuo faciens, annotare coepi, cum iis, quorum interesse possit, communicare, aliosque simul doctos in Polonia medicos, vt idem in vsum publicum facere velint, etiam atque etiamrogare.

Puella nobilis, octodecim annorum, firmiae satis corporis constitutionis, temperaturae sanguineo cholericae, corporis magis obesi quam gracilis, vietus secundum tenuiorem conditionem paulum durioris assuetae, sed integrae sanitatis, grauida facta fuit a iuvene, qui clam ei matrimonium promiserat. Cum res male gesta iam parentibus, intumesciente ventre, innotesceret, durius ab iis habita, variisque minis terrefacta aufugit a parentum conspectu Varfauiam, vbi misere se habens filiulam edidit in lucem sanam, obstetrice autem tali vsa, vt feminae in Polonia pauperes plerumque solent, nempe muneris obstetricii plane ignorante. Quemadmodum enim vnicuique medicinam facere in Polonia licet, quamuis eam ignoret, sic vnaquaeque vetula etiam obstetrix esse potest. Instante partus tempore, ista sic dicta obstetrix, ex ignorantia, primiparae, ante quam veri partus dolores venirent, persuasit, vt intentis omnibus viribus, comprimendo spiritum, auxilium sibi daret. Hoc cum non succederet, ista vetula obstetricia, ventrem infra vmbi-

licum violenta manu contrectauit ac compressit. Re iam desperata, ut putabatur, primiparae valde debili quies forte fortuna fuit concessa, quae interuallo octo horarum, recuperatis utcumque viribus, profuente antea aqua, feliciter, beneficio naturae, enixa est filiulam circa initium aestatis. Altera autem statim die de dolore ventris interno acuto querebatur puerpera. Accedit febris, dolore illo acuto et calore praeternaturali in dies aucto, lochia tamen rite defluebant, neque sanguinis grumi, vel placentae particulae in matrice remanserunt, ut postea, statum partus et puerperii sedulo examinans, cognoui.

Aegrotā, semper peius se habens, per tres fere hebdomadas, manu obseruabat duritiem in medio abdominis, cum acutissimo dolore, qui et somnum et ciborum appetitum omnem adimebat, puerpera nil nisi potum continuo expetente. Per hoc tempus vires fere omnes perdidit, tam macilenta facta, ut sceletō similis, clausis oculis, mortis imaginem repraesentaret. In tali statu, cum iam pro perdita haberetur, haec puella mihi a viro magno, parentum-benefactore, misericordia moto, commendata fuit, ut eam, si fieri adhuc posset, seruarem ac sanarem, qui statim, acquisita morbi historia, inueni vlcus in abdomine latere, ad quod violenta musculorum abdominalium distensio, stasin humorum efficiendo, ansam dedisset, suspicatus ob profunditatem et situm duritiei acutissimosque dolores, ipsam matricem debere esse inflammata. Hanc cum ipse, absente perita obstetrice, instantique vitae periculo, digito visitarem, valde indurata deprehendi, adeo ut aegrotā valde clamarit, cum leuiter tantum digito tangerem. Rebus sic stantibus illo ipso die tres pulueres nitrosos cum oculis cancerorum progressu trium horarum aegrotae propinaui ad mitigandum calorem internum, super duritiem autem in medio abdominis cataplasma ex meo balsamo vulnerario, cuius descriptio et compositio in primitiis physico medicis Poloniae, Vol. III. p. 93 vsque ad 152 reperitur, nec non in Bibliotheca Varf. part. I. p. 75. imponi iussi, dedita admonitione, ne abiiciatur, etiamsi dolores inde augeantur. Mane cum altera die venirem, aegrotā mihi dixit, omnia peiora esse, et se iam morituram nimis sentire, cataplasma se abiicisse, quod intolerabiles dolores fecisset. Quo facto, vocato sacerdote, sacramentis munita mortem expectabat. Cum autem calorem internum parum mitigatum ex sanguinis pulsu obseruarem, duritiem vero intra ventrem magis eleuatam, et, ut mihi videbatur, molliorem deprehenderem, ne omnem vitae spem abiiceret, seque tranquillo animo prouidentiae diuinae committeret, fortiter persuasi. Statim iterum ca-

cataplasma ex balsamo meo vulnerario imposui, super ventris duritiem, quae illo tempore in vlcus abire et suppurare coepit, quae autem medicamenta in tam ancipiti casu interna propinare dubius fui. Tandem elegi puluerem album Basilii Valentini in curru triumphali antimonii p. 226. etc. edit. Amstel. descriptum, quem iam paratum habui. Magnae quidem fidei virum BASILIUM semper inueni, et medicamenta eius, si recte praeparantur et applicentur, stupendae efficaciae, quam ob causam omnia medicamenta Basilii Valentini, vna cum aliis, a decem iam annis, excepto lapide ignis, ipse elaboro, hunc autem puluerem album nunquam antea in tali casu probaui, de quo sequentia in curru triumphali a Basilio dicuntur p. 229: „Hic pulvis efficit egregia quaedam et mirabilia, quae non facile fidem inuenient apud eos, qui non sunt experti etc. quicumque interius laborat apostematibus, sumat de hoc albo fixo puluere antimonii in spiritu vini, vel alio vino generoso, quartam drachmae partem quinquies vel sexies per diem, et experietur internum apostema aperiri, et omnem coagulum sanguinem paulatim sine ullo vitae, aut sanitatis periculo expelli.“

Propinaui igitur ex aqua fontana singulis diebus drachmam vnam huius pulueris in tres partes aequales diuisam, adiiciens ad vnumquemque scrupulum sex grana nitri, cataplasmate ex balsamo vulnerario quotidie bis imposito.

Quinta, a coepta cura, die, dolores iam non ita acuti erant, vlcus longe mollius et magis eleuatum, vrina non ita rubra et cum sedimento, dormire etiam iterum aegrotam incipiebat, parum autem comedere quae valde adhuc debilis. Continuaui puluere albo et cataplasmate ex balsamo vulnerario ad decimam vsque diem, qua cum viderem vlcus suppurasse, scalpello id aperire in animo habui, et hunc in finem doctissimum dom. DUFAY, illustrissimi supremi regni Mareschalci medicum, amicum meum, petii, vt praesens esse velit, qui mecum ad aegrotam veniens statum eius vidit miserum, valde de salute huius puellae dubius. Sed aegrotam nullo modo permisit incisionem et abiimus re infecta. Die vndecima matrix iterum digito fuit explorata et longe mollior deprehensa, duodecima autem die, cum mollitiem vlceris examinarem, scalpello sub vola abscondito, inscia aegrotam, incisionem, quam vix sentiebat, feci, ope cuius multum puris parum sanguinis exiuit, magno aegrotae leuamine. Sequenti die dom. Dufay certiore feci, puellam illam intra tres hebdomadas saluam fore, qui recte mihi, consolidationem incisionis difficillimam futuram, obieciebat. Vlcus enim erat supra vesicam sub linea alba, vbi necessario muscoli abdominis, in primis pyramidalis, laedi

debuere, cum diameter vlceris tres fere digitos transversos efficiebat. Ordinaui quotidie nunc duos tantum scrupulos pulueris albi sine nitro, mane et vespere sumendos, balsamo vulnerario, bis in die de nouo, imposito, quibus duobus adhibitis mediis, aegrotā vicesima ab incisione die, optime facta consolidatione, conualuit, et nunc optime se habet. Medicus illustrissimi regni Mereschalei vidit absoluta cura hanc feminam, scelēto antea similem, optimo corporis habitu, qui sincere professus, se eiusmodi morbum nunquam antea vidisse, neque similem casum legisse.

Ex huius morbi historia et sanatione, ni fallor, apparet, puluerem album Basilii optimum esse defendens contra periculosa vlcerum symptomata, tam internorum quam externorum, balsamum etiam meum vulnerarium, re vera id præstare, quod de eo promisi. Sed forte medici, qui ipsi medicamenta selectiora non elaborant, dicent, puluerem album Basilii nil esse nisi antimonium diaphoreticum, quod idem efficere deberet. Qui vero bene perpendit eorundem medicamentorum secundum eandem præscriptionem a variis pharmacopolis elaboratorum differentiam, minime negare poterit, a recta medicamentorum præparatione in praxi medica omnino multa, et si rectam adiungas methodum, omnia dependere. Tantum abest, ut puluis albus Basilii idem sit, ac antimonium diaphoreticum vulgare, ut potius admodum inter se distent, quamuis ex eadem massa desumta. Cum videamus ex eadem antimonio tam varia parari medicamenta, et vomitoria, et sudorifera, et purgantia, et diuretica, qui varii in corpore humano effectus ex sola proueniunt præparatione, cum longè diuersa sit illius præparatio, etiamsi ambo detonentur? credo ob colorem album. Optarem ego quidem in incrementum artis salutaris, ut illae propositiones generales negatiuæ in medicina summa cum circumspeditione adhibeantur, qui omnino nil in praxi medica statuere possimus, quod effectus non probet. Alia res est morbos ex cathedra sanare et remedia præscribere, alia res medicamenta efficacia ad restituendam sanitatem coram lecto aegrotorum adhibere. Quam multa autem adhuc media efficacia in praxi medica desint, cordatos medicos non fugit, et celeberrimus medicus Viennensis, liber baro de SWIETEN id sincere profitetur, in commentariis in Boerhauii aphorismos Tom. I. p. 10. dicens de specificis: *forte plura talia latent ad alios morbos remedia: felices medici, si nouissent!*

Cum igitur tam multa in rerum natura abscondita sint, certum et ex hac obseruatione esse videtur, propositiones in praxi medica generales negatiuas nil valere et tirones in errores inducere: illos etiam medicos

parum sibi consulere, qui omnes morbos, medicamentis dispensatorii Brandenburgici vel alius, methodo vniuersali adhibita, curari posse, sibi persuadent. Selectis medicamentis in morbis periculosis omnino opus est, quae, cum non ita facile inueniantur, optimum est, si ea ipse praeparare sciat medicus, ex consilio magni quondam medici, FRIDERICI mei HOFMANNI, qui summo cum iudicio Tom. I. Oper. pag. 148. scripsit: „*is demum veri medici nomen tueri mihi videtur, qui ipse selecta praeparare scit remedia, eorumque vires et in agendo proprietates in tot diuersissimis casibus, probe perspectas cognitasque habet.*” Progredior nunc ad alterum casum, qui mihi ipsi accidit, minoris quidem momenti, sed ideo memoria haud indignus, quia curam morsus serpentis et viperae suppeditat, atque confirmat, quae fallere non potest.

B.

Cum anno MDCCLIII praxeos medicae causa in Curlandiam vocatus, per aliquot menses ibi morarer, accidit mense Februario, cum apud perillustrem liberum baronem de MIRBACH, sereniss. Reg. Pol. camerae praefectum et capitaneum Polangensem, fautorem et amicum meum singularem, essem, ut rustici, nescio quem in usum, serpentes apportarent, quorum vnus quisque intra fissuram baculi continebatur. Inter hos vnus valde viuendus et irritatus, quia intra baculi fissuram admodum premebatur et circumcirca mouendo se liberare volebat. Hic serpens, cum infra caput eum manu dextra tenere et accuratius considerare vellem, momordit me circa extremitatem tertiae phalangae digiti indicis, hora tertia pomeridiana, quo morfu facto, gutta salinae serpentis flauae ex digito meo in terram defluebat, ante quam digitum ex ore serpentis cum difficultate, celeriter tamen, extraxi, et paulopost aliquot guttulae sanguinis, ex duobus vulneribus, quae acu profunde facta videbantur. Hoc casu non solum fautor meus benignus, apud quem hospes eram, sed et alii nobiles adstantes commoti erant, quorum quidam de salute mea iam desperabant. Paulum enim ante iuuenis, noctu in horreo dormiens a serpente morsus, mortuus erat. Digitus statim intumescerebat, et intra dimidiam horae quadrantis partem et alii digiti cum medietate manus iam tumefacta. Ideo valde me hortabantur, ut cito remedium adhiberem in re tam periculosa. Cum vero adstantes terrefactos viderem, non tam ioci causa, quam ut potius eorum animos confirmarem, iussi vitrum vini apportare, bibens in eorum salutem cum petitione, ne de mea desperarent, me crastina die sanum cum iis prandium sumturum. Certus enim eram de cura, qui alio tempore duos vipera morsos sanarim. Exhausto
vini

vini calice, manus ad carpum vsque iam tumefacta, et non liberè potui amplius digitos mouere. Abii igitur ad cubiculum meum, et imposui balsamum meum vulnerarium, cum prius totam manum eodem bene inungerem, et vltra carpum etiam, vbi nondum tumor erat. Sic obuoluta manu iacui in lecto per horam cum dimidia, vt tranquille obseruarem veneni phenomena, quod ab initio facere haud potui, quia singulis momentis ex me quaesitum fuit, quomodo me haberem, clausa deinde ianua obseruando omnia per horam deprehendi ardorem cum rigiditate in manu, horrore quodam perfusus, sanguinis vero circulum intensum animaduerti. Nolui tamen tunc medicamento alexipharmaco interno vt. Elapsis duabus a morfu horis, aperui manum, quam tumefactam, vt ante, vidi, sed tumor altius non adscendebat, et vis veneni fracta mihi iam videbatur. De nouo totam manum inunxi balsamo vulnerario, eamque linteis balsamo eodem illinitis, obuolui, anxius tamen ex causa mechanica fui, quamuis firmo animo fuerim et plane nil timuerim. Redii hora quinta ad fauorem meum consuetudinis causa, dissimulans internam anxietatem, vbi ad vesperam vsque mansi abstinens ab omni potu et comestione.

Cubitus eundo iterum manum inunxi, imposito balsamo, et tota nocte tranquille satis dormiui. Altera die mane statim deprehendi tumorem fere omni ex parte decreuisse, ideo iterum inunctam obuolui, intra subuculam eam gestans ad meridiem vsque, quo tempore absterfo balsamo nuda manu veni ad prandium, quae parum adhuc tumefacta videbatur. Prandi cum appetitu hilariter, varia de hesterno serpentis morfu iocose loquutus, sed mox exhausto calice vini Rhenani maiori, qui duos ordinarios capit, singulare phenomenon habui, vertiginosus nempe et ebrius quasi factus fui, qui in tota mea vita, vt ii, qui me noscunt, bene sciunt, nunquam crapula fui oppressus, quod phenomenon omnes mensae adfidentes bene obseruarunt. Abstiniui illa die, sumto prandio, ab omni potu et comestione vltiori, noctu ante cubitus accipiens granum vnum cum dimidio alexiterii mei philosophici, quod ex sulphure antimonii cum aceto vini ex vitro eiusdem extracto et tinctura auri volatili ad puluerem redacta, consistit. Hoc medicamentum sudores largos per noctem proiciebat, et altera die sic omnia finita erant, tumore plane nullo in manu apparente, quam iam praecedente die non amplius inunxi, neque in sequenti prandio vini potus quid effecit. Ebibi enim integram lagenam more vsitato sine vilo incommodo. In memoriam reportatae victoriae exuias huius serpentis asseruo, qui malitiae signa, duo puncta nigra, vbi dentes serpentis me sauciarunt, per sex menses in digito meo reliquit.

Quia

Quia ingredientia balsami mei vulnerarii generatim tantum diuulgavi, sincere hic debeo profiteri, basin illius esse oleum oliuarum, vt intelligatur, verum illud veneni animalis esse antidotum, vt Angli diu iam obseruarunt, et costum non solum vires suas haud amittere, sed potius eas augeri, sulphure antimonii et plumbi croco. peculiariter praeparatis, nec non herbis vulnerariis et resinis quibusdam, vt in meo fit balsamo vulnerario, additis. Apparet etiam melius esse ab initio statim simul medicamenta alexipharmaca propinare, ante quam subtilissimum venenum in toto corpore diffundatur.

VII.

Noua litteraria Polonica.

I. Oratio saecularis in memoriam Prussiae ante CCC annos, excussa ordinis Teutonici dominatione, a rege Poloniae CASIMIRO in fidem receptae ac regno spontaneo accessu iunctae, publice feria quarta cinerum die xxvii Febr. An. MDCCCLIV recitata a GOTTLIEB WERNSDORFIO, eloqu. P.P. Gedani, typis Thomae Ioannis Schreiberi, senatus et athenaei

typographi. fol. 9. plag.

Celeberrimus auctor elegantissima hac in oratione magnitudinem beneficii diuini intuetur, cum Prussia in societatem Poloniae libertatis assumpta iterum reuixisset. Difficultatem rei perficiendae, labores susceptos exhaustosque ac periculorum discrimina ponderat, vt Prussorum ante trecentos annos virtus pro meritis suscipi, et quantum memoriae eorum debeatur, intelligi possit. Nil dat vel gratiae, vel odio cuiuspiam, sed quae annalibus fide dignis perscripta reperit. Probat auctor Prussos illo tempore non leuitate quadam animi, non nouarum rerum studio, sed grauissimis causis et necessitate quadam inenitabili compulso fuisse, vt obedientiam pristinatorum dominorum deponerent. Ante omnia sciendum, equites Teutonicos non absolutam habuisse in Prussiam dominationem, sed iura maiestatis fuisse iis cum prouincia communia. Cum igitur equites pactis non steterint, subiectos Prussos pactum obsequium praestare non debuisse, apertum est. Ex historia Borussiae et Poloniae scimus quales fuerint equites Teutonici, sed adiciamus celeberrimi Wernsdorfii equitum Teutonicorum effigiem, fide historica accurate depictam: „equites illi, inquit, qui ex professionis suae instituto honestatem, iustitiam, modestiam sectari debuissent, rerum suarum successibus et immeritis fortunarum potentiaeque incrementis inflati, breui tam superbi, rapaces, truculentique euaserunt, vt nec magistro sup fidem, nec finitimis populis otium, nec subiectis aequitatem vllam, nec legibus diuinis humanisque reuerentiam, nec religioni obsequium, nec foederibus conuentisque veritatem praestarent, sed incredibili fastu, cupiditate, luxuria, libidine, saeuitia, iurium legumque expugnatione, atrocissimisque omnis generis facinoribus, Deo hominibusque inuisi ac detestabiles fierent.” Inter innumeras defectionis Prussorum ab equitibus causas, ea maxime

aniam

ansam dedit, cum praefectus Gedanensis, CONRADVM LETZKOVIVM, et ARNOLDVM HECHT, consules, et BARTHOLOMAEVM GROSS, senatorem, in arcem ad conuiuium vocaret, deinde autem nefarie ipse vna cum aliis equitibus eos trucidaret, cum carnifex Elbinga adductus, indemnatum hominem occidere sibi fas esse negaret. Multa alia, inprimis quae tyrannidem equitum Teutonicorum attineant, scitu digna, hic leguntur. Ad audiendam hanc orationem programma praemisit auctor, hac sub inscriptione.

Orationem saecularem in coniunctionem foederis, quo Prussorum provincia ante CCC annos, post nuntium equitibus Teutonicis missum, ab augustissimo Poloniarum rege Casimiro in fidem et in societatem Polonorum accepta fuit, ipso die cinerum, quo instrumentum incorporationis, litteris publicis perscriptum fuit, nempe die xxvii Febr. anno MDCCLIV hora x matur. in auditorio athenaei Gedanensis maximo, magnifici senatus iussu ab se habendam indicit, ad eamque beneuole ac libenter audiendam, ordinum ac dignitatum et officiorum omnium viros, quibuscunque assertae salutis Prussicae memoria grata est, honorifice inuitat, ac ciues athenaei amice conuocat, Gottlieb Wernsdorffius, eloq. P.P. Gedani, Domini. quinquages. A. R. G. c18ccLIV. in folio 3. plag. in hoc programme quaedam de ludis saecularibus, Romanis olim familiaribus disputantur.

Adiectum his scriptis Carmen Germanorum idiomate exaratum, quod ante et post orationem solennem cantum fuit, notis musicis exceptum a Ioanne Balthaf. Christiano Freislich, musicis direttore. Hoc excipit aliud carmen non inelegans, *das befreyte Preußen an dem dritten Iubelfeste, welches die Stadt Danzig zum erneuerten Andenken dieser Befreyung feyerte, besungen von FRIEDRICH KLEIN E. E. Ministr. Cand.* Egregio hoc specimine spem de se fecit doctus auctor, breui consummatum se futurum poetam.

Tandem simul hic apparet oratio secularis, Io. Petr. Tirii humanit. et eloqu. Professoris, ante saeculum habita et typis viduae Georgii Rhetii impressa, nunc Sreiberianis iterum repetita. Auctor hac in oratione explicat terrarum Prussiae, sub cruciferis, post eximia merita, foedissime degenerantibus, calamitatem, earundemque, prostrigata tyrannide, sub augustis potentissimisque Poloniae regibus, felicitatem. Multa beatus Tirius hac in oratione disserit, quae historiam cruciferorum attineant, lectu dignissima, simul Poloniae regum in Prussiam beneficia commode explicat, inter alia dicens: „Nos hic illud grata mente et lingua commemorabimus, Augustissimorum Poloniae regum beneficio, non iura tantum nostra, et privilegia omnia „salua atque integra, immo aucta etiam et locupletata esse: sed animorum etiam, in „religione et cultu diuino obeundo, eam semper indultam esse clementissime, ho- „dieque indulgeri libertatem, vt conscientiae nostrae laqueos nectere, sacra turba- „re, quietis negotium faceßere, quae vltronea esse Deus ipse voluit, extorquere, „nemo audeat. Vtinam, vtinam, qui eandem nobiscum pietatem profitentur, vbi- „que gentium omnes tam inaeßimabili solatio gauderent! Verum hanc quoque „gloriam, encomiis omnibus excellentiorem, inclyti Poloniae reges propriam sibi „fecerunt. Quorum ex ore manauit illa plenissima pietatis vox, principum omnium „palatiis atque animis inscribenda: Deum sibi tria reseruasse, ex nihilo aliquid face- „re, scire futura, et dominari velle conscientis. Claudunt tandem hoc opus carmina saecularia, quae in panegyri Dantiscana inter tympanorum, tubarum aliorumque instru- mentorum musicorum certamina et harmonias canebantur, auctore Io. Petr. Tirio.

2. De viro honesto et bono ciue, ab ineunte aetate formando oratio STANISLAI KONARSKI, e Scholis piis, cum in maxima amplissimorum viriusque status Senatorum, ministrorumque regni et magni ducatus Lithuaniae, ac aliorum procerum frequentia sub tempus comitiorum reipublicae, nobilissima inuentus ad nouum collegium nobilium, Varsoviae, auspicio introduceretur. Anno 1754. viii Cal. Octobris, Varsoviae, typis S. R. M. et reipublicae in collegio Schol. piarum. in 4to, 6 plag.

„Quod enim munus reipublicae afferre maius meliusue possumus, quam si doceamus atque erudimus iuuentutem? his praesertim moribus atque temporibus, quibus ita prolapsa est, vt omnium opibus refrenanda ac coercenda sit. Nec vero id effici posse confido, quod ne postulandum quidem est, vt omnes adolescentes se ad haec studia conuertant, pauci vtinam! quorum tamen in republica late poterit industria. Cic. de diuinat. lib. II.,

Auctor eruditissimus celeberrimusque, qui prae multis aliis instaurationem bonarum litterarum in Polonia curae cordique habet, et inter primos nostris temporibus Poloniae Latinitatis reformatores merito ponendus, in principio statim orationis suae haud inegantis memoratur beneficos proceres Polonos, qui munificentia sua ad exaedificandum, certe splendidum aedificium, nobili litteratae inuentuti Poloniae, sub auspiciis patrum scholarum piarum instruendae, dicatum, contribuerunt. Postquam enim FRANCISCUS comes BIELINSKI, supremus regni Marschalcus, si quis alius propagandi boni publici cupidissimus, iuxta ac studiosissimus, primum huius aedificii lapidem iecit, mox sensim plurium praeclarissimorum in republica virorum, principum foeminarum liberalitate crescere augerique coepit, inter quos IOANNES comes TARLO, palatinus quondam Sendomiriae princeps numeratur. Non parum etiam ad opus hoc maturandum contribuit supremus regni thesaurarius comes ODROVANZIVS SIEDLNICKI, qui stipendium publico senatus consulto per sex annos ad exstructionem harum aedium decretum, recto tempore perfoluit. Deinde reuerendus KONARSCIVS exponit, quae ad formandum virum honestum et bonum virum requirantur, et institutionis iuuenum nobilium in collegio scholarum piarum rationem exakte reddit, qua data occasione recte varia vitia carpuntur, variae etiam ex ethica veritates repetuntur, quae quidem in Polonia vix satis repeti posse videntur, quo plures aegrius adhuc ferunt vitiorum carptores. Quando doctissimus auctor scripsit: *Nobilitas sine virtute, ingenio et honestis moribus est vana et furilis, item fastus et superbia innatum nobilitatis vitium, vel leue est, contemnendumque ingenium hominis perpetuo iocosi, continuo verborum ambiguum usu, praesertim cum aliorum offendiculo inepte faceti etc.* nescio an non ab homuncionibus istis nasutis accusetur, durius eum in Polonos scripsisse, licet minime ad Poloniam, et ad deprauatos tantum istos homines pertineat. Expertus scio tantam nunc esse superstiosorum ignorantiumque in diiudicandis nouis libris petulantiam, vt fere omnis veritas iis offensioni sit, istique maxime grandis sint supercilii, qui ne duas quidem paginas recte scribere didicerunt. Ex his si penderet librorum vtilium promulgatio, certe in Polonia nil nisi panegyricos, in quibus omnis generis vitia ac mendacia in coelum tollerentur, imprimi curarent.

Vnicum adhuc locum ex hac oratione in medium afferemus, qui ad eruditionem in Polonia propagandam pertinet. „*Qui in lectione, inquit auctor, optimorum librorum delicias reperit, amplius sane magistro non eget. Nos itaque inter praecipuos ex educatione fructus, hunc excellentem statuimus, si iuuenes legere ipsi. vltro bonos libros incipiant, si iis*

„magnopere oblectentur. Hanc enim musis valere iussis, e Scholis egressi, pulcherrimam vitae „occupationem, si semel illis ad palatum venerit, nunquam reliqua vita deserere poterunt. Le- „ctio vero eos et probos et magnos in republica viros INDUBITANTER efficit. Optandum pro incremento litterarum in Polonia esset, ut multi huius loci veritatem et ca- perent et exequi conarentur. Sed contraria apud plures inualuit opinio, lectionem et li- teras parum facere ad vitam in administranda republica practicam, atque adeo conti- nuam lectionem librorum reddere homines obscuros ac confusos, qui melius vtiliusque cum vivis quam cum mortuis tempus tererent. Quis non videt, usum lectionis ab abusu haud recte distingui? Si verum est, omnem sapientiam humanam in bonis libris, tan- quam intellectus humani cella penaria, contineri, sole etiam meridiano clarius est, lectio- nem illorum vnicuique et necessariam et vtilem esse. Qui vero bene noscit modum in Polonia viuendi, non mirabitur, studia et lectionem bonorum librorum non posse ita ex- coli et absolui, ut apud alias Europae gentes, quia ii, qui facultate libros comparandi gau- dent, tempore eos perlegendi carent, continuo negotiis publicis, itineribus et litigiis di- stracti. Ii vero, qui literis libenter incumberent, vix plurimum opibus ad comparandos bonos libros destituuntur.

3. CLEMENTIS IANITII, Poloni poetae laureati poemata in vnum libel- lum collecta, et ob insignem raritatem ac praestantiam denuo excusa curante IOANN. EHRENFRIED BOEHMIO. Lipsiae, sumptibus Io. Georg. Loewii MDCCLV. unde- cim plagulae in 8.

Nobilissimus horum poematum editor, haud infelix Anacreontis imitator, lepidus- que nostris temporibus poeta Latinus, inscripsit ea illustrissimo reuerendissimoque JOSE- PHO ANDREAE, comiti in zaluskie ZALVSKI, supremo regni Poloniae referendario etc. musarum praesidio ac ornamento. Nitide hic libellus impressus Lipsiae, vbi typographi nunc Gallos, Anglos, Belgas laudabiliter imitantur, sed multa obueniunt sphalmata ty- pographica, quae quidem non typographis, sed correctoribus eorum, imputanda. Ianicii vitae compendium praemissum, syllabus vero opusculorum sequens: I. Tristium liber. II. variarum elegiarum liber. III. Vitae principum Poloniae. IV. Vitae archiepiscoporum Gnesnensium. V. Epigrammatum liber. VI. Epithalamion, in nuptias Sigismundi Augusti, regis Poloniae.

Vitas archiepiscoporum Gnesnensium quod attinet, a Ianicio scriptas, eas in his actis adiecimus, vidimus autem tetrastichon Ianicii, in Albertum Iastrzembicium scri- ptum, fuisse suppressum, cui illud, quod p. 52 suppeditauimus, a quodam fuit substi- tutum. Genuinum autem huius tenoris:

Hic erat accipiter factis et nomine: iniquas

Congessit, variis quas rapiebat, opes.

Condit humi, effossas gula deuorat ampla nepotis.

Non bene, quae fuerit res male parta, perit.

4. Otium Varšauense, in selectis ex historia litteraria Poloniae argumentis explican- dis inscriptum. Vratislaviae apud Ioannem Iacobum Korn. MDCCLV. in 8. mai. pl. 6.

Egregium in historia litteraria Polona edidit specimen doctissimus FRANCIS- CVS RICHARDVS GOEZIUS, bibliothecae Zaluscianae publicae, subbibliotheca- rius, adolescens in litteris diligentissimus. Vberius in trimestri sequente de otio hoc Varšauensi dicemus, in quo sequentia leguntur:

I. *Διατριβή* de disceptatione inter Benedictum Herbestum et Iacobum Gor- scium de periodis.

II. Vita

II. Vita Andreae Patricii Liunionae antistitis.

III. De Polonorum Graecis interpretibus.

IV. Petri Tomicii Ep. Crac. ad Erasmum Rotterodamum epistola nondum edita.

V. De usu epistolarum in re Polona litteraria dissertatio.

VI. Relatio de Vbaldi Mignonii noctibus Sarmaticis et aliis contra eas editis scripti-
ptionibus.

5. *Memoria saecularis, diei quo ante hos trecentos annos Prussia excusso tyrannidis cruciferorum iugo in libertatem sese vindicatum iuit, ac deinde sub serenissimor. augustissimorumque Poloniae regum imperium ac tutelam concessit, regnante feliciter serenissimo ac potentissimo AVGVSTO III. iussu et auctoritate magnifici atque amplissimi ciuit. Thorunensis. Senatus publica oratione d. VII Febr. A. MDCCCLIII. in gymnasio celebrata interprete MIO. ALBINO KRIES. Gymn. Thorun. Prof. publ. ord. Soc. Lat. Ienens. Soc. honorar. Thorunii imprim. Io. Christoph. Iungmann, nobil. Sen. et Gymn. typogr. in folio.*

Alphab. I. plag. 2 $\frac{1}{2}$. cum appendice et carmine Germanico, quod notis musicis excepit Samuel Contenius, direct. mus. et Gymn. coll.

Dicamus prius de programme, quod orationem praecedat. In hoc doctissimus auctor exacte historiam tradit status et conditionis ordinis Teutonici, in Prussiam inu-
tati, magistro HERMANNO de SALZA, quo quidem tempore ordinis vires haud
magnae fuere. Varii vero tum nobiles, tum ciues ex Germania in Prussiam, partim bel-
landi causa, partim lucrosae terrae incolendae consilio, venerunt, a quibus, sub auspiciis
ordinis Teutonici, primo statim anno ab illorum ingressu, nempe 1231 vrbs Thoru-
niensis, et sequenti 1232. Culmensis, fuere conditae, a qua vrbe priuilegium illud cele-
bre nomen habet, quamque metropolin esse volebat ordo. Increfcente autem ordi-
nis potentia, iura ciuitatum, sine quibus nihil in iuribus maiestatis exercendis suscipere
poterat ordo, non semel violata fuere, vsque eo, dum Thorunium cum pluribus aliis
ciuitatibus et magno nobilium numero Elbingae de foedere in eundo deliberarit, quod
negotium deinde paulo post in vrbe Mariae insulana ad finem perductum fuit, cuius
foederis litteras ex autographo, quod in tabulario Thorunensi asseruatur, auctor hic in-
seruit, vna cum sigillo nouae ciuitatis Thorun. aeri insculpto.

Susceptum fuerat hoc negotium non insciente, immo suadente ordinis magistro
PAVLO RYSDORFIO, qui factum laudauit, probauitque, reliquos vero ea res male habuit,
ira aduersus magistrum et furore in foederatos exardescens, quam ob causam magister
dignitate se abdicauit, cuius actus documentum literatissimus KRIES ex tabulario Tho-
runensi hic etiam inseruit. A nouo etiam ordinis magistro, CONRADO de ERLICH-
HAVSEN foederati obtinuerunt, vt foedus probaret, ac sponderet velle se omnium ac sin-
gulorum iura et priuilegia tueri, quo effectum fuerat, vt per aliquot annos foedus ipsum
non impugnaretur, donec a. 1446 episcopus Heilsbergensis FRANCISCVS KVHE-
SCHMALZ cum clericis ab ipso concitatis, foederatos in inuidiam adducere laborabant,
atque ipse quoque magister, importunis fratrum clamoribus impulsus, postulabat, vt
foedus tolleretur. Foederati vero animo firmi erant, quamuis grauissima quaeque ordo
minaretur. Tandem causa ad imperatoris iudicium delata fuit, qui foedus ante proba-
bat, deinde autem damnabat, id quod ansam dedit, vt Teutonici magis insolefcerent,
decretumque imperatorium ita interpretarentur, vt pronuntiarent, foederatos priuile-
giis omnibus esse priuandos, sexcentis mille florenorum multam ab iis esse persoluen-
dam, et, quod atrocissimum, trecentos ex nobilibus et ciuitatibus deligendos, qui car-

nificis gladio subiicerentur. Foederati igitur extrema experiri cogeantur, et iugum intolerabile excutere, quem in finem scripserunt litteras, d. 4 Febr. a. 1454 Thorunii, quibus magistro eiusque ordini iusiurandum, quo fidem et obsequium promiserat olim, renuntiarunt, et die Dorotheae, 6 Febr. arcem armis occuparunt. Thorunensium exemplo excitatae reliquae ciuitates res suas non minus fortiter et feliciter peragebant, ita ut intra mensis spatium ultra quinquaginta arces et vrbes in foederatorum potestate essent. Iam ergo, pulsus tyrannis, libera erat Prussia, quae dominum sibi eligere poterat, quem vellet. Praeferebat autem caeteris Poloniae regem, tunc CASIMIRVM, ad quem Cracouiam mittebantur duodecim legati, nempe duo equites, duo nobiles, octo e ciuitatibus, qui, cum d. 18 Febr. Cracouiae praesentes essent, regis imperio Prussiae terras obtulerunt, hac sub conditione, ut rex omnia Prussiae priuilegia tueretur et conseruaret, quam spontaneam Prussorum deditioem rex beneuole accipiebat, ut testatur priuilegium Casimiri d. vi Martii datum.

In oratione, quae programma sequitur, disertissimus KRIES in prooemio ob oculos ponit illorum temporum faciem, monstrando, Thorunensium, in maximis istis rebus, primam laudem esse, argumentum autem orationis agit *de beneficiis, quae a serenissimis Poloniae regibus in Prussiam, et Thorurensium inprimis ciuitatem profecta sunt.*

Excipit orationem masculam appendix documentorum quorundam, quae omnia doctissimus KRIESIVS cum diligentia disposuit, sic, ut hoc opus egregie historiam Prussiae dilucidet.

6. *Tabula geographica, episcopatum Warmiensem in Prussia exhibens.* Nullo tempore melior tabula geographica in lucem prodiit in Polonia, vel Prussia Polona, quam haec exacte consignata, in forma sic dicta regali, tabula. Optandum esset, ut breui de singulis Poloniae et M. D. Lithuaniae palatinatibus eiusmodi tabulae speciales conficerentur, tum demum exacta totius regni Poloniae et M. D. Lith. tabula geographica generalis delineari posset. Haec tabula geographica iussu et sub auspiciis celsissimi principis episcopi Warmiensis summa cum diligentia et accuratione confecta, manum auxiliatricem praebentibus, et ad id incitatis omnibus eiusdem episcopatus ecclesiasticis, arcium praefectis et ciuitatum magistratibus. Spes alit auctorem, laborem hunc difficillimum eruditorum orbi sese commendaturum esse. Elbingae MDCCLV.

Celsissimo ac Referendissimo S. Rom. Imp. principi, Domino, Domino ADAMO STANISLAO in Grabowo GRABOWSKI, episcopo Warmiensi et Sambienf. terrarum Prussiae praesidi, nec non inclito ecclesiae cathedralis Warmiensis capitulo, tabulam hanc geographicam quo decet, humillimo et obsequioso cultu D. D. D. IOANNES FRIDERICVS ENDERSCH, mathematicus regius.

HEILSBERG, Solita habitatio episcopalis, longitudinem 38 graduum et 16 minutorum ab insula Ferro numerat.

Gratulor domino ENDERSCH, auctori huius tabulae geographicae diligentissimo, de feliciter absoluto hoc labore, qui meretur, ut dignam ex eo reportet compensationem, diu iam communi bono, tum instrumentis mathematicis, tum globis terrestribus et coelestibus, laudabiliter inseruiens. Nil iam restat, quam ut eodem modo concinnatam tabulam geographicam, Prussiae Polonae nobis exhibeat, quae eodem grato eruditorum animo sine dubio erit accepta. Eiusmodi viri in republica prae caeteris sunt et utiles, et accepti, et honore digni.

F I N I S.

LAVRENTII MIZLERI
A C T A
LITTERARIA
REGNI POLONIAE

E T
MAGNI DVCATVS LITHVANIAE

A. M D C C L V.

PVBLICATA
TRIMESTRE TERTIVM.



CVM SERENISSIMI REGIS POLONIARVM PRIVILEGIO.

VARSAVIAE ET LIPSIAE,
TYPIS MIZLERIANIS.

SVMMA CAPITVM.

- I. De electionibus regum Poloniae, ex collectaneis DAVIDIS BRAUNII.
- II. Vitae trium archiepiscoporum Gnesnensium, seu regni Poloniae primatum, nempe ANDREAE CRICII, IOANNIS LATALSKI, et PETRI GAMRATI.
- III. Catalogus comitiorum, sub SIGISMUNDO III, et VLADISLAO IV. Poloniae regibus, celebratorum.
- IV. Descriptio nouae machinae pro librandis aquis inter duo loca longissime a se inuicem remota, et ad idem flumen sita, auctore HENRICO KÜHN, I. V. D. et Professore Matheseos Gedanensi.
- V. LAUR. MIZLERI de KOLOF, medici Varsauensis, observatio, ex medicina practica, selecta, de phthisi confirmata, in virgine quindecim annorum curata.
- VI. D. ERNESTI IEREM. NEIFELDI, medici Lesnensis, observatio de efficacia moschi, cum antimonio diaphoretico mixti, in febre catarrhali petechizante.
- VII. Noua litteraria Polonica.



I.

De electionibus regum Poloniae, altero status praesentis fundamento, super quo respublica hactenus consistit, quo ruente aliquando ipsa ruet, annotationes selectae, ex collectaneis DAVIDIS BRAVNII, S. R. M. Prussiae consilarii.

Anno MDCCXXII. Coloniae typis Theodoti Brabei.

in 4. plag. 4 $\frac{1}{2}$.



Ius eligendi reges, Polonis antiquitus, non, nisi deficiente dynastia regnante, quod etiam aliae gentes omnes habent, competiisse; nobilitatem vero ad comitia, electionum confluentiam, nihil praeter consilium et directionem palatinorum suorum, caeterorumque officialium provincialium, fecisse, imo a senatu, communicato cum officialibus consilio, rem omnem transactam fuisse, dubio omni caret. Quod simul cum iure successionis principum antiquissimo in Polonia, nemo antiquior nec simplicius enarrauit, quam KADLVBKO, ex ore Fulconis, archiepiscopi primatis ad senatum, post obitum ducis CASIMIRI iusti a. 1195 pro successionem filii eius, LESCI albi, adhuc pueri. Lib. IV Cap. 21. Enimvero a tempore extinctae cum CASIMIRO magno dynastiae Piasteae, privilegia et libertates a primo rege LVDOVICO, advena, obrenta, mox a domo Jagellonica immensum aucta, retinendi suspicax in imperantes cura, nobiles Polonos eo deduxit, ut iam expirante

hac linea, axioma; *nec nominetur Piaſtus*, h. e. *indigena*, amplexi ſint, utpote ab eo noua commoda non ſperantes, veterum vero libertatum faciliorem iaſturam metuentes. Caeterum donec libertatis initia et incrementa per pacta cum aduenis regibus, LVDOVICO et IAGELLONIVS, ipsis parta ſunt, periculum adeo affectatae electionis alienigenarum ſubeſſe nequit. Sed quod modum libertatis poſtea non ſeruarint, crebrisque, poſt SIGISMVNDVM AVGVSTVM, vltimum Iagellonidem, ſequutis electionibus, candidatis coronae extraneis, pro lubitu conditiones et vincula noua imperandi obtrulerint, vsque adeo, vt, cum circa libertatem iam non habeant, quod deſiderent, bene quaſi dotatos quae- rant principes, quibus myriades ſtipendiorum debitorum exercitui, operas in exſtruendis aedificiis et propugnaculis, erigendis ſcholis equeſtribus, et tot alias oneroſas conditiones, imponant: hoc quidem prudentiſſimis ipſorum videtur eſſe malum et periculis plenum. Propterea SIGISMVNDO III regi, de propugnaculorum exſtructione, deſenſione limitum regni, propriis ſumtibus, et caeteris articulis, in pactis ſuis promiſſis, monito, vitio non vertendum, quod reſponderit: *talia ea conditione circa electionem pacta intelligi, eatenus praeſtanda, qua prouentus regis ſerunt, qui cum opinione minores ſint, indecorum reipublicae foret, imo et intutum, illud a regibus exigere, quod praeſtare nequaquam poſſent.* LVBIENSKI de motu ciuili Lib. I p. 52.

Vtique leuitatem legatorum HENRICI I regis, in promiſſis omnibus, tam publice, quam priuatim a candidato coronae poſtulatſis, non indignari, ſed cum MIELECIO ridere oportet, qui, ſi pontem aureum, Viſtulae inſtruendum, poſtulauerimus, hos legatos non opus negaturos, ſed de genere auri quaefituros, in eos luſit. HEIDENSTEIN hiſt. lib. I p. 29. Idem ille addit: legatos iſtos MONLVCCIVM et NOALLIVM, pacta electionis oblata, nec dum perlecta, iurauiffe, imo exemplar pactorum ſecum in Galliam ad regem incurioſos non detuliſſe, denique regem hos legatos, cum Polonorum ſplendida legatio adueniſſet, ab aula abſentes eſſe voluiſſe, vt facilius eluderet promiſſa. Acceſſerunt ad cauſam publicam, onerandi candidatos ſceptri, aliae quoque priuatae, eoque magis reipublicae damnoſae. Nam ſicut in omni homine, naturali libertati relictſo, videmus, vt ex fortuna nullum ſibi ſciat ponere modum, ita in populo ſumme libero, et propterea omnium mediorum coercendi impatientiſſimo euenit. Hinc ante conditiones publicas, futuro regnanti oblataſ, ſaepe potentiores aut factionibus validi, ſibi et clientibus ſuis priuatim dignitates, praefecturas, aut pecuniarias ſummas, a legatis can-

didati

didati principis emercati sunt, ex quo pruritus saepe mutandi reges ortus fuit. Sed prudenter FREDRO in Henrico p. 30 monuit: *nulli bono interregna placent, ast vitioso cuique nusquam satis, cum olim bimestre interregnum maioribus nostris graue haberetur.*

Principes extranei, tanto auri et iurium regalium maiestatisque dispendio, thronum adscendentes, cuius iudicare relinquunt, qua charitate onus tuendi, non regendi populum summe liberum, nullo alio quam tituli praemio, suscipiant. Fuerunt viri in Polonia sapientiae et virtutum fama eminentes, qui electionem indigenae regis ex publicis sincerisque rationibus summopere abhorruerunt, et ANDREAS MAXIMILIANVS FREDRO, castellanus Leopoliensis, in historia Henrici p. 74 et 230, pro magno arcano status Poloniae, axioma vitandi regis indigenae laudauit, rationes promens, quae adhuc in ore sunt multorum. Hac de re DAVID BRAVNIVS varia disputat in vtramque partem. Viri enim sapientes, Poloni, patriae suae incommodum senserunt, iam tunc, cum tantum duo reges aduenae, HENRICVS et STEPHANVS, electi fuissent, et PIASECIVS, episcopus Premisliensis, in Chronico ad anno 1587 p. 69 longo ordine incommoda ab alienigena rege persequitur:

Respublica Polona ad hanc formam ab initio composita non fuit, sed longo tempore, additis libertatibus, eousque excreuit, ideo correctionem ad normam optimarum legum difficulter admittet. Braunius fundamentum debilis status publici in Polonia exquirens, neglectam legum executionem agnoscit, et recte opinatur, omnia excogitata remedia eousque frustra proponi, donec exemplo senatus Venetorum, primo de inexorabili modo exequendi leges salutare, immutabilis lex conclusa et promulgata fuerit. Proponit auctor etiam consilium OLSZOVII, regni quondam procancellarii, circa electionis et omnium consiliorum feliciter concludendorum modum, quod in comitiis coronationis regis MICHAELIS, coram ordinibus, publica oratione inculcauit, huius tenoris: *ut, cum tanta disturbandorum regni comitiorum facilitas, et in corruptis animis licentia, assine sit extremae seruituti vitium, si nuntius leui de causa comitia conuulsisset, citandi eum facilitas esset ad tribunalia regni iudicia, ad reddendas rationes protestationis suae: vel, si id displiceret, nuntiorum sacrario necessitas esset, cum extraordinario plectendi iudicio.* Vid. Zawadski historia arcana lib. II pag. 83.

Hactenus secundum Dei gratiam, pericula ruentis ex nimia libertate Poloniae, praecipue principes vicini, quorum summopere interest, Poloniam ea forma stare, auerterunt, liberamque electionem fulserunt. Et

cum per factionem Gallicam vltimis IO. CASIMIRI regis annis, ex violenta obtrusione principis Gallici, viuentis rege, feralis casus reipublicae immineret, exteris legatis ea laus ab historicis Polonis celebratur, quod mysterii tanti machinam primi, senatus et equestris ordinis melioribus detexerint, ipsique reipublicae consiliis suis magno adiumento fuerint. KOCHOWSKI Climact. III Lib. I p. 27 Legem autem a. 1683 de non toleranda residentia ministrorum extraneorum in regno Poloniae, factio quoque Gallica contra regem IOANNEM, auxillis caesari, aduersus Turcos, Viennam obsidentes, ferendis prouum, extorsit. Dicit porro BRAVNIVS, Galliam tempore MICHAELIS regis, ciues, magnates, opibus suis, Turcosque, in Poloniae perniciem armasse:

Altera factio, inquit auctor, quia sacrorum vinculis adstricta, potens, et nisi Deus obstitisset, iam per electionem absolutum imperium Poloniae inducere prompta, aulae Romanae est. Dissertit auctor quaedam memoria valde digna; Nos autem testimonia duorum episcoporum Polonorum tantum adducemus: PIASECIVS in Chron. pag. 71 scripsit: *sax praecipua et incentor malorum nuntius ille, claudus licet pede, ascendebat turrim templi maioris Varsaviensis, quae erat excelsior, ut inde spectaret, quod certo sperabat, ferale praelium magnatum in arma ab eo accensorum. Partes enim Gorcanorum et Zborouiorum, licet essent dissidentes a Romana religione, tuebatur, eorumque suffragia largitionibus et promissis immensis obligata habens, violentiora ubique suggerebat consilia etc.*

CROMERVS Lib. XXV p. 379. ingenue narrat nefas nuntii apostolici HIERONYMI archiepiscopi Cretensis, quod coniugibus illustribus in Prussia, consuetudinem cum maritis sub conscientiae vinculo interdixit, nisi fidem regi Poloniae fallere et cruciferis contra Polonos adhaerere velint. His scriptorum excerptis hoc probare voluit Braunius, maximum a factionibus circa electiones regum, reipublicae Polonae metuumdum esse periculum. Nam electio regum praecipuum libertatis Polonae pabulum est. Sed status iidem serio tandem aduertant, inquit auctor, nimia pactorum suorum conuentorum vincula, quibus reges etiam optimos et felices, constringunt, magisque singulis electionibus maiestati derogant, reipublicae damnosa magis esse quam proficua. *Tuenda est omnino auctoritas regia, praeclare ait sapiens senator FREDRO in histor. Henrici p. 110. cui si quid derogauerimus, non credamus libertatibus nostris melius prouisum iri, sed diminuta auctoritate principis vna diminuitur superioritatis in populo respectus, ut omnia per licentiam fiant, quod certe in rebus publicis omnium malorum pessimum est.* Nam malum quidem est

est principem habere, sub quo nihil vlli liceat: peius vero talem, sub quo omnia omnibus. Sunt verba FRONTONIS, conf. Rom. apud Dionem Cassium in Nerua.

Laudi quidem genti Polonae datur, quod in amplissima sua libertate, regibus adhaerere consueverint, et, si quem vecordia transuersum egerit, pars tamen maxima reges tueri solita sit. Vnde FREDRO in fragmentis p. 257 gloriatur: *quod in sinu cuiusvis ciuis rex secure dormire possit.* Nihilominus ex historia Polona patet, praeter crebras mutationes et abdicationes principum suorum,

CASIMIRVM iustum, virum benignum, ex venenato poculo, in solennibus epulis hausto, subito occubuisse, vid. KADLVBKO L. IV c. 19.

PRIMISLAVM regem, marchionibus nepotibus, a nobilibus suis de Zarembe et de Nalencz proditum, vid. DLVGOSVS L. VIII.

CASIMIRVM III a charissimis sibi Lituanis, veneno et pluribus insidiis coniuratorum septies petitum. Vid. DLVGOSVS ad an. 1446 et CROMERVS, Lib. XXII.

SIGISMVNDVM I, Cracoviae in cubiculo, ab aliquo suorum exploso sclopeto, periculum vitae subiisse. Vid. VAPOVIVS in fragm. pag. 586. Eundemque per seditiosum Rokosz vix non oppressum, aut regno eiectum fuisse. Vid. ORICHOV. annal. VI.

SIGISMVNDVM AVGVSTVM a nobili Litvano Woicik, schedulam perduellionis in caput regum accepisse. vid. GORNICKI in vita Sigismundi Augusti p. 159.

Vicissim a matre eius Bona Sfortia, ut filii thronum a rivalibus, reliquiis Piastorum confirmaret, peregrino scelere duces ultimos Masoviae IANVSZVM et STANISLAVM, praeterea reginam nurum ELISABETHAM Austriacam, in gratiam regis filii, praetextu sterilitatis illi maleuoli, veneno necatos. Vid. VARSEVICIUS in vitis parallel. L. II p. 117 et 119.

STEPHANO regi a Philippowskio, cubiculi praefecto, et a Zborovii, atque Gregorio Osci, vitae insidias structas, qui armis cinctus comitia intrare coactus est, ut se contra valide armatos insidiatores tueretur. Eundem medicorum denique, Simonii et Puccellae, ministerio, venenato poculo extinctum. Vid. HEIDENSTEIN in hist. rer. Pol. pag. 146. 220. etc. BIELSKI Chron. Lib. VI ad. an. 1585.

SIGISMVNDI III regis, a Piekarskio malleo percussum caput, ut in genua procumberet. Eundem a publico tumultu Rokosz vitae et regni periculum passum. Vid. PIASECKI Chron. ad a. 1620. LVBIENSKI de motu civili Lib. II.

MICHAELEM regem, veneno enectum. Vid. ZAWADSKI hist. arcan. pag. 405.

IOANNEM denique tertium, a coniuratis proceribus periculum vitae et honoris passum fuisse, an. 1683. vid. DALERAC anecdotes de Pologne p. 408 et alia diaria. Sed pauca haec sunt exempla, comparatione caeterarum gentium, sanguine regum et principum suorum infectarum.

His dictis BRAVNIVS differit quaedam de horrendis malis, quae Polonia ob crebras principum suorum mutationes passa est, quae, ut tota dissertatio, lectione valde digna sunt. Liberam vero regum electionem quod attinet, notandum, eam vero in sensu non esse veram, et SARNICIVS in annalibus diu iam recte dixit: *reuehuite annales nostros, vix unum exemplum liberae electionis inuenietis, cui aliqua vis aut ars admixta non fuerit.*

Finiamus cum voto BRAVNII, cuius et nos, omnes Polonos patriam amantes damnatos cupiamus, sequente: „Deus O. M. orandus est, ut compositis animis, omnibus statibus illustris potentisque regni, quod contra immanes barbaros in limite orbis christiani excubat, tranquillitatis et concordiae mutuae affectum indere, atque in posterum ad salutem multorum populorum et vicinorum complacentiam clementer dirigere velit.

II.

Vitae trium archiepiscoporum Gnesnensium, seu regni Poloniae primatum, nempe ANDREAE KRZYCKI, seu CRICII, IOANNIS LATALSKI, et PETRI GAMRATI.

*1480
aut 1481
cf. pag. 167

ANDREAS KRZYCKI, archiepiscopus Gnesnensis XLIV, natus in villa Krzycko, in terra Wschouensi, quam Germani Frauenstadiensem vocant. Erat stirpis et familiae Kotficzorum, qui pro stemmate gentilitio campum rubeum seu taeniam in albo scuto deferunt, ut notat Paprocius fol. 552. Fortuna et census parentum non adeo opulentus, tamen equestris. In puero emicabat animus generosior et ingenii acrimonia super aetatem. Erat nepos ex sorore viri clarissimi PETRI TOMICII, episcopi Cracouiensis et regni procancellarii. Is e lare paterno abstractum Cricium, sic Latine Krzycki dicitur, Cracouiae in primis humaniori literatura imbuendum curauit. Viderat agnoueratque Tomicius indo-

indolem viuam et magnorum aliquando capacem, et ut ardor ille studiorum iuuenilis externis poliretur elegantis in Italiam eum ablegauit. In academia Bononiensi erat CODRVS VRCEVS, vir egregie doctus, qui illo tempore cultioris styli, etiam poetices, studium instaurabat, cuique adhaeserat Cricius, tantum proficiens, ut scribendi elegantia, pangendi versus facilitate paucis esset comparandus. Emenso literarum cursu rediit in Poloniam, aetatis anno vigesimo tertio. Nondum TOMICIUS ad eum peruenerat gradum, ut Cricium pinguiori aliquo sacerdotio posset augere, ideo ex Italia reducem IOANNI LVBRANSCIO, episcopo POSNANIENSI, commendauit. Aestimabat CRICII doctrinam rarasque ingenii et animi dotes LVBRANSCIVS, vir egregie probus et literarum celebratus fautor, qui Cricium Scholasteria sic dicta cathedralis Posnanienensis prouidit. Cum Lubranseius desponsatam BARBARAM, comitem Scepusiensem, primus regius orator, ex Hungaria in Poloniam a. 1512 deduceret, Cricius, uti domesticus et familiaris, eum comitabatur, tamque celebri actui intererat. Scripsit elegans et eruditum carmen, SIGISMUNDO inscriptum, in augmentum hoc connubium. Cricius deinde, BARBARAE reginae, renuntiatus fuit cancellarius, sed vix triennio exacto, et regina, secunda enixa prole, e viuis cedente, in aula SIGISMUNDI inter Secretarios morabatur Cricius, pinguiorem praestolando sortem, quae mox votis illius cumulate respondit, PETRO TOMICIO, regni procancellario renuntiato, et ad episcopatum promotum Praemisliensem. Sigismundi regis existimatione, ob eruditionem solidiorem, cultam atque elegantiores scriptionem, ita excellebat, ut in omnibus negotiis, quae sub manum eius veniebant, legationibus dextre prudenterque obeundis, nulli par, omnes antecellere censeretur. Postmodum opimioribus auctus sacerdotiis, cathedrali Posnanienfi, canonicatu Cracouiensi, et ad S. Floriani Cracouiae praepositura, partim per arduam virtutis viam, partim Tomicio eum promouente, ad maiores euasit gradus. Per merita et doctrinam, Tomicii fultus patrociniis, Praemisliensem episcopatum, rege promouente et commendante, assecutus, mox legatus in Hungariam ad LVDOVICVM missus. Cesserat viuens adhuc IOANNES CONARIUS, episcopus Cracouiensis, episcopatu Petro Tomicio, Posnanienfi tunc episcopo, quam cessionem et Rex et Roma probauit, dataque fuit ab LEONE X, pontifice, Tomicio facultas et Posnaniensem et Cracouiensem episcopatus simul retinendi, quoadusque integram possessionem episcopatus Cracouiensis assequeretur. Posnanienem episcopatum tunc ab ascensu Tomicii, CRICIUS, auunculi promotione,

rione, tum et reginae BONAE fauore, sperabat se adepturum, sed de
 spe fuit deturbatus, et IOANNI LATALSKI, regina promouente, ces-
 serat episcopatus, quam postpositionem impotenter tulit Cricius, que-
 rens in carmine, Apollinem Baccho postpositum, qui nummis ad eum
 peruenisset gradum. Post cladem Hungarorum et decessum LVDOVICI
 regis, Cricius iterum legatus vna cum STANISLAO de SPROWA, Bie-
 censi castellano, in Hungariam missus, quem redeuntem rex Plocensem
 episcopum renuntiavit, RAPHAELE et LESZNO a. 1525 e viuis sublato.
 Olomucii etiam, in Moravia, fuit regis legatus, ad conficiendam
 pacem inter FERDINANDVM tunc Bohemiae regem, et IOANNEM
 Hungariae. Neque vero in externis negotiis viuendum et acre ingenium
 enituit Cricii, etiam domestica parem agnouere vigorem. Ciuitas To-
 runensis cum ciuibus Plocensibus occasione nauigationis in vistula ad eas
 deuenerat inimicitias, vt in mutuam exarserint vindictam, quam cau-
 sam Cricius cum FELICI SRZENSKI, Plocensi, GEORGIO AKONOPAT,
 Pomeraniae Palatinis, NICOLAO DZIALYNSKI, Culmensi castellano,
 ex regis mandato composuit Vladislauiae, loco intermedio, inter vtram-
 que ciuitatem, ita vt Torunenses ciuibus Plocensibus pro illatis damnis
 soluerent florenos trecentos. Ecclesiam Plocensem de nouo excitari cu-
 ravit, oppidum vero Andreouiam, a suo dictum nomine, noua dedu-
 cta colonia fundauit. Exactis octo annis circiter in regimine episcopa-
 tus Plocensis, e vita cedente MATTHIA DRZEWICIO, Gnesnensi archi-
 episcopo, cum TOMICIVS, eius auunculus vltro delatum deprecaretur
 gradum, effecit nihilominus apud SIGISMVNDVM regem, vt is honor
 ad ANDREAM CRICIVM, nepotem suum, transiret, impetrans a PAV-
 LO III, Pontifice, translationis ad metropolitanam cathedram confirma-
 tionem, et pallium a 1535. Ingressum Gnesnam anno 1536 splendido
 peregit comitatu Cricius, non absque magno procerum et equestris
 ordinis applausu exceptus. Ab obitu PETRI TOMICII, episcopi Cra-
 couiensis, regni procancellarii, cum is vacaret magistratus, Cricius ma-
 gno conatu agebat, vt excluso IOANNE CHOINIO, viro egregie docto
 et probo, sigillum regni PETRO GAMRATHO, episcopo tum Praemis-
 liens, deferretur, idque cum regina BONA satagebat. Rex autem, cum
 bene intelligeret, GAMRATVM tanto muneri minime esse parem, CHOI-
 NIVM cancellarium regni renuntiavit. Eodem anno SIGISMVNDVS
 rex conuentum generalem Cracouiae indixerat, vbi CRICIVS reipubli-
 cae curam non intermittens, conuentum illum optimis temperabat con-
 siliis, qui tamen, nullo operae pretio, improspere solutus fuit euentu.

Indo-

Indolebat Cricius discordia ciuili atteri rempublicam,angebaturque his malis publicis, et fortassis eurae acriores eum in aliquam lentam aegritudinem coniecerant. Habebat medicum familiarem, sed non adeo doctum et peritum, cuius consilio pharmacum quoddam sumplerat illi languori minus conueniens. Atque dum morbo tempestiue, doctioris medici consilio postposito, non obuiat, dum amicorum officiis distractus negligit valetudinem, qui magno reipublicae atque ecclesiae commodo vitam longiorem viuere dignus erat, ad extremam deuolutus periodum, Cracouiae mortuus d. X Maii a. 1537 aetatis suae LVII anno. Facultates suas triuariam diuidi vltimae voluntatis tabulis ordinauit, partem vnā ecclesiae, alteram consanguineis, tertiam ad pia opera. Vir erat candidus et aperti pectoris, ingenio prompto, arguto, et ad omnem exculto elegantiam, id quod epistolae eius, tum et versus, non vulgari vena ab eo conscripti, luculenter testantur. Erat staturae magis mediocris, quam iustae, colore fusco, vultu ad omnem composito grauitatem. PETRVS TOMICIUS operam, calamumque eius ad grauissima negotia, quae sub manum cancellarii veniunt, epistolas, legationes, responsa expedienda, quoties opus erat adhibebat. Viros doctos fouit, et cum illis per literarum commercia amicitiam conseruabat. Extant ERASMI ROTERODAMI ad Cricium epistolae, cui etiam ex sorore nepotem ANDREAM ZEBRZYDOVIVM, post episcopum Cracouiensem, erudiendum tradiderat. CLEMENTEM IANICIUM, poetam laureatum, ob studii similitudinem vates vatem adamauit et liberalius fouit, cuius suasu Ianicius scripsit carmine vitas archiepiscoporum, quas in fine hic vitarum semper addidimus. Ideo Ianicius haec de CRICIO scripsit:

Pollio Virgilio quod erat, Messala Tibullo
Maecenas Flacco, Tu mihi magne CRICI es.
Sed tamen iis tantum praestas pietate Camenis
Quantum illi praestant ingenioque mihi.

Erat Cricius ab omni fastu et ambitione alienus, et symbolum illi familiare: *in paruis quies*, aegerrime tamen ferebat, aliquot fungos ad altiores promoueri gradus, quorum nonnullos in versibus suis satyrica carpit mordacitate. Multa scripsit prosa et versu, quorum aliqua facta iuris publici, nempe

- 1) *de sacrificio missae.*
- 2) *commentarium de afflictione ecclesiae in Psalmum XXI.*
- 3) *de primatu papae.*
- 4) *Epistola seu apologia ad IOANNEM ANTONIVM PVLEONEM*

1537
57
7480

222

Baronem Brugii, nuntium apostolicum in regno Hungariae pro ALBERTO I, Duce in Prussia, translato a statu crucigerorum religioso ad saecularem eiurata fide catholica et voto sui ordinis, Ducisque titulo, a Sigismundo I rege, cohonestato, quae Romam missa, ubi factum hoc Sigismundi in sequiorem trahebatur interpretationem, et Romana notata censura, ut legitur in indice librorum prohibitorum, concilio Tridentino editionis secundae Colonienfis annexorum, ubi auctoribus librorum prohibitorum annumeratur ANDREAS CRICIVS.

X multa
 Multa alia extant manuscripta, in actis praesertim PETRI TOMICII. Supereft adhuc Cracouiae impressum poema inscriptum THRENODIA VALACHIAE a. 1531, in gratiam Ioannis comitis de Tarnow, palatini Russiae, post Cracouiensis castellani et exercituum regni praefecti, qui memorabili strage Valachorum viginti duorum millium exercitum exiguo Polonae militiae, nonnisi quatuor millium numero debellauerat. Carmina Cricii per varias diuisa classes, non nisi manuscripta leguntur, quae iuuenis et maturior scripsit, laudatoria, connubialia, funebria, mordacia et aulica, lepido varioque sale respersa, multaque alia diuersi argumenti. Sunt aliqua, quae obscoenum quidpiam sapere videntur, quanquam auctor vitae ipsius incognitus, qua manuscripta vsus BVZENSCIVS, scribit, ea quae impudicitiae sordibus scatent, non esse propria et genuina Cricii, verum cuiusdam viri nobilis CORYBETHI KOSZYRSKI, ex terra Sochaczouiensi, qui fuit philosophus, poeta, cytharoadus, conuiuia, ioco mordente facetus et salibus vehemens, in aula regis, tum a principe tum a primariis aulae, quasi amoenioris conuersationis oblectamentum aestimabatur. In basilica metropolitana tumulum sibi delegerat, ubi lapis sepulchralis extat, vna cum effigie CRICII, ex rubro sculpta marmore, cum tali epigrapha: *Reuerendo in Christo patri, D. ANDREAE CRICIO, archiepiscopo Gnesnensi, incomparabili viro, de religione atque republica optime merito, multisque naturae atque ingenii dotibus insigniter praedito, postremum hoc pietatis munus ab amicis charam sibi memoriam re-tinentibus, positum. Moritur anno Dni M. D. XXXVII aetatis vero suae anno LVII.* Finiamus versibus clementis Ianicii, Criciani clientis:

Omnia solus erat CRICIVS, quem forsque Deus que

Certabant summis vincere muneribus.

Sors tandem indoluit, quod erat contempta sub illo,

Maturamque, virum sustulit, ante diem.

Heu! quae restituent misero mihi saecula talem!

IOANNES LATALSKI archiepiscopus XLV. Quoadusque vixere
prisci moris retinentes spectatissimae prudentiae, integritatis, ministri
status, PETRVS TOMICIUS, episcopus Cracouiensis, procancellarius,
et CHRISTOPHORVS SZYDLOWIECIUS, castellanus, capitaneus Cra-
couiensis, regni Cancellarius, in regia Polona erat probitatis, industriae
certamen, hisque duobus viris clauum tenentibus, status reipublicae, si
non optimus, tribunitia potestate inualecente, tolerabilis tamen videba-
tur. Hi enim duo sapientissimi consilarii regis, nihil intermiserunt,
quod publicae integritati commodum proficuumque existimarent. Tran-
quillitatem regni custodierunt, homines quietos, rectos, in senatum ad-
sciscendos promouerunt, regique commendarunt. Plebem agere modestius,
suauiter induebant, et rempublicam priuatis compendiis turbari distra-
hique, non permittebant. At his rectoribus vita mortali defunctis, in-
gens morum et hominum facta mutatio. Rex, iam fessus annis, langue-
bat, et inuisa gynecocratia ita dispensabat honores sacros et ciuiles, iis-
que conferebat, non qui probitate eminent, sed qui pretio emerent.
Faciebat haec BONA, regina, mulier chrysopoea, quae hanc exercebat
nundinationem. Adeoque illo tempore nundinatio Sacerdotiorum,
quam Simoniam vocant, licita censebatur. Per eam viam IOANNES
LATALSKI, regius Secretarius, praepositus primum Gnesnensis, Cra-
couiensis, Posnaniensis, Lanciciensis, reginae ELISABETHAE, Sigis-
mundi matris, cancellarius, deinde Posnaniensis, Cracouiensis ac demum
archiepiscopus Gnesnensis, ad tantos euasit gradus. Natus ille in maiori
Polonia, stirpe vetusta et illustri Prawditarum, et agnati ipsius titulo co-
mitum de Labiszyn utebantur, qui deinde a fide catholica dissidebant.

Translato PETRO TOMICIO a Posnaniensi ad Cracouiensem ca-
thedram, vacantem illum episcopatum Cricius sperabat se adepturum, sed
Ioannes Latalski, postposito Cricio, vt fieret episcopus, fauore reginae
muneribus impetrauit. A Clemente VII, pontifice confirmatus, per-
acta consecratione Posnaniam die Augusti XVII. venit anno 1525. Exar-
serat in Hungaria grauiissimi belli flamma, FERDINANDO, archiduce
Austriae, regnum illud a morte LVDOVICI, sibi vindicante secundum
pacta conuentus Viennensis, ex aduerso IOANNES, comes Scepusiensis,
ab Hungarorum parte illi adhaerentium rex electus, qui validis succin-
ctus Turcarum copiis Ferdinandum tota exegerat Hungaria. Sigismun-
dus, Poloniae rex, tunc ad tractatum pacis, seu armistitii conficiendi, et
pacta connubialia concludenda, Posnaniae, cum aliis Ioannem Latalski
designauerat, anno 1530. Circa confinia Silesiae Polonorum et Silesio-

rum, fuerunt exortae aliquae diffensiones, quae iura bonae viciniae conuellere videbantur. Erat tum supremus Silesiae praefectus CAROLVS Dux Munsterbergensis, a quo requirebat Sigismundus rex, ut illa litigia non longe a limitibus regni et Silesiae componerentur. Sane praelicenter nimis Silesiorum aliqui, MYSZKA, BERKA, SCHLEGEL, publicam hostilitatem in agros deriuabant Polonos, et itinerantium mercatorum, nec non nobilium, prope fines Silesiae manentium, praedis, spoliis, publici latrones, rem augebant domesticam. Conuentum tandem, etiam consentiente Ferdinando Bohemiae rege, Glogouiae indixere, qui eas coereret insolentias, mutuaeque vicinia tuta et secura maneret. Ad negotium hoc tractandum rex Sigismundus designauerat IO. LATALSKI, episcopum Posnaniensem, NICOLAVM de KOSCIELEC, palatinum Calissensem, LVCAM de GORKA, castellanum Posnaniensem, maioris Poloniae praefectum generalem, ANDREAM de GORKA, Calissensem, IANVSSIUM LATALSKI, Gnesnensem, ANDREAM KROTOWSKI Kowaliensem, castellanos, quorum opera pax publica restituta. Cum vero in regimine Posnaniensis ecclesiae decennium egisset, fauore et patrocinio BONAE reginae ad episcopatum Cracouiensem promotus, rege SIGISMUNDO consentiente, et PAVLO III, pontifice, hanc translationem diplomate confirmante, Cracouiensis ecclesiae gubernationem iniit. Quod interim acciderit ad maius altare diuinam rem facienti, CRICIUS satyrico magis, quam festiuo descripsit versu, labem Simoniacam, et liberaliorem exprobrando computationem, cum antea in aula passim Kufel vocaretur. Cricii autem versus in hunc casum TRETERVS, DAMALEVICIUS, STAROVOLSCIUS pridem iam typis ediderunt, huius tenoris:

Venerat ante aram templi Latalicius empti
 Munifico cupiens sacra litare Deo.
 In quo Stanislai argentea stabat imago
 Diui Sigismundi nobile regis opus.
 Mira tamen sed vera canam: se clausit imago
 Ipsa suis tabulis nullius auxilio.
 Nec fatis hoc: tabulis correptus cereus iisdem
 Decidit et laesit pontificale caput.
 Exponant varii varie ista licet; tamen ipse
 Exponi sensu simpliciore velim.
 Sobrius ebriolum timuit, ne magna Falerni
 Pocula compleri cogeret ipse sibi.

Latalicius viris fauebat literatis, illisque beneuolum et beneficium se declarabat. STANISLAVM HOSIVM, I. V. D. cuius in republica literatorum

ratorum magnum nomen, modico prouisum sacerdotio Vielunensis praepositurae, orbatum benefico patrono PETRO TOMICIO, episcopo Cracouiensi, quem IOANNES CHOINIVS iam in contubernium et familiaritatem asciuerat, ad aulam suam volebat pertrahere, verum CHOINIVS, illud decorum et omni literatura excultum ingenium, nullatenus mutare permisit. Cum biennio dumtaxat ecclesiae Cracouiensi praefuisset, ab obitu Cricii, ad supremum in regno honorem per auream viam fauore reginae BONAE peruenit Latalicius anno 1537. Erant illa tempora vere aurea, plurimus enim auro fuerat in aula honor, ingenium vero, virtus, nisi cum re, vilior aestimabatur alga, nec, quis melior, sed quis ditior, locupletior, BONAE reginae augebat dorophagiam, is denum ad maiores prouehabatur gradus, quod Latalicio, tum et aliis, prospere successerat. Disciplinam ecclesiasticam emortuam in pristinum restituere vigorem conabatur, ac hunc in finem Synodum an. 1539 Petricouiae, congregauerat. Completis annis tribus in regimine ecclesiae metropolitanae, hydropis immedicabilis oppressus aegritudine, vitae sortitus est finem, ipso die festo amputationis capitis S. Io. Baptistae, anni 1540 aetatis septuagesimo septimo. CLEMENS IANICIVS posthumae eius memoriae hoc adscripsit carmen:

Edite Sauromatum Latalici, stirpe vetusta
Fecisti patrium, quae decuere decus.
Comis et ingenio, candore notandus ob idque.
Nil male, quod de te fama loquatur, habet.

PETRVS GAMRATVS, archiepiscopus XLVI. Qua gente Petrus Gamratus natus fuerat, scriptores, qui curatius Polonas connotarunt antiquitates, inter se certant. STANISLAVS LVBIENSKI, episcopus Plocensis, narrat, apud neminem se legisse, qua stirpe Gamratus oriundus. Sulimeum illum fuisse scribunt auctores, sed in quo palatinatu, quoque loco natus fuerit, haud satis constat. Lubienscius scribit, se iuuenem audiuisse, eum Nicolai de Naglouice Rey ex forore fuisse nepotem, dissidentium signiferi. PAPROCIVS Gamratorum domum perantiquam fuisse, et a. 1413 Stanislaum Gamratum Polanecensem castellatum, bene de republica meritum fuisse, affirmat. Auctor vitae Petri Kmithae, Gamratum patre plebeio ortum perhibet, STAROVOLSCIVS patre opilione ortum fuisse, consignauit, qui in academia Cracouiensi deinde, non opulento prouisus stipendio, literis operam dedisset. A primis annis Gamratus Erasmi Vitellii, Plocensis episcopi, erat familiaris, cum eoque Romam profectus, aulae eius fuerat praefectus. Erat

Gamratus paruarum literarum, industriae tamen satis excitatae, corpore vasto ac procero, in sacerdotiis occupandis mirifice solers. Minora sacerdotia, verisimile est, fauore, beneficentia, Vitellii adeptum. Fuit primum archidiaconus Pultouiensis, decanus Varfauiensis, parochus Wyscouiensis, quorum reditu suffultus, ad aulam Sigismundi regis, ampliore quaesiturus fortunam, se contulit, id quod ex voto successit. Petrus Kmita, palatinus Cracouiensis, supremus regni mareschalcus, illum promouit, cumque eum omnibus fortunis ornandum sibi sumisset, BONAe reginae, quam penes omnium honorum arbitrium, distributio et licitatio fuerat, fauori insinuauerat, quod quidem prosperrime successit. Dum itaque moratur et meretur in aula Gamratus, accidit, ut Camenecensis vacaret episcopatus. Praelati aulici susque deque illum habebant, nemoque curare eum illorum videbatur. Sed Gamratus nullo negotio, regina BONA promouente, impetrauit episcopatum. A Camenecensi ecclesia ad Praemisliensem translatus, BONA regina rem Gamrati apud regem Sigismundum, sollicito agente, sigillum regni sibi demandandum, tantoque magistratu potiturum se, non ex vano sperabat. Omnino regina sibi persuasum habebat, cum PETRO KMITA, praecipuo Gamrati fautore, quod rex, ad assiduas et importunas eius preces, cancellarii munus regni, collaturus fuisset Gamrato, qui plenus spei a CHOINIO, negotiorum cancellariae Polonae gnaro, libros huic muneri obeundo commodos, et scribas peritos sibi tradi poscebat, quos CHOINIUS non denegabat. Hic enim nunquam autumabat, hoc officium sibi debere mandari, qui reginam, Kmitam, plurimos alios, maxime vero terrestres nuntios obstare sibi videret. Verum rex tacitus, et nulli arcano communicato, cognitam perspectamque habens CHOINII doctrinam, regni Sigillum ei tradidit. Non diu autem superuixit Choinius, cui Gamratus primum in Plocensi, deinde in Cracouiensi successit episcopatu, BONA regina impensius fauente, cuius opera et studio ab obitu Latalicii archiepiscopus Gnesnensis a rege destinatus, quem archiepiscopatum cum episcopatu Cracouiensi ad vitae tempora retinuit. MARTINUM CROMERVM, celebre in republica litteraria Polona nomen, extincto CHOINIO, GAMRATVS in aula sua fouit, cuius calamum atque ingenium maioris momenti adhibuit negotiis. Aemulationis fidei catholicae asserendae memorabile monstrauit exemplum, cum Melchioris Zelazowski, ciuis Cracouiensis vxor octogenaria a fide catholica ad Iudaismum descisceret, quae cum peruicacius errori adhaereret, et blasphemias contra diuinitatem CHRISTI effutiret, viua in foro Cracouiae exusta est.

Statuit

Statuit Gamratus, perpetuoque ordinavit, ut ab obitu DOMINICI MALACHOWSKI, S. Th. D. sodalitiū praedicatorum, episcopi Laodicensis et suffraganei Cracoviensis, non amplius ex religiosis claustris, sed e medio capitularium eligeretur, ad eumque assumeretur gradum suffraganeus. Concionatores externos in basilicam Cracoviensem primus induxit. Gnesnensis ecclesiae suscepto regimine synodum Petricouiae congregavit anno 1542, in qua MARTINVS CROMERVS, minorum ordinum clericus, docte peroravit *de tuenda dignitate sacerdotali*, qui sermo in lucem prodit inscriptus GAMRATO.

Anno sequenti ELISABETHA, filia FERDINANDI, Hungariae et Bohemiae regis, qui deinde fuit electus imperator, CAROLI V neptis, SIGISMUNDO Augusto desponsata, a legatis, a rege SIGISMUNDO, parente, missis, Vienna Cracoviam deducta ipsis nonis Maii. Postridie noua nupta in basilica cathedrali sollemniter inauguratur et coronatur a PETRO GAMRATO archiepiscopo, assistentibus NICOLAO DZIERZGOVIO, Cuiaviensi et SEBASTIANO BRANICIO, Polnaniensi, episcopis. AVGVSTVS non multo post in Lithuaniam secessit, relicta Cracouiae coniuge sua, quam, ut sagaciores coniiciebant, fastidire coeperat. LV-CAS GORNICIUS in opusculo actorum regni, quod filius ipsius LV-CAS, praepositus Varmiensis in lucem protulit, regem SIGISMVNDVM patrem, erga Elisabetham fuisse satis beneuolo animo, narrat, regina vero BONA nurum hanc toruo magis quam hilari dignabatur vultu, illa nihilo-minus omni modestia matris beneuolentiam demereri contendebat.

Hoc tempore magni erant motus in Polonia religionis causa, et SIGISMVNDVS rex seuerissimis edictis haeresim propulsare laborabat. Nihilominus multi religionem mutabant. IACOBVS OSTROROG ad Picardorum sectam transiit. Frater eius STANISLAVS, Cosminecum, oppidum Calissio vicinum, Lutheranam induxerat religionem, ibidemque erecta fuerat schola. Eodem tempore IOANNES de LASKO, praepositus Gnesnensis, electus in regno Hungariae episcopus Vesprimiensis, religionem mutans vxorem duxit, et in Germaniam aliasque terras delatus, sectam Sacramentariam ibidem propagauit, tandem in Poloniam rediens, Ponczouiae, tum Olesniciorum oppido obiit. ORICHOVIVS scribit in dialogis, seueritate et aliquo rigore Gamrati perculsum, fidem et sacrum mutasse ordinem Ioannem de Lasko. Contra libros eiusdem grauiterscriptit STANISLAVS HOSIVS, S. R. E. Cardinalis, episcopus Varmiensis in libro *de oppresso Dei verbo*,

Quod

Quod superest, Gamratus erat splendidus et in conuiuiis ad luxum sumptuosus, cui non sufficebant archiepiscopatus et episcopatus Cracouiensis redditus, atque adeo aere alieno contracto hanc supplebat inopiam, promus magis, quam condus. Erga inopes memorabilem exercuit liberalitatem, eorumque praecipuam agebat curam. Quotidie centum ex eis, episcopali mensa et ferculis reficiebantur. Quaecunque iter faciebat, duo currus onusti lineis interulis et laneis tunicis, vel si hyems esset, ex pelle ouili consutis vestibibus sequebantur. Nullus, vel male vestitus, vel opem implorans, qui obuiaret, non vestiebatur solum, sed viaticum etiam donabatur. Hic mos Gamrato familiaris fuit, cum aliquin ipse in tantis opibus, ut prodigi solent, egeret, ac semper fere indies, viuens aere grauatus alieno, vsuras dependeret.

Non multo ante mortem Gamrati Vilnae inter viuos agere desiit, ELISABETHA Austriaca, SIGISMVNDI AVGVSTI coniunx, ipso absente, et quidem, ut rumor erat, non sine manifesta veneni suspicione, quod ipsum etiam, ut VARSEVICIVS scribit, in comitiis imperii Wormatiae, ubi a CAROLO V caesare, eidem fuit parentatum, ex suggestu sacro in concione dicebatur. Erat vero femina animi atque corporis dotibus, quas in illam certans congefferat natura, ornatissima. Hanc in Iunio extinctam secutus est Gamratus, anthrace seu carbunculo immediabili correptus, die XXVII Augusti a. 1545, aetatis LVIII, sacris ecclesiae catholicae procuratis, cum omnigena christianae pietatis testificatione vitam hanc sine sanctiori clausit. Gubernauit Gnesnensem ecclesiam quinquennio, in regimine Cracouiensis compleuit septennium. Regina BONA impensas funeris liberaliter prouidit, eidem sacellum et tumulum crexit, in quo hoc legitur epicedium:

Gamratum, regina potens, Bona Sfortia, Petrum

Cracouiae et Gnesnae pontificem statuit.

Sarmatici dum vixit erat pater ille senatus.

Hoc vita functo publica res tepuit.

Extincto ac viuo fuit pia BONA, videte!

Quae titulos dederat, haec dedit et tumulum.

Addimus et CLEMENTIS IANICII eidem adscriptum carmen:

Fortunae exemplum memorabile gessit vtrumque

Gnesnae et Cracouiae pontificale pedum.

Vir grauis et constans et regi gratus et aulae,

Anthrace GAMRATVS post sua fata subit.



III.

Catalogus comitiorum, sub SIGISMUNDO III et
VLADISLAO IV, Poloniae regibus, celebratorum.

SIGISMUNDO III. Rege.

Annus.	Locus.	Successus.	
1588.	Cracouiae.	integra.	C oronatio et multae leges factae, in Vo- lum. pag. 447 seq. Mareſchallus nun- tiorum PAVLVS ORZECOWSKI (pincer- na Chelmenſis) itidem inter nuntios pro- miſcuae ſubſcripſit, in Volum. p. 454.
1589.	Varſauiae.	integra.	Conſtitutiones multae, perlatae p. 507.
1590.	Varſauiae.	integra.	Menſe Aprili. Leges multae ſancitae. vid. Volum. Mareſchallus nuntiorum HIERO- NYMVS GOŒOMSKI, caſtellanus Na- klenſis: adhuc enim tunc, ſic quoque an- no 1607, caſtellani minores nuntii elige- bantur.
1590.	Varſauiae.	irrita.	In Decembri, irrita fuiſſe reſeſſus Pru- tenici memorant. In hitoricis nihil de iis- dem legitur.
1591.	Varſauiae.	integra.	Conſtitutiones non paucae promulgatae. In iis ea, quibus tempus ſex hebdomada- rum comitiis ordinariis aſſignatum. In Vo- lum. p. 606. quod iam STEPHANVS Rex in articulis ſuis A. 1576 p. 277 promiſerat. Mareſchalli nuntiorum nomen nuſpiam memoratur.
1592.	Varſauiae.	irrita.	Reſeſſus Prutenici notant breuiter.
1593. d. 4 Maii.	Varſauiae.	integra.	Iter regis in Sueciam, et ſecuritatis re- gni variae praecantiones, aliaeque leges ſancitae. Vid. in volumine p. 635. Mare- ſchallus fuit NICOLAVS DANIELOWICZ, ſecundum reſeſſum Pruten. In Volum. ni- hil de eo.
1595.	Cracouiae.	integra.	Tantum comitia alia, proxime Varſauiae extra ordinem celebranda, praeuiis conuen- tibus prouincialibus a rege aſſignandis, et tribu-

Annus.	Locus.	Successus.	tributum agrarium scitum. Vid. Volumen. Marefchallus nuntiorum STANISLAVS SASSIN KARSNICKI, iudex Siradiensis, ita appellatur in Volumine p. 662.
1596.	Varfauiae.	integra.	Paucae leges et tributum generale sancita. Lata quoque constitutio, de colligatione principum christianorum contra Turcas, quorum tamen metu typis non publicata, sed exscripta, iis, quorum intererat, sub regis Sigillo tradita. Marefchallus PETRVS MYSZKOWSKI in recessibus Prutenicis notatur fuisse.
1597.	Varfauiae.	rupta.	Ob colligationem cum Caesare contra Turcos a rege cupidissime quaesitam, ab ordinibus, ne periculosissimo vicini hostis bello implicarentur, rupta. In iisdem recessibus notatum, non alibi.
1598.	Varfauiae.	integra.	Iter in Sueciam regis secundum, defensio et securitas regni, tributa, et aliae leges perlatae, in Volum. pag. 686. Marefchallus (FLORIANVS) GOMOLINSKI (Succamerarius Siradiensis) ex d. recess. Pruten.
1600.	Varfauiae.	rupta.	Ordines regni, bello Suecico implicari recusarunt, in quod tamen postea ab amicis regis inducti sunt, vt ab ipso gubernatore Polono in Liuania inuasio Suecorum inciperet. PIASECIVS ad hunc annum. Ideo haec comitia irrita fuerunt. Nihilominus laudum contributionis statuum Liutuaniae constitit, quod ex vniuersi anni 1601 in Vol. p. 764 seq. patet. Marefchallus dux SWIRSKI Succamerarius Brestensis, secundum recess. Prut. in Volum. nihil de eo.
1601.	Varfauiae.	integra.	Leges non paucae, instructio siue tabula teloniorum antiqui et noui, in regno exigendorum. Item consensus ordinum ac

Annus.	Locus.	Successus.	
			ac tributa in bellum, Suecicum tanta liberalitate sancita, vt simul pro hoc et sequenti anno vniuersales tributorum litterae scriberentur. Mareſchallus nuntiorum ZBI-GNEW OSSOLINSKI, iterum. Piaſecius ad hunc annum p. 228. Volumen nihil.
1603.	Cracouiae.	irrita.	Turbulenta, tandem poſt longam moram, a factionibus inuicem conſiliis publicis obiectam, cum fine temporis legalis, irrita ſoluta. Nihilominus bono adhuc exemplo, tributum agrarium et conſumptibilium, in uſum reipublicae ante diſceſſum ordinum ſcitum, tenuit, in Volumine pag. 808. Mareſchallus nuntiorum, apud Piaſecium p. 248. FELIX KRISKI, Referendarius regni.
1605.	Varſauiae.	rupta.	Suſpicionibus contra regem, tanquam Auſtriacae dominationi obnoxium, inde querelis ordinum turbida: diſtributione vacantium beneficiorum ſemper materiam ambientibus faſtidii in imperantem gignente. Demum epiſcoporum oppoſitione aequis diſſidentium in religione poſtulat, quae iam in comitiis anni 1603 inualuerat, accedente, irrita ſoluta. PIASECIVS. Mareſchallus (IOAN.) BIALOZOR, (Succamerarius Vpitenſ.). Secundum reſeſſ. Pruten. primus Lituanorum, vi vnionis et pactorum, obtinuit.
1606. d. 7 Martii.	Varſauiae.	rupta et Rokosz.	Simul cum ſeceſſu ordinis equeſtris, ductore ZEBRZYDOVIO, palatino Cracouiae, motus ciuilis pro libertate contra regem, Rokosz dictus, STENZYCIAE coepit, qui acceſſione Lituanorum auctus, comitiis ruptis, tributis tamen ſcitis, vid. conſtit. anni 1609 p. 903, tandem LVBLINVM translatus, vbi ex vniuerſis prouinciis nobilitate ad vexillum libertatis accurren- tum

Annus.	Locus.	Successus.	tum civile bellum eualuit. (Mareschallus HIERONIMVS SIENIAWSKI pocillator regni, PIASECKI p. 284.)
1607. d. 28 Mart.	Varfauiae.	integra.	Adhuc feruente Rokosz, iterum ad Stenzyce congregato, in comitiis his, secundum pacta conuenta exorbitantiae a rege correctae, ad pacificationem cum male contentis commissarii designati, et aliae leges sancitae, tributa quoque scita. Volum. p. 825. Piafecki p. 246. Mareschallus nuntiorum NICOLAVS MIELZYNSKI, castellanus Kamienensis. Volum. p. 866.
1609.	Varfauiae.	integra.	Amnestia et compositio statuum, anno praeterito iam Cracouiae coepta. Vid. Vol. p. 885, postquam anno 1608. Rokosiani ad Guzowo, cum regiis ambiguo Marte pugnassent, inde pars maxima domum dilapsa, auctoribus cladis maledixerat. Vid. Lubienski de motu civili l. 4 p. 137. tandem a moroso rege perfecta. Leges quoque variae sancitae, articuli militaris disciplinae approbati, tributum quoque scitum. in Volumine pag. 886. Mareschallus (Christophorus) WIESIOŁOWSKI, dapifer Vilnensis. Ex recess. Pruten. In volumine nihil de eo, neque alibi.
1611.	Varfauiae.	integra.	Prosecutio belli Moscouitici paulo ante coepti. Collatio feudi Prutenici IOANNI SIGISMUNDO, Electori Brandenb. Leges et abbreviatio processus iudicialis, denique tributum generale sancita. In volumine. Mareschallus nuntiorum IOANNES SWOSZEWSKI, notarius (terrestris) Leopoliensis. Ex recess. Pruten. In volumine nihil de eo, nec in PIASECIO.
1613.	Varfauiae.	integra.	In Februario. Exercitui, e Moscouia reduci, qui primo, sed malo exemplo, pro stipendiis suis vindicandis, confederatus,

Annus.	Locus.	Successus.	ratus, oppida et agricolas summopere preffit, satisfactio et ad id tributa scita. Tribunal quoque Radomi, ad rationes aerarii et stipendiorum institutum. Pretia rerum et variae leges sancitae. vid. Volumen. Mareſchallus nuntiorum MAXIMILIANVS PRZEREMBSKI, capitaneus Petricouienſis, ex Piaſecio (p. 338)
1613.	Varſaviae.	integra.	In Decembri, ad collectionem aeris immenſi, quod exercitus Demetrianus, e Moſcouia redux, vi ſumma poſtulauit, extra ordinem indiſta. Et acta eorum in volumine, ſub titulo VCHWALI, nihil niſi rem aerarii et ſtipendiorum continent. Mareſchallus nuntiorum ALEX. CORVINVS GONSI- EWSKI, referendarius M. D. Lituaniae.
1615.	Varſaviae.	rupta.	Fefſi ordines tot tributis in bella, Liuo- nicum et Moſcouiticum, collatis, agri- colis ſuis per exercitum confoederatum pla- ne expilatis, ne denuo ſciſcerent, comitia ſoluerunt. Confoederationis illius damno- ſae nonnullos adiutores tamen, perduellio- nis et infamiae damnarunt, auctores, prae- eunte vno nuntio OZGA, cum progenie ipſorum diris deuouerunt, quibus primas regni cum caeteris amen acclamauit. Rex quoque ſancitam ante diſceſſum expeditione- nem generalem nobilitatis et luſtrationem acceptauit. Ex reſeſſ. Pruten. et Piaſecio. Mareſchallus nuntiorum IOANNES SWIEN- TOSLAWSKI, referendarius regni.
1616.	Varſaviae.	integra.	Conſenſus ordinum et auxilia ad recupe- randum regnum Sueciae, regi ante promiſſa, nunc euiſta. Generalis nobilitatis mo- tio, h. e. poſpolite ruſzenie, et tributa ſancita cum aliis negotiis. Vid. Volumen. Mareſchallus nuntiorum IACOBVS SZCZA- WINSKI. Ex reſeſſ. Pruten. in volumine nihil.

Annus.	Locus.	Succellus.	
1618.	Varſauiae.	integra.	Pacificatio cum Moſcouitis accelerata, paucae leges, ſed tributa copioſa ſcita. Mareſchallus nuntiorum CHRISTOPHORVS WIEſIOŁOWSKI, Dapifer Lithuaniae, manu ſua conſtitut. ſubſcripſit.
1619.	Varſauiae.	integra.	Pauca negotia decifa, tantum tributa ſcita, vid. Volumen. Mareſchallus nuntiorum IO. SWIENTOſŁAWSKI, referendarius regni, iterum ſubſcripſit.
1620.	Varſauiae.	integra.	Propter immane bellum a Turcis, qui ad Cezoram Valachiae, exercitum Polonicum cum duce ZOLKIEVIO exciderant, obtentu dati, Caefari FERDINANDO, auxilii, Poloniae imminens, tributa ante hac inſolita octo agrariarum, item generalis nobilitatis motio, et aliae leges ſancitae. Sub haec comitia, Piekarski, odio populari, regem, quod ſuis auxiliis Auſtriacis datis, Turcas commouiſſet, malleo portatili caput percuffit, qui mox ob atrox crimen ultimum ſubiit ſupplicium. Piaſeckſi Mareſchallus IACOBVS SZCZAWINSKI ſubſcripſit.
1621.	Varſauiae.	integra.	Ex decreto praecedentium extra ordinem indiſta. Ordo expeditioni generali nobilitatis praefcriptus. Diſpoſitio aerarii regni, tributa denique ſcita. Vid. Volumen. Mareſchallus nuntiorum IOANNES SOKOLINSKI M. D. Lituaniae notarius ſubſcripſit. Eo anno pax Turcis ad Chocim extorta, ſed Riga amiſſa.
1623.	Varſauiae.	integra.	E bello redux exercitus ſecunda vice confoederatus, cui malo exemplo his comitiis impunitas omnium iniuriarum et ſolutio ſtipendiorum, tum et quaedam leges ſancitae. Vid. Volumen. Mareſchallus nuntiorum IACOBVS SOBIESKI, palatinides Lublinenſis ſubſcripſit, (qui pater IOANNIS III regis).

Turbu-

Annus.	Locus.	Successus.	
1624.	Varšauiae.	integra	Turbulenta ob distributionem vacantium dignitatum, et ob emptum a regina comitatum Zywiecensem, denique propter auxilia a rege contra Turcas submissa, quorum auocatio decreta, tributa quoque scita, et aliae leges promulgatae. vid. in Volum. Mareſchallus IOANNES LOWICKI (capitaneus Breſtenſis Cuiaviae) ſubſcripſit.
1625.	Varſauiae.	integra.	Propter recrudescens bellum Sueadicum, quod obſtinatione ſua rex fouit, deſenſio regni interna, nulla tributa ſancita. Mareſchallus IOANNES SOKOLINSKI, Notarius M. Duc. Lithuaniae iterum.
1626.	Varſauiae.	integra.	Nunc demum ad recuperandam, per tarda ſubſidia amiſſam, Liuoniam, tributa ſcita, et comitia ertraordinaria ad plura deſinienda deſenſionis media decreta. Mareſchallus IACOBVS SOBIESKI, iterum. Nondum enim tanto motu oneroſum hoc munus ambiebatur.
1626.	Thorunii.	integra.	Ex decreto praecedentium extraordinaria. Expeditio ſiue motio generalis nobilium, et tributa ſcita. Mareſchallus, MARTINVS ZEGOCKI, iudex (terreſtris) Viſchouenſis.
1627.	Varſauiae.	integra.	Ob pericula a Suecis, motio generalis nobilitatis, item tributa, et comitia extraordinaria ſine ſolennitatibus, praeciis tamen conuentibus prouincialibus, ſancita. Mareſchallus nuntiorum ALEXANDER CHALECKI, Lituanus (Mareſchallus Lidensis)
1628.	Varſauiae.	integra.	Extraordinaria ex decreto antecedentium, ſola fere ſubſidia belli, et exiguum tributum vnus agrarii ſciuerunt. Mareſchallus IACOBVS SOBIESKI, (capitaneus Crasnoſtauienſis) tertio.
1629.	Varſauiae.	integra.	In Februario. Magna et inſolita tributa ſcita.

Annus.	Locus.	Successus.	scita. Mareſchallus MATTHEVS MANIECKI, Succamerarius Poſnaniienſis.
1629.	Varſaviae.	integra.	In Nouembri. Victoriis Suecorum excitati ordines, inducias cum Suecis in pago Altmark pactas approbarunt, et ad vltiores tractatus commiſſarios expedierunt, fumalia in duplo, legem ſumptuariam, expeditionem generalem nobilitatis, et in caſum neceſſitatis auxilia caeſaris quaerenda, decreuerunt. Mareſchallus STEPHANVS PAC, referendarius (et Notarius) M. Duc. Lituaniae.
1631.	Varſaviae.	integra.	Liberæ electionis diploma a rege, et bonorum terreſtrium ſolis indigenis poſſeſſio aſſerta, excluſis perſonis ex regali vel ducali genere. Compoſitio ordinis eccleſiaſtici cum ſeculari ad commiſſionem remiſſa. Tributa fumalia, quæ agrarium quadruplo ſuperant, repetita, tribunal ærarii Radomieneſe, ſtipendia militaria, res monetaria et plura negotia ordinata. Mareſchallus GEORGIVS in Tenczyn oſſoLINSKI, ſubdapifer regni. (Magni huius quondam in Polonia viri compendium vitæ legitur in annalibus RYDAWSKI p. 63.)
1632. d. II. Martii.	Varſaviae.	integra.	Extraordinaria, vbi Rex pro conceſſis aliquot præfecturis, nutriendis liberis regiis, ius regale cudendæ monetæ perpetuo ordinibus ceſſit, tributa quoque ſcita. Mareſchallus MARTINVS ZEGOCKI, iudex terreſtris Viſchouenſis, iterum.
1632.	Varſaviae.	integra.	Rege defuncto in Iulio. Conuocatio ordinum generalis In confoederatione, ita ſancita ordinum ſine rege appellantur, conſtitutionem anni 1627, contra decreta tribunalitia, pacem diſſidentium in religione turbantia, manifeſto explicarunt, et pro pace diſſidentium firmarunt. Militantes bellum

Annus.	Locus.	Successus.	bellum nobiles ab electione regis abesse, et alias ordinationes circa futuram electionem iusserunt. Mareſchallus CHRISTOPHORVS Dux RADZIWIŁ, campidux Lituaniae.
1632.	Varſaviae.	integra.	Electio in fine Septembris. Pacta conuenta regis electi, in quibus articulus de pace diſſidentibus ſeruanda elucidatus, ne vilius proteſtatione labefactare poſſit. Mareſchallus IACOBVS SOBIESKI, inciſor regni, praefectus Craſnoſtauienſis, quarto. VLADISLAO IV Rege
1633.	Craconiae.	integra.	Coronatione peracta: Bellum Moſcouiticum, iuramentum ſubiectionis fratrum regis, ordo comitiorum celebrandorum, tributa, et alia negotia ſancita. Mareſchallus NICOLAVS OSTROG, ſubdapifer regni.
1634.	Varſaviae.	integra.	Extraordinaria ex decreto praecedentium, perpetua cum Moſcouitis pace facta, ob metum a Turcis motionem generalem nobilitatis, aerariorum tribunalia in regno et magno duc. Lituaniae, ſtipendiorum exſolutionem et tributa ſciuerunt. Mareſchallus GEDEON MICHAEL TRYZNA, Dapifer M. D. Lituaniae.
1635.	Varſaviae.	integra.	Commiſſarii ad tractatum cum Suecis. Repetita prohibitio cuiuſcunque alienationis bonorum terreſtrium eccleſiaſticis, item euocationis extra regnum ad curiam Romanam. Aerarii regni ordinatio, leges et libertationes priuatorum plures, denique tributa ſancita. Mareſchallus GEORGIVS OSSOLINSKI, Theſaurarius curiae regni, iterum.
1635.	Varſaviae.	integra.	Ex decreto antecedentium extraordinaria. Pacta Stumdorfenſia cum Suecis approbata,

Annus.	Locus.	Successus.	et rationes aerarii ad stipendia soluenda ordinatae. Mareſchallus NICOLAVS LO-PACKI Succammerarius Zakrocinenſis.
1637.	Varſaviae.	irrita.	In Ianuario. Perentibus omnibus nuntiis, ob deſperatam concordiam conſiliorum, annuente rege, ſoluta irrita. Mareſchallus (CASIMIRVS. LEO) SAPIENHA, M. D. Lituaniae Notarius. (Poſtea M. D. Lit. vicecancellarius, vid. de eo RYDAWSKI annales regis IO. CASIMIRI p. 44, et 226.)
1637.	Varſaviae.	integra.	Comitia extra ordinem regi indicare tunc prohibitum. Expeditio generalis nobilitatis et auctio exercitus decretae. Lex quoque de telonio maritimo, inuitis et contradicentibus plurimum palatinatum nuntiis, ad vexandum Gedanenſes tamen ſcripta. Mareſchallus IOANNES STANISLAVS IABLONOWSKI, (Enſifer regni.)
1638.	Varſaviae.	integra.	Reginae dotalitium aſſignatum. Commiſſio ſuper telonio Gedanum deſtinata. Tituli extranei tanquam aequalitati nobilium praeiudicioſi abrogati. Aerarium et tributa ordinata. Tunc plurimae prorogationes termini comitalis, haecenus inſolitae, factae. Mareſchallus LVCAS de Bnin OPALINSKI, (capitaneus POWIEDZISKI)
1639.	Varſaviae.	irrita.	Horum vix alibi mentio occurrit. Sed reſeſſus conuenit. Pruſſ. notant, quod totius equeſtris ordinis nuntiorum diſceſſu, ob ſomma procancellarii, quo nuntio Maſouiae BARANOWSKIO *) ſe hunc arietem aliquando lauaturum minatus, exacerbatorum, ſoluta ſunt. Mareſchallus VLADISLAVS KIERDEY, Notarius Grodnenſis.

Prae-

*) Baran ſignificat in lingua Polona arietem, ſeu Germanice einen Schöpfen.

Annus.	Locus.	Succellus.	
1640.	Varſaviae.	integra.	Praeter deſenſionem regni internam nihil actum. Mareſchallus IOAN. STANISLAUS IABLONOWSKI (Enſifer regni) iterum.
1641.	Varſaviae.	integra.	Leges et diſpoſitiones variae. Regibus itinera extra regnum prohibita, abſque rei-publicae conſenſu. Senatus conſultorum ratio reipublicae reddenda. Commiſſio ad correcturam iurium regni. De abuſu col-latae nobilitatis et indigenatus. Aſſertio iuris patronatus ad nominationem maiorum et minorum officialium eccleſiaſticorum regi competentis, et alia plura. Mareſchallus BOGVSLAVS LESZCZYNSKI, palatinides Beſſenſis. (Multa de Boguſlao Leſcinio, qui regni procancellarius mortuus, diſſerit RYDAWSKI in annalibus regis IO. CASI-MIRI, variis in locis, vt apparet ex indi-ce huius operis.)
1642.	Varſaviae.	integra.	Ex decreto praecedentium extraordina-ria, ad diem XI Februarii, praeuiis con-uentibus provincialibus, limitata. Non niſi rationes aerarii, tribunal Radomienſe, coaequationem ſolutorum tributorum in palatinatibus et ſtipendia militaria ordina-uerunt. Mareſchallus CHRISTOPHORVS na Baksztach ZAWISZA, (Notarius M. D. Lit.) capitaneus Mninſcenſis. (Poſtea chri-stophorus Zawisza, maior M. Duc. Lit. Mareſchallus factus. vid. Rudawski annales IO. CAS. p. 282.)
1643.	Varſaviae.	integra.	Coaequationes contributionum palatina-tuum, et rationes aerarii continuatae, ſti-pendia militaria diſpenſa. Debita regis, pro hac ſola vice a republica exſoluta, abſ-que vlla ſpe futuris regnantibus. Com-miſſio de pretiis rerum et de vectigalibus ex inductis, expedita, actaque eius annexa

Annus.	Locus.	Successus.	
			volumini constit. Mareſchallus GEORGIVS LVBOMIRSKI, capitaneus Sande- cenſis. (De magno hoc in republica Po- lono viro, multa cordate diſſerit RYDAWS- KI in annalibus reg. IO. CASIMIRI, qui ibi integram eius vitam deſcripſit, vt ex indice ad hoc opus apparet)
1645.	Varſaviae.	irrita.	Post expirationem termini ſex hebdo- madarum irrita ſoluta. Mareſchallus HIE- RON. RADZIEIEWSKI, capitaneus Lom- zenſis. (Huius viri, ſub ſeq. regis IO. CASIMIRI imperio famoſiſſimi, vita ſin- cere deſcripta reperitur in annalibus Ru- dawski, indicis huius operis ope quaerenda.)
1646.	Varſaviae.	integra.	Legionum multarum a rege, praetextu magnae expeditionis contra Turcas, incon- ſulta republica proprio aere conductarum, exauctoratio a ſuſpicacibus ordinibus per- lata, et a rege maxime inuito perfecta. Tributa denique ſcita. Mareſchallus IO. NICOLAUS STANKIEWICZ, Tribunus, Notarius Samogitiae.
1647.	Varſaviae.	integra.	Ex decreto praecedentium, extraordina- ria ad diem II Maii, praeuiis tamen con- uentibus prouincialibus. Multae leges par- ticulares. Ordinatio ſidictarum poſtarum. Statuti Lituaniſi typis facienda impreſſio. Conſeruatio iuris indigenatus Prussiae. De- nique tributa ſancita. Mareſchallus STA- NISLAUS SARBIEWSKI, capitaneus Gra- bowiecenſis et Koritnicenſ.
1648.	Varſaviae.	integra.	Mortuo rege in Iulio, conuocatio ordi- num generalis. Vbi contra Caſacorum tumultum auctio exercitus, motio nobi- litis generalis, et tributa ſcita. Mare- ſchallus, BOGVSLAVS LESZCZYNSKI, generalis maioris Poloniae capitaneus, ite- rum.

Electio

Annus.	Locus.	Successus.	Electio in Octobri.
1648.	Varšaviae.	integra.	Articuli pacto- rum conuentorum, et alia solita sancita ac ordinata. Mareſchallus PHILIPPVS CASIMIRVS OBUCHOWICZ, tribunus Mozyrenſis. (Hic Philippus Obuchowicz poſtea factus palatinus Smolenscenſis. vid. RVDAWSKI annales p. 142, 156.)

Continuatio erit in trimestri ſequenti.

IV.

Promiſi in trimestri primo horum actuum anni praesentis pag. 36. verba de ſocietate Gedanenſi phyſica, eiusdemque diſſertationibus, faciens, me vnam ſpeciminis loco, omni ex parte, latinitate donatam, inſerturum. Cum autem quinta diſſertatio celeberrimi doctoris HENRICI KÜHN, deſcriptionem nouae machinae pro librandis aquis continens, caeteris palmam praeripere videatur, tum ob vtilitatem, tum nouitatem, eam elegi, vt egregium hoc inuentum, pluribus, cum exteris, tum Polonis, Germanorum idioma haud intelligentibus, notum fiat. Doctiſſimus auctor hanc ſuam diſſertationem me petente, ipſe in Latinam tranſtulit linguam, quaedam perſpicuitatis cauſa addens, de noua autem ſua machina ſolide ita diſſerens.

Deſcriptio nouae Machinae, pro librandis aquis inter duo loca longiſſime a ſe inuicem remota, et ad idem Flumen ſita. Autore HENRICO KÜHN. I. U. D. et Profeſſore
Matheſeos Gedanenſi.

§. I.

Notum eſt, locum, ad quem aqua aut ſponte fluit, aut, arte operaque adhibita, deducenda eſt, depreſſiorem, id eſt, centro Telluris propiorem eſſe debere loco altero, a quo fluit, aut deducitur. In aquaeductibus igitur moliendis neceſſe eſt, vt ante omnia decliuitas aquarum inueſtigetur, hoc eſt, quantum datorum locorum alter depreſſior ſit altero. Ars iſta determinandi decliuitatem aquarum, ſeu generalius, quanto praeciſe interuallo punctum aliquod ſit Terrae centro propius quam alterum, *Ars libellandi* dicitur: Inſtrumentum autem ipſum, quo in eam rem opus eſt, *Libella* audit.

§. II.

Iam cum *Linea horizontalis vera* alicuius loci ea dicatur, cuius singula puncta a centro Telluris aequaliter distant, adeoque sit arcus Circuli, qui ex centro Telluris per datum punctum locumue descriptus concipitur; patet, ad aquas librandas tria potissimum requiri: nimirum 1) determinandam esse utriusque loci dati lineam horizontalem veram, 2) harum alterutram, e. gr. illam loci altioris, producendam esse usque in viciniam loci alterius, et denique 3) inuestigandam esse harum duarum horizontalium distantiam, seu quantum earum altera depressior sit altera.

§. III.

Quare cum magnitudo Telluris admodum ingens sit, ita ut semidiameter eiusdem circiter 860 milliaria germanica, seu $(860. 22916\frac{4}{5} =) 19, 708, 448$ pedes parisienses adaequet; facile colligitur, quamdiu alicuius loci linea horizontalis vera 300 pedes parisienses non excedit, consequenter non ultra tria minuta secunda Peripheriae Telluris continet, eam, sine errore sensibili inde metuendo, pro linea recta haberi posse, quae lineam horizontalem veram in eius extremo vno tangit; et contra. Et haec ipsa recta, quae dati puncti lineam horizontalem veram in isto puncto tangit, vocatur *Linea horizontalis apparens*, scilicet istius puncti.

§. IV.

Hinc lineam horizontalem apparentem, quoties eius longitudo 300 pedibus parisiens minor est, pro linea horizontali vera tuto assumere licet. Quodsi autem longe maior fuerit, opus est ut, calculo ex natura Circuli instituto, in lineolis, digitis, aut pedibus parisiens, determinare scias distantiam puncti extremi lineae horizontalis apparentis a linea horizontali vera, datae longitudini conuenientem, seu quantum illa ab hac sursum aberret. Hunc in finem iam dudum condita est Tabula, cuius haec est forma generalis: Si linearum horizontalium apparentium longitudines crescunt ut 300, 600, 900, 1200, 1500, etc. pedes parisienses; earundem a respondente linea horizontali vera distantiae, seu aberrationes modo dictae crescunt ut $\frac{1}{3}, \frac{4}{3}, \frac{9}{3}, \frac{16}{3}, \frac{25}{3}$, etc. lineolae parisienses, in mensura duodecimali. Hinc facile perspicitur, si diuersae linearum horizontalium apparentium longitudines fuerint inter se, ut numeri naturales 1, 2, 3, 4, 5, etc. earundem supra veram aberrationes diuersas, esse inter se, ut illorum quadrata, 1, 4, 9, 16, 25, etc. Hoc cognito, Tabula ista facili negotio continuari potest, quo usque libet.

§. V.

§. V.

Huius vsum Tabulae, siue ea praesto fuerit, siue minus, in duobus Exemplis ostendere libet.

I. Sit longitudo lineae horizontalis apparentis = 1800 pedibus parifinis; inuenienda est eiusdem aberratio supra horizontalem veram. Iam quia est $300' : 1800' = 1 : 6$, adeoque horum quadrata sunt inter se vt $1 : 36$, longitudini autem 300 pedum competit aberratio $\frac{1}{3}$ lineolae; inferatur per Regulam auream, $1 : 36 = \frac{1'''}{3}$; x; erit aberratio quaesita $x = \frac{36'''}{3} = 12''' = 1''$.

II. Sit longitudo lineae horizontalis apparentis = 4100'. Requiritur huius supra veram aberratio. Cum sit $300' : 4100' = 3 : 41$, adeoque horum quadrata sint vt $9 : 1681$; fiat $9 : 1681 = \frac{1'''}{3}$; x; prodibit aberratio $x = \frac{1681 \times \frac{1'''}{3}}{9} = \frac{1681}{27} = 62 \frac{1}{3}''' = 62 \frac{1}{3}'''$, seu talium partium, qualium continet pes parifinus 1440, digitus autem 120, et lineola 10, hoc est, $(600 + 20 + 2 \frac{1}{3})''' = (5 \cdot 120 + 2 \cdot 10 + 2 \frac{1}{3})''' = 5'', 2''', 2 \frac{1}{3}'''$. Quodsi iam ex alicuius loci linea horizontali apparente iterum deueniendum fuerit in eiusdem loci horizontalem veram; opus est, vt bolide ad extremitatem lineae horizontalis apparentis applicata, in huius filo deorsum dimeriamur partem, quae, in primo Exemplo, sit vni digito, in secundo autem 5 digitis, vna cum 2 lineolis et $2 \frac{1}{3}$ lineolae decimis aequalis, atque punctum sic inuentum, stabilimento supposito, actu designemus. Tum enim res eodem redit, ac si linea horizontalis vera, inde a puncto contactus communi vsque sub alterum lineae horizontalis apparentis extremum actu esset continuata seu prolongata.

§. VI.

Quoniam itaque libratio aquarum postulat, vt ante omnia pro alterutro duorum locorum datorum lineam horizontalem veram exacte determinare, et vsque ad locorum alterum sine errore producere possis (§ 2); tale Instrumentum, cuius praesidio id ipsum immediate praestari posset, procul dubio foret libella perfectissima (§. 1). At cum visio et collineatio, siue ea per dioptras fiat, siue sine dioptris, non fiat secundum lineam circularem, qualis est linea horizontalis vera (§. 2), sed potius secundum rectas, quales vtique sunt lineae horizontales apparentes (§. 3); haecenus satis habuimus, libellas, quarum praecipue abhinc annis octoginta complures diuersae formae sunt inuentae, ita adornasse, vt earum ope, loci alicuius linea horizontalis apparens detegi, et ad eam, quam res postulat, distantiam produci possit. Hac enim cognita, vestigia calculi in §. 5 ostensa sequendo, determinare studemus illud lineae hori-

horizontalis verae punctum, quo ad libellationem absoluendam opus habemus.

§. VII.

Etsi vero pro praesenti scopo meo supersedere possum recensendis permultis illis variique generis libellis, praesertim cum earum optimae, eaeque visitatissimae, his temporibus satis sint notae; id tamen silentio praetermittere nequeo, cur libellae antiquorum, aequae ac eorum libellatio ipsa, si cum recentiorum Mathematicorum in hoc argumento Inuentis conferantur, pro admodum imperfectis et nullius fere momenti haberi debeant. Enimvero 1) libellae Veterum erant nimis exiguae, ita ut hinc error in situ dioptrarum admissus vix ac ne vix agnosci potuerit, et RICCIOLVS observavit, in definienda per eiusmodi Instrumentum linea horizontali apparente, facile quantitate anguli 5 minutorum, immo gradus dimidii, a vero situ aberrari posse, cum contra recentiorum libellae eiusdem generis multo maiores parentur, adeoque error in positione dioptrarum longe facilius evitari possit. 2) Illorum dioptrae destituebantur tubis telescopicis, utpote qui demum ante hos 138 annos sunt inuenti, consequenter in magna distantia punctum, in quod collineandum erat, certo dignoscere non poterant, imo etiam in distantia mediocri infida erat eorum collineatio, si quando Oculus eorum parum valebat ad remota distincte videnda; cum contra recentiorum libellae, non sine insigni emolumento, telescopiis armari soleant, utpote in quibus tuborum componentium longitudo variari potest, quantum diuersa oculorum constitutio ad visionem distinctam efficiendam postulat: etsi diffitendum non sit, magna cautione opus esse in Telescopiis ad libellas rite adaptandis. Denique usum libellarum, seu ipsam libellandi operationem quod attinet, Veteres paria cum Recentioribus praestare minime potuerunt, etsi ponamus, eosdem aequae idoneis Instrumentis, qualia nunc haberi possunt, instructos fuisse. Nam 1) cum illorum aetate vera Telluris magnitudo longe minus perspecta fuerit, quam nostra aetate; haud etiam in eo statu erant, eiusmodi Tabulas condere, quales supra in §. 5 descripsimus, vi quarum, ex longitudine lineae horizontalis apparentis cognita, respondens in linea horizontali vera punctum rite determinare potuissent. 2) Quoniam antiquis temporibus refractionis radiorum luminis penitus incognita erat, imo etiam medio aevo, quo ea aliquatenus cognita habebatur, verae Leges, quae refractioni sequitur, nondum erant inuentae: locum alicuius puncti apparentem, quem collineatio monstrat, et locum eius verum putabant esse vnum eundemque; aut, si quam istius diuer-

diuersitatis notitiam habebant, ignorantia tamen verarum legum refractionis non patiebatur, vt insigni errori inde resultanti, prout par erat, mederi potuissent: cum contra nostro aeuo nihil obstat, quo minus errorem ex refractione resultantem ad calculum sic satis exactum reuocare, et, si non penitus, maximam tamen partem corrigere valeamus, dummodo in eiusmodi negotio non nimis propere res agatur, et libellatio, non nisi Coelo maxime sudo existente, et non nisi circa tempus meridianum instituat, ac praeterea distantia duarum stationum assumatur non nimis enormis, nec nimium audax consilium ineatur, a iugo montis vnus in iugum alterius, aliquot miliaribus germanicis inde disiuncti, vna eademque opera collineandi.

§. VIII.

Tametsi enim in Tabulis refractionum nunc obuiis et per multorum annorum obseruationes astronomicas comprobatis nihil desiderandum videatur, quamdiu altitudo stellae supra Horizontem ad minimum 4 aut 5 gradibus maior est; ipsi tamen Astronomi fatentur, refractiones pro altitudinibus minoribus, omnium maxime autem refractiones horizontales (de quibus fere vnice in libellando agitur) multis inconstantibus obnoxias esse, et proinde raro cum Tabulis consentire. Inde etiam est quod mare nauigantibus nonnunquam integrae Insulae, aut iuga montium in conspectum veniant, quarum tamen rerum omnino nihil alio tempore, in eadem plane statione, et tempestate maxime serena, deprehendere possunt, ipsa scilicet Telluris rotunditate obiecta ista oculis eorum tum temporis occultante. In hoc enim casu refractionis horizontalis in vaporibus prope superficiem Terrae ordinariis contingens, atque non vltra 32 minuta assurgens, non sufficit ad obiecta ista supra horizontem spectatoris satis attollenda: cum contra in priore casu id reuera accadat, propter vapores extra ordinem densos, in quibus refractionis maior ac ante existens, obiecta quoque altius ac ante supra horizontem loci attollit.

§. IX.

Hanc tantopere inconstantem refractionem circa Horizontem, aut 2 vel 3 gradibus supra eundem, facili negotio etiam super terra continente experiri licet. Sumatur, exemplo Hugonii a) Telescopium, eoque versus aedificium aliquod altum, aut Turrim, dimidio minimum milliari distantem directo, et in isto situ ita firmato, vt omnis vacillatio excludatur, diuersis diei horis inspicatur in Tubum; deprehendetur, non semper vnum idemque Turris punctum in axe Telescopii comparere, sed

Bb

plerum-

a) *Traité de la Lumiere*, pag. 42-46.

plerumque mane et vesperi, quo tempore vapores circum Terram copiosiores constipantur, Turrim videri multo altius ascendisse, circa medium diei autem, quo tempore vapores multo magi disiecti sunt, iterum Tab. I. profundius descendisse. Nimirum (Tab. I. Fig. 1.) sit Telescopium vna Fig. 1. cum oculo in B, obiecti punctum in quod collineamus, in A. Iam quoniam aer inter A et B non est eiusdem vbique densitatis, sed potius densitatis versus inferiora B continuo crescentis; radius luminis ex A peruenire nequit in B secundum lineam rectam, sed necesse est ut in suo itinere magis magisque refringatur, atque sic per lineam curuam AHB vsque in oculum B propagetur. Quodsi iam BD designet rectam, quae radii luminis ex A emanantis semitam curuam AHB in B tangit, oculus in B spectabit verum obiecti punctum A in recta BD, in puncto apparente D, atque sic in loco altiore, quam est locus verus A. Si aeris densitas crescit, curuatura quoque radiorum luminis AHB crescit, punctumque A adhuc altiore loco apparet, ac ante, nempe supra D: sin autem aeris densitas decrescit, curuatura quoque radiorum luminis AHB minor est, hoc est, ea propius ad rectam AB accedit, punctumque A humiliori loco apparet, ac ante, nempe infra D, sed tamen inter A et D. Proinde si, in casu posteriore, humilior aliquod aedificium FH, loco inter B et A intermedio situm, assurgat vsque in semitam luminis posteriorem AHB, licet adhuc longe infra huius Tangentem BD; punctum A ex B spectari amplius non potest, sed pone FH occultatum manet: contra autem, in priore casu, obiectum FH ipsi oculo B punctum A occultare nequit, sed videbitur super H in puncto D, aut adhuc altius, quia supponimus, obiectum FH vsque in priorem atque altius excurrentem luminis semitam AHB non assurgere.

§. X.

Consimilia phaenomena ab aliis quoque, diu ante Hugenum, obseruata sunt. Ricciolus b) enim prouocat ad Athanasium Kircherum, in litteris d. 17. Febr. 1647. narrantem, saepius se ex Insula *Melita* montem *Aetnam* conspexisse, sed Coelo prorsus sereno redeunte eundem iterum disparuisse. Ab hoc nuncio occasione arrepta RICCIOLVS cum suo GRIMALDO frequenter se contulit in montem prope Bononiam altissimum, et versus Turres Rauennae prospectando detexit, easdem meridiano tempore longe humiliores apparere vertice cuiusdam arboris intermedio loco constitutae, matutino autem et vespertino tempore longe altiores.

§. XI.

b) Geographiae reformatae lib. 5. cap. 15. §. 4.

§. XI.

Quare cum in magni momenti libellationibus, et per ingentem terrarum tractum proferendis, frequenter nobis obiciantur spatiose profundaeque valles, aut paludes, aut latissima flumina, stagna, montesque, etc. quorum interuentu vna eademque operatione vsque ad enormem distantiam collineare cogimur; hoc autem rerum statu ex refractione horizontali, eaque valde variabili, errores admodum notabiles et difficillime euitabiles in librationem aquarum irripere possunt: facile colligere licet, Mechanicos practicos vulgares, aut molitores, quod genus hominum in breuibus fossis molendinariis ducendis adhiberi solet, istiusmodi rebus administrandis pares non esse, sed Mathematicorum solertissimos aduocandos esse, quibus tamen ipsis cum impedimentis obiectis haud parum luctandum erit, antequam ad effectum operis peruenire queant.

§. XII.

Imo licet eiusmodi difficultates sub aspectum cadentes (§. I.) exulent, et libratio aquarum in planitie, sed tamen secundum ductum fluminis ingentis, propaganda sit, ad fluminis decliuitatem intra duos Terminos valde diffitos exacte explorandam; nihilo minus consueta aquas librandi ratio tantis circumsepta est difficultatibus, vt hic solis hydragogorum, aquilegum, aliorumue Opificum actis stare nemo possit, qui aut improuisum atque ex inundatione agrorum resultans ingens damnum vitare velit, aut saltem ingentes sumtus in cassum profundere nolit. Huic certe negotio eiusmodi circumstantiae immiscentur, ad quarum praesentiam detegendam multo ingenii acumine opus est, et praeterea ita comparatae, vt omnino earum rationem haberi necesse sit. E. gr. ante aliquot annos, Amico erudito nunciante intellexi, Praefectum naualem FERRY, Anglum, complura Magnae Russiae flumina, quando alueo ordinario continentur, libellasse, et in iis mensuram decliuitatis mediae vix vt 1 ad 400 inuenisse, id est, superficiem fluminum ibi locorum intra viam 400 pedum vix quantitate pedis vnus subsedisse. At non mihi desunt rationes cur credam, istam decliuitatis mediae mensuram inuentam vera multo minorem esse, et suspicor, eundem parum perspectum habuisse, quantum erroris ex refractione luminis horizontali atque valde variabili nasci possit, praesertim in vicinia aquarum maiorum; et quod, propter circumstantiam posteriorem, tam decliuitas fluminis, quam accliuitas fere semper iusta minor reperiri debeat. Sit (Tab. I. Fig. 2.) Tab. I. superficies fluminis ST, libella LM in A, huiusque linea horizontalis ap- Fig. 2. parens sit VAv; erit VD, item FD > AB, sed vG, item fG < AB.

Iam opus est vt recordemur, ex superficie fluminis ST continuo vapores ascendere (qui etiam oriente aut occidente Sole conspicui fiunt) et quidem sub forma nebulae ex fluminis superficie lente admodum surgentis, non tamen vbiq̃ aequae densae, sed magis magisque densatae, quo propius eiusdem pars a superficie fluminis ST distat. Huc quoque pertinet observatio Cel. HALLEII c), superficiem scilicet aquae ex vase euaporantis semper vaporibus adhuc crassioribus, tanquam tenuissima lanugine, obiectam esse. Imo quotidie observationes eiusmodi sese nobis offerunt, si modo, dum infusum Theae aut Caffee sorbemus, attendimus ad phaenomena connexa. Tum enim, vasculum valde oblique adspiciendo, distincte observare licet, superficiem liquidi calidi copiosis obiectam esse vaporibus, ad instar tenuissimae lanuginis, hic illic aliquantum interruptae, et leui flatu oris depellendae, sed mox sponte renascentis, nebula denique vaporum continuo ex aqua surgente. Quae cum ita sint, manifestum est, in negotio fluminis librandi, punctum V, item F esse in medio rariore constitutum, punctum autem A in densiore: et contra, punctum f, item v, esse in medio densiore, punctum autem A in rariore. Vnde per notissimas refractionis leges necesse est, vt, oculo prope A constituto, obiectum aliquod F, paulo infra horizontem VA constitutum, altiore loco appareat, e. g. in V, in linea horizontali apparente VA. Nec minus necesse est, vt obiectum aliquod f, paulo supra horizontem vA constitutum, et ex A spectatum, humiliore loco appareat, e. g. in v, in linea horizontali vA. Cum itaque centrum vtriusque Tabulae F et f tentando attolatur aut demittatur, donec observatori ad libellam prope A consistenti puncta ista F et f appareant in libella puncti A, adeoque in punctis V et v, ope semitarum luminis curvilinearum FA et fA, aut expressius loquendo, ope curvarum semitarum FM et fL, et tangentium respondentium MV et Lv (§. 9); erit, inter loca fluminis D et B,

$$\text{decliuitas vera} = VD - AB = VC + CD - VC = CD \quad \alpha$$

$$\text{decliuitas inuenta} = FD - AB = FC + CD - VF - FC = CD - VF \quad \beta$$

adeoque $\beta < \alpha$, seu $CD - VF < CD$.

Similiter inter fluminis loca B et G, erit

$$\begin{aligned} \text{accliuitas vera} &= AB - vG = AB - AH = HB. \quad \alpha \\ \text{accliuitas inuenta} &= AB - fG = AH + HB - fv - vG = AH + HB - fv - \\ &\quad AH = HB - fv. \quad \beta \end{aligned}$$

adeoque $\beta < \alpha$, seu $HB - fv < HB$.

Hinc

c) in Transactionibus Anglicanis. num. 212. p. 183.

Hinc elucescit, in fluminibus librandis, decliuitatem aequae ac accliu-
uitatem inuentam tanto magis a vera deficere debere, quanto maior fue-
rit fluminis ST decliuitas CD aut accliuuitas HB, quantoque maior fuerit
distantia duarum stationum AV aut Av assumpta, itemque quanto crassio-
res densioresque fuerint vapores ex aqua ascendentes; et proinde, prae-
cipue ob horum incommodorum postremum, tempus Vernale et Autu-
mnale generatim, item, si aestiuis diebus res agatur, tempus diei multum
e meridie remotum, hisce Operationibus minime aptum esse. Ponamus e. g.
BD = BG = 400'; AB = 4'; FD = 5'; FG = 3'; VF = 1'; fv = 1'; CD =
HB = 2'; erit inter Terminos extremos G et D, aut intra viam GD in-
tegram 800 pedum,

$$\text{integra decliuitas vera} = CD + HB = 2 + 2 = 4',$$

$$\text{sed integra decliu. inuenta} = CD + HB - VF - fv = 2 + 2 - 1 - 1 = 2',$$

$$\text{consequenter mensura decliuitatis verae} = \frac{CD + HB}{GD} = \frac{4}{800} = \frac{1}{200} = 1 \text{ ad } 200,$$

$$\text{at mensura decliuitatis inuentae} = \frac{CD + HB - VF - fv}{GD} = \frac{2}{800} = \frac{1}{400} = 1 \text{ ad } 400.$$

§. XIII.

In Meditationibus de Origine Fontium, etc. d) §. 2. num. 4. 5. 6.
nouam methodum proposui veram Telluris Figuram inuestigandi, ope
librationis aquarum secundum ductum longissimorum Fluminum, inde
a fontibus vsque ad ostia maris; quam etiam in sequentibus vsque ad §. 18
fatis dilucidauit. Quare cum egomet ipse, vna cum Amicis eruditis pau-
lo post idem monentibus, probe perspexissem, tanti Consilii executionem,
propter libellarum haecenus cognitarum imperfectiones (§. 7), multaque
alia incommoda adiuncta (§. 8. 9. 10. 11. 12), nimium laboris, tempo-
ris atque sumtuum postulatūram, et nihilo secius eius rei euentum non
adeo iustum fore, quam pro vera Telluris Figura determinanda requiri-
tur; mox mecum agitare coepi de noua Machina excogitanda, aquis ex-
pedite, et exiguo labore sumtuque librandis aptissima, et quae tantam ac-
curationem admitteret, vt in spatio 100 milliariū germanicorum, nulla

Bb 3

tanta

- d) Hoc opusculum latino sermone a me conscriptum primum prodiit A. 1741.
cum Anonymi versione gallica ex aduerso collocata, sub Titulo: Meditations
sur l'Origine des Fontaines, l'eau des Puits, et autres Problèmes, qui ont
du rapport à ce sujet. à Bordeaux. 1741. in Forma 4ta. Huius Versionem
germanicam, a me ipso adornatam, et nonnullis accessionibus locupletatam,
edidi A. 1746. cum hoc Rubro: Vernünftige Gedanken von dem Ursprung
der Quellen, und des Grundwassers, auch von andern damit verknüpften
Sachen. Berlin und Leipzig. 1746. in Forma 8va.

tanta inter decliuitatem veram et inuentam metuenda sit differentia, quae pro ratione scopi attentionem aliquam mereatur. Ad quod obtinendum, statim videbam, mihi si fieri possit, omnem lineae horizontalis apparentis producendae curam abiiciendam esse, aequae ut collineationis cuiuscunque ex statione in stationem, siue id horizontaliter fiat, siue sub angulo elevationis, aut depressionis, et saltem id spectandum, qua ratione dati loci linea horizontalis vera immediate determinari, et expedite produci possit, spei plenus, desideratam machinam fore in suo genere simplicissimam perfectissimamque (§. 6). Huius machinae designatio animo concepta cum mihi ex voto successisset, eam A. 1741 latino sermone in chartam exacte coniectam, priuatim et per vices communicavi, Gedani aequae ac in Germania, cum nonnullis Viris illustribus, quorum merita suspicio: neque enim animus erat in ea diuulganda festinare; quam ob causam etiam in Actis Eruditorum Lipsiensibus A. 1742. pag. 280. nouam hanc machinam aquis librandis destinata tribus saltem, quod aiunt, verbis indicaui, exacta eiusdem descriptione in aliam occasionem reiecta. At vero hoc anno currente, cum schediasma illud latine conscriptum, re ita postulante, in Conuentu nostrae Societatis physicae non sine assensu recitauerim; praesenti occasione vtor, ad idem in linguam germanicam transfusum, et nonnullis additamentis locupletatum, in lucem publicam proferendum.

Problema.

§. XIV.

Inuenire nouam Machinam, quantum licet commodam et accuratam, pro librandis aquis inter duos Terminos longissime a se inuicem remotos, et ad idem flumen sitos.

Resolutio.

Tab.I. 1) Fabricentur duae eiusdem Figuræ et magnitudinis naues aëruarum apertae A et B, planae carinae, parietibus ad perpendicularum directis, ne facile super aqua vacillent, longitudinis circiter 20, latitudinis, ubi maxima est, 10 vel 12 *), altitudinis 4 vel 5 pedum, ut vix ad 6 digitos in aquam immergantur, dum quaelibet earum 8, 10, vel 12 hominibus, reliquoque necessario instrumento nautico onerata est.

2) In earum prora sit foramen quadrangulare C et D, altitudinis pedis vnus, latitudinis autem duorum pedum, cuius latitudo inferior planum carinae contingat.

3) Hoc

*) Nimirum latitudo ad proram et puppim sit 10, et in medio 12 pedum. Nihil tamen obstat, quo minus, commoditatis gratia, praeferrí possit latitudo constans 12 pedum.

3) Hoc foramen hiet in canaliculum ligneum, aquam non transmittentem, super plano carinae exstructum $C\alpha$, vel $D\beta$ et superne saltem apertum, cuius longitudo $C\alpha$, vel $D\beta$ sit 10, latitudo 2, altitudo $1\frac{1}{2}$, vel 2 pedum, ne aqua per foramen C vel D hausta in reliquam naus cavitatem irruere possit. In fundo Canaliculi fascia eius media, latitudinis circiter vnus pedis, nulla habeat foramina, at reliqua pars inter fasciam et parietem lateralem vtrumque sit instructa 5 vel 6 foraminulis, diametri vix semipollicaris, per quae aqua Canaliculi ad eandem cum flumine libellam assurgat, etsi, re ita exigente, foramen maius C vel D, pro fluctuatione aquae in canaliculo cauenda, obturari contingat, tabula cataracta, aliove obturamento conueniente eam in rem praeparato.

4) Ex corio crassiore, oleo probe impraegnato, et aquae imperuio, parentur duo Tubi, aliquantum flexibiles, lacinia coriacea, latitudinis $\frac{3}{4}$ digitorum, iuxta longitudinem exteriorem assuta, quae habeat foraminula interuallum 6 digitorum inter se distantia, et pro funiculis promte admittendis satis ampla. Tuborum diameter interior non sit minor 2 digitis: ob metum enim aeris casu quodam inclusi, et continuitatem aquae, non sine totius intentionis detrimento, interrupturi, nimis angustos esse non oportet; sitque Tubi vnus longitudo constans integra $\alpha\beta$ 600, alterius 1000 pedum parisinorum, quorum ille destinetur flumini maiorem, hic vero flumini minorem celeritatem aut decliuitatem habenti librando. Ad hanc longitudinem, quantum datur, efficiendam, antea opus est, vt experimento cum eiusmodi tubo longitudinis 20 aut 30 pedum instituto, definiatur, quantum decrementi longitudo eius patiatur, si per interuallum 24 aut 48 horarum sub aquis demersus fuerit: hinc enim de vera illorum longitudine, quanta in aquis futura sit, non erit difficile iudicare. Parum tamen interest, siue descripta ista longitudo $\alpha\beta$ exacte obtineatur, siue minus, dummodo, quanta in vsu sit longitudo $\alpha\beta$, perspectum habeas. Ceterum tuborum breuior id quoque commodi praestat, vt eo uti possis, interea dum maior, quoties opus est, reficitur.

5) Huiusmodi Tubi extremum vtrumque, sit, in interuallum vnus pedis, tantillo maioris diametri, et arctissime committatur cum Tubo cupreo huius conditionis, vt habeat longitudinem 10 pedum, ita vt pars vna 2 pedum, sit Cylindrus cauus diametri 2 digitorum, pars autem reliqua 8 pedum, sit parallelepipedum cauum, baseos quadratae, lateris 3 digitorum, et, loco huius baseos clausae, sit planum superius, prope extremitatem, pertusum foramine circulari α , vel β , diametri 2 digitorum,

rum, et cochlea mare orichalcea instructum, cui Tubus verticalis vitreus $\alpha\alpha$, vel $\beta\beta$, diametri 2 digitorum, et in altero extremo cochlea femina orichalcea armatus, firmiter coniungi possit, Tubi vitrei $\beta\beta$ altitudine 8, alterius autem $\alpha\alpha$ saltem 3 pedum existente.

6) Ne vitro facile noceri possit, sit eius superficies exterior fasciis orichalceis verticalibus ita praemunita, ut tres saltem vitri fasciae, latitudinis semipollicaris, appareant.

7) Tubi vitrei longioris $\beta\beta$ labrum superius habeat formam crateris, ex lamina orichalcea parati, pro aqua commode infundenda, et Tubo recuruo integro $\beta\beta\alpha\alpha$ successiue replendo, eum in finem, ut, si forte durante infusione bullulam aëris in Tubo coriaceo alicubi nasci contingat, semper locus altior adsit, quorsum aër ascendere, et tandem per $\alpha\alpha$ euadere possit. Nec inutile erit, etiam Tubi vitrei breuioris $\alpha\alpha$ labrum superius simili cratere orichalceo instruxisse.

8) In cuiuslibet fasciae orichalceae margine, sinistro aequae ac dextro, sit scala geometrica in pedibus parisinis, digitis, lineolis, et lineolarum decimis (aut ad minimum quartis) exactissime elaborata, ita quidem ut initium numerationis particularum, zyphra (o) notatum, ubique a plano carinae 4 digitorum intervallo praecise distet.

9) Porro paretur funis natator, ex tenui vimine cocto satis laxo contextus, ut aliquantum flexibilis maneat, et, ne virgarum extremitates hic illic prominentes usum eius incommodum reddant, aut filamentum lineo vestiendus, aut tenui corio integendus, diametri semipollicaris, et amplius, non solum aquae notabiliter supernataturus, sed etiam Tubi coriacei natationem subleuaturus. Eius longitudo, a longitudine Tubi coriacei, cupro in utraque extremitate armati $\alpha\beta$ [quae (per num. 4) est 600 vel 1000 pedum]. 22 aut 24 pedibus deficiat. Duo igitur requiruntur funes natatores, quorum alter 576, alter 976 pedum parisinorum.

10) Tubo coriaceo utroque, in extremitatibus iam cupro armato, una cum respondente fune natatore utroque, per biduum sub aqua detentis, et deinde in viciniam aquarum deuectis, ipsi Tubo $\alpha\beta$ super planitie, e. g. super prato longe excurrente, extenso coextendatur funis natator, praetermissis tamen ab utroque Tubi extremo 12 pedibus, lacinia illa coriacea foraminulis distincta sursum spectante, et in coextensis, ope decempedae parisinae, rubrica notentur loca 10 pedum intervallo inter se distantia, in punctisque ita signatis, ope filamentum crassioris per globum ligneum, diametri 2 digitorum, traiectione, natator Tubo ita alligetur, ut intervallo circiter unius digiti inter se distent. Consultum autem est, ut hi

glo-

globi antea illinantur colore oleo diluto, alii viridi, alii albo, alii rubro, rursus alii flauo, et sic porro, vt etiam inferuire possint mediocribus distantiiis a Tubo vitreo $\alpha\alpha$, quoties opus videtur, commode explorandis. E. gr. ab α versus β computando, primum conspiciantur 9 globi virides, qui, vna cum extremitate Tubi 12 pedum prominente, atque primo globo abhinc interuallo 8 pedum adhuc remoto, conficiunt longitudinem 8. $10+12+8=80+20=100'$; deinde sequantur 10 globi albi, itidem longitudinem 100 pedum efficientes; post hos 10 globi rubri; et sic porro. Denique Tubus, ope funiculorum, per foraminula in lacinia 6 digitorum interuallo distantia, traiectorum, cum natatore aliquantum laxe connectatur.

11) His factis, Tubus $\alpha\beta$ denuo secundum rectam extendatur; eius extremum vtrumque, seu parallelepipedum cupreum inter quatuor palos in terram defixos sollicitè firmetur, tubique vitrei $\alpha\alpha$ et $\beta\beta$, ope cochlearum in α et β reperiundarum, verticaliter erigantur, et ad baculos humi defixos sollicitè alligentur, vt in nullam partem procidere possint. Tum aqua per craterem β infundatur in tubum recuruum $\beta\beta\alpha\alpha$, donec aut ad α , aut ad β exundare incipiat, Instrumento hocce per aliquot horarum interuallum ita relinquendo, vt appareat, an Tubus pressioni aquae 2 vel 3 pedes altae sustinendae par sit, nec ne. Aqua enim in vtroque Tubo vitreo celeriter subsidente, necesse est, vt Instrumentum vel ad cochleas orichalceas α et β , vel in commissura corii et cupri, vel in aliis locis intermediis facile inueniendis vitium habeat, hac occasione corrigendum. Si autem aqua in vitro lente admodum subsidit; id saltem indicium est corii adhuc nonnihil aquae sensim imbibentis: hoc casu expleatur aquae quod deest, quam primum opus videtur, obserueturque, quanto tempore opus sit, donec corium Tubi aquam imbibere desinat.

12) Fiant quoque duo eiusdem figurae et magnitudinis Pontones E et E (Tab. I. Fig. 4.), cum prora bifurcata F et F prominente. Vtrius Tab. I. que furcae aut rostri longitudo sit 5 vel 6, latitudo interior 3, et deni Fig. 4. que interuallum inter vtrumque interiectum 4 pedum. Inter F et F ita adaptetur fucula, vt eadem aut omnino, aut saltem eius scytae, facili negotio iterum remoueri possint. Rostrorum vsus est, vt operarii ad spatium inter F et F interiectum commode accedere, ibidemque anchoram ferream 100 circiter librarum, quali Piscatores vtuntur, iacere, aut huius loco, contum diametri 3 vel 4 digitorum, aut tignum paulum ab imo praeacutum et ferro munitum, superne autem annulo ferreo cum

Cc

annulo

annulo mobili annexo instructum, longitudinis, pro re nata, 8, 10, 12 vel 15 pedes longum, ope mallei, aut fistulae manualis, in fundum fluminis, quantum opus est, adigere possint, per fuculam deinde facile euellendum. Reliquum Pontonis habeat figuram quadrati, lateris ad minimum 20 pedum. Quodsi ambo Pontones ita colligentur, ut quatuor rostra in directum iaceant, Tuborum coriaceorum maior cum fune natatore connexo (*num. 4. 5. 9. 10.*) iisdem imponi poterit, aliquoties ordinatim in orbem flectendus, et tandem ad locum destinatum deuehendus, opere autem peracto similiter auhendus. Extra hunc usum Pontones à se inuicem disiuncti manent, quorum vnus perpetuo naui B, praesertim in statione sua firmandae, praesto sit, in anchoris scilicet iaciendis, palisue in fundum adigendis occupatus; alter autem plerumque versatur pone naui A, circa stationes superiores iam derelictas, pro palis, anchoris truncis cum fune annexo fluitantibus euellendis, colligendis, et pontoni prope naui B constituto supportandis, ne huic earum rerum copia vnquam deesse possit; nauium enim actuariarum A et B vsus his rebus rudioribus administrandis impediri non debet, nec earum Oneratio, quae constans requiritur, vlllo modo variari, Tubo quoque $\alpha\beta$ inter A et B firmato, eiusmodi Operationi prorsus aduersante. Si denique consultius videatur abstinere a Tubo maiore atque natatore connexo aliquoties in orbem adeo arctum flectendo, metu ne inde vitium aliquod contrahant; ad eundem aduehendum et auhendum vtendum erit compluribus permodicae latitudinis ratibus materiariis seu tignariis inter se coniunctis. Eadem plane ratione Tubus minor $\alpha\beta$ (*num. 4. 5. 9. 10.*) supportari posset, non nisi in casu necessitatis (*num. 4.*) adhibendus.

13) Tandem quoque construantur tres naues speculatoriae, seu celoces, ad commercium Consiliorum cum Obseruatoribus in A et B constitutis alendum, aliaque ministeria nauibus A et B praebenda destinatae. His armamentis comparatis, libratio fluminis ita instituitur.

14) Conuocatis hominibus huic navigationi se commissuris, iubentur suam quique naui cum apparatu necessario conscendere. Requiritur autem pro vtroque nauigio A et B duo obseruatores, socius vnus, famulus vnus (qui simul, ephippiariam facere edoctus, operam praestare possit, si quando Tubus coriaceus $\alpha\beta$ inter vtendum forte vitiatu fuerit), et bis bini remiges, alternatim remos tractaturi; praeterea adsint 6 dolia cereuisiaria vacua, quorum tria ad marginem nauis sinistram, reliqua tria ad dextram collocanda, et in usum futurum aqua replenda. Pontonum

num quilibet possit quatuor, et celox quaeque duos socios nauales. Deinde Pontonibus (aut ratibus) coniunctis decenter imponatur Tubus coriaceus (num. 12). contra vim Solis et venti materia velari madefacta contegendus. Quibus factis, omnes ingrediantur profectionem ad locum fluminis superiorem, vnde initium capere debet aquarum libratio. Ibidem nauis A, pro natura loci, aut ad anchoras pone nauim iactas, aut ad palum in flumen adactum firmetur, apertura C ostium fluminis spectante; contra autem nauis B, locum fluminis depresso occupans, ad distantiam circiter 1000 aut 600 pedum parisinorum (num. 4.) consistat, apertura D torrenti fluminis obuersa. Nauium alligandarum causa, earum altera A in parte puppis superiore, altera autem B in parte prorae superiore, annulo ferreo instructa esse debet: ceterum alligatio et relaxatio per socios nauales in celoce constitutos peragitur.

15) Nunc Pontones coniuncti (aut rates compositae) contra torrentem fluminis promoueantur versus nauim A eiusque aperturam C; nautarum duo apprehendant Tubi coriacei $\alpha\beta$ extremitatem cupream α , foramine α antea suo subere probe clauso; hanc inter rostra F et F collocatam, adiuuantibus nautis in celoce constitutis, immittant in aperturam C, vsque in canaliculum C α ; Tum Obseruatorum vnus in A eam attollat ad altitudinem aliquot digitorum, alter autem, exempto obturaculo ex subere parato, Tubum vitreum $\alpha\alpha$, ope cochleae feminae, cum parallelepipedo cupreo artissime connectat; deinde ambo Obseruatores vtrumque parallelepipedi extremum ad fundum canaliculi C α firment, ope annulorum ferreorum quadrangularium ibidem afferruminatorum. Tab. I. et eiusmodi furcae ferreae, spatium inter duos annulos interiectum ex Fig. 5. plentis, atque ad extremitates cochleis instructae; praeterea, adhibito tenaculo ligneo, ad latus canaliculi affigendo, et in quo latus annuli interiorius panno villosio vestitum sit, tubum vitreum in suo situ tutum atque inconcussum praestent; et denique aperturam C obturamento in eam rem praeparato ocludi curent. Ceterum in parallelepipedo cupreo ad fundum carinae firmando id quoque sollicito curandum est, vt punctum α obtineat locum, quem longitudo nauis media definit.

16) Iam in Pontone coniuncto duobus nautis locus assignetur in rostris F et F, quatuor autem aliis ad Tubum coriaceum, operam daturis, ne tubus, aut natator coniunctus, vna cum suis globulis ligneis annexis perturbetur, atque damnum patiatur, dum reliqui duo nautae Pontonem remis leniter secundum decursum fluminis incitare iubentur: sic enim procedendo, Tubus cum suo natatore sensim atque satis apte in superficie

perficie fluminis explicabitur, Tubusque, quando aqua replebitur, ad 2 digitos infra superficiem aquae haerebit, natatore cum suis globulis ligneis aquae supernatante. [Idem multo facilius praestabitur, si, loco Pontonium coniunctorum (*num. 12.*), adhibita fuerit ratis ista paucos pedes lata, sed praelonga].

17) Tubo $\alpha\beta$ propemodum integro, super aquam extenso, navis B prope accedat ad pontonem (aut ratim), ut alterum parallelepipedum cupreum β per aperturam D in canaliculum D β immitti, ibidem ab Observatoribus eodem, quo *num. 15.* dictum est, modo ad planum carinae firmari, tuboque vitreo $\beta\beta$ armari possit, ope tenaculi lignei, praesertim cum altero tubo $\alpha\alpha$ multum altior sit, contra concussionem et damnum inde secuturum defendendo: quo facto, apertura D, suo obturamento adhibito, occludatur. Hoc in negotio itidem curandum est, ut punctum β exacte obtineat locum in longitudine navis medium, eo sine, ut punctum α exacte cadat in punctum β , quando navis A pervenit in stationem a naui B modo derelictam, et puppim suam aequae longo fune alligandam curavit, quanto prora nauigii B ibidem alligata fuit.

18) Quoniam aqua Canaliculi C α et D β ad altitudinem 4 digitorum supra planum carinae assurgere debet, donec principium numerationis particularum, Zyphra (o) in margine fasciae orichalceae signatum, attingat (*num. 8.*); calculus autem ex magnitudine navium A et B (*num. 1.*) descripta, itemque ex proprio navis pondere, eiusque oneratione (*num. 14.*) subductus ostendit, aquam in canaliculis sic non nisi ad altitudinem 2 digitorum supra carinam ascensuram esse: nunc in utraque naui A et B curandum est, ut sex ista dolia *num. 14.* commemorata, tamdiu aqua impleantur, donec aqua canaliculi punctum illud o attingat. Aqua ad id efficiendum requisita vix adaequabit mensuram quinque doliolum prorsus repletorum. Haec modo determinata aquae altitudo quatuor digitorum constanter est servanda. Quodsi igitur, re ita postulante, vectorum in naui numerus augendus sit, veluti receptis hospitibus, praesertim regionum, ubi res agitur, bene peritis, aut si alio quocunque modo onerationem augeri contingat; vice versa pondus aquae in doliis contentae minuendum erit, tanta parte aquae emissa et e naui eiecta, quanta opus est ad altitudinem aquae ad punctum o restituendam; et sic porro in aliis casibus. Cur autem naues A et B ultra 6 digitos ad summum, immo, in casu necessitatis, ultra 4 digitos in aquam immergi nolimus, causa haec est, ne nauigatio ista, per loca fluminis vadosa hic illic obuia, impediri possit.

19) Dum haec aguntur, Obseruatores in B frequenter inspiciunt tubum vitreum $\beta\beta$, an in eo aquae quidquam compareat, nec ne. Si intra semihoram nihil eius compareret, ex eo intelligunt, Tubum coriaceum adhuc sartum tectum esse. Quam ob rem, cum Tubus $\alpha\beta$, aequae ac naui B, longe minore temporis interuallo, vi Torrentis fluminis, ad statum manentem reducatur; continuo edicunt sui pontonis nauis, vt ante aperturam D, in distantia 15 aut 20 circiter pedum, et prope tubum coriaceum, aut anchoram iaciant, aut saltem palum in fundum adigant (*num. 12*). Porro nautae in sua celoce versantes funem satis longum, quo anchora aequae ac palus instruitur, per annulum naui B traiectum ita adstringant, vt rigescat, nec tamen naui ex sua statione emoueat, atque retrorsum versus anchoram trahatur; locum autem funis annulo proximum signent, forcipulam ligneam cochlea instructam ibidem firmando, vt naui A cum sua celoce superueniens habeat exemplum, quod ipsi in alligando exacte sit sequendum.

20) Iam canat Tuba ex B, ad attentionem naui A excitandam, Tubusque $\beta\beta\alpha\alpha$ protinus, caute tamen, aqua repleatur, donec in vitro $\beta\beta$ ad altitudinem 2 pedum consistat. Tum per aliquot minuta prima cesset infusio, vt appareat, an interea aqua notabiliter subsidat, nec ne. Id si non contingit, Tubus omni vitio caret (*num. 4. 11*). Iam Tuba ex B iterum canente, plus aquae affundatur, sed admodum lente, et per vices, donec audiatur Tuba ex A, indicans, aquam etiam in vitro $\alpha\alpha$ comparere coepisse, et hinc in B, ab vitro $\beta\beta$ ulterius implendo prorsus desistendum esse. Tum per craterem α nonnihil aquae superaddatur, donec ea, prout visum fuerit, exacte ad 6, aut 8, aut 10 digitos supra o in Tubo $\alpha\alpha$ consistat, et attendatur, an ea intra aliquot minuta subsidat, nec ne. Quodsi ea altitudinem suam constanter seruat; omnia ex sententia succedunt, tubaque ex A denuo canere iubetur, pro utroque vitro $\alpha\alpha$ et $\beta\beta$ obseruando, altitudinibusque exacte obseruari accurate atque suo ordine in commentaria sua, de libratione aquarum conscribenda, referendis. Ad infusionem caute peragendam, opus est, vt aequae in A et B (loco crateris) adsit infundibulum orichalceum, cuius tubulus, in diametro vnus digiti, constat ex corio parum rigido, longitudine tubuli, pro B, 8 pedum, pro A, 3 saltem pedum circiter existente. [Isthaec prima libratio aquarum inter duas primas stationes, vna cum praeparatione annexa, a *num. 14*. vsque ad 20, equidem aliquot horarum moram postulat; at in stationibus sequentibus Operationes erunt tanto promptiores].

21) Hac consignatione in B facta, eius exemplum Celoci tertiae (quam *Curforem nauticum* appellare possis) traditur, sine mora ad A deferendum, dum interea canit tuba in B, pro naui A per suae celocis homines soluenda. Qua soluta, respondet tuba ex A, pro naui B, per suae celocis homines pariter soluenda, anchora tamen paloue intacto manente, item pro *trunco ligneo fluitante*, 12 circiter librarum, et coloris albi, oleo diluti, ad extremitatem funis forcipula lignea ornati, satis commode firmando, et tum demum fune in aquam iaciendo, ne submergatur, sed ibidem a naui A inueniri, et eodem modo adhiberi possit.

22) His factis, ex sola naui B, Tuba datur signum profectionis, nautaeque in A leniter remigando pergunt prorsum, dum interea Socio, quorum vnus in vtraque naui adest (*num. 14*), commendatur cura Tubi coriacei, ex permultis diuersi coloris globis fluitantibus (*num. 10*) facile agnoscendi, vt scilicet attendat, ne is in itinere tantopere in directum extensus sit, ac ante, nec tamen multum a recto tramite desleat: quam in rem opus est, vt opportune nautas admoneat, de remis nunc fortius, nunc remissius tractandis, aut plane aliquantisper inhibendis. Inter haec Cursor nauticus appellit ad A, tradit exemplum *num. 21*. commemoratum, sciscitans, num quid responsi sit perferendum ad B, an non. In vtroque casu satis cito dimittitur, vt nauim B adhuc in statione proxime sequenti attingere possit: neque tamen inutile erit, ex A eiusdem generis exempla Observationum ad B perferenda dedisse. Post haec obseruatores in A, quae relata fuerint ex B, suo loco in commentaria referunt, nec minus differentiam altitudinum obseruatarum, et nihilo minus litterulas istas secundum ordinem temporis numeratas diligenter asseruant. Naui denique A ad truncum fluitantem (*num. 21*) appropinquante, ex A signum Tuba datur, pro cursu nauis B sistendo, eiusque regimine soli flumini permittendo, nec minus pro silentio Tubicini in B indicendo, ex quo intelligatur, obedienter imperata facta esse.

23) Tum nauis A locum capit, puppi truncum fluitantem et haecenus intactum spectante; deinde cum sua celocē accedit propius, huiusque nautae, Trunco in celocē recepto atque soluto, funem ad anulum nauis A adstringunt, prout forcipula annexa ostendit; tandemque exauditur clangor Tubae ex A, pro naui B pariter, modo supra (*num. 19*) descripto, in noua sua statione firmanda.

24) His rebus in B confectis, ex B signum Tuba datur, pro aqua in vtroque tubo vitreo $\alpha\alpha$ et $\beta\beta$ obseruanda; id quod, interea dum Tuba ex A respondet, peragitur, et protinus in commentaria refertur, huiusque

iusque descriptionis in B exemplum traditur Cursori nautico ad A perferendum.

25) Iam signum tuba datur ex B, pro naui A soluenda. Quo facto, ex A idem signum datur, pro naui B soluenda, et ceteris exsequendis, quae *num. 21.* praecipuntur. His factis, ex sola naui B canitur profectio; in hoc itinere Cursor nauticus naui A occurrens tradit secundam relationem ex B acceptam, ex praecepto *numeri 22.* adhibendam. [Hoc loco in transitu monendum est, isthac ratione breui obseruationes admodum curiosas prodituras, de decliuitate vnius eiusdemque fluminis in diuersis locis diuersa, longitudine viae licet manente eadem, quae, si vna cum rebus circumstantibus et adiunctis (id est, distincte satis) perscriptae fuerint, Mathematicis quoque, quibus Hydraulices amplificatio cordi est, insignem operam praestare poterunt]. His agendi rationibus (*num. 21. 22. 23. 24.*) insistendo, libratio aquarum magis magisque producit, a statione ad stationem, a Confluentibus ad Confluentes fluminum lateralium, ab oppido ad oppidum, donec tandem ad mare perueniatur, dummodo Pontones E et E fungantur officio suo *num. 12.* descripto.

26) Quoties in conspectum Ostii fluminis lateralis ventum erit; profunditate fluminis ibidem inuestigata, Sociorum aut Obseruatorum vnus, consensu Course nautico, globulos diuersicolore natatori annexos, et e media regione Ostii sitos, oculis subiiciat, huiusque a vitro $\alpha\alpha$ aut $\beta\beta$ distantiam determinet, ex qua postea per calculum inueniri possit, quanta futura esset altitudo aquae in $\beta\beta$, si, nunc tubo coriaceo breuiori existente, naui B exacte ante medium Ostii confisteret; eo fine, vt duplici hac notitia vti liceat, quando alio tempore, flumine laterali pariter librato, altitudines comparatiuae omnium locorum ad flumen laterale aequae ac ad primarium sitorum accurate erunt definiendae.

27) Vltimo adhuc admonendum restat, de recenti aqua Tubo coriaceo $\alpha\beta$ frequenter, ad minimum bis quotidie, praebenda, vt eo certius a corruptione integer seruetur. Ad quod circumspicte conficiendum, opus est, vt in commissura parallelepipedo cuprei atque tubi vitrei $\beta\beta$, cochlea lente, nec tamen omnino, relaxetur, dum interea per craterem α affunditur aqua circiter 37680 digitorum cubicorum, seu $2\frac{29}{32}$ pedum cubicorum, [quae est capacitas Tubi $\alpha\beta$ 1000 pedum (*num. 4.*)], aut ad summum 30 pedum cubicorum, vsque dum, hoc facto, ex A signum Tuba detur, pro cochlea iterum adstringenda, tuboque $\beta\beta$ firmando. Hac ratione Tubus coriaceus $\alpha\beta$ a limo purgatur et eluitur; nec tamen propterea aqua in canaliculo ligneo D β ascendet, multo minus

nus superfagnabit, cum per foraminula in carina obuia (num. 3) in flumen delabi possit.

His consideratis omnibus manifestum est, aggregatum altitudinum in $\alpha\alpha$ obseruatorum ex aggregato altitudinum in $\beta\beta$ obseruatorum subtrahendo, differentiam inuentam, quantum licet, accurate ostendere debere, quanta sit decliuitas aquae inter stationem nauis A primam, atque nauis B ultimam (id est, quot pedibus parisinis depressior sit superficies fluminis in Termino ad quem, respectu superficiei eiusdem fluminis in Termino a quo, aut, quod eodem redit, quot pedibus altior sit Terminus a quo, respectu Termini ad quem), consequenter in omni eiusmodi casu machinam pro librandis aquis hactenus descriptam insigni cum compendio adhiberi posse (§. 6. 13. et §. 14. num. 26. in fine). E. gr. sit longitudo $\alpha\beta$ 1000 pedum parisinorum, et numerus stationum in librando adhibitarum = 101; necesse est, ut nauis A per vices deueniret in 100 stationes diuersas, a prima scilicet inclusue vsque in centesimam; et nauis B pariter in 100 stationes diuersas, nempe a secunda inclusue vsque in centesimam primam. Porro (ut Calculus facilius euadat) nunc ponamus, differentiam altitudinum aquae in utroque Tubo vitreo inter quaslibet duas stationes proximas repertam esse eandem, e. g. = $66'' - 6'' = 60'' = 5'$; integra decliuitas aquarum intra Terminos a quo et ad quem conficeret summam ($100.66'' - 100.6'' = 100.60'' = 100.5'$) 400 pedum parisinorum, id est, intra viam $4\frac{4}{7}$ milliarius germanicorum (§. 3).

§. XV.

Non multa meditatione opus est ad perspicienda commoda ab hac aquas librandi methodo expectanda. Et de his ipsis nunc, colophonis loco, paucis mihi erit agendum.

I. Quam primum Obseruatores vna cum Sociis et Operariis huic labori assuefacti sunt, id quod intra biduum aut triduum fieri potest; intra spatium vnus horae ad minimum quinque Cursus, mille pedum singulos, conficere, h. e. 5000 pedes parisinos procedere, et hinc, aestate adulta, praesertim aëre tranquillo, intra 15 horas, quas cuique diei aestiuo assignare licet, viam 75000 pedum parisinorum, id est, ultra tria milliaria germanica (§. 3) quotidie librando absolueri poterunt; et quidem nulla fere hominum defatigatione. Obseruatores enim, ad minimum alternatim, interea dum remigatur ex statione vna vsque ad proximam, sub tentorio sedendo, aut cibo capiando (quem et sibi et Operariis in Pontonum alterutro apparari commoditas exigit) sese reficere, aut etiam

etiam Actorum commentaria conficiendo, calculosque respondentes exiguos subducendo, tempus iucunde fallere poterunt; remigibus in A et B, praesertim non nisi alternatim remos tractantibus, vicissim sua commoditate vsuris, dum obseruatur, aut anchorae iaciendae, nausque vel alligandae vel soluendae mora interponitur; immo totius instituti ratio ita comparata est, vt etiam operariis in Pontone aut Celoce constitutis tempus et occasio quiete ciboque sese reficiendi deesse nequeat, dum interea nihilo minus Opus sine vlla intermissione feruet. Accedit, quod omnes, aut certe Operarii, partim Pontonibus, partim nauibus A et B pro diuersorio vti, ibique stratis sub tugurio cubilibus, pernoctare possunt.

II. Impedimenta, quae in haecenus vsitatis libellationibus, etsi per pauca saltem milliaria producendis, stupendos labores, sumtus, moras erroresque parere solent, prorsus euanescent. Hic enim nullae intercurrere possunt valles, colles, montes, stagna, lacus, flumina, nullae paludes syluaeque; non opus est caedendis arboribus, ad syluam hic illic obiectam perspectabilem reddendam; neque opus est, praetorum ac praeruptorum montium iugis conscensis, ibidem praegrandia ex decoratis arboribus monumenta exstruere, quae ex aliquot milliarium distantia conspici possint; nec erroribus ex refractione luminis variabili, praesertim, in collineatione horizontali, ortis hic locus est, nec iis, quae a dioptrarum erronea positione, aut a situ lineae horizontalis aliquantum aberrante, proficisci possunt, qui alias tantum non vbique se ingerentes, difficulter agnoscuntur, et multo difficilior corriguntur aut euitantur (§. 11. 12).

III. Errores, qui in huiusmodi machinae, aquis librandis destinatae, vsu forte euitari nequeunt, sunt adeo exigui, vt merito nulla eorum ratio sit habenda, adeoque considerandi, ac si plane abessent. Nam etsi ponamus, in aestimanda altitudine aquae vtriusque Tubi vitrei peccari quantitate $\frac{2}{5}$ lineolae, et quidem ad $\alpha\alpha$ in defectu, ad $\beta\beta$ autem tantum in excessu, ita vt error totus semper tendat ad lapsum aquarum iusto maiorem exhibendum; posita nunc, per hypothesin, mensura deliuitatis mediae, vt 1 ad 200, inter primam nauium stationem foret altitudo lapsus vera ($= \frac{1 \cdot 1000}{200}$ ped. $= \frac{1440 \cdot 1000}{200}$ lin.) $= 7200$ lineolae decimis, consequenter altitudo lapsus vera ad erroneam, vt $\frac{7200}{10} : \frac{7204}{10} = 1800$ ad 1801. hoc est, error metuendus maximus foret $= \frac{1}{1800}$ altitudinis inueniendae, adeoque in longitudine fluminis 36 milliarium germ. error

metuendus maximus tantum assurgeret ad $\left(\frac{1,36. \text{mill. germ.}}{200. 1800} - \frac{36,20000 \text{ ped. geom.}}{200. 1800} - \frac{2,1}{1}\right)$ 2 pedes geometricos, quorum 20000 vnum milliare germanicum conficiunt.

IV. Haec noua libella nulli vitio contrahendo obnoxia est, nisi eo, quod aliquando Tubus $\alpha\beta$ alicubi aquam transmittere possit. At vero hoc vitium, vbi accidat, nullum tamen in aquis librandis errorem gignere potest, cum obseruatores latere nequeat, sed statim sese prodat necesse est ex aqua in vitris subsidente, ex eo saltem admonendos, de Tubo altero non vitiato ad tempus arcessendo.

V. Ceterum haec noua libellandi methodus id quoque maximi momenti commodum adiunctum habet, quod simul egregias opportunitates praebeat Geographiae, sine noua notabili impensa, perficiendae. Vtraque enim nauis A et B simul vehere potest Geographum in arte delineandi aequae ac in Geometria bene versatum, nec non aliquot viros prudentes, ex vicinitate euocatos, regionumque, vbi res agitur, peritissimos, consequenter aptissimos ad relationes fide dignas de statu regionis politico aequae ac physico suppeditandas. Ambo Geographi, regionibus ad dextram laeuamque fluminis inter se partitis, quousque prospectus pater, locorum et regionum se offerentium situm diligenter explorare, et, occasione arrepta, sufficientem rerum huc spectantium notitiam sibi comparare, eaque omnia accurate litteris mandare possunt. Enimvero singulis explorandorum capitibus enumerandis supersedeo, contentus Geographos haec tria admonuisse, 1) de profunditate, 2) de flexura fluminis obseruanda, quoties naues A et B in nouam stationem peruenerunt: id quod in nauis A, per pyxidem magneticam ex $\alpha\alpha$ versus $\beta\beta$ collineando, et ope declinationis magneticae obseruatae, satis recte fieri potest (quo tamen in negotio simul consultum erit, quotidie, si fieri potest, examinasse, an declinatio magnetica, pro locorum mutatione, variationem aliquam passa sit, nec ne), et denique 3) de latitudine fluminis, in qualibet noua statione, ad minimum quam proxime, definienda: haec namque tria capita praecipue perspecta esse oportet, si obseruationes de decliuitate fluminis in diuersis locis diuersa (§. 14. num. 25.) ita distinctae esse debent, vt simul scientiae Hydraulicae locupletandae inseruire queant.

§. XVI.

Iam quoniam horum trium postremum, latitudo nempe fluminis cuique nauium A et B stationi respondens, immediate obseruari nequit; promta

promta autem, quae desideratur, libellationis continuatio non patitur, vt, expositis qualibet vice in terram Geographis eorumque adiutoribus, iuxta ripam, per artificia geodaetica, latitudinem quaesitam venemur, aut, huius loco, eandem ope Tubi coriacei breuioris 600 pedum (§. 14. num. 4.) immediate metiri studeamus: mihi insuper ostendendum erit, qua ratione idem sine his ambagibus praestari possit. Hunc in finem requiritur

I. Vt ad manus sint tres celoces aut nauculae, ab illis (§. 14. num. 13.) diuersae, singulae duobus nautis, et quatuor aut 6 baculis geodaeticis instructae. Harum duae priores continuo praesto sint naui B, altera earum, ad ripam fluminis dextram, baculum II, aut III, etc. altera ad sinistram ripam baculum 2, vel 3, etc. collocante, conuenienter ad iteratam significationem ex B manu factam. Tertia naucula tantummodo seruit naui A, in eius statione prima, baculos I et 1 ad dextram sinistramque ripam pari modo collocando. Extra hoc officium autem eadem versatur plerumque pone nauim A, et occupatur ad stationes superiores iam derelictas, in baculis ad ripam relictis secundum hunc ordinem I. 1. 2. II. III. 3. etc. iterum colligendis, et ad duas priores nauculas, quam primum opus videtur, deuehendis, ne his eorum copia deesse possit.

II. In naui A aequae ac in altera B adsit Instrumentum goniometricum (vulgo, Astrolabium), sed pyxide magnetica instructum, cuius pedamentum commodè ad dextrum latus canaliculi lignei $C\alpha$, vel $D\beta$ cochleis firmari possit. Nimirum in naui A, Instrumentum goniometricum ita firmatur, vt eius centrum immineat dextri lateris puncto a , quod ab α versus aperturam C, quantitate 4 pedum, sed a linea media $\alpha CD\beta$ saltem quantitate 4 digitorum versus dextram distat; in naui B autem ita, vt centrum Instrumenti immineat sinistri lateris puncto b , quod ab β versus puppim, quantitat 4 pedum, sed a linea media modo commemorata pariter tantum quantitate 4 digitorum versus sinistram distat, (facie scilicet versus aperturam C vel D directâ), eo fine, vt ipsius rectae ab longitudo aequetur longitudini ipsius rectae $\alpha\beta$ (e. g. 1000 pedum parisiorum), et praeterea illa ab huic $\alpha\beta$ parallela euadat.

III. Nauibus A et B in sua quaeque statione prima firmatis, et altitudine aquae in vitris $\alpha\alpha$ et $\beta\beta$ obseruata (§. 14. num. 19. 20.), nec minus profunditate fluminis in A explorata; in naui A, ope pyxidis magneticae in a constitutae, primo exploretur flexura fluminis (§. 15. num. 5),


D d 2


deinde

deinde Instrumenti regula mobili ad gradum nonagesimum adducta, instrumentum ipsum, ope globi intra pedamenti hemisphaerium cauum quaquaversum mobilis, tamdiu conuertatur, donec per dioptras regulae mobilis collineanti appareat pedamentum alterius Instrumenti goniometrici in b constituti. Tum instrumento in hoc situ, ope cochleae, firmato, fiat collineatio secundum diametrum instrumenti, h. e. per dioptras regulae immobilis, versus I et 1, et repetita manus significatione dextrorsum aut sinistrorsum, nautis prope ripam versantibus detur signum, donec baculi I et 1, tentando collocati, appareant in diametro continuata; quibus factis, explorentur anguli obliqui minores II. ab et 2. ab . Haec dum aguntur in A, eandem agendi rationem in naui B sequendo, baculi II. et 2 ita constituentur, ut angulus II. ba , item 2 ba fiat rectus, et tandem, ope instrumenti in b constituti, obseruentur anguli obliqui minores I. ba et 1. ba : neque tamen opus est: ut in naui B solliciti simus in profunditate fluminis, eiusque flexura, ope pyxidis magneticae, exploranda. Cum itaque in Triangulis rectangulis I. ab et 1. ab , item II. ba et 2. ba , praeter crus commune ab (1000 scilicet pedum parisinorum) etiam anguli obliqui ad b et a iam cogniti sint; ex naui B, crura a I et a 1, consequenter prima latitudo fluminis I 1, ex naui A autem, crura b II et b 2, consequenter secunda latitudo fluminis II 2, ope Trigonometriae facile inueniri poterit.

IV. Nauibus A et B in sua quaeque statione secunda firmatis, punctum a ex recta I 1, nunc cadit in rectam II 2, seu II a 2, punctum autem b ex recta II 2, nunc cadit in rectam III 3, seu III b 3. Altitudinibus aquae in vitris $\alpha\alpha$ et $\beta\beta$ obseruatis, et ex A secunda profunditate fluminis explorata, ope pyxidis magneticae, in secundo puncto a consistentis, determinetur secunda fluminis flexura, obseruenturque anguli obliqui minores III ab et 3. ab (baculos nempe III et 3 iam rite locatos suppono). In naui B autem nulla alia re opus est, nisi ut per regulam mobilem ad gradum nonagesimum instrumenti adductam, ex b retrorsum collineatur versus a , instrumentoque in hoc situ firmato, collineatio per regulam immobilem fiat versus utramque ripam, pro baculis III et 3 in diametro continuata rite constituendis, ut scilicet anguli III ba et 3 ba fiant recti. Cum itaque in Triangulis III ba et 3 ba ad b rectangulis, praeter crus commune ba , etiam anguli minores ad a obliqui, nempe III ab et 3 ab iam cogniti sint; ex naui A, crura quoque III b et 3 b , consequenter latitudo fluminis tertia III 3 inueniri poterit, quam primum otium dabitur eiusmodi calculos exiguos persequendi.

V. In-





do exp
quinta
opus si
cepta,
bus o/
stantia
lis erit
si aure
existat
(flexu
der, e

lonian
de sci
go iu
liffim
re p
Quam
quisq
atque
merc
Nau
secur
in adi
enim
bulas
in qu
oppi
breui
publi
iui,
missi
uect

V. Inter quaslibet duas stationes sequentes seruetur agendi ratio, modo exposita (*num. IV.*) pro sequentibus fluminis latitudinibus, quarta IV₄, quinta V₅, etc. inueniendis, ita quidem, vt eum in finem in naui B non opus sit ullos angulos obliquos explorare, sola eius statione prima II₂ excepta. Quodsi ergo ductus fluminis, seu eius vera directio, quam Tubus $\alpha\beta$ sequitur, inter duas stationes vnā eandemque rectam faciat; distantia quoque stationum ab longitudini $\alpha\beta$ (e. g. 1000 pedum) aequalis erit, consequenter etiam latitudo fluminis inuenta, prorsus accurata: si autem ductus torrentis fluminis inter duas stationes aliquantum flexuosus existat; distantia quoque stationum ab aliquantum minor erit longitudine (flexuosa) $\alpha\beta$, adeoque latitudo fluminis inuenta veram aliquantum excedet, et hinc tantum vero proxime erit detecta.

Honor huius inuentionis, magni certe momenti et vtilitatis, ad Poloniam pertinet, cuius in sinu a viro, in republica litteraria illustri, et de scientiis mathematicis praeclare merito, excogitata fuit. Pertinet ergo iure etiam honor ille ad Poloniam, vt publicis sumtibus egregia vtilissimaque haec inuentio, in Vistula, Cracouia Gedanum vsque, ipsa re primum exequatur. Sumtus vix duo millia aureorum superabunt. Quam magno autem emolumento eiusmodi expeditio litteraria sit, vnusquisque, qui rem intelligit, facile capit. Non solum enim hydraulica atque in primis geographia Polona, insigniter locupletarentur, sed commercium etiam atque oeconomia haud leue inde incrementum caperent. Nauigatio enim Vistulae, Cracouia Gedanum vsque, omni ex parte secura redderetur, et Vistulae inundationes, saepius tam magna damna in adiacentibus agris et pratis facientes, impediri facilius possent. Duo enim illi viri, hanc expeditionem litterariam dirigentes, duas vel tres tabulas geographicas deinde delinearent, pro vsu publico in aes incidendas, in quibus non tantum omnes Vistulae flexurae cum adiacentibus pagis et oppidis, verum etiam Vistulae profunditates innumeris in locis, insulae, breuia et syrtes, accuratius delineata essent. Ob insignem inde vsum in publicum redundantem, consilium etiam cum celeberrimo inuentore iniui, vt haec expeditio litteraria suo tempore et loco, ea, qua decet, submissione, proponatur, qui mecum eam suscipere, aetate licet iam prouectus, in vsum regni Poloniae, in animo habet.

V.

LAVR. MIZLERI *de Kolof, Med. Varsaviensis, observatio*
ex medicina practica selecta, de phthisi confirmata, in
Virgine XV annorum curata.

Doctrina phthiseos illiusque symptomata nimis sunt nota, quam ut ea hic repetere habeam opus. Morbum vero hunc, ut plurimum esse lethalem non fugit neminem. Gaudeo igitur me hic asserere posse in contrarium exemplum viuum, quod summa fuerit correptum phthisi, non solum ab omnibus, qui id inspiciebant, sed et a medicis pro insanabili, et quasi mortuo, reputatum. Virgo nobilis H. de T. quindecim annorum, menstrua iam per annum ordinatim passa, corporis satis obesi et temperaturae sanguineae, a matre vidua ob temporis aliquid faciendi neglectum grauius repressa, illo ipso tempore cum ex nimia viuacitate, currendo saliendoque efferbisset, moesta ac perturbata cereuissae frigidae, paulo ante ex cauea apportatae, maiorem ingurgitat copiam, quam antea in usu habuit, initio mensis maii, anni praeteriti. Quinque diebus elapsis, loco hilaris animi, torporem mentis, corporisque segnitiam obseruarunt, quae negligebantur. Circa finem Maii quotidie fere animi impatientia crescebat cum imminutione virium. Tandem secunda Iunii noctu febre subito fuit correpta calida, quae adhibitis pulueribus nitrosis cum regimine blande diaphnoico tertio quidem die recedere videbatur, calor tamen internus cum siti remanebat. Illo tempore aegrotans valde debilis et inquieta primum tussire per interualla coepit, vrina aquosa sine sedimento, flaua tamen. In medio Iunii menstrui haud rite et per diem tantum profluentibus, manifesto febris lenta et incipiens contabescencia obseruabatur, phlegma vero album, quod per tussim iam crebro eiiciebatur, glandulas bronchiorum pulmonalium materia tenaci et glutinosa suffartas esse, haud obscure probabat. Phthisin nunc in via esse, conuictus eram, quam, praeter respirandi difficultatem, aliaque nunc dicta signa, et sanguinis pulsus paruus, creber et repens praesagebat. Omnia igitur media contra phthisin, obseruato optimo vitae regimine, adhibebantur, in primis serum lactis cum saccharo lactis. Decoctum pectorale etiam ad diluendum et resoluendum quotidie aliquoties propinabatur, additis pulueribus digestiuis ex lapid. S, ☿, Olato, sale absinth. et pulu. rad. ari. Sed haec omnia plane nil iuuabant, et de die in diem omnia erant peiora. Circa medium Iulii menstrua haud apparebant, materia flaua saniosa, et aemula puris crebro exspuebatur, aliquoties cum striis sanguineis, spirandi difficultas maior,

maior, insignis virium et corporis consumtio, appetitus prostratus et sumto prandio febris lenta exacerbata fuit. Iam omnino aegrotæ status desperatus et conclamatus videbatur, breui vitæ extremum spiritum editura. Mater vidua eo magis turbabatur, quo plures, filiam vnicam de vita periclitari, prædicebant. Abiectis igitur omnibus mediis, quæ vulgo adhibentur, longe aliam et nouam viam ad sanandam hanc virginem ingressus sum feliciter, quam paucis nunc sincere describam.

Persuasum mihi habui, me nil effecturum, nisi ante omnia menstrua restituam, et quidem sine internis remediis, quæ calidiora febrem lentam tantum augment. Pediluua igitur quotidie adhibere iussi, et deinde venam ex pede secare, sanata ex venæ sectione cicatrice, continuo iterum pedes in aqua tepida lauati fuere, et circa finem Iulii menses profluxerunt per aliquot dies, bono omine; licet non in debita quantitate. Aegrotæ quidem aliquod leuamen sentiebat, phthysicos autem symptomata in eodem manebant gradu omnia, in primis corporis consumtio sub oculos cadebat, ossaque sub cute apparebant. Mensuram, quarta semper die, circa eandem brachii locum, accepi, quæ aegrotam contabescere adhuc monstrabat. Tussis nimium adhuc vrgebat, et materia saniosa flaua mane male odorata. Accedebant sudores post mediam noctem, et aliquoties alui obstructio.

Ex physiologia notum est, succum lymphaticum corpus nostrum nutrire et augere. Cum autem e contra ratio in phthysi corpus tabescat, sine dubio ob inspissatam et impuram lympham, et ob hoc nimis acrem euadentem, et corporis nutritioni haud inseruientem, primam indicationem esse credidi, lympham corrigere acrem. Sed quid iuuaret, per varia velle remedia corrigere lympham acrem, nisi prius diligenter in fontem, vnde lymphæ illa acris generatur, inquiramus. Qui ex physiologia in mentem reuocat, inter alias functiones pulmonum naturales et illam esse, quando quouis sanguinis transitu, lymphæ quantitas excernitur, et sic refluens cum sanguine purificata ad nutriendum corpus præparatur, simulque, ex phthysicos theoria, memoria tenet, sæpius eam, vt hic casus erat, ab induratis et suffartis glandulis bronchialibus incipere, facile, vt mihi videtur, hanc inuenire potest veritatem; *lympham inspissatam et acrem, corpus depascentem, in phthysi semper præsentem, originem trahere ab glandulis induratis bronchialibus, vel etiam ex ulceratis.* Quem medicum fugit, lympham a capite refluam, in venam iugularem et subclauiam, a thorace in ductum thoracicum, ab abdomine in capsam lumbarem se exonerare, et cum sanguine mixtam pulmones ingredi.

gredi. Noua autem chyli et lymphae accessio in pulmonibus cum sanguine non solum intimius miscetur, attritur, unde calidior fluidiorque ad cor redit, sed etiam particulae impurae, inutilesque lymphae refluae excerni debent, sine hoc enim lympham continuo refluxa breui impurior semper redderetur. Hoc ita esse omnino debere, experientia ipsa demonstrat. Arteriae asperiae et bronchiorum rami omnes semper mucosa humiditate sunt repleti, et per tunicam, quae bronchia et arteriam asperam vestit intus, continuo magna humiditatis copia pro irrigando hoc canali separatur. Instrumenta igitur, ope quorum lympham ex pulmonibus excernitur, sunt glandulae bronchiales, et tunica arteriae asperae et bronchiorum. Recentiores quidem usum nondum satis determinarunt glandularum bronchialium, sed ex analogia glandularum non alium habere possunt usum, quam ut lympham in pulmonibus secernant, vel excernant.

Cum ergo nullum dubium sit, lympham in pulmonibus excerni debere, et quidem per glandulas bronchiales, et tunicam arteriae asperae bronchiorumque, ita ratiocinatus sum: *Quia lympham spissa et acris, corpus depascens, in phthysicis ab induratis et exulceratis glandulis bronchialibus oritur, tota cura phthysicos in eo consistit, ut glandulae bronchiales induratae referantur et exulceratae consolidentur.*

Dubium hic, ante quam plura dicam, remouere debeo. Doctus medicus mihi forte dicit: phthisis non semper ab glandulis induratis bronchialibus et exulceratis, sed saepius etiam a Vomica incipit, quo in casu glandulae bronchiales integrae sunt, et difficile erit, demonstrare, lympham acrem, in phthysicis corpus depascentem ab induratis et exulceratis glandulis bronchialibus tantum oriri. Ad haec respondeo: verum est, phthisin saepius etiam a vomica incipere, de qua autem mihi hic non sermo est, sed hoc non obstante, semper adest in phthysi exulceratio pulmonum, sit a vomica vel glandulis bronchialibus exulceratis. Vbi vomica est, quae verum pus generat, facile intelligitur, puris particulas sanguinem ex pulmonibus ad cor refluxum inquinare et sic etiam lympham a sanguine impuro secretam, impuram reddere. Et quis dubitare potest, vomicam glandulas etiam bronchiales inficere, indurare et exulcerare. Quis enim vidit ex phthysi mortuum, a vomica coepta, quando verum pus in notabili quantitate euomuit, qui habuisset glandulas bronchiales integras, et non etiam exulceratas? Praeter haec exulceratio pulmonum, vel a vomica vel a glandulis bronchialibus coepta, semper in causa est, ut functio naturalis pulmonum, nempe lymphae excretio et secretio, impediatur, et sic lympham impura, acris, et corpus depascens reddatur. Vi-

detur

detur mihi maxima pars medicorum in curanda phthisi hanc lymphae in pulmonibus excretionem negligere, quae tamen summi momenti est. Hanc enim si restituere et partes exulceratas consolidare haud possumus, in vanum laboramus. Et hanc ob causam etiam, ni fallor, tam paucissimi veri phthistici curantur.

Redeo nunc ad propositum meum. Cum persuasum mihi haberem, glandulas bronchiales induratas et ex parte iam exulceratas omnino referari et deinde consolidari debere, optimum, ad id efficiendum, medium eligendum erat, ommissis omnibus aliis, quae tanta fiducia a variis sine effectu commendantur. Quid vero melius ad referendas glandulas et lympham acrem corrigendam inueniri potest, quam mercurius dulcis? Non diu haesitavi eum eligere, licet in Polonia infamia ab ignorantia notatus sit. Cautè quidem cum eo semper mercandum, sed si rectè administretur, vix in corrigenda lymphæ et referendis glandulis inuenitur medicina efficacior.

Notandum nunc qua ratione eum adhibuerim, mixtum nempe cum spermate ceti, oculis canerorum et saccharo albo, aequalis ponderis, in dosi valde refracta. Ad tres enim uncias huius pulueris duodecim Grana Mercurii dulcis adiecta fuere, aegrotæ vero accepit singulis diebus huius pulueris quater drachmam dimidiam, et sic granum vnum Mercurii dulcis in die.

Semper superbibebat decoctum ex herbis et radicibus aperientibus, et decima tertia die, cum puluerem sumere coepisset, dedi blande laxans ex tamarindis, foliis fennæ, sale tartari, semine anisi, in aqua fontana cocta, addita mannae calabrinæ uncia vna. Leniter subducta aluo melius parum se habere mihi aegrotæ videbatur et hilarior. Erat hoc medio Augusti, quo tempore aerem mutare, ex vrbe secedere iussi, ablegans eam Viastouiam prope Varsauiam, vbi in horto cum matre per duas hebdomadas degebat. Tempus esse credidi simul nunc medium consolidans adhibere, quod proxime ad pulmones deferretur. Omnes quidem ferè medici putant, vlcera pulmonum nullo alio modo purgari et consolidari posse, nisi per medicamenta interna et excretiones generales, ideoque medicamenta vulneraria et consolidantia propinant, in quo valde mihi errare videntur. Omnia enim illa medicamenta, ante ad pulmones quam veniant, naturam consolidantem exuunt, et plane mutantur, nullumque alium vsum habent, quam vt vasa subtilia, quae permeant, adstringendo claudant, et obstruant in perniciem sanitatis, quale est antihæcticum Poterii, medicamentum perniciosum, quod diu iam ex dispensatorio Brandenburgico eiici debuisset. Miror, alios medicos diu ante me,

Ee

modum,

modum, ope respirationis medicinam consolidantem ad pulmonum vlcera proxime adhibere, non inuenisse. Qui enim scit per effluuia corrosiua et calcaria cum aere in pulmones delata phthisin produci posse, facile colligere potest, per effluuia balsamica et consolidantia ope respirationis ad pulmones allata, eorum vlcera, si caetera recte se habeant, sanari etiam debere.

Quando mercurium dulcem ad corrigendam impuram lympham et referendas glandulas bronchiales adhibui, nil noui est, quia alii medici ante me, aethiopem mineralem, et mercurium dulcem in phthisi adhibuerunt, licet ego non experientia et commendatione aliorum, sed ratio- cinio ductus eo vsus sim hac in cura. Cum vero inde non speratum effe- ctum viderint, non alia fuit causa, quam quia media efficacia consoli- dantia non simul, et quidem proxime, ope respirationis, adhibuerunt. Vera enim phthiseos cura maxime in sanatione vlcerum pulmonum con- sistit. Haec autem sanatio, vix aliter, quam per effluuia balsamica et consolidantia, ope respirationis proxime ad pulmones delata, absolui poterit.

Noua igitur excogitata methodo, iussi quotidie ter super pectus, baccas iuniperi contusas applicare, eum in finem, vt particulae balsamicae, consolidantes, ex baccis iuniperi contusis exhalantes continuo ope respi- rationis proxime ad pulmones deferrentur. Vix hoc erat factum per hebdomadam, cum aegroti facilius spiritum duceret, et tranquilliori esset animo. Puluis albus supra dictus cum mercurio dulci quotidie quater fumebatur et circa finem Augusti eodem, vt antea, medicamento, alius fuit blande laxata, in magnum aegrotae solatium, sequenti die menstruis rite profluentibus.

Cum omnia bene succederent, iisdem medicamentis, nempe puluere albo cum mercurio dulci, quater in die sumto, et ter in die baccis iuni- peri contusis super pectus applicatis, singulis duabus hebdomadis aluo blande subducta, per duos menses, Septembrem et Octobrem fuit con- tinuatum, menstruis, singulis mensibus, recte se habentibus. Sic tussis paulatim cessabat, phlegma saniosum sensim imminuebatur, vires recu- perabantur, et habitudo corporis firmior pededentim euadebat. Circa ini- tium Nouembris iam tussis et excreatio plane cessabant, et consolidatio vlcerum in pulmonibus omni ex parte absoluta erat. Iussi ergo ab omni- bus medicamentis abstinere, et Deo gratias pro restituta sanitate agere. Sed aegroti adhuc per aliquot dies baccas iuniperi applicuit, dicens se odore illarum fragrante recreari. Quamuis vero aegroti iam ad pristi- nam,

nam sanitatem redibat, corpus tamen adhuc erat gracile, licet auctius, quam durante phthisi. Sed tantum tempore hyemis sequentis profecit, ut non solum statura maior, pulchriorque, sed etiam obesior, quam antea nunquam, fuerit facta, neminimo quidem phthiſeos signo relicto, cuius indicium, illud maximum esse videtur, quando aliquoties in circulo honestarum aliarum virginum ac matronarum choreis per sex horas sine ullo incommodo indulsit, integra nunc sanitate gaudens.

Quod si medicis, exteris in primis, digna attentione haec observatio videatur, optarem, ut observationes, si eadem methodo vrantur, mecum communicare benigne velint in incrementum artis salutaris, qui totus in eo sum, ut phthiſin semper curabilem, si res nondum sit conclamata, reddam. Hunc in finem instrumentum vitreum excogitaui, quod super caput phthiſici imponitur, longo canali munitum, per quem evaporationes particularum balsamicarum et sulphurearum ita in instrumento illo colliguntur, ut phthiſicus nil nisi aerem valde balsamicum ope respirationis hauriat et ad pulmones deferat. Spiraculo munitum est, ut liber aer, si necessarium sit, semper accedere possit. Cucurbita vero satis ampla balsamicis ingredientibus repleta et super balneum Mariae posita, cum longo canali iuncta est, ope cuius evaporationes balsamicae consolidantes, vi ignis ad instrumentum pelluntur, ubi phthiſicus quasi concentratas eas inspirat. De hoc instrumento, quo nondum in praxi usus sum, alio tempore differam.

VI.

*Observatio de Efficacia Moschi cum antimonio diaphoretico mixti in febre catarrhali petechizante, auctore**D. ERNESTO IEREM. NEIFELD.**Medico Lesnensi.*

Tempestatum, aerisque constitutio, plane insolita, et eorundem subitae et vehementes, ex frigido in calidum, siccum in humidum, et vice versa, vicissitudines, tantam, sub finem anni praeteriti, corporibus humanis, intulit mutationem, ut plures nostra in ciuitate, febribus putridis exanthematicis, malignitatis speciem referentibus, fuerint adfecti. Optima, vsuque in eiusmodi morbis, comprobata remedia, omni cum cautela, a me fuerunt praescripta; sed minus sufficere videbantur, ad acrimoniam salino sulphuream, sanguinis crasin destruentem, diluendam, expellendamque.

damque. Hinc de remedio aliquo efficaciori cogitans, in hoc morbo, forte non sine salutari effectu tentari posse moschi virtutem, putavi. Neque spem meam fefellit euentus. Qui enim postea, meae se tradiderunt curae, per Dei omnipotentis gratiam, integram, per hoc remedium, recuperarunt sanitatem. En morbi decursus medendique, qua usus fui, methodum!

Primis morbi diebus, conquerebantur, de grauius artuum, capitisque dolore, summo virium languore, et inappetentia. Tertio ut plurimum die, horripilationem excipiebat calor praeternaturalis, increfcens cum exacerbatione omnium symptomatum. Pulsus erat celer, debilis et contractus: respiratio difficilis et profunda; vrina pallida sine sedimento, levisque animi defectio, et tussis sicca, adfligebant; In hoc rerum statu, praemissa, si opus, venae sectione, aluus adstricta, clysmate emolliente soluta fuit, atque praeter pulueres Nitroso camphoratos, et serum lactis cum cremore Tartari confectum et debita portione herbae acetosae et acetosellae decoctum, nil fuit exhibitum. Die morbi sexto omnia quidem mitiora esse videbantur; statim vero augmentum capiebant symptomata. Maxima erat inquietudo, mens turbata, somnus nullus, tendines subliebant; singultus, animi deliquia, et cardialgia pessimum morbi indicabant statum. In superficie corporis hinc inde maculae coloris purpurei, et liuido fusci in conspectum veniebant. Pulsus inaequalis debilis et contractus erat. Sitis deficiebat. In hoc articulo morbi, die nempe octauo, viginti quatuor grana moschi puluerisati, cum scrupulo semisse antimonii diaphoretici, remixta, exhibui. Vix vna vel altera hora erat elapsa post usum huius pulueris, cum sudore integrum corpus perfundebatur, per viginti quatuor horas largissime continuante. Aegroti, summam inde patiebantur virium iacturam; statuae similes iacebant sine omni motu et sen, super vnum vel alterum diem. Vndecimo morbi die, vniuersa corporis superficies, confertim obfessa, conspiciebatur maculis liuido fuscis et pustulis albis purpureis. Pulsus erat mollior et sedatior, respiratio aequabilior, vrina sedimentum ponebat, et ad se redibant patientes licet summe debiles. Praescripsi mane et vesperi, puluerem ex cremore Tartari c. Lap. cancr. citr. remixto in aquis destillatis adsumendum, et pro potu vinum rhenanum cum multa aqua dilutum, et ita auxiliante Deo cum sanitate in gratiam redibant miseri.



VII.

NOVA LITTERARIA POLONICA.

CELSISSIMIS, ILLUSTRISSIMISQUE POLONIAE
MAECENATIBVSOMNIBVSQUE LITTERATIS POLONIAE HISTORIARVM
AMATORIBVS

S. P. D.

LAVR. MIZLERVS DE KOLOF,

SER. REG. POLON. CONSILIAR. AVL. ET MEDICVS
ACAD. MOGVNTINAE SCIENT. VTIL. NECNON
SOCIET. SCIENT. MVS. IN GERMANIA
SOCIVS ORDINARIVS.

Arduum tandem et diu iam ante meditatam opus aggredior, editurus breui Scriptorum historiarum Poloniae et magni ducatus Lituaniae, quotquot ab initio reipublicae Polonae ad nostra vsque tempora extant omnium, ordine chronologico digestam, collectionem magnam, partim ob exemplarium raritatem, cum annotationibus meis et correctionibus iterum impressorum, partim ex autographis celeberrimae bibliothecae Zaluscianae, primum nunc editorum, cum copiosissimis indicibus. In tomo primo continentur scriptores topographici omnes, nempe sequentes;

I. POMPONIVS MELA de Sarmatia, cum commentariis
IOACHIMI VADIANI.

II. AENEAE SYLVII, postea summi pontificis PII II, relatio de Polonia, Lituania et Prussia.

Ee 3

III. ERAS-

III. ERASMI STELLAE, Libanothani, Libri duo, de Borussiae antiquitatibus.

IV. ALEXANDRI GVAGNINI, Veronensis, seu potius STRIGOVII, Poloni, (Guagninus enim fuit plagiarus) Chorographia totius Poloniae, Lituaniae, Prussiae et Liuaniae.

V. MARTINI CROMERI, episcopi Varmienfis, Polonia, siue de situ, populis, moribus, magistratibus et republica regni Poloni, libri duo.

VI. MATTHIAE a MICHOWIA, Med. Doct. et canonici Cracouiensis, de Sarmatia Asiana et Europaea libri duo.

VII. SIGISMVNDI lib. bar. in HERBERSTEIN descriptio Lituaniae.

VIII. HARTMANNI SCHEDELII commentariolus de Sarmatia.

IX. STANISLAI SARNECII descriptio veteris et nouae Poloniae, vt et Russiae ac Liuaniae.

X. IOAN. CRASSINII Polonia. Bononiae 1574. Liber rarissimus, qui duodecim aureis nummis saepius fuit emtus.

XI. SIMONIS STAROVOLSCII Polonia, cum additamentis et annotationibus Martini Boehmii, Prof. gymnaf. Thorunens. ex autographo bibliothecae Zaluscianae.

XII. SIGISMVNDI SWIENCICII descriptio ducatus Masouiae ad Stanislaum Lubiensium, episcopum Plocensem, missa. ex autographo bibliothecae Zaluscianae.

XIII. ANDREAE CELLARII nouissima descriptio regni Poloniae, magnique ducatus Lituaniae, omniumque regionum iuri Polonico subiectarum, vna cum regni huius geographica delineatione.

XIV. LVCAE OPALENII Polonia defensa contra Barclaium.

XV. DAVIDIS

XV. DAVIDIS CHYTRAEI Vandalia, regionum ad mare Balthicum, Pomeraniae, Prussiae, Liuaniae, Moscouiae, Poloniae principes, et statum reipublicae et ecclesiae summatim exponens.

XVI. Descriptio succincta regni Poloniae, vna cum ducatibus eiusdem, palatinatibus atque regionibus, ex Germanica lingua translata.

XVII. Descriptio Vkrainae auctore de BEAVPLAN, ex Gallico translata.

XVIII. MARTINI ZEILERI descriptio regni Poloniae et Lituaniae.

XIX. CAROLI OGERII, Galli, iter Polonicum.

XX. BERNHARDI CONNOR, Angli, Med. Doct. antiquus et praefens regni Poloni status historicus, geographicus, physicus, politicus et ecclesiasticus.

XXI. IO. BAPT. PACICHELLI, Itali, de statu ac finibus Poloniae, ex historia itinerum per Europam christianam (memorie de viaggi per l'Europa.)

XXII. AVGVSTINI lib. bar. de MAYERBERG, de Polonia ex libro qui inscribitur iter in Moscouiam.

XXIII. LAVRENTII CORVINI ode Sapphica de Polonia et eius metropoli Cracouia.

XXIV. CONRADI CELTIS carmen ad Vistulam fluvium.

XXV. eiusd. Salinaria.

XXVI. ADAMI SCHROETERI, Silesii, iter Salinarium Sarmaticum.

Tomus secundus huius collectionis scriptores omnes genealogicos comprehendet, de quibus, tomo hoc primo absoluto, differemus. In tertio ipsa historia Polona ordine chronologico incipiet, adiectis semper variis annotationibus, correctionibusque, iis in locis, vbi scriptores Poloni manifesto hallucinati sunt. Vnusquisque tomus ex nouem alphabetis

betis in folio, seu ex ducentis plagulis, totum autem opus circiter ex tredecim tomis constabit, qui Varlauiae omnes mea sub inspectione typis nouis typographiae Mizlerianae cum Serenissimi Regis priuilegio exacte erunt et nitide impressi.

Forte Polonia nunquam tam magnum, tam vtile, tam sumtuosum opus sperauit, neque sperare potuisset, nisi tria feliciter simul extitissent. Primum est alma pax, qua Polonia ultra viginti annos iam gaudet, musis litterisque arridens. Secundum bibliotheca Zalusciana, quae omnia ad hoc opus congeffit et in patriae vsum benigne suppeditat, tertium vir talis, qui tam magnum laborem in se suscipere et posset et vellet, simulque sumtus ad tam magnum opus imprimendum inueniret. Primum Polonia debet Serenissimo Regi, diuino nostro AVGVSTO III, secundum celsissimo episcopo Cracouiensi et illustrissimo regni referendario, Zaluscii fratribus, bibliothecae publicae gloriosissimis fundatoribus, tertium non tam mihi priuato, quam potius illustrissimo supremo regni cancellario, IO. MALACHOVSCIO comiti adscribendum. Hic enim Maecenas in Poloniam me adduxit, in eaque me sustinens haec otia dedit, et praeter ea in erigenda typographia ad imprimendum hoc magnum opus singulari ex gratia adiunxit. Quartum nunc Vestrum est, vt alacriter subscribendo omni modo hoc institutum promouere simul velitis. Si verum est, vt historia salutaria consilia ad iuuandam rempublicam suppeditet, si verum, vt ea prudentiam ciuilem administret, si verum denique, vt illa commodum publicum augeat, per reipublicae salutem, per Vestrum posterorumque et publicum commodum vos rogo, obtestorque, vt in Poloniae honorem, Vestrorumque nominum gloriam, ad hoc opus, Vobis posterisque Vestris vtilissimum, contribuere recto tempore haud recusetis.

Quia Rudawsky annales regnante Io. Casimiro, Pol. rege, nuper a me editos, nec non acta litteraria regni Poloniae, benigno animo accepistis, spero fore, vt hoc opus maioris longe momenti et vtilitatis, eadem benigni animi testificatione accipiatis, cum illa leuia tantum specimina fuere, me ad hunc maiorem laborem non plane esse ineptum. Ratio mihi nunc danda, cur primus tomus scriptores topographicos, secundus genealogicos contineat, et cum tertio demum ipsa historia ordiatur. Rerum ordo, qui omnia gubernat, hoc exigere videtur. Certum enim est lectores, qui exacte regni, vel populi cuiusdam historiam cognoscere in animo habeant, eo melius intelligere eam, et in aperto versari vbique, si
prius

prius mores, regionum diuisiones, urbium maiorum descriptiones, viros illius populi magnos, familiasque illustres cognouerint generatim. Vtrumque docet geographia et genealogia, historiae oculi, quique chronologia, manu quasi historiae dextra, ducitur, vbique apertis oculis firmo pede incedit, omniaque accurate circumspectans non facile a veritatis via aberrat.

Opus ipsum quod attinet, varii de rebus Polonis scriptores, ex Polonorum, Gallorum, Germanorumque idiomatibus Latinitate erunt donati, ita vt haec collectio magna, scriptores alicuius pretii, de rebus Polonis comprehendat ad vnum omnes, exceptis tamen Rudauscii annalibus, quos nuper edidi, quorumque sufficiens adhuc exemplarium prostat Lipsiae et Varsoviae copia. Neque Zaluscii epistolae, pluribus tomis in folio comprehensae huc pertinent, licet sint historicae, quia facile acquiri adhuc possunt; ipsa autem facta ex iis erunt extracta, suo loco et ordine proposita. Si quis Vestrum iam varios rerum Polonarum scriptores possideat, haec tamen collectio magna Vobis prae illis commoda erit vtilissimaque, quia scriptores non solum correctiores erunt in papyro melioris notae excussi, eorumque loca obscura enodata, sed indices etiam copiosissimi, qui in antiquis editionibus omnibus fere deficiunt, vnicuique tomo adiecti, ita vt omnia, quae desiderantur, sine temporis dispendio, statim inueniri possint, ne quid dicam de scriptoribus, primum nunc ex autographis editis, quique separatim acquiri haud poterunt. Si praeter omnem spem autographa quaedam alicuius pretii, in bibliothecis inuenirentur, de quibus nunc non constat, tunc ea materiam ad supplementa, absoluto opere, dabunt. Tabulae etiam aeneae variae, in quibus monumenta publica repraesentantur, nummi etiam, tam antiqui, quam recentiores, in hac collectione ad illustrandam historiam reperientur, breui, omnem mouebo lapidem, vt hoc opus tam absolutum ac vtile sit, ac fieri per diligentiam potest.

Superest, vt conditiones pro iis, qui pro toto opere simul subscribere haud possunt, proponam.

- I. Impressio huius operis incipiet hoc anno medio Nouembris, quem in finem omnia praeparantur, et typi noui iam fusi. Absolutus erit tomus primus circa festum S. Michaelis anni futuri, et subscriptoribus distributus. Quicumque igitur nunc vsque ad d. 16. Nouembris soluit aureum nummum, quem ducatum dicunt, iusti ponderis, seu duos imperiales viginti grossos Saxonicos, tomum primum huius collectionis magnae accipiet dicto tempore, ea conditione, vt recipiendo tomum pri-

num soluat aureum nummum pro tomo secundo, recipiendo tomm secundum iterum aureum nummum pro tertio, et sic porro, in cuius fidem datur Syngrapha. Qui vero pro duodecim exemplaribus subscriptiones colligit, et pretium, duodecim aureos simul numerat, is tredecim accipiet exemplaria, id quod ad bibliopolas externos etiam extendimus.

II. Nullum exemplar, neque vnicum, poterit acquiri, nisi subscriptione, et qui emere velit tomm primum iam impressum, sine subscriptione, hac conditione emet, vt pretium ordinarium, quatuor imperiales, pro tomo primo numeret, et simul aureum nummum pro tomo secundo subscribendo soluat, et sic cum reliquis. Exactus valde ero in obseruanda hac lege, ne, vt aliquoties fieri solet, mihi obici possit, alios etiam non subscribentes, operibus iam impressis, eodem ac subscriptores pretio, acquirere ea posse. Qui vnicum exemplum in contrarium adducere potest, ei debeo integrum exemplar totius operis sine vlla solutione,

III. Ii, qui in charta scriptoria hoc opus impressum habere volunt, soluunt praeter aureum nummum, adhuc tres tynfones et duos sextarios, seu 18. grossos Saxonicos, id quod subscribendo ab initio tantum locum habere potest, quia plura, quam desiderantur, in charta scriptoria, non erunt impressa.

IV. Omnium subscribentium nomina vna cum dignitatibus, ordine alphabetico tomo primo erunt praefixa, nominibus procerum seorsum positis.

V. In Polonia subscribitur apud me Varſaviae in sic dicta platea cereuiſiae. Gedani apud spectabilem Dom. IO. NICOLAVM OEMCHEN, meritissimum ciuitatis Gedanensis scabinum et I. C. Schusterum, bibliopolam. Thorunii apud nobilissimum Dom. GILLER, ciuitatis Thorunensis secretarium. Elbingae apud nobilissimum Dom. Sigism. Mich. SIEFFERT, ciuitatis Elbingensis secretarium. Lipsiae apud Dom. Io. Frider. GLEDITSCH, bibliopolam, et beati Heinſii haeredes, apud omnes denique in Germania bibliopolas, qui commercium cum his Lipsiae habent. Vbi quis subscripsit, ibi etiam syngrapham et exemplar recipit, sine vllis expensis. Scribebam Varſaviae pridie Id, Augusti, et A. R. S. MDCCCLVI.



LAVRENTII MIZLERI

MEDICI VARSAVIENSIS


ACTA
LITTERARIA
REGNI POLONIAE

ET

MAGNI DVCATVS LITHVANIAE

ANNI M D C C C V

TRIMESTRE QVARTVM



CVM SERENISSIMI REGIS POLONIAE PRIVILEGIO

VARSAVIAE
EX TYPOGRAPHIA SAC. REG. MAI. MIZLERIANA

SVMMA CAPITVM

- I. De iuribus maiestatis Regni Poloniae, ex collectaneis DAVID
DISBRAVN II.
- II. Vita archiepiscopi Gnesnensis, seu regni Poloniae Primatis, NI-
COLAI DZIERZGOWSKI, auctore STANISLAO BVZENSKI.
- III. Catalogus comitiorum, sub IO. CASIMIRO & MICHAELE I
Poloniae regibus, celebratorum.
- IV Lexicon nunc viuentium in Polonia eruditorum, Cano-
nici & Bibliothecarii IANOEII, pars altera.
- V. LAVR. MIZLERI de KOLOF, Med. Varfauiensis, obseruationes
binæ ex medicina practica selectæ, de ozana & pernione, quo-
rum morborum vera remedia proponuntur.
- VI. Noua litteraria Polonica.



I

DE IURIBVS MAIESTATIS

Siue Regalibus, tertia carmine, in quo tanquam exercitio & executione legum Regni Poloniae, salus uniuersi corporis publici vertitur, succincta commentatio, ex collectaneis DAVIDIS BRAVNII, S. R. M. Prussiae Consilarii. Anno MDCCXXII. Coloniae (potius Elbingae) typis Theodoti Brabei. in 4. plag. 6.



Vandoquidem antiqui Duces & Reges Poloniae, non solum summum, sed & nullis legibus limitatum imperium in subditos omnes habuerunt, ideo de exercitio iurium maiestatis nullum dubium est, quin plenissimum penes eos solos, & ab iis per officiales administratum, fuerit. Cum fide christiana eam quoque mansuetudinem induerunt reges, vt ad episcoporum modesta monita iu-

ra sua secundum equitatem moderari permiserat. Et ipsum scilicet BOLESŁAI audacis, in arguentem crimina eius STANISŁAVVM, episcopum Cracoviensem, hoc euincit, non ex lege aliqua regni principes corrigi, sed Christianae charitatis argumentis moneri, vel rogari tantum, voluisse. Sublato demum, post vltimum, ex Piastis posteris, CASIMIRVM magnum, iure successionis haereditariae in regnum Poloniae, ab extraneo primo electo, LVDOVICO Hungaro, nobiles Poloni, magna privilegia & libertates a tributis & ceteris seruitiis, regibus debitis, & post eum, a VLADISŁAO IAGELLONE, eiusque filiis, plura sibi acquisiuerunt, quorum in principio tantum tenaces fuerunt custodes, mox cum accessione ad consilia publica, sub IO. ALBERTO & fratribus eius, regalium limitatores, deinceps summorum maiestatis iurium cum regibus participes facti, maximam eorum partem exercent. Ab excessu SIGISMVNDI AVGVSTI enim per crebra inter regna, singulis pactis conuentis plura sibi stipulati ordines regni, etiam iam a regnantibus per diplomata & constitutiones, nonnulla iura regalia, obtinere, vt tandem nullum ex maioribus regalibus liberae dispositioni regum relicta, quin imo quam plurima soli ordinum administrationi iam relicta & legibus definita sint. Ex enumeratione iurium omnium regalium res clarior patebit. *Ius successionis haereditarium* regni Poloniae, ab HENRICI electione, post excessum SIGISMVNDI AVGVSTI, vltimi, titulo domini & haeredis regni, regis, mox & STEPHANVS rex, in volum. p. 253, & sic omnes sequentes reges, in iuramentis suis ad illorum regum concessa iura & privilegia prouocantes, renuntiabant.

Primum ius maiestaticum, siue regale maius, est *ius armorum*, hoc est, exercitus scribendi, bella offensiva & defensiva gerendi, auxilia extra regnum mittendi, expeditionem quoque generalem nobilitati indicendi, quod CASIMIRVS III rex, privilegio suo cum ordinibus in Nieszawa a. 1454. primus communicauit, ibi pro-

promisit his verbis apud Laskium fol. 95. „item pollicemur: quod
 „nullas novas constitutiones faciemus, neque terrigenis ad bellum mo-
 „ueri mandabimus, absque conuentione communi in singulis terris in-
 „stituenda, quæ lex postea a IOANNE ALBERTO rege a. 1496, in
 Laskio fol. 105. item a SIGISMUNDO I. a. 1527, vt mercenarii
 milites cum eorum præfectis capitaneo generali exercituum re-
 gni obedire, & militari obedientia subiecti esse debeant: item a.
 1538 & a. 1545 a SIGISMUNDO III a. 1613 const. fol. 1, vbi solæ
 hostium subitæ incursiones, cum senatus consilio a rege repel-
 lendæ excipiuntur, sicut etiam in statuto a. 1527 expressum fuit:
 denique in pactis conuentis sequentium regum multis circum-
 stantiis clare explicata & amplificata est. Propterea VLADISLA-
 VS IV rex a. 1646. legiones stipendiarias, proprio ære, in scia re-
 publica, conscriptas, ab ordinibus in comitiis exauctorare co-
 actus fuit. vid. const. eiusdem anni. Sic rex AUGUSTUS II sin-
 gulari diplomate in constit. a. 1703 de lege hac, non faciendi bel-
 lum absque consensu reipublicæ, repromisit & cavit. In campo ta-
 men Rex supremum in exercitus regni habet imperium, quod
 absens per solos duces exercitus regni & M.D. Lit. gerit.

Secundum ius maiestaticum: *ius foederum*, iidem reges, si no-
 ua fuerint, absque consilio totius senatus, & sine mox sequenti
 confirmatione omnium ordinum reipublicæ exercere neque-
 unt, antiqua tantum renouare, tamen residentibus ad aulam re-
 giam præsentibus senatoribus.

III) *Ius legationum*, reges adhuc tempore HENRICI soli exer-
 cuerunt. vid. Fredro in Henrico. p. 97. Sed STEPHANVS in pa-
 ctis conuentis iam promisit, nihil in publicis negotiis absque se-
 natorum residentium consilio facere. SIGISMUNDVS III de-
 mum. a. 1588, in vol. p. 254. expresse legatos mittere, vel veni-
 entes audire, absque senatu, sibi vetuit. Postea etiam equestri
 ordinis consensus ad legationes accessit, constit. 1653 Iam igitur
 rex legatum mittendum quidem eligit, sed instructio ei ex senatus

consulto datur: reuersus legatus relationem suam scriptam in comitiis ordinibus reddere, & sihi velint, iurare tenetur, quod nihil cum extraneis principibus, præter instructionem, tractauerit. Vid. pacta conuenta IOANNIS III, item AVGVSTI II.

Ex maioribus regalibus est IV) *ius nomotheticum*, h. e. legum lationis, quod olim ante CASIMIRI M. tempora, ex absoluta potestate regis, supremi legis latoris in regno, profluxit. Sed CASIMIRVS III. in Nieszawa a. 1454 priuilegium concessit, vt nouas leges, nisi desideria subditorum e conuentibus prouincialibus audiuerit, non promulgaret. Tandem IOAN. ALBERTVS, assumtis ad comitia nuntiis terrestribus, omne ius nomotheticum cum ordinibus communicauit, a quo tempore huc vsque nulla, neque minima lex, absque nuntiorum consensu, promulgari potest.

Proximum V) *ius iudiciorum* reges & duces Poloniae, pro summo tribunali sedente, ante VLADISLAVM IAGELLONEM absoluta potestate exercuerunt. Hic vero primus priuilegio a. 1433 iudicalem potestatem suam restrinxit, quod nempe nobilem possessionatum terrigenam non debeat pro culpa aliqua captiuare, nisi prius iudicialiter fuerit conuictus, excepto, si fuerit in furto, incendio, raptu virginum, depopulatione villarum, vel spolio captus. Laski fol. 51, quam legem quidem ALEXANDER rex a. 1505. apud LASKIVM fol. 115, de nobili bonæ famæ, qui ter in regestris criminum non fuerit inscriptus, interpretatus est. Nihilominus ab eo tempore iudiciaria potestas valde restricta & priuilegium hoc a. 1550 & toties repetitum. Aucta denique potentia equestris ordinis, iam rigorem iustitiæ regiæ ferre noluerunt, ac STEPHANVM regem perpulerunt, vt ipsis omnem iurisdictionem cederet & tribunal summum ex nobilium deputatis a. 1578 ordinaret. Ab inde tantum causæ, bonæ regalia & oppidorum, nulla iam terrestria nobilium, tangentes, ad iudicia regiæ pertinent, præter causas maximas criminales, ad iudi-

iudicia comitialia pertinentes, quæ in constit. a. 1589, quæ sint, definiuntur.

VI.) *Ius tributorum & vectigalium* primus rex **LYDOVICVS** nobilibus & eorum subditis maxima parte remisit. De duodecim grossis enim a singulis iugeribus agri, decem grossos ac omnia alia quæcunque tributa, angarias & operas, perpetuo donauit, duobus tantum grossis in recognitionem domini reseruatis an. 1374 in Laskio fol. 40, quod privilegium **VLADISLAVS** IAGELLO a. 1433 & **CASIMIRVS** III a. 1454 in Nieszawa repetierunt. ibid. fol. 51 & 93. Inde cum ad necessitates reipublicæ præfecturæ præque oppignoratae, & duorum grossorum tributum non sufficeret, nobilitas roganda fuit, ut ad tributa necessaria consentiret. Hinc ob eam causam conuentus prouinciales, tandem etiam nuntiorum ad comitia regni accessus a regibus concessus, regi omne ius tributorum extorsit, & ordini equestri penitus addixit. Et propterea, quod tributa non nisi a nuntiis in comitiis scita valent, etiam oppida & agricolæ regii & ecclesiastici a tributis, donec in comitiis laudata fuerint, liberi sunt, quod rex **STEPHANVS** expresse ita promisit a. 1576.

De vectigalibus & teloneis tamen in terris & fluminibus, a mercibus exigì solitis, ibidem Rex **STEPHANVS** promisit, se nulla absque concilio ordinum introducturum. Nihilominus antiqua vectigalia adhuc regiae mensæ relicta sunt, sed quæ ab inductis & euectis, noua constituta, atque per constitutiones sæpe augentur, reipublicæ ærario vindicata sunt, sic ut rex dimidium prouentum teloneorum iam non habeat proprium.

Sequitur VII) *ius monetae cudendae*, quod reges Poloniae, prout in aliis regnis, non suo, sed subditorum commodo, exercebant. Et notatu dignum est, ante quam infelici consilio & damno regnorum Europæ infinito, argento æs misceri primo in Germania & Bohemia coeptum est, reges & principes solo regali, quod ipsorum imaginibus moneta signaretur, contemnos, nul-

lum

lum lucrum ex eo iure percipere voluisse, sed a tempore missi metalli, quod initio seculi XIV demum accidit, vultures illi artifices monetales, regibus lucra quoque insusurrarunt, quibus tandem monetam penitus corrumpere, & pro antiqua argentea æream populis obtrudere, suaque æraria, quia maximos e provinciis habent prouentus, plus, quam priuatorum singulorum redditus, defraudari passi sunt. Primus VLADISLAVS IAGELLO a. 1422 & 1433 reipublicæ promisit, quod sine consensu communi senatus monetam pro se & filiis suis non velit cudere, & cudentes punire, vt per hoc remedium damna & penuria subditorum auferantur, in Laskio fol. 48 & 51. Nihilominus postea reges monetarum cudendarum ius, secundum consilia & commissiones ex comitiis definitas, suo lucro exercuerunt, donec SIGISMUNDVS III rex, vt gratiam ordinibus faceret, & pro liberalibus provisionibus filiorum eius rependeret, a. 1632 constitutione ius cudendæ monetæ reipublicæ perpetuo cessit, quam legem successor eius VLADISLAVS, in pactis conuentis, deinde omnes sequentes reges approbarunt.

Porro VIII.) *ius acquirendi sibi & alienandi bona*, rex amisit, vsque adeo, vt iure caducitatis ad coronam deuoluta regalia, vel terrestria bona, rex non retinere, neque in feudum cuiquam, inconsultis ordinibus, conferre, verum nobilibus indigenis iterum distribuere vacantia bona teneatur, quod iam LUDOVICVS rex privilegio suo a. 1374 concessit, in Laskio fol. 40.

Denique IX.) *iura venandi, metallorum & omnium fodinarum*, quæ olim regi bus propria erant, in omnibus bonis, etiam nobilibus, (CROMERVS Lib. VI. p. 107. & c.) vsque adeo, vt nobiles, cum cæteris seruitiis, ducum & regum venatores cum eorum canibus alere debuerint, (CROMERVS Lib. II. de rep. Pol.) iam dudum fuere restricta, quia bona terrestria nobilibus cum onere expeditionum belli, ideo etiam cum omnibus emolumentis, tanquam loco stipendiorum, sempiterno iure concessa sunt. Venatio
cer.

certe nobilibus in eorum fundis, iam ante VLADISLAVM IAGELLONEM libera fuit, vt qui a. 1423 lege prohibuit in alterius fundo venari, apud Laskium fol. 47. Metalli & quasuis alias fodinas, a STEPHANO rege a. 1576 concessas, omnes sequuti reges nobilibus competere in pactis asserunt. In bonis vero regiis & praefecturis adhuc venatio & fodinae soli regi competunt.

Notandum libertatem quoque coniugii regibus, a tempore SIGISMVNDI AVGVSTI, qui id ordinibus solenniter in comitiis Petricoviens. a. 1548. promisit, inconsulto senatu, ademptam esse, quod, vt legem perpetuam STEPHANVS in pactis a. 1576, item MICHAEL a. 1669 agnouere. Porro libertatem quoque sigilli priuati in causis publicis, & tandem extra fines regni proficiscendi facultatem reges amiserunt. Sic iam SIGISMVNDVS I. sine consensu ordinum in comitiis Cracoviens. a. 1515, Viennam iter ad Caesarem, reipublicae causa, non ausus ingredi. Sic postea SIGISMVNDVS III in constit. a. 1593 & 1598. VLADISLAVS autem constitut. a. 1641, pro se & successoribus, absque ordinum rei publicae, non solius senatus consensu, se non profecturum extra limites regni, promisit. De *angariis*, h.e. equis cursoriis, Polonis *Podwody*, postquam LVDOVICVS rex a. 1374 simul cum caeteris seruitiis & pensitationibus nobilitati remisit, oppida tantum Poloniae adhuc regibus obligata manent. vid. Const. a. 1620. 1647 & 1677. in quibus pecunia, olim pro angariis pendi solita, ad ordinationem postarum applicari iussa. Sic *ius postarum* regibus vindicatum.

Enarratis iuribus maiestatis & regalibus, quae regibus adempta, iam dicere attinet de iis, quae integra, vel ex parte regibus reliqua sunt. Primum ius maiestatis, quod rex exercet, est *ius conuocandi status* ad comitia regni generalia, et ad conuentus palatinatum et districtuum provinciales. Olim regibus liberum fuit, quando, et quo in loco vellent, comitia, conuentus, indicare, sed iam sub SIGISMVNDO I. non nisi ex consilio se-

natus, ad certum locum, tam generalia regni, quam & provincialia, indicta sunt, donec sub filio eius AVEVSTO SIGISMUNDO a. 1569. Varſavia, tanquam in meditullio regni & M. D. Lith. ad comitia regni electa fuit. vid. *unio illa* a. 1569. Coronationis vero comitia ab antiquo Cracoviæ, propter gazophylacium regni, ibi aservatum, celebrantur. Tandem a. 1673, Lituani euicerunt, ut tertia quæque comitia in Lituania celebrentur, exceptis interregnorum conuocationibus, electionum quoque & coronationum comitiis, quod IOANNES III. in pactis suis, et per constitut a. 1677. denique constitutione anni 1685. sacrosancte promittere coactus fuit. Idem constitut. a. 1699. repetitum. Tempus ordinariis biennialibus comitiis regni, sex, extraordinariis, duarum, hebdomadarum definitum, quod tamen consensu ordinum prorogatur. Secundum est *ius distribuendi dignitates, officia & beneficia vacantia*, tam secularia, quam ecclesiastica, quod quidem regale maximum, & quoniam dignitates atque beneficia in hoc vasto regno sunt longe splendidissima, opulenta & multa, imo fere innumerabilia, thesaurus regiae maiestatis inexhaustus appellari meretur. Ex eo enim Rex, opum diues, nihil sibi retinens, infinitos amicos & gratos demeretur subditos, aut obtristem ambitum, vel insatiam alicrum avaritiam, magnos creat inimicos & male contentos. Vix enim ullus motus aduersus reges Poloniae a subditis obortus fuit, cuius primæ causæ non in acceptione dignitatum, vel beneficiorum, infra spem expectantium, latuerunt. Vnde intelligere licet, quanta æquitate in aestimandis meritis vel affectibus potentium subditorum, quanta sapientia & præcautione, Rex in dispensatione officiorum & beneficiorum regni opus habeat, si iustas vel iniquas ambientium querelas euitare velit. Laudatur præ omnibus regibus STEPHANVS, quod tanquam verus virtutum & meritorum aestimator, absque vilo respectu odii vel gratiæ, beneficia etiam non

ambientibus, vel talia expectantibus, dispensauerit. vid. PIA-
SECIUS in chronicis p. 61. Tamen corruptis per tristem
ambitum animis satisfacere, & rigorem iustitiae eius non fe-
rentium, feralia odia euitare nequit. Limitatam quidem, eti-
am in dispositione vacantium dignitatum & beneficiorum, ha-
bet Rex potestatem, vt nempe nulla alienigenis, sed tantum in-
digenis nobilibus, Polonis & Lituaniis, dispenset. Praesertim
antiquum ius indigenatus Prussiae, a CASIMIRO in privilegio in-
corporationis a. 1454. concessum, & post multa diplomata re-
gum etiam constitutione a. 1647. firmatum, Regem stringit, vt
vacantias nulli, nisi indigenae Prussiae, impertiat. Porro vt ultra
sex menses neminationem ad vacantias non retineat, pro-
pe autem ante, vel ipso tempore comitiorum, vacantia officia,
intra ostidium aliis conferat: vt leges de incompatilibus ob-
seruet. Herbut. fol. 143. nec vni familiae duo insignia ministeria,
maximasque dignitates regni conferat: vt quatuor mensibus a
Septembri vacantes praefecturas militibus bene meritis: deni-
que nullas praefecturas, vel officia, minorennibus, nec ultra du-
as praefecturas opulentas vni nobili, omnia vero gratis absque
villo pretio, vel obligatione secreta, largiatur & distribuatur, quemad-
modum in constitutionibus an. 1576. 1588. 1607. 1662. atque in
omnibus pactis regum iuratis a VLADISLAO IV. vsque ad ho-
diernum Serenissimum Regem, cautum est. Atque ab hac regia
dispensatione dignitatum & officiorum nulla omnino in vniuer-
so regno excipiuntur, nisi palatinatus Polocensis, gubernatio Sa-
mogitia, & omnium iudicum terrestrium atque tribunalitiorum
officia, quae a nobilibus in suis districtibus eliguntur. Nihilo-
minus limitationes haec legales regibus non adeo difficiles, quam
concurrentium importunitas, quae saepius illorum vitio, aut re-
gum obstinatione, ad graues motus ciuiles exarsit. Neque enim
semper iusta meritorum aestimatio reges ab inuidia liberat, atque
subditos corrigit, quamuis hoc omnium maximum sit me-
dium

dum, ut sapiens ille nobilis in scripto, o Spasobach zawiherania Seymow, bene docet: non usque corrupti, inquit, sunt Poloni, ut flecti in melius nequeant, maxime si Rex prudenti distributione beneficiorum, maiestatem in animis subditorum formaret, quam sequerentur, si proderit bonos esse. Tunc enim præmiis bene usus, & poenam securior malis adhibebit & executionem legum bonarum utilissime, non solum non impedit, sed iubebit.

Narrat ZAWADSKI histor. arcan. p. 44. ultimum hoc maximum regale, equestrem ordinem regi Michaeli quoque eripere conatum, proposuisse, ut Rex in comitiis, secundum pluralitatem votorum senatus ex quatuor candidatis, a nobilibus singulorum palatinatum propositis, nominare cogeretur dignitarios, officiales & præfectos. Et sunt exempla, ubi in interregnis nobilitas vacantes dignitates distribuit, nempe post discessum HENRICI regis, Rusiæ rubræ nobiles HIERONYMUM SIENIAWSKI, palatinum, ANDREAM FIRLEY, castellanum, palatinatus Lublinensis, sibi electos, postea STEPHANO electo regi, confirmandos exhibuere. Heidensten Rer. Pol. Lib. II. p. 94. Prutenici quoque palatinatus, in interregno a. 1696. tale quid audacter tentauerant, sed irritum euentum. Bene enim PIASECKI Chron. p. 531 rationibus euit: hoc ius neque toti reipublicæ, ne dum singulis palatinatibus competere, sed soli regi. Certe si hoc considerent, beneficiorum distributionem multo maiori motu & diffidio parium tot ciuium, quam vnius regis, cuius etiam iniusta dispensatio Maiestatis respectu tegitur, exerceri, facile a periculoso hoc, se ipsos ad ciuium discordias inuitante iure & potestate, abstinebunt.

Tertium regale, quod regibus a statibus regni reliquum, ~~ararium~~ *ararium aulicum*, a thesauro reipublicæ iam sub SIGISMUNDO AUGUSTO distingui coeptum, siue fiscus regius est. Olim enim omnes prouentus ex numerosissimis præfecturis regni, ad regem a præfectis, siue capitaneis, deferebantur, qui cum tributus a nobilibus, ab oppidis & agricolis, ex vastis illis prouincis,

ciis, ad reipublicæ onera sustinenda a regibus dispensabantur. Postquam vero episcopatus amplissimi, magisque semper monasteriorum ac abbatiarum bona a tributis exempta, denique sub LVDOVICO rege a. 1374. nobilium quoque ab ordinariis solutionibus liberata fuissent, tunc quidem sub LVDOVICO adhuc præfecturarum fructus certis summis a præfectis conducti, ad ærarium regis quotannis redimebantur. Cromerus Lib. XIII. p. 228. Sed mox sequentis temporibus, sub dynastia Iagellonica, propter grauissima cum crucigeris Prussiæ bella, ad oppignorationes præfecturarum decurrerunt, quas tandem gliscente libertate, tenaces manus, lege publica ad ius possidendi aduitaliitium alligarunt. Propterea non sufficientibus prouentibus illis regni, CASIMIRVS III. (qui ac postea ALEXANDER, maxime terras et bona coronæ, acceptis summis oppignorarunt & tandem præfectis donarunt) a. 1456. nobiles rogare coactus fuit, vt exemplo episcoporum in extraordinariam contributionem generalem de suis quoque terris consentirent, qui mos tributa per conuentus prouinciales nobilium sciscendi, ab illo tempore inualuit. Idem Lib. XXVII. p. 399. Ad eum vero modum tributorum eo crebrius regibus recurrendum fuit, quanto semper plures præfecturæ, ob immensos sumtus belli, denique prodigalitem regis Alexandri, oppignoratæ, aut plane ab ærario abalienatæ, fuere.

SIGISMUNDO I. regnante adhuc præfecturæ nonnullæ nondum alienatæ, ipsi regi redditus suos deferentes, reliquæ fuerunt. CROMERVS Lib. II. *Descript. Poloniae*: sed iam tunc egestas summa ærarium regis inuasit. Laudat quidem ORICHONIVS SIGISMUNDI I. regis parsimoniam & industriam, qua pleraque ære alieno oppignorata soluerit, & sic inopiæ successorum regum providerit. Sed & paucas tantum præfecturas e pignore liberauit, & cum post eum ærarium regis multo magis imminutum esset, corratum parsimonia eius argentum, filii SIGIS-

MVNDI AVGVSTI prodigalitati minus suffecit, nec sequentes reges iuuit. Certe regina BONÆ SFORTIÆ, SIGISMVNDI I. coniugis, post obitum mariti a. 1556. opes, inuito filio rege & senatu, in Italiam euectæ, & a GORNICKIO, teste oculato, in historia sua p. 139. tantopere declamatae, videlicet argento & cimeliis pretiosis, quatuor & viginti seiuga plaustra, quibus insolitæ latitudinis orbitas in Alpium petris excauari oportuit, non exprouentibus regiis, sed ex corruptionibus Simoniacis & artificiosis emunctionibus mulieris auaræ, congestæ fuere. GORNICKI enim refert, quod illa regina Bona, episcopo Cracoviensi ZEBRZYDOVIO indignata, exprobrarit: *Tu tu, qui episcopatum emisti. Cui ille, propriam turpitudinem sibi obicienti, regessit: emi, quia vendibilis fuit.* GAMRATVM, hominem rudem & flagitiosum, pro pecunia eo vsque extulit, vt episcopatum Cracoviensem cum archiepiscopatu Gnesnensi vsque ad mortem teneret, quod auctor vitæ Kmitæ, Lubiencki in viuis episcop. Plocens. Damalewicz & alii, increpant. Sub SIGISMVNDO AVGVTSO iam paucissimæ præfecturæ reliquæ fuerunt, eæque sub titulo oeconomiarum, vix ab avidis manibus, mensæ regiae vindicatæ & conseruatæ sunt. Quæ oeconomiae a. 1590. sub SIGISMVNDO III. (constitut. tit. *rationes stolu J. K. M.*) in regno ita enumerantur, regi ad mensam regiam reliqua, nec vnquam alienabilia. Nempe 1) salisfodinæ Cracovienses, Olkussenses & Russicæ 2) telonia regni & Russiæ atque Plocensia. 3) oeconomiae, Sendomiriensis, Samboriensis, Mariæburgensis, Rogosnensis, Dirsauiensis, & bona magnæ procurationis Cracoviensis. 4) portorium Gedanense, Elbingense & Rigense 5) denique lucra ex monetarum officinis & 6) pecunia ex oppidis regni pro angariis. Verum postmodum ab his sublata iam sunt, oeconomia siue capitaneatus Dirsauiensis oppignoratus, item portorium Rigense, item lucrum monetarium, quod SIGISMVNDVS ille a. 1632. reipublicæ cessit. Porro in Lithuania regi a. 1589. assignata fuere

oecono-

oeconomiae Grodnensis, Schawelensis (quae tamen a. 1661. oppignoratae) Brzescensis cum Kobrynensi, Mohilovens, Orlensis, atque telonium antiquum. Ex hisce bonis regiae mensae, meliori adhuc aëno illo, legati ad HENRICVM, regem electum in Gallia verba facientes, prouentus omnes aëarii regii, ultra tres miliones florenorum Francorum extollere nequiuere. Ex penuria autem publica regis, dicit BRAUNIUS, tedium imperandi & artes emungendi, denique & premendi subditos, materia motuum ciuiliū, diffidentia, tandem reuolutio status cum interitu libertatis metuenda sunt. Dum enim omnis fere potestas regibus, circa iura maiestatis atque aëarium extorta est, in pace, ruptis facile comitiis ad sciscendum tributa indictis, exercitus, stipendiorum egens, sub disciplina contineri, in bello autem ad actiones bellicas iusto numero & tempore educi nequit. Ast in motu ciuili bonorum ciuium pars, ad regem, etiam optime reipublicae cupientem, conuolare, quia rex inops eos tueri nequit, non audet. Idcirco CROMERVS Lib. I. epistolar. Karnkovianarum epist. 64. non male iudicauit: *minus esse reipublicae periculum a rege diuite, quam ab egeno, praesertim indigena.* Tandem BRAVNIVS circa finem suae dissertationis haec verba scripsit, quae memoria digna videntur. „Vf-
 „que adeo largissimi quidem appetuntur reges, sed prouentus
 „eorum quaquauius extenuantur, vt tandem per imminuti-
 „onem perpetuam regalium, ex regibus meros status sui faciant
 „ministros, quales sunt duces Venetorum, quod ministri regis
 „Galliae, principe suo HENRICO, rege Poloniae electo, Polono-
 „rum legatis exprobrauerant. Fredro in Henrico p. 97. Hi vt vt
 „iura maiestatica regum Poloniae, in oratione illa legati episcopi
 „Posnaniensis KONARSKI, splendidis verbis illustrare, eaque
 „assertione exterorum contemptum refutare voluerunt, nihilomi-
 „nus hoc prudentibus politicis exteris cogitandum reliquerunt:
Num recte principibus, absolutae dominationi a progenitoribus suis in-
 po-

populum assuetis, ministri eorum consulant, ut sceptrum usque adeo legibus ac potentia nobilitatis longe maxima, restrictum, coronamque propter solum titulum regium, tam anxie, tantis laboribus & sumptibus ambiant, in cuius tandem difficulter obtenta possessione propter desiderium amouendorum obstaculorum regnandi, pro felicitate meras calamitates populorum gignant, aut taedio status sui tabescant. Laudanda certe fuit Cæsaris MAXIMILIANI apertus animus, qui tandem, post HENRICVM regem, factione externa & interna electus, cum non sibi, sed filio ERNESTO Archiduci, coronam hanc præoptasset, tunc demum penitus cum ministris suis, conditionibus legatorum Polonorum inspectis, tam angustis limitibus restrictam noluit acceptare coronam, donec a legatis scissionis, quæ ipsum elegerat, multis precibus exoratus, ad speciem tantum consensit, electionem tamen non prosequutus fuit, sed magno malo partis illi adhærentis neglexit.

II

VITA ARCHIEPISCOPI GNESNENSIS XLVIII

seu regni Poloniae primatis, NICOLAI DZIERZGOWSKI.

Auctore STANISLAO BUZENSKI, decano & officiali generali
Varmienfi, Gnesnenfi & Cracouiensi canonico.

Iam ea tempora veniunt connotanda, quæ deseri magis, quam describi, possunt. Tam enim sæva tempestas contra naue[m] Petri, ecclesiam, in hoc regno insurrexerat, ut grauissimis quassata fluctibus, nisi in eius auxilio, qui habitat in altis, rabiem compresserit hæreticam. Tam tristis vicissitudo fastos impleuit DZIERZGOVII, cuius origo in terra Ciechanouiensi palatinatus Masovia. Fuerat stirpis accipitrinæ, seu Iastrzembecins. Genus illi patricium, cum parens fuisset castellanus Ciechanouiensis, mater Catharina de Wilkanowo, stemmatis vulpium. Amplioris census parens filium liberaliter educauit. Minoris auctus

sa-

sacerdotiis, ut mihi constat ex epistola CRICII, Plocensi tum, postmodum GAMRATO promouente, cui maioris fortunæ debebat incrementa, Gnesnensi auctus canonicatu, quem cum episcopatu retinuerat Camenecensi. Tanti patroni fretus auxilio, consilio, tum & reginæ BONÆ accedente promotione, ad tantos euasit gradus. Erant ea tempora SIGISMUNDO I. regnante, præsertim ipso iam senectute laborante, ut tota honorum & dignitatum distributio nutu & arbitrio reginæ dispensaretur, & tam sacra, quam ciuilia munera in eius concesserant potestatem, nec nisi iis conferebantur, qui beneficentiæ, promotioni reginæ, aureis reponerent antidotis. Hæc enim mulier Italico sanguine orta, ingentes animo conceperat opes, iisque coaceruandis nullam prætermiserat occasionem, quas deinde in Italiam transtulerat, hisque Polonorum spoliis externum auxilium fisco.

Auspiciis igitur & ductu GAMRATI a Camenecensi, Chelmensi, Vladislauensi infula, ad metropolitanæ prærogatiuæ culmen euectus anno 1545. Translationem ad ecclesiam Gnesnensem confirmauit, approbauit, PAVLVS III, summus pontifex. Gnesnam & sponsam primum visurus, frequentia procerum, Polonæ nobilitatis, & aulico famulitio comitatus venit. Nominis sacri collegii exceptus & salutatus ab oratore SEBASTIANO ZYDOWSKI, gente Dolivio, episcopo Naturiensi, suffraganeo Gnesnensi.

Vltimum, ante obitum, SIGISMUNDVS rex indixerat conuentum Petricouię anno sequenti, 1547, decurrenti & præcipiti autumnino, circa diem festi S. Martini episcopi. Publico huic intererat consilio NICOLAVS Archiepiscopus. Verum hæc comitia vltima concludens SIGISMUNDVS languere occipiebat, graui eaque extrema oppressus infirmitate, ægre Cracoviam carpento deportatus a. 1548, diebus Februarii. Neque multum abiit temporis, cum Sigismundus Rex, princeps im-

mortalem promeritus gloriam, annum agens octogesimum secundum, ipsis calendis Aprilis a. 1548. exiit mortalitatem, ad extrema eum præparante vitæ, sodali Dominicano, suoque theologo. Reliquit regnum pacatissimum, supra vnum & quadraginta annos feliciter in Polonia regnans. Princeps singulari pietate, prudentia, iustitia, fortitudine, temperantia, iniuriarum obliuione, rerum aduersarum tolerantia excelebat, in illos, qui ei fuere obliqui, clemens & benignus, ingenio acuto, memoria felici, corpore sanus & robustus, adeo, vt ætate florente ferreas equorum diffringeret soleas, funes canabinos crassiores rumperet, balistam manu intenderet, chartularum fasciculos discerperet. Parcior plerisque habitus est, non suo vitio, sed ex comparatione antecessorum, qui, perquam prodigi, regios imminuerent census. Poloniam ac Lithuaniam ad ciuilitatem ac omnem expoliuit elegantiam. Ob eximias virtutes ac dotes, magno principe dignas, a Paulo Iouio, episcopo Nucerino, historiarum sui temporis disertissimo scriptore, annumeratur iis principibus, qui tum rerum gestarum gloria vixere celebres, CAROLO V. Imperatori, FRANCISCO I Galliarum regi, qui nisi simul imperassent, digni fuissent singuli, qui totum gubernassent orbem. Quadriennio ante mortem, magni ducatus Lithuanie dominationem in conuentu Lithuanorum, quem Brestæ indixerat, transtulerat in SIGISMUNDVM AVGVSTVM.

Ad reginam BONAM Dzierzgovius, qui tum Gnesnæ degebat, vulgato de regis morte, vnum cameræ suæ familiarem, cum literis expediuit, certiore notitiam de SIGISMUNDI excessu, passu quam celerrimo ei adferret, pollicitus se quam primum Cracoviam venturum, vt in tam tristi orbitate publicis consulere conmodis. Vilnam etiam subito misit nuntium SAMUEL MACIEVICIUS, episcopus Cracoviensis, regni cancellarius ad SIGISMUNDVM AVGVSTVM, rogando hortandoque, vt quantocyus in Polo-

Poloniam properaret. Verum & consiliiarii regni & proceres, qui tum Cracoviam conuenerant, postridie ab excessu regis ablegarunt Vilnam IOANNEM PRZEREMBSKI, Cracoviensem præpositum, Macieio vii familiarem & regni cancellariæ regentem, qui die martis proxima post festum paschæ Vilnam abiit cum præscripto legationis, in quo grauis momenti publica regni negotia, SIGISMUNDO AVGVSTO repræsentanda, commissa fuerunt, rogando, ut quam primum tempus & diem funeri regio designaret, ac ipse met curam rei publicæ orbatæ capefferet. Vita & desideria impleuit SIGISMVNDVS AVGVSTVS, & Vilna profectus, relicta ibidem BARBARA RADZIVILIA, *Stanislai Gostol-di*, Trocensis palatini olim consorte, cum qua, in scio parente, paulo ante mortem contraxerat matrimonium, Cracoviam venit, paucis que diebus interpositis, conuocatis, qui Cracoviæ præsentibus fuere, proceribus, diem funeri designauit VII. Ca. Augusti. DZIERZGOVIUS intererat funeri, & sacrum piaculare pro anima regis in basilica Cracoviensi decantauit. Sermonem dixit SAMVEL MACIEIOVIUS, episcopus Cracoviensis, qui legitur annexus operibus STANISLAI HOSII Cardinalis, episcopi Varmiensis. Iustis patri persolutis, Rex die Mercurii, legatis ac principibus epulum præbuit largissimum, tumque primum in mensam regiam illatæ carnes, quod ante in Polonia nunquam visum, plurimisque, hoc prisca moris, auitæ pietatis retinentibus, vehementer displicebat. Poloni enim, ecclesiæ primitiue consuetudini, an legi, insistentes, abstinentiam a carnibus, die Mercurii, constanter seruabant. Quamuis enim a 1505. ERASMUS VITELLIUS Plocensis episcopus ex vrbe rediens, a IVLIO II diploma Pontificium, cuius autographum CROMERUS in breuiario scripturarum archini narrat se legisse, attulisset, quo libere omnibus potestas permittebatur, feria IV carnibus vescendi, non fuit tamen quisquam in toto Poloniæ regno repertus, qui ea potestate concessa, vti vellet. Verum in

tiam hospitum Germanorum, qui cibos & dies non distinguabant, sane id erat factum. Hoc credebatur prælagium, vetustam illam conscientiarum teneritudinem, hoc rege, in impiam quidvis credendi libertatem breui fore commutandam.

Interim assumens reipublicæ curam SIGISMUNDVS AVGVSTVS indixerat conuentum Petricoviæ, qui non nisi circa ortum anni 1549. fuit inchoatus, ad quem multi procerum & equitum confluerunt. Plurimorum erat diuersus sensus circa regis matrimonium. Rex ipse Vilna venerat, neque iam in occulto, sed palam omnibus fuit, eum BARBARAM thori & sceptri sociam assumisse. Circuli equestris, seu nuntiorum terrestrium præses, IOANNES SIERAKOVIVS, postea palatinus Lanciciensis, matrimonium hoc regis magna reprehendit libertate, adductis Polonæ antiquitatis exemplis. Rex ipsemet respondit: fidem suam erga rempublicam frustra in dubium vocari, quæ ipsi omni vita sua carior, uxoremque, cui fidem obligarit, non dimissurum. Non quievere nuntii repetita postulatione, eorum nomine PETRVS BORATINVS, eques Roxolanus, rogabat regem, vt hoc matrimonium, cum reipublicæ contractum præiudicio, dirimeretur. Verum Rex immotus persistebat, neque supplici Boratini sermoni, circa cuius conclusionem, vt GORNICIVS & BIELSCIVS testes, in genua prociderant nuntii, non aliud dedit responsum, nisi iuramentum & fidem uxori datam, nunquam se violaturum. Quo facto senatus auctoritate flectendum regem nonnulli autumabant, & DZIERZGOVIVS, senatus princeps, ab ordinibus regni requisitus, simplici ac prudenti allocutione vsus, aliud matrimonium boni publici causa potius ineundum, rescisso priori, suadebat, quam vt in præsentī quies publica concuteretur. Instante instiganteque regina BONA hæc facta fuisse, certis habetur comprobatum documentis. Nihil tamen matris reginæ conatus, nurum detestantis, nihil procerum, equestris ordi-

ordinis, reginam hanc recusantium, liberiores & asperiores voces profuerunt, quin imo, ne aures diutius molestis obtunderentur querelis, abruptis negotiis, auertendisque ingruentibus periculis, in Lituaniam se ex Polonia Rex proripuit. Non deerant tamen in senatu, qui hoc regis matrimonium, nullo incommodo boni publici, nec etiam regis probro contractum, nec infectum aut irritum posse reddi, magnis rationum momentis euincebant, quorum erat signifer MACIEIOVIUS, episcopus Cracoviensis. Ex ea occasione languida fuerat circa bonum publicum cura, rege & statibus regni non bene cohærentibus. Tartaricæ incursionis procella, tractum Roxolanum atrociter diuexauit, ingentem hominum, iumentorum multitudinem abegit, Peredmirco castello incenso, CONSTANTINVM ducem WISNIOWIECIUM cum vxore in foedam abduxit seruitutem. Forte tum Rex Cracoviam venerat, regni ordines feruenter, tam manifesto auertendo periculo, efficax remedium, regni conuentum indici, flagitabant importunius. Eorum nomine archiepiscopus, qui erat Cracoviæ, regem ad comitia indicenda sub minis hortatus est. Rex theatralem iam illo tempore inualescentem nuntiorum eloquentiam leniter taxauit, dum, inquit quosdam se ipsos, tanquam in scena, ostentandi potius, quam publicum bonum promovendi studio ductos, regiis consiliis obstare; se tamen inuito & cum iurium maiestatis conuulsione, neminem conuentum ordinum regni congregaturum, disertius archiepiscopo respondit. Ab eo cum rege colloquio, cum per aliquot dies Cracoviæ substitisset, archiepiscopus illas minas, quas regi denuntiabat intra verba retinuit, nec ultra progrediendo Cracovia Lovicium reuenit. Non quiescebant nihilominus acerbiores contra regem querelæ. Porro Rex de BARBARA in reginam inauguranda summe fuerat sollicitus. Videbantur quadantenus iam illæ animorum auersiones con-

tra BARBARAM & Regis matrimonium subfedere, vt fere in
 similibus euenit, acriora initia, incuriosus finis. Sæpe, quod
 ratio nequit, sanat mora, cumque impar sit consilium, le-
 nit temporis longitudo. Ab illo Petricoviensi conuentu,
 Dzierzgovius & Kmita, BONÆ matris, præcipua instrumen-
 ta, ita fuerunt mutata, vt SIGISMUNDI AVGVSTI desideriis
 applauderent, orientemque magis quam occidentem adorarent
 solem. Itaque designata coronationis die reginæ BARBARÆ,
 quæ fuerat VII idus Decembris, hæc inaugurationis solen-
 nia peregit archiepiscopus, & reginam BARBARAM, ritu con-
 sueto, sacro chrismate delibutam, corona redimiuit. Actum
 hunc adornabant vicini ex Silesia principes, Lignicensis &
 Tescinensis duces, tum legati marchionis Brandenburgici
 & ducis Prussiæ ALBERTI. Coronationem reginæ Barbaræ
 præcesserat vno & dimidio mense, obitus SAMVELIS MACIE-
 IOVII, episcopi Cracoviensis, cuius episcopatus non subito a
 rege competitoribus, anxia spe distractis, fuerat declaratus,
 consultoque Rex distulerat in tempus & diem coronationis
 reginæ. Hoc tempore hospitabatur NICOLAUS RADZIVILUS
 palatinus Trocensis, in domo canonici Cracoviensis Podlo-
 dovii, referendarii regni, qui hospitem egregiæ humanitatis
 officiis excipiebat, quæ in tantum placebant Trocensi Palatino, vt
 neum ad ampliorem gradum euehere spoponderit. Insta-
 bat feruentius, vt per promotionem Barbaræ, Cracoviensis
 renuntiaretur episcopus, quod quidem non grauatim succe-
 sit, & Rex iam declarauerat ad eum gradum attollere Podlo-
 dovium. Quam primum vero hoc innotuit ordini sacro,
 aliqui agris oculis, neque placatis animis, tam subitam Pod-
 lodovii euectionem indignabantur. ANDREAS ZEBRZYDOVIUS,
 episcopus Vladislauiensis, ad illam asperabat cathedram,
 remque illius apud regem agebant palatinus Vilnensis &
 Trzebuchovius, regiæ cameræ Secretarius, verum & archie-
 piscopus

piscopus causæ ZEBRZYDOVII fauebat impensius. Impetrata licentia alloquendi regem, dixit, minime decere distributivam iustitiam a rege conuelli, concludendo interminatus regi, se rebus infectis abiturum, necdum enim BARBARA fuerat coronata. Permouit sermo archiepiscopi Regem, mutataque sententia, illum episcopatum contulit ANDRÆ ZEBRZYDOVIO, qui erat nepos ex germana sorore Cricii, archiepiscopi Gnesnensis. At non diu licuit reginæ BARBARÆ tanta frui felicitate. Ab ipso enim inaugurationis die morbo correpta, per hyemem integram ac vernos menses cum eo conflictata Cracoviæ ipso die sacro pentecostes throno & vita excessit. Non defuerunt, qui non ex vano suspicarentur, a proceribus Radzivilianæ domus æmulis, medici cuiusdam Itali opera, propinato inter medicinas veneno, vitæ finem eidem fuisse factum.

Illo tempore plurimi nouis & peregrinis circumuenti doctrinis priscos ecclesiæ ritus contemnebant, & contra sacrum ordinem insurgabant. Tam atrox exorta vicissitudo anxio fatigabat curis archiepiscopum, qui, vt narrat IOANNES GROTKOVIVS, tum clero aliud præstandum, circa fidei catholicæ constantem retentionem, iuramentum iniunxit. Insuper toti clero in dixerat contributionem, quæ collecta in donarium regi oblata, vt hac largitione delinitus religionem & sacrum ordinem ab inualescente defensaret hæresi, factumque hoc nullo prorsus euentu. Rex enim ipsemet suspicionibus sermonibusque populi vapulauit, veluti fauens & sectæ Lutheranae obnoxius. Nec erat obscurum, novas hasce doctrinas regem non improbasse. Luculentum eius rei documentum & mihi videre contigit a. 1665, dum ab ANDREA OLSZOVIO, Culmensi episcopo, regni procancellario, ecclesia S. Iacobi apostoli a Thorunensibus iure vindicaretur, quæ pro religiosis virginibus ord. S. Bened. a crucigeris olim cum coenobio fuerat erecta. Pars citata super illius eccle-

ecclesiæ retentionem produxit rescriptum Sigismundi Augusti, manu ipsius subscriptum.

Non vero efficacius remedium visum, ut afflictae ecclesiæ consuleretur, nisi quam primum congregare synodum, in eaque consultare, quomodo concussa ecclesia posset robari. Erant nonnulli episcopi, qui facti ecclesiæ columnæ, minime illam sustentabant. Præcesserat STANISLAVM HOSIVM in episcopatu Varmienti FIDEMANVS GISIVS, qui strictiorem exercens amicitiam cum Erasmo Roterodamo palam novis fauebat dogmatibus. Vixit ante eum Fabianus de Lusiam, qui Lutheri doctrinam non improbat. Ioannes Dantiscus, olim Petri Tomicii familiaris, & illius promotione ad Culmensē euectus cathedram, inde ad Varmiensē, cum Georgio Sabino, rectore Academiae Regiomontanae, qui fuit gener Philippi Melanctonis, familiaris vixit, prout testantur mutuo ab utrinque scriptæ versu epistolæ, quæ impressæ sunt. Congregavit itaque Petricoviæ synodum Dzierzgovius. Præter alios episcopos, ad eam synodum venerat Stanislaus Hosius, Varmiensis episcopus, rogante impensius archiepiscopo, cautionemque præstante, ne in exemplum traheretur, neque intersint synodis provincialibus episcopi Varmienses, qui nullum recognoscunt metropolitanum, solam duntaxat immediatam sanctæ sedis subiectionem. Eiusdem synodi nomine Hosius doctissimo calamo elucubrauit confessionem fidei catholicæ, quod opus Latinum in varias linguas translatum multa fatigavit præla. Interim multi procerum & equitum novis dogmatibus imbuti, ad cladem orthodoxæ fidei adeo erant intenti, connivente aut dissimulante Augusto, ut in extremam devoluere ruinam fidem catholicam Romanam, supra quinque sæcula in hoc regno propagatam, contenderent. Fuit aliquorum protectione, qui novis adhæserant sectis, catholici sacer-

sacerdotes ad illicitas conuolabant nuptias. Eorum primus fuit IOANNES de LASKO. Hac eadem doctrina lymphatus STANISLAVS ORICHOVIVS, Roxolanus, canonicus Præmisliensis, vir alioqui doctus. Is, cum aliqua labe incontinentiæ notatus fuisset, quod ipsemet recognoscit, in dialogis materna lingua impressis, IOANNES DZIADVSCIVS, episcopus Præmisliensis, seuerius in vitam & mores Orichovii animaduertit, paternam correctionem impotenter ferens Orichovius. Cum apud PETRVM KMITHAM ex gynecæo confortis eius nobilis virgo, tanquam sacerdoti, denegaretur, illicito matrimonio conciliando, suam commodarunt auctoritatem ANDREAS comes de GORKA, Polesianensis castellanus & MARTINVS ZBOROVIVS palatinus Sendomiriensis, vterque nouatorum doctrinis seductus, earumque magnus Achilles. Itaque hi duo proxenetae perfecerunt, vt IOANNES CHELMIVS, eques terræ Cracouiensis, filiam suam, Magdalenam, elocaret Orichovio, nuptiæque, non attento voto celibatus & castitatis, peractæ in pago Liszczyno, Andreioviæ, oppido abbatali, vicino. Cum itaque innotuisset DZIADVSCIO episcopo, Orichovium, ecclesiæ suæ canonicum, contemptis iuribus ecclesiæ, iniisse matrimonium, illum tanquam in hæresin prolapsum, citauit, ac contra eundem fulmina censurarum mandauit publicari. Archiepiscopus, qui eodem anno synodum Petricouiam conuocauerat, eandem approbavit sententiam, instituitque apud regem, vt in Orichovium hæreticum excommunicatum, tum consueta fieret executio. Rex annuit datque negotium PETRO KMITÆ, palatino Cracouiensi, regni mare challo, qui fuerat capitaneus seu gubernator Præmisliensis, vt ex lege in Orichovium, iudicio episcopi condemnatum, ageret. Verum KMITA cunctando differendoque rem de die in diem extraxit, & ad co-

mitia, quæ anno vertente incidebant, reiecit. Verum ORICHOVIVS tot procerum, qui ab ecclesia Dei recesserant, aut languebant in fide, patrocinio, clientelis, nixus, ingentem contra sacrum ordinem concitavit tempestatem, ut ipsemet in annali quarto & in dialogis iactabundus narrat. Sed is annalis quartus neque typo est impressus. Innotuerat SIGISMUNDO AVGVSTO, Moschovia ducem Romam legationem expediuisse, qua illuderet summo Pontifici, se velle a Græco schismate recedere, & ad sacra ecclesiæ catholicæ suscipienda vertere animum, dubia fide profiteretur. Rex, quam primum intellexit, Moschorum ducem talem ad urbem expediuisse legationem, ALBERTVM CRISCIVM, Succamerarium Plocensem, virum ingenio, civili prudentia egregium, mittit ad summum Pontificem, adiunctis litteris totius senatus, ne Pontifex Moschorum duci fidem habeat, hæcque speciosa verbis, re inania, sibi proponi aduertat animum. Adiuncta hisce erat schedapro ORICHOVIO, datumque serio in mandatis CRISCIO, ut pro matrimonio eiusdem stabiliendo, apud Pontificem omnem intenderet curam. Additæ ibidem rationes, & hæc inter alias, ne Orichovius, ab episcopo seneriori condemnatus sententia, in desperationis barathrum protruderetur & partibus adhæreret novatorum, non absque rei christianæ incommodo. Feruebant interim contra desertores fidei catholicæ episcoporum iudicia, eosque ad normam prisce legis rigidioribus notabant decretis. Archiepiscopus IACOBVM OSTROROGVM, tum & CHRISTOPHORVM LASSOCIVM, viros natalium claritudine spectatos, ad suum euocatos iudicium, tanquam ab ecclesia Dei transfugas, condemnauit. ANDREAS ZEBRZYDOVIVS, Craconiensis episcopus, Krupkam Przeclaium, Lutherana doctrina imbutum, necquidquam MARTINI Zborovii protectione obfistente,

stente, hæreticum iudicialiter declarauit, latoque contra eum decreto, eiusdem executionem ad officium remisit castrense. IOANNES DZIADVSKI, episcopus Præmisliensis, contra STANISLAVM STADNICIVM, hæredem in Dubiecko, hæresis & doctrinæ peregrinæ manifestum, citatum per publicum edictum, non comparentem, vti contumacem, ecclesiasticæ disciplinæ strinxit gladium, contumacem, excommunicatum declarauit, executionem rei iudicatæ ad castrum remisit Præmisliense. Sed tandem hæresis potentia præualida, neque rege illi obfistente, disciplinam ecclesiasticam in proximo generali conuentu Petricouix ita labefactauit, ut obtentu libertatis, quam imminutam euincebant iudiciis episcoporum, quiduis audendi, quiduis credendi, facta sit potestas. In hoc conuentu præter alias consultationes & hæc magno motu ab ordine agitabatur equestri, seu terrarum nuntiis, vt episcoporum iudicia contra nouatores, & tam grauis circumscriberetur potestas. Præcesserant eum generalem conuentum particulares, seu terrestres, quorum vna eademque conspiratio fuerat, circa imminuendam, aut penitus tollendam, episcoporum iurisdictionem contra fidei catholicæ desertores. Ad conuentum Wisnensem, qui est terrarum Russiæ, venerat ORICHOVIVS, cum ibi quoque archiepiscopus Leopoliensis, PETRVS STARZECOVIVS præsens esset, is, vt ingenio, facundia pollebat, flens, lachrymabundus ad nobilitatem, quæ schismate Græco etiam nouatorum doctrina erat imbuta, appellauit, ac ne se ad supplicium, episcopo Præmisliensi dedant, demisse rogauit: adesse iam mandatum regis, quo ad necem detur, nisi ei celeriter subueniatur. Archiepiscopus hæc audiens, Orichovio compariebatur, dicebat nibiloninus, ea non debere in dubium vocari aut rescindi, quæ priscarum legum præscripto sint approbata. Nobilitas tota Roxolana, lectis

nuntiis, Orichovii causam diligenter commendavit, nihilque maiori promouendum conatu iis demandavit, quam ut episcoporum potestas, circa iudicia pravis doctrinis infestorum abrogaretur. Eadem, fere tota regni nobilitas, in aliis conventibus magno motu promovebat. Cum itaque dies, illis comitiis designatus, advenisset, Rex ipsis Calendis Febr. Vilna venerat Petricoviam, ac ut moris est prisce, pro felici conventus successu, dum missæ sacrificium celebratur, ventumque ad sacratissimi corporis Christi eleuationem, inuenti nonnulli, qui nullam tanto mysterio exhibuerunt reuerentiam, capitibus coopertis, nec genu flexione Christum salvatorem, in eucharistia præsentem, adorarunt, ominosum quidpiam videbatur, & tristem aliquam in regno metamorphosim exorituram, erant qui præfagerent, quod vaticinium non fefellerit. Tanta enim rabies, tam immanis furor, contra episcopos & ordinem exarserat spirituales, ut conuitiis, contumeliis palam, lacerarentur, talibusque onerarentur opprobriis, quæ nusquam ante in catholico audita regno. ANDREAS ZEBRZYDOVIVS, Cracoviensis episcopus, graui ac ad omnem modestiam composito sermone fremitum nuntiorum contra ordinem sacrum emollire contendebat. Verum motus ille non quiescebat. Rex tandem per IOANNEM OCIESCIUM, regni cancellarium, declarauit: *causarum religionis cognitionem, dogmatum nouorum discretionem, ad solos pertinere episcopos, verum honoris aut capitis diminutionem, ad illorum iudicium minime spectare.* Hoc edictum regium, sacrum episcoporum collegium adeo anxietate & graui perculebat dolore, ut lamentando, protestando, contra vim ecclesiæ illatam, positamque securim ad exilium catholicæ disciplinæ, triduo a publico senatus consilio abfuerint. Postea tamen regressi, quod iam factum, non poterant reddere infectum, ab eoque tempore iudici

iudicium episcoporum in causis nouatæ religionis penitus concidit, literæque regiæ ad capitaneos super executione facienda in bonis & personis, de mutata religione conuictorum, ne amplius extraderentur, regia declaratione, tribunitiæque veritum intercessione. Eo finito conuentu Orichovius, episcopum loci ordinarium, tum & totum sacrum collegium supplex deprecatus, cuius motu, occasione, tantum inflictum erat vulnus ecclesiasticæ potestati, familiariter cum episcopis conuersabatur, consultabatque de restituenda in integrum antistitum prostrata iurisdictione, cuius conuellendæ tollendæque ipse præcipuus erat motor & auctor.

Viduus tum erat Rex, mortua non ita pridem BARBARA RADIVILIA. Nouum ergo connubium suasu amplissimi senatus, CATHARINA Austriaca, FERDINANDI, Romanorum imperatoris, altera filia, GVILIELMI, Mantuæ ducis relicta vidua, digna throno & thoro visâ, IVLIO III, Pontifice maximo, ratum gratumque illud matrimonium habente, qui illud dispensandum potius, quam prosperandum dicabat. Decennio igitur a prioribus nuptiis cum ELISABETHA euoluto, missi a rege legati Græcium Styriæ ad Imperatorem, NICOLAVS RADIVILVS, palatinus Vilnensis, & IOANNES PRZEREMBLVS, regni procancellarius, qui pactis connubialibus constitutis, vna cum FERDINANDO Archiduce, CATHARINÆ fratre, Cracoviam eandem deduxerunt, quam DZIERZGOVIUS matrimonio SIGISMUNDO AVGVSTO iunxit & ritu iunctæ solenni regale imposuit diadema, XII. Calendas Augusti 1553. At inter im variæ sectæ ecclesiæ vnitatem & antiquitatem lacerabant, vires & animum sumebant, ab ipsa gentilitia libertate, quæ in licentiam degenerabat, quas & aula indulgenter fouere videbatur. Primariæ, in regno & magno ducatu Lithuanie, domus, a fide catholica Romana de-

sciuerant. Per minorem Poloniam FIRLEII, ZBOROVII, OLE-
 SNICII, OSSOLINII, SZAFRANECII, LANSKORONII, STA-
 DNICII, non impigre ex Germania, Gallia, importatas no-
 uitates promouebant, scholis erectis, templisque catholici
 ritus profanatis, quorum computum in priuatis procerum &
 nobilium supra millia quinque fuisse, connotauit STANISLA-
 VS RESCIVS, canonicus Varmienfis, Hosii Cardinalis fami-
 liaris. In maiori Polonia cooperabantur comites GORCANI,
 OSTROROGII, LESZCZYNII. In magno ducatu Lithuaniae NI-
 COLAVS RADIVILVS, maximis in Lithuania perfunctus mu-
 neribus, primus Vilnam Calvinidogma induxit. Nec de-
 erant, alia horum nomina, SAPIEHÆ, CHODKIEWICII, KI-
 SCÆ, DOROSTAYSCII, PACII, HOLOWCZYNII, a prisca maio-
 rum recesserant fide, quanquam plerique ad gremium matris
 ecclesiæ postliminio redierunt. Nonnulli ex sacro ordine,
 quorum erat Orichovius signifer, ad nuptias conuolarunt.
 MARTINVS KROWICKI plebanus, IACOBVS PRZYLVSKI,
 presbyter, vxores duxerunt, Picardorum dogma professi,
 idem per minorem Poloniam propagarunt, vterque prote-
 ctione Petri Kmitæ fultus. PRZYLVS CIVS, promotione KMI-
 TÆ notariatum terræ Cracoviensis prensauit, regni statuta
 compilauit, ac in ius sacrum ordinem infectatus est, merito
 ab ANDREA LIPSCIO, episcopo Cracoviensi in decade quæst.
 regni publ. *Cleromastix* appellatus. Neque duntaxat
 minor clerus deficiebat, etiam maiores columnæ nutabant.
 Hæc cum innotuissent PAVLO IV, pontifici maximo, misit in
 Poloniam nuntium apostolicum, ALOYSIVM LIPPOMANVM,
 e primaria Venetorum nobilitate, Veronensem episcopum.
 Is cum venisset ad SIGISMVNDVM AVGVSTVM, nomine pon-
 tificis, monuit regem, vt hæresin acrioribus etiam coerce-
 ret mediis. Secretius hæc dicta euulgata, & ad notitiam RA-

DIVILI, tum ad alios, deueniunt, qui odium, indignationem apertam contra LIPPOMANVM expromebant, aliquas etiam mordaces spargebant chartas, quas ille contemnebat. Narrat BIELSCIVS, etiam in vitam ipsius aliquas fabricatas fuisse machinationes. Rex causabatur, ita sibi ligatas manus, ut inanem conatum & operam circa præmissa attentaret. Vilnæ hæc acta, ubi LIPPOMANVS non diu moratus Lovicium venit, ut cum DZIERZGOVIO communicaret, & succurreret ecclesiæ tantis agitatæ fluctibus.

Interim regina BONA, SIGISMUNDI AVGVSTI mater, vergente iam in senium ætate, cum supra annos triginta mansisset in Polonia, ingentesque coaceruasset thesauros, seu amore natalis soli capta, seu quod in regia filii, non ea pollebat auctoritate, quam retinebat antea, cum omnes sacros, civiles honores, magistratus, dignitates publice haberet venales, auctione proposita, sequiori consilio Italarum Neapolitanorum, LAVRENTII PAPAGONÆ, CAMILLI BRANCATI obsecundando, curandæ languentis valetudinis obtentu in Italiam iter, Barium versus, apparabat. Rex filius, & filie tres, ISABELLA, vidua relicta IOANNIS Hungariæ, CATHARINA, ANNA, virgines, lachrymabundæ, totusque senatus deprecabantur, decenterque dehortabantur, ut a destinata abisteret via, & in Polonia regis vxor, mater, vitæ reliquum exigeret honorifice potius, quam in dominationem alterius principis cum ingenti regni detrimento, asportata maximi pretii gaza, concederet. Verum BONA nullis precibus suasionibusque flecti poterat. Tandem magnis largitionibus regem, senatum, in suum pertraxit sensum, ut non grauati abiturientis desiderio assentirentur. ANDREAS vero ZBRZYDOVIVS, episcopus Craconiensis, IOANNES PRZEREMBIVS, regni procancellarius, & IOAN. TARNOVIUS, castellanus,

Craco-

Cracoviensis, valde obstiterunt, ne BONA regno egredere-
 tur. Tandem IOAN. OCIESCIUS, regni cancellarius, literas
 passus obsignavit, & cum STANISLAO TENCINIO, palatino
 Cracoviensi, totam rem confecit, iterque liberum e regno expe-
 diuit. Dixisse fertur BONA, voti facta compos, emptis pro-
 cerum suffragiis: *Et filium mihi vendidissent, si voluissim.* Ab-
 iit igitur e Polonia, viginti quatuor currus, auro & argento,
 magnique pretii cimeliis onustos seiuges trahens. Diplo-
 mata nonnulla super bona regia, quorum reditu sustentabatur,
 & quæ nomine *contra dotis* retinebat, vna cum eorum tradidit
 possessione SIGISMUNDO AVGVSTO. Postea vero quam Bari-
 um peruenisset, eaque omnia non euenirent, quæ animo statue-
 rat, sero de regressu in Poloniam cogitare occipiebat. Non
 integro igitur completo biennio, cum PAPAGODA, consilii
 auctor & faber, animaduertisset, BONAM postliminio in Polo-
 niam agitare profectionem, IOANNEM ANTONIVM, Mace-
 ratensem medicum, pretio corrupit, vt languenti tum & ægræ
 BONÆ pharmacum toxico permixtum propinaret. Scelus sce-
 leri accumulando etiam ipsum medicum pharmacum adse-
 rentem, vt præbiberet compulit, cumque dimidium ebibis-
 set, proripientem se medicum, in camera detinuit, neque pri-
 us eum dimisit, nisi tam rapido veneno per præcordia diffu-
 so, quod cum iam sentiret medicus, torminibus viscerum
 correptus, circumstantibus denuntiavit, se vltra otidium
 non superuicturum, reginam vero vix triduum superatu-
 ram, affirmavit. Atque ita PAPAGODA quæsitissimis arti-
 bus illam columbam cum pennis deauratis, ne rursus in Po-
 loniam, cum tam pretiosis auolaret plumis, e vita exturba-
 uit, & confecto testamento amplissimos thesauros fisco regis
 Hispaniarum intulit, ducatumque Barensem, tanquam addi-
 tamentum regni Neapolitani, transcripsit, fraude & veneno
 in re-

in reginam grassatus. Hereditatem maternam, quæ AVGVSTO debebatur, cum per legatos idem repetundarum causa missos vindicare satageret, frustra & inani opera saxum illud voluebatur.

Cum autem contra Petri nauem in regno & adiunctis provinciis a novatoribus decumani fluctus concitati furerent, DZIERZGOVIVS omni cura allaborabat status ecclesiastici conseruationi, prout STANISLAVS HOSIVS S.R.E. Cardinalis, in epistola dedicatoria suorum operum, ad HENRICVM VALESIVM, electum Poloniæ regem, luculenter testatur. Itaque synodos episcoporum provinciae suæ frequentius congregavit, conciliaque provincialia celebravit, ut conuulsam fractamque disciplinam ecclesiasticam instauraret. Neque minor dundaxat clerus, peruersis studebat nouitatibus, etiam illæ columnæ, quarum fulcire domum Dei erat, labascebant. IACOBVS VCHANIVS, ex chelmenſi ad Vladislauienſem episcopatum translatus, novatoribus fauebat, qui & sæcularis officii ministerio episcopatus apprehendit possessionem. Is Andreæ Modreuium, hæreticum, ecclesiasticum, certa bonorum episcopatum non spernenda cumulabat sorte. IOANNES DROHOIOVIVS, Roxolanus, Vchanii in Vladislauienſi cathedra antecessor, non obscure in eas propendebat nouitates. GEORGIVS PETROWICIVS, Samogitiæ episcopus, ut VARSEVICIVS in vita SIGISMVNDI AVGVSTI connotauit, Lutheranismum palam profitebatur. NICOLAVS PAZZIVS, episcopus Kiiouienſis, hisce imbutus nouitatibus, etiam libris scriptis fidem catholicam oppugnabat, ductaque vxore, cedens episcopatu, castellani Brestenſis assumpto titulo, in senatu consulabat, quod tandem PRVS V pontifex indigne ferens, apostolica litera monuit regem, ut eum senatu moueret. ANDREAS DVDIRIIVS, in Hungaria episcopus, legatus ab im-

peratore MAXIMILIANO II. cum ad SIGISMUNDVM AVGVSTVM, Poloniae regem, venisset, alicuius industriae, utinam & constantiae, in eadem legatione sui quodam modo oblitus, ex episcopo apocopus factus est, & ad nuptias conuolauit, ducta vxore ex domo ZBOROVIORVM, quae fuerat in gynecæo CATHARINAE reginae. Eundem vero DVDDITHIVM, in Tridentino concilio praesentem, Cardinalis Hosivs apostatam fore aliquando, praedixerat, non vano inde capto praefigio, quod lasciuus fuerat & sibi praefidebat. Obistere quidem his contendebat DZIERZGOVIVS, maiore tamen voto, quam consilio. Suasu collegii metropolitani, quatuor designauit inquisitores, SEBASTIANVM ZYDOWSKI, suffraganeum, MATTHIAM SLIWNICXI, I. V. D. archidiaconum, Gnesnenses, DAVIDEM PONIATOWSKI, custodem & TROIANVM praepositum Lascensem. Concionatores in collegiatis ecclesiis Lanciciensi, Vnieiouiensi & Carelouiensi, cum annexis canonicalibus praebendis, erexit & in perpetuum ordinauit. Magistro scholae Gnesnensis in eadem ecclesia altare SS. Petri & Pauli, ut nauiter suum impleret officium, attribuit, accedente consensu metropolitani collegii. Pœnitentiarum maioris in ecclesia Gnesnensi, qui quosuis poenitentes, etiam a casibus S. sedis apostolicae reservatis, absolueret, etiam cum irregularibus dispensaret, agitabat erectionem cum aliquo ampliori censu. Sed fuit hoc bonum desiderium & conceptus inchoatus, a morte interceptus, & a successoribus eius penitus neglectus.

Arcem Louiciensem, quam ad confluentem BSVRAE fluminis condiderat IAROSLAVS BOGVRIA SKOTNICIVS, nouis excitatis aedificiis insigniter excoluit DZIERZGOVIVS, qui ad illius saeculi morem pulcherrimas aedes & grande struxit coenaculum, in quo a LECHO primo, Sarmatiae principe, ad SIGISMUNDVM seniore, omnes reges & principes depicti,
bre

breuibus adiectis elogiis, spectabantur. Adiecta erat in porta turris altior, se qua longe lateque insubiacentem patebat prospectus, cum machina horologii, quæ tempus dispensando a longe audiebatur. Successores, DZIERZGOVII, adiectis ædificiis, ad omnem elegantiam hoc consumarunt opus. Verum anno 1655. ab aquilone coorta belli tempestate, Sueciæ rege, Carolo Gustavo foedere abrupto, Poloniam inuadente, hæc ædificia disiecta & in planum acta, hucusque visuntur.

Hoc DZIERZGOVIO apud posteritatem gratam parauit memoriam, dum attentis angustis mensæ capitularis, KARNOWKAM, patrimonii archiepiscopalis portionem, æuiterna donatione collegio transcripsit metropolitano. Ruenti vero auctoritati ecclesiasticæ frustra supponere conabatur humeros archiepiscopus, cum nouatores in tutela & patrocínio regiæ delitescerent potestatis. Rex habebat etiam intimos ministros aliquos Germanos, Lutheri opinionibus imbutos, eorumque opéra incuriosis magiæ & alchimie doctrinis addiscendis utebatur. FRANCISCVS LISMANINVS, Italus monachus apostata, ipsius internuntius Genevæ, Tiguri in Heluetia ea suggerebat consilia, quæ fidem catholicam ad extremum prouoluerent interitum.

Quod superest Dzierzgouius suo non defuit officio, sed augendi euehendique sanguinis vrtica eum sollicitabat, & tumens ambitu aliquo, a pago obscuro comitatus vsurpabat titulum. Fratrem IOANNEM ex humili loco ad palatinatus Masouie promouit dignitatem. Cum annis quatuordecim, grauissimis nouatorum insultibus fatigatus, rexisset ecclesiam metropolitanam, XVI. Cal. Febr. 1559, e medio viuorum excessit in arce Louiciensi. Non multo ante obitum legerat sibi in archiepiscopatu successorem IOANNEM PRZEREMBIVM,

episcopum Chelmensem, regni procancellarium, eamque adoptionem, seu *coadiutoriam*, ratam habuit PAULVS IV, pontifex maximus. Corpus defuncti Gnesnam deportatum ibidemque tumulatum in sacello propriis sumibus erecto, vbi hæc inscriptio legitur.

D. O. M. S.

NICOLAUS DZIERZGOWSKI, Archiepiscopus Gnesnensis
Regni primas & Legatus natus

In multis & variis reipublicæ curis & muneris sui
Pontificii gravissimis negotiis

De sempiterna requie sollicitus vivens sibi posuit.

M. D. LIV.

Quietem posteris non inuideant, qui secus illis mentem.

Bonam precamur.

ANDREAS TRICESIVS, qui vitas archiepiscoporum, a Ianicio scriptas, euulgavit, hoc de eo scripsit elogium:

Te fauor ad magnos regis prouexit honores

Et primum patriæ fecerat esse caput.

Largus eras inopi, nec certe iniurius ulli.

Non est parua boni laus quoque & ista viri.

III.

Catalogus comitiorum, sub IOANNE CASIMIRO & MICHA-
ELE I, Poloniae regibus, celebratorum.

Corona-

Annus 1649. Lo- us Craco- sus. v. ae. integra.

Coronatio. Ob male rem gestam exercitus ad Pilavice contra Cosacos, turbulenta, tandem mitigatis animis ordo equestris in supplementum exercitus, motionem generalem nobilitatis, & tredecim fumalium tributa consensit. Mareſchallus FRANCISCUS DUBRAWSKI, Succamerarius Premisliensis, cum duobus deputatis nuntiis subscripsit prima vice.

1649. Varſa- integra. v. ae.

In Nouembri. Approbatio sopiti tumultus Cosacorum a Rege, stipendiorum exacta solutio, tributa grandia & alia sancita. (*Statutum in primis, ut conuentus Lubeci cum corona Sueciæ de mutuis foederibus, æternaque stabilienda concordia habeatur. Vid. Rudawski annales Ioan. Casimiri, reg. Pol. p. 56*)

Mareſchallus BOGUSLAUS LESZCZYNSKI, generalis maioris Poloniae capitaneus, (*Postea thesauri regni præfectus factus, vid. Rudawski annales p. 57.*) cum quatuor collegis nuntiorum subscripsit constitutionem.

1650. Varſa- integra. viae.

Extraordinaria ex concessione præcedentium. Dispositio ærarii ad exsoluenda stipendia. Commissio monetaria, cuius acta volumini annexa sunt. Tributa quoque. Denique regi Angliæ exuli, a mercatoribus Anglis & Scotis in regno, decem pro centum bonorum ipsorum, in subsidium concessa. (*Articuli XIV, horum comitiorum liguntur in Rudawski annal. p. 68*) Mareſchallus VINCENTIUS CORVINUS GONSIE,

Ll3

WSKI,

Annus.	Locus.	Successus.	
1652.	Varsoviae.	rupta.	<p>wski, Dapifer. M. D. Lith. cum quatuor collegis nuntiis subscripsit. (<i>Integra GON- SIE VII vita reperitur in Rudauscii annalibus ope indicis, ad hoc opus, quaerenda</i>)</p> <p>In Martio. Primum exemplum rupti con- uentus regni ab vno, nuntio, factionibus procerum corrupto.</p> <p>Is fuit Lithuanus, nomen ab historicis, tan- quam viri maledicti, suppressum. Kochowski climact. I. Lib. II. pag. 314. Sed recessus in Prussia collecti nomine SICINSKIUM, ex districtu Upitenfi fuisse nuntium, dicunt, rumpentique castellanum Brestensem, zelo patriæ, in mediis fluctibus abque consiliis re- lictæ, diras imprecaturum, & in fine orationis horrendo epiphonemate caput eius execra- tum, <i>boday przepadł</i>, h. e. <i>utinam pereat</i>, cui multos senatores & nuntios Amen, ac- clamasse. Denique non diu abhinc, pa- trem, matrem, sororemque Sicinscii, fulmi- ne tactos, periisse, ipso superstite, referunt. [Vid Rudauscii annal. de his c. mitis, p. 100.]</p> <p>[Mareschallus ANDREAS MAXIMILIA- NUS FREDRO, dapifer Leopoliensis. Kochow- ski climact. I. p. 300 & 312.]</p> <p>In Julio. Absente rege ægroto, ordinaria ad duas hebdomadas reducta. Rationes æarii, tributa, & alia sancita. RADZIEW- WSKI, procancellarius regni, priuato odio regis, perduellionis damnatus, absque suf- fragiis solitus. Senatus cum equestri ordine mutua</p>
1652.	Varsoviae.	integra	

Annus	Locus	Succes- sus.	
			mutua conferentia omnia pertractavit in gratiam regis. (<i>Vid. de his comitiis Rudausci- us in annal. p. 107 & 108</i>)
			Mareschallus ALEXANDER SIELSKI, ca- pitaneus Stenzycensis, cum quatuor nunti- is subscripsit. (<i>Kochowski climact. I. p. 335</i>)
1653.	Bre- stiae in Lithua- nia	integra.	Leges & dispositiones variae. Cassatio- nes decretorum tribunalitiorum, contra le- ges regni latorum, & tributa sancita. Mareschallus CHRISTOPHORUS PAC, vexillifer M. Duc. Lithuaniae. cum sex col- legis nuntiorum subscripsit. (<i>Kochowski cli- mact. I. p. 363</i>)
1654.	Var- saviae.	rupta.	Nuntii Prussiae PONKOWSKIUM, vexillife- rum Culmensem, petulanter protestatum, omnes sequuti, cum ingenti provincia, pe- riculoso illo tempore, invidia. (<i>Vid. de his comitiis Rudauscii annal. p. 141.</i>)
1654	Var- saviae.	integra.	Mareschallus FRANCISCUS DUBRAWSKI succamerarius Prensliensis, secundum. In Iunio. Rationes aerarii discussae. Mo- tio generalis nobilitatis, item militum, & multae priuatorum aggrauationes, nobilita- tiones &c. decise. Mareschallus CHRISTOPHORUS GRZY- MUTOWSKI, succamerarius Kalisientis cum sex deputatis nuntiis subscripsit.
1655.	Var- saviae	integra.	Causa turpiter dediti Smolenscii ad iu- dicium perduellionis tracta, mox limitata, tandem incurioso fine neglecta. Contra ir- ruptionem Suecorum exercitus & motio gene-

Annus.	Locus.	Succes- sus.	
			generalis nobilitatis, lex sumptuaria, dispositio ærarii, disciplina militaris, tributa & alia priuatorum sancita. (<i>De his comitiis conferatur Rudoufcius p. 148. 156. 157.</i>)
			Mareschallus Io. CASIMIRUS UMIATOWSKI, iudex terræ Brestensis Lituæ. (Kochowski clim. II. p. 15.)
1656.	Tyskovicus.	integra.	Palatinatus minoris Poloniæ confoederati, regem profugum e Silesia reuocantes, libertatem patriæ vindicare coeperunt, & Suecorum seruitutem abicere, auctoribus LUBOMIRSCIO & POTOCIO, hoc supremo duce exercitus, illo Mareschallo regni. (<i>Male hic Braunius confoederationem Tyskovicis d. 29 Decembr. 1655 initam, inter regni comitia retulit. Sic etiam, & quidem maiori iure, confoederationem ordinum & exercitus regni Poloniæ, Landshuti d. 2 Ianuar. 1656 factam, huc referre debuisset, de quibus vid. Rudowski in annalibus p. 221 & 227. Magna est differentia inter confoederationem & comitia</i>)
1658.	Varsoviae.	integra	Arriani, ex voto regis, ad placandam iram coelestium, regno banniti. Pacta defensiva contra Suecos, cum Cæsare, Daniæ rege & Electore Brandenburgico, approbata. Acta generalis de mercibus & comestibilibus, agraria quoque Scira. Indigenatus, nobilitationes, multis collatae Inculpatis proditores Smolencii a crimine absoluti. Propter vitiosam impressionem harum constitutionem, per sequentis anni constit. p. 4. authenticum exemplar monstratum. Ma-

Annus	Locus	Succes- sus.	
1650.	Var- saviae	integra	<p>Mareschallus VLADISLAUS LUBOWE- ECKI, iudex Cracouiensis, cum sex deputa- tis subscripsit.</p> <p>Acta commissionis Hadiacensis, qua motus Cosacorum sopiti, iuramento & be- neficiis regis approbata. Commissio de- liberandi super modo comitia semper be- ne concludendi. Executio pactorum Byd- gostiensium cum Electore Brandenburgico. Iurisdictionis ecclesiasticorum & nobi- lium in fundis prope oppida omnimoda cassatio. Exercitus & aerarii dispositio, multa denique priuatorum negotia deci- sa & sancita.</p> <p>Mareschallus IOAN. GNINSKI, succame- rarius Pomeraniae, cum quatuor deputa- tis subscripsit.</p> <p>Extra ordinem tantum ad approbanda pacta Oliuensis, ab archiepiscopo, & ma- reschallo praecedenti subscripta, conuoca- ta. Quae approbatio cum pactis inter a- cta sequentium comitiorum in Volum. ex- hibentur p. 46. (<i>Eadem etiam legi possunt in Rudawski annalibus.</i>)</p> <p>Modus exsoluendi stipendia debita mi- liti. Vestigal generale cum noua instru- ctione siue tabula, ac designatione came- rarum, teloniorum, contra iura, in ipsa Prussia ad Elbingam, Torunium, Mariae- burgum. Commissio Czudnouiensis cum Cosacis approbata. Tributum insolens</p>
1660.	Varfa- viae.	integra	
1661.	Varfa- viae.	integra	

Annus	Locus	Successus	
1462.	Varfa- viae.	integrus	<p>50 agrariarum, multique articuli priuatorum, sancita. Proposita a Rege electio contradictione nuntiorum statim euauit.</p> <p>Mareschallus MICHAEL CASIMIRUS RADZIWIL (Pincerna Lithuaniae), qui primus, ante deputatos ad constitutionem ex senatu, subscripsit.</p> <p>Extra ordinem ad media exsoluendi stipendia exercitui, tertia hac vice confederato, sub SWIDERSCIO in regno & ZYROMSKIO in Lithuania. Inde commissio magna Leopolim designata, quæ ad debita exsoluenda, reipublicæ immenso & perpetuo damno, ultra facultatem commissionis suæ, solidos cupreos, mox & rynfones, vilem monetam, eudere permittit, partem stipendiorum, vnionibus ex gaza regni, partem ex tributis exsoluit, partem denique ad incerta tempora distulit. In comitiis hisce amnestia & impunitas confederatis, tributa insolita, nempe prima capitatio, titulo subsidii charitatiui, ne libera capita appretiari viderentur, & alia scita. Nihilominus confederatiis mediis non sopiri, donec contrarium confederatum exercitui Rex, & Archiepiscopus excommunicationem opponerent. Mentio quoque electionis, viuentis rege, lege repetita sublata. p. 3. Vol.</p> <p>Mareschallus IOANNES WIELOPOL-</p>

Annus.	Locus	Successus.	
1654.	Varaviae.	rupta.	<p>SKI, capitaneus Biectensis, iudem ante senatores deputatos subscripsit, insigni argumento, potissimas partes imperandi & consulendi de republica, equestrem ordinem a Rege & senatu ad se traxisse. Kochowski clim. III. p. II & 26.</p> <p>Tantum ad reginae LUDOVICÆ odium, contra GEORGIUM, LUBOMIRSCIUM, Mareschallum regni, factiosæ suæ electioni potentissimum aduersarium, exsatiandum, indicta, quem iudices, statim a mareschallo nuntiorum, aulae obnoxio, nominati, non attentis protestationibus plerorumque, cum Zabokrzycio abeunte, nuntiorum, perduellionis reum iudicarunt, & capitali supplicio ab homicidiis Gonsievii sumpto, nihi præterea egerunt. Vid. Kochowski climact. 3. Lib. 3. pag. 155, (Rudawski annales p. 512.)</p> <p>Mareschallus IOANNES GNINSKI. iterum.</p> <p>Ethæc comitia, propter implacabile odium reginae in LUBOMIRSCIUM, quod PRAZMOWSKI cancellarius, assentator aulae, fouit, protestatione tandem soluit VLADISLAUS LOS, dapifer Plocensis. Inde bellum ciuile exarsit.</p> <p>Mareschallus IO. ANTONIUS CHRAPOWICKI, Lithuanus, aulae affecta (Succamerarius Smolenicensis. Kochowski clim. III. p. 171)</p>
1665.	Varaviae.	rupta.	<p>Mm2</p> <p>Ex</p>

Annus.	Locus	Succes- sus.	
1666.	Varfa- viae.	rupta.	Ex eadem causa, iterum irrita fecit pro- testans THEODORUS LUKOMSKI, nuntius, & regius exercitus hoc anno a LUBOMIR- scio & confoederatis, pro libertate ele- ctionis, palatinatibus, ad Montwy Cui- viae caesus.
1666.	Varfa- viae.	rupta.	Mareschallus MARTINUS OBOŃSKI, capitaneus Liwensis. In Nouembri Propter renitentiam au- lae ad reconciliationem, a GASPARO MIA- SKOWSKIO nuntio, protestatione rupta.
1667.	Varfa- viae.	integra	Mareschallus nuntiorum, IOAN. ODRO- WĄZ PIENIAZEK, capit. Oświęcimensis. Turbulenta, obrecoctam a regina men- tionem electionis viiente rege, nepti uae thronum cum damno reipublicae & op- probrio mariti regis, struente. Tandem a- mnestia generalis confoederatis palatina- tibus & Lubomirscio, cum approbatione tractatus ipsorum ad Lengonice, item di- spositio exercitus & aerarii, priuatorum gratiae multae, denique tributa scira.
1668.	Varfa- viae.	irrita.	Mareschallus ANDREAS KOTOWICZ, M. Duc. Lith. notarius. Sub hac comitia tandem regina LUDOVICA, tot incendi- orum Poloniae fax, mortua est, cui tamen WYDZGA episcopus Varmienſis, antea re- ginae cancellarius, in historiae suae libello rarissimo, magnas virtutes asseruit. In Ianuario. Ob distributionem vacanti- um dignitatum; monetam corruptam, prodiga-

Annus	Locus	Succes- sus.	
			prodigalitate regis, &c. turbulenta, licet relatione SOBIESCII, exercitus ducis, de bene ad Podchayce gesto finitoque bello cum Tartaris, deliniti fuerint ordines, ta- men MARTINO DEMBICKIO, vexillifero Sandomiriensi, non nisi sub conditione in- prorogationem termini consentiente, va- ledicentibus omnibus nuntiis, irrita soluta. Mareschallus, CAROLUS Dux CZARTO- RYISKI, succamerarius Cracouiensis.
1668.	Varfa- viae	integra	Die 16 Septembris. Abdicatione regis (consilio GNINSKI & aliorum eius confi- dentium, ordines regem non dimissuros, putantium) ob finem facta, & ab ordi- nibus, post caeremoniales planctus, diplo- mate renuntiationis coronæ accepto, vi- cissimque regi reuersalibus suis datus, ni- hil præterea actum. vid. Vol. Mareschallus STEPHANUS SARNOWSKI succamerarius Lenciciensis, post senato- res, tanquam throno vacante, senatu cum primatu regiam dignitatem repræsen- tante, subscripsit.
1668.	Varfa- viae.	integra	Die V. Nouembris. In conuocatione generali, confœderatio ordinum solitis clausulis scripta, insolito primati dato ti- tulo ferentissimi. Præter ea, iudicia capti- ralia, securitas regni, electionis futuræ solennia & cætera negotia, ordinata. Mareschallus IOAN. ANTONIUS CHRA- POWICKI, succamerarius Smolencensis, Mm3 iteum.

Annus	Locus	Succes- sus.	
			iterum. Post senatores subscripsit, tan- quam in interregno. (Zaluski in epist. Tom. I. p. 76.)
1669.	Var- saviae	integra	Eledio. Dum proceres suis factionibus immerfi negotiantur, tædio moræ, vulga- ris nobilitas turmatim adequitans arma ostentat, & nominat regem MICHAELEM, qui post festinato, antecedentium fere te- nore conscripta pacta conuenta, die 7. Ju- lii solenniter iuravit. Marefchallus nunti- orum FELIX POTOCKI, subdapisfer regni, adhuc post senatum subscripsit. (Zaluski Tom. I. p. 118.)
1669.	Varfa- viae.	rupta.	MICHAEL I. REGE. Coronatione regis vix expedita, facti- one Primatis PRAZMOWSKI & Mare- fchalli regni SOBIESKI, Regis inertiam de- spicientium, turbulentissima. Tandem prætextu causæ nobilium ex- ulum, ab hoste bonis exutorum, ab ADA- MO OLIZAR, nuntio Volhyniæ, prote- statione rupta. Marefchallus ANDREAS KBZYCKI, succa- merarius Kaliffiensis. Iterum, iisdem factionibus infensorum regi procerum, per BENEDICTUM ZABO- KLIKIUM præfracte rupta. Marefchallus IOAN. CASIMIRUS KIERDEY, marefchal- lus terræ Grodnensis. In Septembri. Tunc demum confir- matio iurium generalis, & reconciliatio mutua
1670.	Varfa- viae.	rupta.	
1670.	Varfa- viae.	in egr	

Annus.	Locus.	Successus.	
			mutua statuum a rege perfecta. Motio generalis nobilitatis, ordo iudiciorum tribunalitiorum, dotalitium reginae CATHARINAE Austriacae, & alia, cum tributis, sancita.
			Mareschallus STANISLAUS LUBOMIRSKI, subdapifer regni, capitaneus. Scepusiensis, ante senatores subscripsit, & sic postea semper.
1672.	Varaviae.	rupta.	In Ianuario. CASIMIRUS GRUDZYNSKI castellanides Ravensis, homo infamis & bannitionibus obiectus, licet ultra numerum legitimum se nuntium Podoliae finxisset, tamen ab insensu Regi fultus, proterve rupit. Ideo Mareschallus nuntiorum regi valedicens, <i>Herostatum</i> , cancellarius a throno respondens, <i>parricidam</i> , appellarent. Episcopus Cuiaviae vindictam diuinam, ut qui diuina & gentium iura effregerit, imprecatus. Mareschallus MARTINUS OBORSKI, capitaneus. Livenfis. iterum (Zaluski T.I. p. 313.
1672.	Varaviae.	rupta.	Extraordinaria in Majo. Ex eadem occasione procerum, STANISLAUS UBYSZ, vexillifer Gosinensis, protestatione rupit, & nuntii omnes, vno palatinatu excepto, sine regis valedictione dilapsi.
			Mareschallus IO. GABRIEL SOKOLINSKI, M. D. Lit. Notarius.
1673.	Varaviae.	integra	Post infelicem tot comitiorum exitum, odio regis ab Archiepiscopo & Mareschallo,

Annus.	Locus.	Succes- sus.	lo, Duceque exercitus regni, ad abdicati- onem regem vrgentibus, tunc ordines, pe- riculo a Turcis, qui Cameracum prodi- tione interceperant, excitati, confoedera- tionem generalem pro salute regis & re- gni inierant, quam, ad Golembiow, cum motione generali nobilitatis congrega- tam, inde Lublinum, tandem Varſaviam translatam, in concilium magnum, deni- que in hæc comitia transformarunt. Pa- cificatio interna cum male contentis pro- ceribus, Lovicii concilium suum habenti- bus, perfecta. Defensio patriæ ab extra, exercitus & ærarii ordinatio, vedigal ge- nerale, & subsidium capitale, sancita, cum actis priuatorum. Mareschallus STEPHA- NUS STANISLAUS CZARNECKI, notarius campestris regni, ante senatores, ac post eos, duodecim nuntii deputati subscri- pserunt. (Zaluski Tom. I. p. 439, & 464.)
1674.	Varſa- viae.	integra	Mortuo rege, conuocatio generalis or- dinum in Ianuario. Confoederatio clau- sulis vsitatis scripta. Multa negotiâ pu- blica quoque ordinata. Mareschallus FRANCISCUS BIELINSKI, ensifer Regni, post senatores subscripsit. (Zaluski Tom. I. p. 554.)
1674.	Varſa- viae.	integra.	Electio IOANNIS III. in Aprili peracta, & pacta conuenta clausulis solius firmata. Mareschallus BENEDICTUS SAPIEHA, thesaurarius curiæ M.D. Lith. (Zaluski T. I. p. 558 & 678.) conuocatio in trime- sui sequente.

IV

Lexicon d'erer itztlebenden Gelehrten in Pohlen, hoc est: Lexicon nunc viuentium eruditorum in Polonia, editum a Canonico & bibliothecario JANOZKI. Tomus II. Vratislaviae apud Io. Jac. Kornium. 1755. in 8 mai. plag. 14.

Hic tomus posterior lexici Ianociani continet litteram Z, ex quo, prout ex priori, nomina eruditorum vna cum eorum scriptis suppeditamus.

ZALESKI (Iosephus) Scholar. piar. prouinciæ Polonæ. Scripta eius I) cornu copiæ eloquentiæ, Varjaviæ. a. 1724. II) Latifundia oratoria Varf. 1729.

ZALUSKA (Teresa) nata ROSTWOROWSKA, Iosephi Zaluscii, capitanei quondam Rauensis vxor, breui, inito matrimonio, diuortio ab eo seiuncta. Singularis pietatis, eruditionis etiam haud vulgaris matrona. In suada Polona Danykowiciana Tom. I. part. II. p. 72 reperiuntur duæ, memoria dignæ, orationes, in lingua vernacula graui in causa ad regni tribunal ab ea habitæ. Latina lingua opusculum scripsit: *de virtutibus & vitiis mulierum Polonarum*, quod vero nondum impressum. Gallicam Italicamque linguam bene callit, variaque, in his linguis scripta opuscula, Polono idioma te donauit, quæ lucem autem nondum viderunt.

ZALUSKI (Andreas Stanislaus Kostka) Episcopus Cracouiensis, Dux Severiæ, perpetuus Academiæ Cracouiensis cancellarius, ord. aquilæ albæ eques. Magnus Poloniæ Mæcenas atque eruditorum æstimator, qui omni modo litterarum in Polonia incrementum promouere studet, qua de re fundatio Bibliothecæ publicæ Varfauensis maxime testatur. Integræ auctor huius celsissimi mæcenatis vitam & accurate & concinne exhibet, quæ ab omni erudito, in primis in Polonia, legi meretur.

Na

Scrip.

Scripsit libellum: *De iudaeis, Christiano nomini infensissimis, in Masoviae ducatu non ferendis & sustinendis*, vernaculo sermone. Varf. ex typographia Soc. IESU. In lucem etiam emisit: *Constitutiones & decreta Synodi dioeceseanae Plocensis A. 1733 Pultaviae celebratas*, Varf. typis coll. regii Soc. IESU 1735 in 4. Alphab. 1. plag. 15. chartae augustae. Porro *Constitutiones Synodales*, cum episcopus Culmensis & Pomelanienensis esset, in dioeceseana synodo, in ecclesia archiepiscopali Lubaviensi, celebrata diebus XVI. XVII. & XVIII. Sept. A.D. 1745. Brunsbergae typis. coll. Soc. IESU 1746. in 4. Alphab. 1. plag. 3.

ZALUSKI (*Martinus*) Suffraganeus Plocensis, episcopus Dresnensis in Pamphylia, episcopi Cracoviensis frater germanus, natu maximus. Magnus litterarum amator, eruditorumque aestimator, prout Zalucii omnes. Varia opera composuit multaque opuscula ascetica Italice scripta, lingua Polona explicavit, inter quae DIDACI ZUNIGA de vtraque fortuna libellus.

ZALUSKI (*Iacobus*) capitaneus Suleioviensis, episcopi Cracoviensis frater natu minor, nuper defunctus. *De quibus tuendis* librum condidit. Idem quoque Ludov. Burdaluei, orationes sacras Gallicas, Polona versione, nitide satis & accurate expressit, & dissertationes quasdam Dom. de Reaumur physicas Polono idiomate donavit.

ZALUSKI (*Josephus Andreas comes*) supremus regni Referendarius &c. &c. Academiarum scient. Bero-
linensis, Bononiensis, Petropolitanae socius, frater episcopi Cracoviensis natu minimus, magnus ille mæcenas & Polonorum Varro, qui ad incrementum litterarum in Polonia quam maxime fecit, bibliothecam publicam Varfaviensem condidit, variaque scripta doctissima edidit, nempe sequentia, Latino idiomate:

I) *Analeſta hiſtorica, de ſacra in die natali Domini, a Romanis pontificibus, quotannis uſitata caeremonia, enſem & pileum benedicendi, eaque munera, principibus chriſtianis, mittendi. In quibus exterarum nationum plurima, Poloniae omnia exhibentur exempla, praecipue vero exacta relatio ultimae horum Benedicti XIII. P. M. munerum collationis ſereniſſimo & Auguſto, Regio Poloniae & Electorali Saxoniae principi, e fontibus auctorum eccleſiaſticorum, tum & profanorum varii idiomatic, petita & collecta. A. MDCC. XXVI. Varſaviae typis S.R.M. Scholar. piar. in 4. pl. 16.*

II) *ſpecimen hiſtoriae Poloniae criticae, conſtans animadverſionibus in hiſt. Ludouici Polon. & Hung. regis ab Auguſtino Koludski deſcriptam, quibus ab eo ibidem inſerta & vindicata, a clauſis vero aliis ſcriptoribus commemorata narratio, de violenta ſtatum reipublicae conſoederatione, vulgo ROKOSZ, ad Gliniany a. 1381. d. 26. Aug. XII. procerum Polonorum decapitatione ſoluta, indiſſolubilibus argumentis reſellitur, & merum nugamentum praenuntiatur. A. MCCCXXXIII. in 4. Alph. 1. pl. 5.*

III) *Coſpectus nouae collectionis legum eccleſiaſticarum in Poloniae, titulo Synodion Poloniae orthodoxae, tum & aliae collectiones ſcriptorum eccleſiaſticorum Poloniae ineditorum, tum & editorum quidem, ſed rariffime obuiorum. Varſaviae ex typographia Scol. piar. 1744. in 4. pl. 10*

Receſſionem huius ſcripti vide in Liſſioth. Vars. part. III. p. 219.

IV.) *Opera omnia Paſci comitis in aureo Potok Pilauitae POTOCKI, Coſtelli ni Canonicenſis in Podolia, ſenatoris regni Poloniae. Quae anecdota ex ſua bibliotheca, iam nunc publica, edidit, quaedam ex Polonico idiomate, Latina metaphraſi interpretatus eſt. Notulis & indicibus illuſtrauit, juxtup. loci genealog.*

logia *POTOCIANA*, tum & epitaphiis sepulchralibus *POTOCIORVM*, ac denique testimoniis historicorum, depulauit & Potociis locupletauit. *Varſau* a ex typographia collegii r. gii Soc. *Jeſu* A.D. 1747. in folio. alphab. 4. plag. 14.

V) Duæ epistolæ, altera eminentissimi principis, *ANGELI MARIAE* Cardinalis Quirini S.R.E. bibliothecarii & episcopi *Brixienſis*, ad *IOSEPHVM ANDREAM* comitem *ZALUSKI* supremum regni *Poloniae* Referendarium &c. iuxta exemplar *Brixienſe* recusa: altera uero eiusdem illustrissimi Referendarii ad eminentissimum Cardinalem illum, nunc primum edita. *Varſaviae* MDCC. XLIX. in fol. plag. 7.

Polono idiomate impressa sunt.

VI.) Duo gladii, aduersus dissidentes a fide catholica in regno *Poloniae*, euaginati, alter defendendo, alter offendendo agens. *Varſaviae*, ex typographia Schol. piar. MDCCXXXI in 4. Alph. 3 pl. 12.

VII.) Programma litterarium, ad bibliophilos, typothetas, & bibliopegos, tum & quosuis liberalium artium amatores, sermone partim *Polono*, partim etiam *Latino*, conscriptum. *Varſ. An.* 1734. in 4. plag. 8.

Recensionem huius scripti uide in bibliotheca *Varſauiensi* part. II. p. 123.

VIII.) *Matthiae Marciani Ladoski*, secretarii quondam *Regii*, & *Metricae* maioris cancellariae regni praefecti, index constitutionum regni *Poloniae* & magni ducatus *Lithuaniae*, in annum MDCCXXVI. continuatus. *Lipsiae* ex officina *Weidmanniana*. 1733. in fol. Alph. 8.

Quæ manuscripta nondum sunt edita, hæc maxima ex parte iam elaborata, nempe *Latina* lingua:

Catalogus bibliothecae *Zalusciae*: Synodicon *Poloniae* orthodoxæ: collectio scriptorum rerum *Polonicarum* ineditorum: Elenchus vniuersalis codicum manuscriptorum,
in

in quibusvis Poloniæ bibliothecis latentium. Lexicon vniuersale historico Polonicum: Descriptio status præsentis Poloniæ. Historia Poloniæ critica, ad speciminis edui formam elaborata: Memorabilia domus Zaluscianæ: Itinerum suorum relationes: Lingua Polona vero sunt manuscripta: Syntagma de familiis Polonis a Niesiecki omisis: de Secretario regni Poloniæ maiori, liber singularis: de Referendariis regni Poloniæ, liber singularis: Orationes funebres, in exequiis variorum procerum recitatae.

ZATORSKI (*Paulus*) eques Pol. qui secundum præmium inter oratores, cum bibliotheca Zalusiana aperiretur, obtinuit. Edidit a. 1746 Vratislaviæ *elogium de matrimonio*. in 8. Polono idiomate.

ZAYKIEWICZ (*Ludouicus*) S. Theol. D. conuentual. minorit. auctor est vitæ S. Antonii, Paduæ, nuper Leopoli Polono idiomate in fol. impressæ.

ZEBROWSKI (*Thomas*) Soc. Jesu provinciæ Lithuanæ, mathes. in Acad. Vilnensi professor, edidit a. 1754. duo specimina scientiæ mathematicæ.

ZEGLIICKI (*Arnolphus Casimirus*) Scholar. piar. colleg. Varsav. rector & provinciæ Polonæ assistens. edidit. I.) collectionem adagiorum Polonorum selectorum, Vars. in 8. 1735 II.) Bibliothecam Gnomico historico symbolico politicam, in duobus tomis in 4. Vars. 1742. III.) Inuentarium, seu indicem realem omni ex parte absolutum, in omnes regni constitutiones, in fol.

ZELECHOWSKI (*Joannes*) ord. stæ trinit. de redemptione captiuorum, singularis, fidei catholicæ contra dissidentes, defensor, quem in finem edidit Leopoli: *Scutum fidei orthodoxæ*, in fol. 1749. qui vero liber maxima ex parte ex TOBLÆ ARENT, Soc. IESU, studio Polonico, pro doctri-

na catholica suscepto, Vilnæ a. 1716, impresso, exscriptus est, nulla facta mentione ARENTI.

ZEROMSKI (*Martinus*) ord. sctæ trinitat. d. red. capt. scriptum eius: testes fideles, amoris in Deum, charitatis erga proximum, officiorum in rempublicam Polonam, captiui origine Poloni & Lithuani, religione orthodoxi, ex dira barbararum gentium seruitute, a patribus discalceatis ordinis sanctissimæ trinitatis, redemptionis captiuorum, prouinciæ Polonæ, sub titulo *S. Ioaehimi institutæ*, ab anno Christi 1688, ad annum 1752 emancipati, eidem serenissimæ rei publicæ, ordini tam senatorio, quam equestri, cæterisque cuiusuis status Polonis & Lithuanis, ex authenticis documentis, produci & repræsentati. Anno redemptoris Christi MDCCLIII. Leopoli typis Soc. JESU in 4. plag 72.

ZIENKOWICZ (*Michael Ioannes*) episcopus Vilnensis. aq. alb. eques, singularis litterarum in Lithuania promotor. scriptum eius: *synodus dioecæsana Vilnensis*. Vilnæ. 1744. in 4.

ZLOTNICKI (*Arsenius*) Carmelita discalceatus, nunc Prouincialis. Præter varias disputationes theologicas. edidit: integrum cursum theologicum, secundum mentem Diui Thomæ. Leopoli 1752. in fol.

Sequuntur nunc catalogi professorum in omnibus Aca-
demiis & collegiis regni Poloniæ & m. d. Lith. Vtilissimus certe labor litteratissimi canonici IANOCII. Iuuat autem nunc prius ex additamentis, in fine adiectis, quosdam litteratos Poloniæ, in prima parte, omisso hic enumerare.

ALEXANDROWICZ (*Thomas*) Samogitiæ nobilis, Polono idiomate donauit Petri Cornelii tragoediam HERACLIUM. Leopoli 1749. in 8. & fabulam Romanensem *Cicconiam* Varfaviæ. 1754. in 4.

BALSAM (*Gaspar*) Soc. Jes. Polonæ prov. abeo discretissima oratio ex Esai. XLVIII. 17. 18. Cracoviæ habita, impressa extat.

CARRIERE (*Joan. Salomon*) Med. D. & celsiss. primatis medicus, scripsit dissertationem: de qualitate & quantitate alimentorum infantibus a prima natiuitate, vsque ad septimum ætatis annum conuenientium, quam, speciminis inauralis loco, eruditorum beneuolo examini submitit. Ienæ, litteris Ritterianis & 1753. in 4. plag. 3

DOBROWIEYSKI (*Gabriel*) ord. minor. historiam hominis in statu innocentiae, lapsus, & erectionis secundum scripturam sacram versibus Polonis expressit. Tom. I. II. in 4. Leopoli 1753.

FELKEL (*Romualdus*) Paulinus, prouinciæ Polonæ definitior, edidit ordinationes & decreta pro sacrae Paulinae religionis proto eremiticae prouincia Polona, per reuer. olim P. fratrem IOAONEM KERY, S. Th. D. totius ord. S. Pauli primi eremitæ priorem generalem facta, & a S. sede apostolica confirmata. in 4. czenstochovia a. 1746.

GLISZCZYNSKI (*Mitthias*) notarius terrestris, palatinatus Calissiensis, edidit: Compendium legum ex statuto & constitutionibus regni Poloniæ &c. ex farragine legum per alphabetum. Calissii 1754.

KOMOROWSKI (*Nicolaus*) filius præfecti venationum Buscensis, celsissimi primatis nepos, librum de elemosynis ex Gallica in Poloniam transtulit linguam. Leopoli 1753.

KOSTRZEWSKI (*Chrysostomus Nepomucenus* S. R. M. Consiliar. & Med. Doctor, varias habuit disputationes medicas Montis pessulani, sub præsidio D. de SAUVAGES. In flore ætatis, mense Martio huius anni, mortuus.

MINASOWICZ (*Josephus Epiphanius*) Sacr. Reg. M. Secretarius, inter optimos nostris temporibus poetas Po-

onos numeratur. Multa eaque varia scripsit elegantia carmina, quæ nunc his diebus in duobus tomis, in 4. collecta, quartum & quintum tomum collectionis poematum uiuentium poetarum constituunt, de quibus mox in nouis litterariis huius trimestris recensio legenda.

In usum lectorum tandem hic catalogum professorum Academiae Cracouiensis adponere non dubitauimus, qui sub protectione celsissimi principis episcopi Cracouiensis, cancellarii Academiae perpetui, docent.

in Collegio maiori.

1. PETRUS SZYMAKOWSKI, S. Th. D. senior, & theologiae professor primarius, præpositus eccles. collegiat. Sti Floriani.
2. STANISLAUS IO. PHILIPPOWICZ, S. Th. D. & professor ordinarius, ecclesiae coll. Sti Floriani decanus.
3. CASIMIRUS PALASZOWSKI, S. Th. D. & professor ordinarius, canonicus Cracouiensis & custos eccles. coll. Sti Floriani.
4. FRANCISCUS KALEWSKI, S. Th. D. & professor ordinarius, præpositus eccles. colleg. omnium Sanctorum canonicus eccles. coll. S. Annæ.
5. ADALBERTUS GRZYMALA, S. Th. D. & professor ordinarius, eccles. colleg. S. Annæ decanus, & custos eccl. colleg. Sti Georgii.
6. ADALBERTUS GOSZKOWSKI, S. Theol. Licent. & Professor ordinarius, eccles. coll. Sti Floriani canonicus, & eccles. coll. Wislicensis decanus.
7. ANDREAS CYBULSKI, S. Th. Lic. & professor ordinarius, eccles. colleg. S. Flor. & om. Sanct. canonicus, Bibliothecæ & typographiæ Acad. præfectus.

8. IOSEPHUS POPIOLEK, S. Th. Lic. & professor ordinarius, canonicus eccles. colleg. S. Floriani.
9. ANTONIUS CHRZANOWSKI S. Th. Lic. & profess. ordinarius, canonicus eccles. coll. Sti Floriani.
10. CASIMIRUS STENPLOWSKI S. Th. Lic. & prof. ord. canon. eccles. colleg. S. Floriani.
11. LAURENCIUS SALTSEWICZ S. Th. Professor ord. & canonicus eccles. coll. S. Floriani.
12. PAVLUS POLACZEK, theol. profes. ordin. & eccles. coll. S. Annæ scholasticus.

In eodem collegio.

13. MICHAEL CZERNICKI, regius professor philosophiæ ord. canonicus eccles. coll. Stæ Annæ.
14. ADALBERTUS IO. CANTIUS BIEGACZEWICZ, regius prof. philos. ordinar. canonicus eccles. coll. Stæ Annæ, simul fungitur professione eloquentiæ, ab episcopo Cracoviensi, PETRO TYLICKI, fundata.
15. ANTONIUS IOSEPHUS ZOLENDZIEWSKI, regius philos. prof. ord. canonicus eccles. Stæ Annæ, præpositus Ilcuiensis.
16. IO. IOSEPHUS PRZYPKOWSKI, regius philosophiæ & matheseos prof. ord. & regni geometra iuratus, eccles. colleg. S. Floriani archidiaconus.

In collegio Iureconsultorum.

17. STANISLAUS SEBASTIANUS MAMCZYNSKI, I. V. D. & professor primarius, vniuersitatis rector, canonicus eccles. metrop. Cracouiensis.
18. IO. IOSEPHUS PALASZOWSKI. I. V. D. & professor ord. archidiaconus eccl. coll. Omnium Sanctorum præposit. Casimiriensis.
19. CASIMIRUS IARMUNDOWICZ, I. V. D. & professor ord. eccles. colleg. O. Sanct. canonicus & decanus Ilcuiensis.

fensis, academice procancellarius.

20. THOMAS MUSZYŃSKI, I. V. D. & profess. ordin.
canonicus O. Sanctorum, præpositus Koniusensis.

21. ANTONIUS FRANCISCUS WILKOSZOWSKI, I. V.
Licentiatuſ & profess. ordinar. eccles. colleg. S. Annæ cu-
stos, & canonicus eccles. colleg. O. Sanct.

22. MATHIAS LUZARKIEWICZ, I. V. Doct. & professor
extraordinarius

23. IACOBUS MARCISZOWSKI) professores iurium

24. SEBASTIANUS DLUGAYSKI) extraordinarii.

In collegio minori

25. FRANCISCUS LUCZYŃSKI, professor ordinarius
historiarum & geographiæ.

26. STANISLAUS FOLTANSKI, eloquentiæ professor
ordinarius.

27. IOANNES CIOLKIEWICZ) professores ordinarii

28. BLASIUS KOSCINSKI) poëtos.

29. THOMAS ALEXANDER MAŁYSZKO, professor or-
dinarius linguarum orientalium.

30. SEBASTIANUS SALOMON, professor extraordina-
rius linguarum orientalium.

31. IACOBUS ANGROCKI,) professores ordinarii

32. IOSEPHUS MARKIEWICZ) Græcæ linguæ.

33. HYACINTHUS SOIECKI) professores ordinarii

34. STANISLAUS BARANSKI) Latinae linguæ.

35. AMBROSIIUS BUSZYDLEWSKI, professor ordinari-
us linguæ Gallicæ.

36. CHRISTOPHORUS STRZEDULSKI, professor ordin.
Germanicæ linguæ.

37. ANDREAS KOLENDOWICZ,) Professores philof.

38. NICOLAUS IWANSKI) extraordinarii.

39. STANISLAUS KORCZYNSKI.) profess.
 40. ANTONIUS WOYCIECHOWSKI.) philos.
 41. PETRUS PHILIPPOWSKI) extra.
 42. CASIMIRUS GURSKI) ordinari.
 43. MATTHÆUS TEMPROWSKI) Professores
 44. MATHIAS TRAIANOWICZ) mathe-
 45. IACOBUS NIEGOWIECKI,) seos
 46. MICHAEL KASIMIRSKI,) extra.
 47. ADAMUS IAGIELSKI) ordina-
 48. MARTINUS SWIĄTKOWSKI.) ri.

• Notandum omnes professores Theologiae & philosophiæ, nec non iurium & artium liberarum professores, d. vere cœlibes & sacerdotes esse. Professores tantum medicinae uxores ducere possunt, qui in sic dicto lectorio Galeni exercitationes academicas instituunt, nempe:

49. STANISLAUS WADOWSKI, med. D. & professor anatomiae ordinarius.
 50. ANTONIUS LASKIEWICZ, Med. D. & professor physiologiae ordinarius. Hic iam mortuus.
 51. NEPOMUCENUS AWEDYK, med. D. & professor pathologiae ordinarius.
 52. Io. CAMELIN, med. D. & professor botanices ordin.
 53. NICOLAUS SZASTER, med. D. & prof. Therapiae ord.
 54. PAULUS SOLDADINI, professor medicinae extraord.

In clō's Novodworzianis, cum academia Cracoviensi arte coniunctis, sub directione perpetui earum prouisoris, CASIMIRI PALASZOWSKI, canon. Cracov. & theol. prof. ord. docentis

55. CHRISTOPHORUS SŁWIRYNOWICZ, dialectices professor.

56. SIMON SZAFRANSKI, rhetorices professor.
 57. CAROLUS CHOLEWINSKI) poeseos
 58. LAURIENTIUS ZURKOWSKI) professores
 29. STANISLAUS ZIETARSKI) grammatices
 60. FRANCISCUS POCHORECKI) professores.

In cæteris ad academiam pertinentibus scholis, nempe Stæ Mariæ virginis, omnium Sanctorum, Sti Stephani, Stæ Annæ, sti. Floriani, Sti Nicolai, Sti spiritus & corporis Christi, rudimenta eruditionis docentur a iuuenibus academicis, quos academix rector nominat.

Catalogos professorum, in cæteris Poloniæ academiis & gymnasiis, docentium, alio tempore inferemus.

V.

LAVRENTII MIZLERI de KOLOF Medici Varſaviensis, observationes binæ ex medicina practica selectæ, de ozæna, & pernione, quorum morborum vera remedia proponuntur.

A

Nil videtur in medicina practica vtilius, atque honestius etiam esse, quam vera ad curandos morbos in vsum generis humani euulgare media. Scire enim nostrum in medicina nihil est, nisi nos hæc scire, sciant & alteri. Neminem medicorum fugit, quam difficilis sæpissime sit curatio ozænæ, seu exulcerationis interiorum narium, quæ, etiamsi ab initio sine carie sit, semper tamen, nisi in tempore curetur, septum nasi corrodit, & sic loquelam, vna cum faciei symmetria, perturbat. Non oritur hic morbus semper ex lue venerea, sæpius etiam ex polypo exulcerato, & catharro acri. Vltimus casus est, de quo nunc dicam. Poloniæ procer, honestissimus adolescens, graui laborabat & valde acri catharro per

tres

tres menses tempore hyemis, debilitatem etiam sentiebat haud exiguam in pedibus. Profectus in Bohemiam usus est sequentis æstatis tempore thermis Carolinis, quæ sanitatem omnino restituebant, sed exulceratio interioris vtriusque naris relicta. Cum deinde Varsaviam veniret, meumque consilium expeteret, curavi hanc sine carie adhuc ozænam intra tres hebdomadas sequenti modo.

Nullum plane adhibui internum medicamentum, ob brevi ante adhibitas thermas Carolinas, sed decocto ex sabina & scordio, in cuius vncis octo solutum erat vnguenti fusci WURZII vncia vna, iussi quotidie vlcera narium mane & vespere eluere, tali modo, vt liquorem ore acceptum per canalem nasalem & nares expueret, & sic vlcera purgaret. Hoc enim decoctum, omnibus chirurgis notum, non sine vlcera sanandi, sed repurgandi tantum, adhibui. Peracta purgatione statim turundæ, balsamo vulnerario BASILII VALENTINI illitæ, naribus fuere profunde applicatæ, alterna vice, ad conseruandam liberam per nares respiracionem, & hoc modo curatio ozænæ, elapsis tribus hebdomadis, feliciter fuit absoluta.

Supereft, vt de diuino hoc balsamo vulnerario Basilii quædam dicam, quod in pharmacopoeis publicis non inuenitur, quia forte nimium laboris ad id elaborandum desideratur & pretiosum est. Nostri enim temporibus omnia illa magna & efficacia medicamenta, quæ alicuius pretii sint, negligi, & ea tantum in promptu haberi videntur, quæ stante quasi pede, methodo Ludoviciana, sine labore parari possint. Mea experientia edoctus stupendum huius balsami vulnerarii effectum sæpius deprehendi, & optandum esset, vt omnes medici & chirugi in usum iterum hoc non satis laudandum medicamentum vocarent. Miror valde, Gallos, qui cæteris

nationibus palmam in chirurgia præripere videantur, hoc balsamum plane neglexisse, neque cum eo experimenta instituisse. Omnis chirurgus, qui arte sua felix esse cupiat, non tam aurum, quam hoc balsamum acquirat, & maioris pretii id inueniet, quam hic explicari potest. Paratur autem hoc balsamum ex tinctura antimonii, ex vitro eiusdem, cum spiritu aceti vini, extracta, & per balneum aceto iterum destillato, pulvis remanens quater aqua destillata edulcoratur, qui pulvis leni calore exsiccatus & in vitro tritus, in cauea per deliquium, in balsamum illud præstantissimum vulnerarium mutatur. *Vid. currus triumph. antimonii Basilii Valentini.*

B

Perniones sapius difficillime curari, experientia docet. Non centies balsamum meum vulnerarium, cuius ingredientia in trimestri secundo enumeraui, manus & pedes frigore læsos sanauit, sapius etiam, cum eius modi perniones iam per aliquot annos molestiam creassent. Nullum autem hucusque exemplum habui, ut pernio, per triginta annos inueteratus, tandem curari possit. Matrona vidua, quadragesimum quintum annum agens, pedis læui digitum minimum frigore adussit, puella quatuordecim annorum, a quo tempore per singulas hyemes malum recrudit. Varia adhibuit media &, per longum tempus, oleum etiam terebinthina, sed sine solatio. Tandem quæsiuit ex me, si balsamum meum vulnerarium certo curaret perniones, prout ex variis audiuisset. Consului experimentum instituere, additis admonitionibus, ut ter illud quotidie imposteret, & tam diu contineretur, usque dum dolor omnis & rubor cessarent, neque id curaret, si ab initio maiores forte dolores haberet. Præterita hyeme per tres menses, Decembrem, Ianuar. & Februarium id perfecit, & se tandem post triginta annos ab hoc malo libe-

tam esse, gaudio exultans, mihi dixit. Res quidem mihi memoria non indigna videbatur, dubius tamen fui, virum perfecta esset curatio, & malum sequenti hyeme non iterum recrudesceret. Cum autem nunc sequenti hyeme, qua hæc scribo, malum haud fuerit renouatum, id quod ipse vidi, audeo balsamum meum vulnerarium in curatione perniciosum, tanquam remedium, quod fallere non possit, in publicum usum proponere.

VI

NOVA LITTERARIA POLONICA

Egregium opus, insignis in Polonia vtilitatis, hic commendamus & Polonis & exteris etiam, qui nunquam antea simile quid ex Polonia prodire viderunt. Nil magis optamus, quam ut, quam primum fieri possit, desiderium publicum expleatur ipsa huius operis editione. Ut amatores sciant, quam in codice diplomatico regni Poloniæ spem ponere possint, prospectum operis, ita ut reuerendus P. DOGIEL eum imprimi curauit, omni ex parte hic inferemus:

Prospectus Operis, cui titulus: CODEX DIPLOMATICVS Regni Poloniæ et magni Ducatus Lithuaniae, in quo pacta, fœdera, tractatus pacis, mutuae amicitiae, subsidiorum, induciarum, commerciorum, nec non conventiones, pactiones, limitum distinctiones, commissiones, transactiones, declarationes, statuta, constitutiones, ordinationes, concordata bullae, decreta, edicta, rescripta, sententiae arbitrales, infeudationes, homagia, pacta etiam matrimonialia, & dotalia. Literae item reuersales, concessionum libertatis, immunitatis, donationum, oppignorationum, renuntiationum, erectionum, obligationum, venditionum, emptionum, permutationum, cessionum, protestationum, aliaque omnis generis publico nomine actuum, gestorum monumenta, nunc primum ex archiuis publicis eruta, ac in lucem protracta, rebus ordine chronologico dispositis, exhibentur.

Ad

Ad

Præstantissimos Regni Poloniæ, & Magni Ducatus Lithuaniæ ciues, MATHIAS DOGIEL Scholarum Piarum.

Cum ſingularem aliarum gentium in congerendis, diuulgandisque patriæ ſuæ monumentis curam, ſtudiumque expenderem, reuolueremque ingentes illos editorum Germaniæ, Galliæ, Angliæ, Italiæ, diplomatum apparatus, ſæpe mecum cogitaui, quid cauſæ fuerit, quamobrem rerum Polonicarum ſcriptores, iique viri ſollertes, & rerum publicacum uſu, atque exercitatione præditi, non antiquiora tantum, ſed ſui etiam temporis monumenta nobis inquirenda reliquerint. Quid enim illi aut argumenti præſtantia dignius, aut ad communem vtilitatem accommodatius, aut quod rationibus Reipublicæ magis conduceret, agere potuiſſent, quam ſi tabulas publicas, rerumque geſtarum monumenta, e tumulis ſuis eruta, ac in vnum congeſta, in lucem emiſſent, ex quibus, & rei patriæ notiſſima, ſuo, atque ſigmentis libera comparari, & maiestas illa Poloniæ, cui olim ingens cum vniuerſi prope orbis imperiis, regnis, populis, nationibus, uſus, ſocietas, conſuetudo, atque commercium, ab exteris, quibus pleraque horum incognita ſunt, merito ſuſcipi poſſet. Neque video, quo telo acrius, expeditiusque iniquorum Poloniæ ſcriptorum opiniones, & ſententiæ labefactari poſſent. Hiſ enim documentorum ponderibus re examinata, facile eſſet oſtendere, egregios illos chronographos, partium ſtudio abreptos, fidem inter poſtremas curas habuiſſe, fines imperii, quantum libuit, extendiſſe, gentibus, quæ nunquam ſeruierant, tributa impoſuiſſe, atque in odium finitimorum lepidiſſimarum fabularum ſeriem texuiſſe.

Hæc nobis, cum eo tempore in Galliis eſſemus, ita cogitantibus, ingens conquirendorum vndequeque patriæ mo-

nun.en-

numentorum incessit studium, rei que a nemine adhuc tentatæ dare operam, apud animum constituimus. Favit instituto nostro loci opportunitas, neque enim in tanta præstantissimorum, atque alta quadam mente præditorum virorum frequentia, aut patrocínio carere, aut subsidiis potuimus. Itaque archiva studiosè reuoluimus, forulos bibliothecarum excussimus, libros editos, in quibus hac de re tractari nouimus, perlustrauimus, resque hinc inde dispersas in collectanea nostra retulimus. Idem, cum in Germania, idem cum alibi versaremur, egimus. Non contemnenda hæc nostra nobis primo videbatur collectio, sed breui aliter sensimus, totamque rerum seriem, præterquam quod ex archiuis publicis profectum erat, nauci habere coepimus. Cum enim perficiendæ huius lucubrationis causa ad reuoluenda cancellariæ regni, & magni Ducatus Lithuaniae acta (metricas vocant) accessissem, atque transactionum exemplaria ex libris editis descripta, cum copiis authenticis conferrem, omnia plane infinitis scatere mendis deprehendi, pleraque vero sic vitiata, & corrupta, ut diuersa omnino a suis authenticis esse viderentur. Huius rei, exemplum aliquod adferamus, (nam singula recensere longum esset) in literis, quæ breuiculæ sunt, & inuentu faciles, incorporationis ducatus Curlandiae cum regno anno 1569. factæ, in corpore diplomatico DUMONT Tom. 5. p. 1. fol. 169. contentis, quindenos errores, eosque non leues, offendimus. Vt enim copiarum quædam instrumentorum regni Poloniae ab ineptis librariolis collectæ, in Germaniam delatæ, ita deinceps cum aliis communicatæ, typisque impressæ sunt. Hæc nobis causa fuit, quamobrem scripta illa, quorum nullum in archiuis publicis, vnde emendari possent, exemplar deprehendimus, studio in supplementum reiecerimus, atque ad comparandam codici

nostro publicam auctoritatem, summum operæ pretium existimauimus, nihil iam in eum referre, quod aut ex originalibus aut ex copiis authenticis, quæ in priuatorum tabulariis extarent, congestum non esset. Ne vero exilis, ieiunaque hoc modo nostra redderetur lucubratio, in id omnes nervos industriæ nostræ contendimus, ne quid in actis cancelliarum intactum relinqueremus, quod quidem, multis difficultatibus conflictati, præstitimus. Ex illa igitur immensa scriptorum omnis æui, maximam partem ad causas priuatas accommodatorum multitudine, quæ nostrerant instituti, summa cum fide delegimus. Equidem quantum elaborauimus, quam graui opere perfuncti fuimus, illi probe sciunt, quibus rationes metricarum harum ignotæ non sunt.

Hoc nobis nostrum institutum ita prosequētibz accidit, vt vix dum collectioni illi summam manum imposuissemus, cum tota quanta, quanta fuit, subito disperierit. Suborto enim Varſauia anno 1754. nocte intempeſta incendio, domus, in qua paulo ante verſabamur, vna cum collectaneis nostris flammis abſumpta eſt. Graue certe erat, theſaurum illum ex tot optimarum rerum copiis conſtatū, tam raris opibus inſtructū, tot laboribus, & impenſis comparatū, tam facile, tam repente amittere. Piguit quidem laboris, non tamen deſtitimus incepto, reuocatamque a calce, vt aiunt, operam, eadem, qua prius animi viriumque contentione, iterum egimus. Cumque beneficio celiſſimi Principis ſupremi Cancellarii magni Ducatus Lithuaniae, nec non Illuſtriſſimi comitis procancellarii regni, liberior iam nobis actorum regni, & magni Ducatus Lithuaniae copia fieret, rem feliciter, ad exitum perduximus.

Iam quod ad multiplicia tabularia Illuſtriſſimi, IOSEPHI comitis ZALUSKI, Referendarii regni, attinet, penum illam
inſi-

gnium patriæ monumentorum, nullo plane negotio lustravimus. Cum enim propositum nostrum tanto viro non potuit non probari, comem ille se nobis, & facilem, ultra quam dici potest, præstitit. Ex ipsius igitur promptuariis, in quibus ingens anecdotorum numerus, quæ in rem videbantur, decerpta accepimus.

Grati æque animi testificationem debemus Illustrissimo domino comiti DEBOWSKIEpiscopo Cuiaviensi, viro summo, atque incomparabili, qui, cum in publicis patriæ gerendis negotiis consenuerit, non solum multas momenti maximi, ad euincendum, quæ iuris Poloni sunt, ex archiviis Hispaniæ, regni Neapolitani literas conquisiuit, verum etiam quotidie (quæ hodieque exactæ iam ipsius ætatis oblectamenta sunt) res actas in aduersaria referendo, admirandos negotiorum reipublicæ codices (protocolla vocant) ipse sua manu confecit, atque has omnes opes mecum liberaliter communicavit. Ex quibus, quanta collectioni nostræ documentorum, quæ alibi frustra quærentur, ad negotium summarum Neapolitanarum pertinentium, accessio facta est, suis locis notamus.

Refertissima antiquiorum æque, ac recentiorum diplomatum illa series, a perfectione quidem proxime abesse videbatur, multa tamen desiderabantur, & quod nos maxime anxios, sollicitosque habuit, supplendi ea, quæ deerant, præterquam ex archivio Cracoviensi, nullus omnino erat modus. In difficilem sane nodum incideramus, nec quidquam iam tot difficultatibus implicatum, & quod Herculis, ut aiunt, labor diceretur, tentari potuit. Aditus quippe ad archivum illud non iam arduus, perdifficilis, & qui magna custodia teneatur, sed omnino interclusus est. Namque omnes tabulæ authen-

ticæ, omnia instrumenta originalia, aliaque scripta momenti maximi, in arce Cracoviensi, simul cum thesauro regni recondita, sub sigillo, & clauibus supremi Thesaurarii Regni, & septem Senatorum, afferuantur: legeque cautum est, ne locus ille, nisi scito ordinum regni recludi, & adiri possit. Arcta hac monumentorum regni, quorum nusquam extant copiarum, custodia, id demum effectum fuit, ut pleraque fœdera cum exteris ista ignorarentur. Ita enim in literis pactorum inter Sigismundum I. & Pomeraniæ, atque Magapolensis duces anno 1525. initorum legimus: *Vt cum Illustribus principibus &c. Foedus, societatem, & amicitiam ineamus, quam nostros maiores, etiam cum maioribus eorum tenuisse, & seruasse, literæ ultro citroque desuper confectæ, ac in scriniis repertæ testantur &c.* Extant in archiuo regni literæ originales Ferdinandi II. Imperatoris, ad Vladislaum IV. Regem Poloniæ, anno 1633. in eo solum negotio scriptæ, ut compacta, ex parte regum & regni Poloniæ, cum domo Austriæ inita, typis imprimi mandaret, quo melius subditis constare possent leges, quibus inuicem obligati tenentur.

Nos quidem vehemens desiderium, quo bene merendi de patria tenebamur, impulit, ut rei non modo arduæ, sed etiam, ut videbatur, impossibilis, periculum faceremus, spe ducti Deum O.M. bonis conatibus non defuturum. Neque vana fuit hæc nostra fiducia. Namque patrocinium huius operis a Celsissimo magni ducatus Lithuaniæ supremo cancellario, quod immortale optimi principis monumentum futurum est, susceptum erat.

Itaque illius numine effectum fuit, ut, cum senatus consilium Fraustadii anno 1755. ageretur, apertio archiui Cracoviensis decreta fuerit, nosque propitiâ nobis Sacram Regiam Maiestatem, Dominum Nostrum Clementissimum, uni-

uer-

versumque senatum habuerimus. Quo nomine etiam Illinis & Excell: D.D. Cancellario, Thesaurario, supremis, ac Pro-cancellario regni, maximam, quam animus capere potest, obligationem perinde profitemur: quorum singulari praesidio quantum hoc opus debeat, in dissertatione ipsi operi praefigenda, clarius fusiisque narrabimus.

In illo igitur celeberrimo antiquitatis domicilio, ac rerum reconditissimarum admirando thesauro, qua accuratatione & fide, veterum iuxta atque recentiorum instrumentorum exemplaria confecimus, quae ratione multa insignia patriae monumenta ab interitu vindicauimus, luculentissimum nobis ea de re a D.D. Commissariis, auctoritate publica ad id delegatis, in quorum praesentia elaborauimus, testimonium datum est. Sane quam pro eo, ac debuimus, sollicitate, perattenteque id pensi peregrimus, fideliorque opera, ne voto quidem, fingi poterat.

Prodit, itaque in publicum codex diplomaticus Regni Poloniae, omnis aevi diplomatum, pactorum, tractatum, conuentionum, foederum, aliarumque huius generis transactionum refertissimus: quo in genere haud video quicquam, a scriptoribus vicinarum gentium, quod huic operi diligentia, & aui dicere, fide, comparari possit, diuulgatum vnquam fuisse. Quid enim inter hanc nostram collectionem, & illorum coagmentationes intersit, aequis rerum aestimatoribus prouum erit aduertere. Nos enim auspiciis S. R. Maiestatis, Domini Nostri Clementissimi, auctoritate amplissimi senatus, Celsissimorum, Illustrissimorumque Regni, & Magni Ducatus Lithuaniae Cancellariorum approbatione, ex archiuis publicis non solum ea congeessimus, quorum singula auctoritatis publicae sunt, verum etiam in iis ipsis secer-nendis, ad rerum momenta magis, quam molem attenti sin-

gularem rerum delectum instituiamus, atque ut nonnulla consulto in supplementum retrusimus, ita a plerisque, quæ leuiora videbantur, prorsus temperauimus. Illi dum in hoc se conerunt, ut immanem, sequioris æui maxime, diplomatum copiam aggerant, nunquam dicunt, unde sua hauserunt apographa, nisi plerique forte eos citent, e quibus res huiusmodi consarcinatas acceperint. Quo effectum est, ut magnam litterarum turbam ciuitate donarint, cuius potior pars, si rationum calculi bene subducti essent, exilio mulctanda erat. Sed de his cumulatius in ipsa præfatione agetur. Iam utilitatem, necessitatemque operis non est, cur multis explicemus. Ineruditus enim admodum, rudisque sit oportet, qui hæc ignorat. Sane cum ad consilium de republica dandum caput est, nosse *Rempubicam*, exiguam illi rei patriæ habent notitiam, qui eam e monumentis publicis non comparauerunt. Neque vero huius argumenti, Historici fidi interpretes sunt. Quis enim scriptorum legibus historiæ vnquam obtemperauit ne, qui eam scribit, quid falsi dicere audeat, ne quid veri non audeat, ne qua suspicio gratiæ sit, ne qua similitudo. Nam ut antiquiora omittamus, in quibus illi, præter auditum, nihil habuerunt, commune id omnium pæne historicorum vitium est, ut occultis odiis, quæ gentibus finitimis insita penitus sunt, exstimulati, genio indulgeant, res patriæ, quam maxime possunt, figmentis etiam exornent, in illorum nomine, ex quibus ea corrogant, quæ ad argumentum conducunt suum, facile conquiescant, tum si quid opinionione forte per se ipsos inuenerint, mordicus tueantur. Sed demus, plerosque eorum (si quidem ita mens sana fuisset) a partium studio omnino liberos fuisse, cum tamen non e monumentorum fide, sed e commentariis, atque hypomnematis, yttum erant tempora, ex variorum lectione congestis, annales

les suos confecerint, fieri non potuit, quin multis in locis fucum facerent. Verum enim vero *quis tam lynceus, qui tantis tenebris nihil offenderet, nusquam incurreret?* Liuium quoque celeberrimum historiæ conditorem, quod monumenta Romanæ gentis fortasse minus perspecta, cognitaque habuerit, plures narrationi suæ falsi maculas aspersisse, iam in hac litterarum luce videre est. Sic noster CROMERUS aliter certe de rebus Russiæ scripsisset, si veteres Russorum tabulas exploratas habuisset.

Cum vero studium rei diplomaticæ ad illustrandam historiam, resque patriæ gestas tantopere conferat, tum in iis, quæ ad negotia regni publica, atque vsum rerum faciunt, præcipua illius necessitas est. Qui enim multiplices conuentiones, pacta, stipulationes, fœdera cum exteris ista ignorat, minimeque compertum habet, quæ inter rempublicam, aliaque regna & dominia intercedit necessitudo, quid cui a quoquam præstari necesse sit, qui modus administrandæ vtriusque iustitiæ, quæ rerum conuersiones, earumque causæ, consilia, exitus, quæ rationes finium, accessionesque regni, & diminutiones, *cætera*: Ille iuris publici patrii omnino ignarus est, neque intelligi potest, qua ratione, non iam ministri, non senatoris, non officialis regni, vel magni Ducatus Lithuanici, sed ne privati quidem patriæ ciuis, cui in sententia locus est, officio probe defungi possit.

Superest, ut de methodi, ac distributionis modo, quem in hac collectione seruauimus, aliquid dicamus. Primum igitur confusam rerum seriem sectionibus, quæ ex operis instituto nascebantur, dispunximus, deinde earum ipsarum sic digestarum rerum capita, ordine chronologico collocauimus. Cum vero multa sese offerrent, luce quidem, quam nunquam viderunt, digna, sed quæ lectorem rerum momentis

intentum longo perſæpe contextu interpellarent, ea ad ſupplementum reuocauimus, vt pleraque alia ex libris editis collecta, quorum in archiuis reipublicæ, nec vola, nec veſtigium. Indicem tandem totius operis, prima ſui parte, chronologico diplomaticum, altera res ordine, alphabeti demonſtrantem, texuimus, atque opus in ſex tomos, eo, qui ſequitur, modo, diſpertiuimus.

T O M U S I.

Bohemia, Hungaria, Austria, Tranſyluania, Turcia, Bawaria, Marchia Brandeburgensis, Saxonia, Gallia, Hispania, Anglia, Imperium Ruffiæ, Tartaria Crimenſis, Ducatus Brunſuicenſis, Suecia, Hollandia, Perſia. Quod attinet ad negotia Regni, & magni Ducatus Lithuaniae.

T O M U S II.

Pars Prior. Lithuania. Pars altera Maſouia, Ruffia, Podolia, Terra Belzenſis, præfectura Scepuſenſis, Ducatus Oſwiecimienſis, & Zatorienſis. Pars tertia. Prouinciæ, quæ olim ſub Imperio Polono erant, Sileſia, Pomerania, Marchia noua, Valachia, & Moldauia, Beſſarabia.

T O M U S III.

Liuania, & Pruſſia.

T O M U S IV.

Iura, libertates, & priuilegia, nec non ſtatuta, & antiquæ conſtitutiones regni, aliæque huius gentis monumenta, quorum nulum adhuc in publicam lucem prodidiſt.

T O M U S V.

In quo litteræ pontificiæ ac Ducum & Regum Poloniæ concordatæ, priuilegia, ordinationes, ſtatuta, edicta, reſcripta, mandata, ad ordinem ſpiritualem, & res Regni eccleſiaſticas pertinentia, continentur.

T O M U S VI.

Regeſtum Chronologicum codicis diplomatici, cum indice rerum in eo contentarum &c.

Editio operis, quæ certe nitidissima futura est, absoluerur hoc modo.

Tomus primus, prodibit anno 1757. mense Nouembri, quos reliqui quantocius sequentur. Ad comparandum igitur totum hoc opus in charta magno folio, typis pulcherrimis ex consulto ad id conductis, impressum, binos aureos pro singulis tomis, id est duodecim pro sex tomis aureos simul soluendos, dimidium nempe valoris, quo opus in posterum constabit, intra octo mensium spatium, prænumerandos proponimus.

Exiguum sane hoc pretium iis videbitur, qui de operæ impendio recte existimare, iudiciumque facere possunt. Nam præter ingentes sumtus, qui in typographiam infumendi sunt, multa nobis obuenerunt huius modi scripta, ut, si ad pondus auri emerentur, minoris venissent.

Nos Reuer. P. DOGIEL, viro & doctissimo & diligentissimo de feliciter coepto egregio hoc utilissimoque pro Polonia & exteris opere, gratulamur, qui maxime firmam ei sanitatem, ad edendum hoc opus præstantissimum, aprecamur.

Ex libris nouis Polonis, typis iam exscriptis, sequentes notandi:

1. *Zebranie Rytmow przez Wierszopisow zyiacych, lub naszego wieku zeszytych pisanych, Tom czwarty y piaty. w Warszawie w Drukarni J.K.Mci y Rzeczypospolitey XX. Scholarum piarum. Roku, 1755. in 4.*

hoc est,

Collectio poematum, a poetis viuentibus, vel nostris temporibus defunctis, scriptorum, Tomus quartus & quintus, Varſauiæ ex typographia S.R.M. & Reipubl. Patrum scholarum piarum. A. 1755, in 4. Tomus quartus alphab. 3. plag, 14. Tom. V. alph. 3. pl. 10.

De tribus tomis præcedentibus, vtilissimæ huius elegantis-

Qq

gantissimæque poematum collectionis iam in quarta bibliothecæ Varſauienſis parte verba fecimus, eaque, qua par erat, laude ornauiſimus. Recenſebimus nunc duos ſequentes tomos, quorum omnium, quæ in iis contineantur, poematum & translationum auctor eſt, poeta in Polonia clariffimus, vir omnibus humanitatis atque elegantiae ſtudiis excultus, nobiliſſimus IOZEPHUS EPIPHANIUS MINASOWICZ, ſecretarius regius, qui tomum quartum illuſtriſſimo comiti MNISZECH Mareſchalco curiæ, quintum vero, illuſtriſſimo comiti ZALUSCIO, Referendario regni conſecrauit. Ille iterum in duas partes diuiſus, quarum in priori hæc comprehenduntur.

1. *BOHATYR Chinenſis, drama muſicum METASTASII, ex italico tranſlatum.*
2. *TROAS, tragoedia, ex Gallico viri cl. PRADON.*
3. *CLEOPATRA, tragoedia ex Gallico De la CHAPELLE.*
4. *RHADAMISTVS & ZENOBIA tragoedia, ex Gallico IOLLYOT de CREBILLON.*
6. *Dialogus Charontis & Mercurii, ex Luciano tranſlatus.*
7. *Auſtio ſectarum philoſophicarum, ex eodem tranſlata.*
8. *Luciani dialogus Doridis & Galateæ, ex latino IOANNIS SECVNDI Hagienſis Bataui.*
9. *Eiuſdem dialogus Polyphemi & Neptuni.*
10. *Eiuſdem laus muſcarum.*

In poſteriori vero parte

1. *Thronus patrius, ſeu vitæ principum ac regum Polonorum, a LECHO I. ad AUGUSSUM III. uſque, ſereniſſ. noſtrum Regem.*
2. *Septem miracula, ſeu vitæ reginarum Polonarum.*
3. *Pulcher Polonus (le beau Polonois) ex Gallico PRECHACII*
4. *De obedientia ac fide uxoria mythologia, ex latino FRANCI-SCI PETRARCHÆ.*

5. *Virginia, Romana, tragoedia ex Gallico* le CLERC.
6. *Metamorphosis Apisti in gallum gallinaceum ex Latino* IO. BARCLAI.
7. *Orpheus, ecloga ex libro sylvarum* IO. SECUNDI.
8. *Ex historia sacra, Graeca & Romana, varia argumenta, deprompta ex libro carminum* P. FRANCIS. GABRIELIS le LAT. S.I.

Tomus quintus itidem in duas partes diuisus, quarum in priori continentur:

1. *Vita S. Iosephi, scriptoris hymnorum, poetarum praesidis ac custodis.*
2. *Ode de inuiolata incorruptaque conceptione Mariae Virginis, ex Gallico* R.P. Caroli DE LA RUE Soc. Ies.
3. *Inscriptiones septem, Virgini Dei Matri, ob compressum draconem ex Latino* ALBERTI INES, e Societate Iesu.
4. *Hortus conclusus, Maria.*
5. *Maria, vera virgo mater, Maria generis humani mater, ecloga in natiuitatem Domini, secundum* P. F. G. le JAT. S.I.
6. *Heroica gesta S. Francisci Xauerii ex Emanuele Thesauro.*
7. *Iosephus vet. testam. filius Iacobi patriarchae, ex eodem*
8. *Varii hymni & odae sapphicæ.*
9. *Varia poemata ex auctoribus classicis translata.*
10. *Variae Satyrae, ex Latino* ANTONII PONINSCII, palatini Posnaniensis.
9. *Picturarum sculpturarumque variarum inscriptiones ex Emanuele Thesauro, patricio Taurinensi, equite S. Lazari.*
10. *Varii casus, ex eodem.*
11. *Varia epigrammata* IO. OVENI, & ex libris acroamatum Alberti Ines, e Societ. Iesu.
12. *Disticha selecta, ex libro epigrammatum* MATTHIAE SARBIEVII, S.I.

13. Ex libro epigrammatum & funerum IOANNIS SECUNDI.
14. Vigus & cultus ratio, exposita quaternis in singulos menses versibus, ex Latino IOACH. CAMERARII.
15. Supplementum variorum Latinorum versuum, cum translatione Polona.
16. Historia de Halybeg Perla, ex Gallico archiepiscopi Salignac Fenelon.
17. Historia Walteri comitis in Tynca & Adelgundis, vxoris eius, ex Latino Boguchwała, episcopi Polnanienfis &c.
18. Lamentatio Veneris ob interitum Adonidis, ex Græco BIONIS.
19. Varia selecta poemata ex Gallico translata.
20. Noua Parnassia. *In posteriori parte inueniuntur.*
 1. Fabularum PHÆDRI libri V.
 2. Additamentum tabularum ex variis auctoribus.
 3. L. Annaei Senecæ & publici Syri, mimographi, singulares sententiæ, metaphrasi Polonica adornatæ.
 4. Collectio variorum poematum variis ex auctoribus.
 5. Adagia varia ex aphorismis moralibus & politicis And. Max. FREDRO, castellani Leopoliensis.
 6. Adagia nonnulla moralia, ex oeconomica IAC. CASIM. HAURI.
 7. Centum & una oblectationes, varias veritates morales & historias contingentes.
 8. Mantissa brevis carminum miscellaneorum, I.E. MINASOWICIO auctore. Hæc sunt, quibus clarissimus MINASOWICIUS Musas Polonas donauit. En venæ poeticæ Latinæ specimen, Polonæ haud cedentis
- Ad Illustrissimum comitem IOSEPHUM ANDREAM ZALUSKIUM, Regni Referendarium.

Quantus es o præsul, quantusque videris in orbe,
Id tua testatur bibliotheca palam.

Quantus es, o præsul, quantusque videris in orbe.
Testatur caput, id, bibliotheca, tuum.

Nempe tuum caput est, prohibet quid vera fateri,
Spirans musæum, os, bibliotheca loquens.

2. Lifty rozne ku chwalebney ciekawosci y Chrzescianskiemu zbudowaniu słuzące, z Azyi, Afryki, Ameryki, niegdys od Misyjonarzow Soc. Jeżu w rozmaitych Językach do Europy przesłane, teraz pragnących wiedzieć o progressach Wiary S. Katolickiey Rzymskiey w tamtych krajach, iako też o obyczajach, tak odległych narodow, o sytuacji Państw, Miast, Rzek, Gor, &c. Polskiemu światu językiem oyczytym. Komunikowane. Roku 1756. Przez iednego Kapłana Soc. Iesu. w Warszawie w Drukarni J.K.M. y Rzeczypospolitey Kollegium Societatis Iesu. hoc est.

Litteræ variæ laudabili curiositati, christianorumque vtilitati inferuientes, ex Asia, Africa, America, olim a viris fidei Christiana propaganda causa ablegatis, Missionarios vocant, ex Societ. Iesu, in Europam variis in linguis missæ, nunc cum iis, qui de progressibus fidei S. Catholica Romana illis in regionibus nec non de moribus harum longe remotarum gentium, de situ prouinciarum, urbium, fluuiorum, montium, reliqua, cognitionem desiderant, gente Polona

Polona, lingua patria communicata. Anno 1756. a sacerdote e societate Iesu. Varaviae ex typographia S.R.M. & reipublicae collegii Soc. Iesu in 4. Alphabeta tria.

Utilissimus hic & lectione dignissimus liber omnem meretur laudem commendationemque, quia varia eaque multa, historicis, geographis, physicis, medicis etiam, inseruientia in se continet, historiae denique ecclesiasticae, vel eorum, quae religionis christianae propaganda causa, acta in America, Asia, Africa, fuere, fontem haud contemnendum aperit. Debet certe, inclita gens Polona gratias doctissimo & reuerendo patri MICHAELI IUNIEWICZ e Soc. Iesu, nunc rectori Pultouienfi qui librum (Lettres edifiantes,) ex lingua Gallica in Polonam transtulit & patriam eo donauit, cuius continuatio magnopere expetitur.

3. Historia skrocona Karola XII. Króla Szwédzkiego z Francuskiego na Polski język przetłumaczona R. 1756. *hoc est*

Historia contrahta Caroli XII Sueciae regis, ex Gallico in Polonum idioma translata, Varaviae anno 1756. in 8. plag. 16.

Translator breuis huius historiae in praefatione dicit, se quaedam studio omisisse, quae lectorem inficere potuissent, sine damno tamen, ut ait, veritatis historicae.

4. Utopia Dydała Bemardyna, czyli IAKUBA BIDERMANA Soc. Iesu, zarty uczone, wktorych rzeczy smieszne y powazne dowcipnie y ucieznie opisane, a z Łacinskiego na Polskie przetłumaczone. w Lublinie w Drukarni J.K.M. coll. Soc. Iesu, roku panskiego MDCCLVI.

hoc est.

Utopia Didaci Bernardini, siue IACOBI BIDERMANI, e Societate Iesu, Sales litterati, in quibus & ridicula & seria ingeniose & lepide describuntur, ex Latino in Polonicum idioma translata. Lublini ex typographia S.R.M. coll. Soc. Iesu. Anno Domini MDCCLVI. in 8. Alphab. I. plag. 1.

Qui & utilitatis & animi causa libros legunt, illi certe, euoluendo hunc librum, tempus non perdent. Reuer. enim Bidermanus omne tulit punctum, qui miscuit utile dulci.

5. Komedye przez X. FRANCISZKA BOHOMOLCA Soc. Iesu napisane. w Warszawie z pozwoleniem starzych w Drukarni I.K.M. y Rzepltey w Koll. Soc. Iezu. Roku MDCCLV. *hoc est.*

Comoediae, auctore R. P. FRANCISCO BOHOMOLEC, Soc. Iesu. Varaviae, cum venia superiorum. Ex typographia S.R.M. & reipubl. in coll. Soc. Iesu. Anno MDCCLV. in 8. Tom. I. Alphab. I. plag. 2. Tom. II. Alphab. I. plag. 5.

Nunquam antea, quantum ego scio, meliores in Polonia in lucem prodierunt comoediae, quique regulas earum bene intelligit, cognoscet lectione, reuer. P. BOHOMOLEC quam proxime inter veteres Terentium, inter recentiores Molierium, attigisse, neque clarissimus auctor laude sua defraudandus, qui Polonorum iuste audit Molierius. Plura Polonia litterata ab hoc viro doctissimo, diligenti & modesto, recte expectare potest. En comoediarum tomis prioris argumenta.

I. Comoedia prima. *Figlacijs, Politicus nostri temporis.* Argumentum. Towar-

Towarski & Zarobski, mercatores, quorum alter alterum non nescit, rixantur inter se litteris. Accidit, utambo proficiscantur ad nundinas urbis cuiusdam. Figlacijs, aliquam de eodem inter se simultatibus noticiam habens fingit se utriusque amicum, cumque lucri causa magis alterum in alterum adulatorio sermone concitaret, tandem, nefario detecto scelere, merita afficitur poena.

II. Comoedia secunda. *Figlacijs, politicus nostri temporis.* Argumentum: Figlacijs simulans magnam eruditionem, munere morum, studiorumque moderatoris filii iam adulti, cui pater senex ditissimus Lakomski, blandiebatur, fungitur, cumque nimium patris erga filium amorem cognosceret, captat inde ad decipiendum senem occasionem.

III. Comoedia tertia. *Imprudencia proposita suo in festa.* Argumentum: *Lelius* iuuenis, nimis musices amator, cum sciret mercatorem *Tusaldin* venditurum cantorem *Hippolitum* a *Turcis* emptum, omnem mouet lapidem, ut eum adipiscatur, cumque ipse id efficere haud posset, seruum suum fidelem *Figlacijs* summe obstringit, ut hoc officium sibi praestet. Variis vitur medijs *Figlacijs*, ut domini voluntarij respondeat, sed *Lelius*, qui quam citissime cantorem domi seruare velit, omnes *Figlacijs* conatus destruit. Tandem liquet, cantorem illum esse fratrem *Lelii* germanum.

IV. Comoedia quarta: *Iuuenis qui aliorum false dicta sinistre de se interpretatur.* Argumentum a nullo forte huc usque poeta comico tractatum. Iuuenis, licet stultus fuerit, consuetudinem tamen viuendi, Gallorum more, discere in animum induxit, quem in finem amicitiam contraxit cum *Bywalcio*, ex *Gallia* reuertente, homine ignorante, magnoque iactatore, a quo, licet iuuenis ille sapius fuerit de ista vitiosa consuetudine admonitus, tamen eam non prius, quam bene verberatus, deposuit.

V. Comoedia quinta. *Pater Imprudens.* Hæc comoedia Latine scripta a Sacerdote *Carolo Poree*, Soc. *Iesu*, & *Polono* idiomate, mutatis quibusdam, donata.

Tomus alter pariter quinque comoedias in se continet, nempe *bistrionem*, quem *ædium*, consuetudinis hominum cepit: *hæredem callidum*: *ardeliones*: *Dominum ad tempus*: *philosophum regnantem*.

6. Rozmowa Filozoficzna z Etyki o Uszczęśliwieniu człowieka w zyciu przez uczących się Konwiktorów collegii Nobilium, Scholar. piar. miana. Roku P. MDCLVII. w Marcu. w Warszawie w Druk. J.K.M. y Rzpłey u XX. Scholar. piar. hoc est,

Colloquium philosophicum ex ethica de hominis felicitate vitæ, per philosophiæ studiosos, collegii nobilium scholarum piarum conuictores, habitum, anno Domini MDCLVII, mense Martio. Varſauiæ ex typographia S.R.M. & Reip. RR. PP. Schol. piar. in 8vo. plag. 4.

Nil magis iuuenes liberaliter educatos ad addiscendas cum voluptate & assidua animi applicatione scientias inuitat, quam honesta æmulatio, quæ vix melius possit excitari, quam si ea, quæ didicerunt, coram proceribus, studiæ eorum excitantibus, cum honore exponant. Hunc salutarem in finem nupes ab egregijs philosophiæ, apud rever. Pp. scholar. piar. studiosis, variæ reci-

tatæ

rtara fuere oratiuncula, eleganter idiomate patrio scripta & lectione digna. Primam habuit generosus ALEXANDER BORZECKI filius subdapiferi Magni Ducat. Lit. secundam gener. ADAMUS KONARSKI filius castellani Biencensis tertiam gener. ANDR. TARLO, filius castellani Lublinensis, quartam gener. STEPH. WROBLEWSKI, filius dapiferi Inowroclawiensis, quintam Celsissimus HIERONYMUS princeps SANGUSZKO, filius Mareſchalli M.D. Lith. sextam gener. IOAN DABSKI, filius palatini Breſtenſis Cuiav. ſeptimam gener. STANISLAUS KOSSOWSKI, filius theſaurarii curia, octauam gener. IOACH. MORSZTYN, filius castellani Viſlicenſis, nonam gener. ADALB. JARUZELSKI filius pincernae Biellſcenſis, decimam geher STANISLAUS PRZEREMBSKI, filius vexilliferi Pietricoviensis, vndecimam gener. ONUFR. OZAROWSKI, filius pocillatoris Sendomiriensis.

7. Commentariolum philosophiae, Logicae scilicet, Metaphysicae Physicae generalis & particularis a P. ANTONIO SKORULSKI, Societatis Iesu, AA. LL. & philof. Doctore, eiusdemque facultatis seniore. Ex variis, cum veterum, tum recentiorum placitis collecta, dictata, repetitoque multoties certamine, publica in luce almae Academiae & vniuersitatis Vilnensis, toto triennio propugnata. Nunc opera eiusdem conscriptum & in lucem publicum prolatum, praeſtante doctrinae specimen, ultimo in certamine philosophico E.R.D. MICHAEL KOLYSZKO, alumno seminarii Dioceſani AA. LL. & philof. Baccalaureo. Anno 1755. Vilnae typis S.R.M. academicis. in 8. plag. 16.

Testimonio hic liber est, eruditos in Polonia haud spernere ex ignorantia, recentiorum philosophorum physicorumque inuenta, prout varii exteri, non recte edoſti, id Polonis obſciunt. Reverendus doctissimusque P. SKORULSKI, Academiae Vilnensis ornamentum, satis id refutat, qui non solum antiquiorum, sed et recentiorum philosophorum placita perſcrutando, ea studioſa iuuentuti proponit cum laude atque insigni vtilitate. Prae ceteris RR.PP. Soc. Iesu, vna cum RR. PP. Scholar. piar. hanc merentur laudem, vt margaritas philosophiae Aristotelicae conſeruando, illius quisquillas in regno Poloniae expurgent, & sane eſſet optandum vt alii etiam, qui in verba philosophiae Aristotelicae male iurarunt, eos quam primum, in incrementum ſcientiarum, ſequerentur. Hoc vero, vt mihi vi detur, nullo modo fieri poterit, niſi prius physica experimentalis, mathesis ſublimior cum algebra, & chymia vera, maiori studio excolantur.

8. Polniſcher Bücherſaal, darinn die rühmlichſten Bemühungen derer Mäcenaten und Gelehrten in Polen, auch andere zur Polniſchen Litteratur gehörige Merkwürdigkeiten aufrichtig angezeigt werden. Erſtes ſtück Breslau bey Ioh. Iac. Korn. 1756.

hoc est,

Bibliotheca Polona, in qua laudabilia ſtudia Mäcenatorum atque eruditorum in Polonia, vna cum aliis, ad litteraturam Polonam pertinentibus memorabilibus, ſincere connotantur. pars prima. Vratiſlaviae apud Kornium 1756 in 8. plag. 4.


In nouo hoc diario litterario Polono paucis multa dicuntur, cuius auctor litteratiſſimus canonicus IANOCIUS, qui non niſi ſelecta de rebus Polonis litera-


teratis suppeditat. Vehementer optamus, ut quam diligentissime huius diarii continuatio in lucem prodeat. Primæ partis summa capitum hæc est:

- I. De amore Regis IO. SOBIESKI in eruditionem, ac propenso in literatos animo.
 - II. PETRI TOMICII, episcopi Cracoviensis ad IO. COCHLÆUM. epistola nondum edita.
 - III. Enarratio de STANISLAI ZBOROWSKI libro: de natura iurium & bonorum Regis Poloniæ.
 - IV. PETRI ROYSII ortus, habitatio in Polonia, ibidemque edita scripta.
 - V. Vita & scripta PAULI PIASECKI, episcopi Premisliensis.
 - VI. Vita & scripta Cardinalis DENHOFII.
 - VII. Epitome epistolæ HOFFMANNI, Seyleri Poloniam numismaticam, manu scriptam, attinens.
 - VIII. Quis auctor libri: Europa in serenissima LESZCZYNIORUM domo inclusa: & quid in eo contentum?
 - VIII. Enarratio catalogi scriptorum Polonorum & Lituorum, Principis Jablonovii.
 - X. Catalogus poematum theatralium defunctæ principis RADIVILLÆ.
 - XI. Epitome Dom. MACHNICKI epistolæ de bibliothecæ, principis RADIVILLÆ, statu.
 - XII. Elogium defuncti mæcenatis Lithuani, Io. Frid. Luca comitis SAPIEHA.
 - IXII. Eruditorum in Polonia excessus e vita, memoria digni.
 - XVI. Nouæ viuientium in Polonia litteratorum vicissitudines
9. *Selectæ ex philosophia propositiones*, mense Aprili, nuper apud RR. PP. Scholar. Piar. publicè defensa fuere a IOANNE LINOWSKI, thesaurarii Posnaniensis filio, in Varſaviensi nobilium collegio Scholar. piar. philos. & matheseos auditore, optimæ spei adolescente, præfide doctissimo illo, & in erudienda veris in scientiis iuuentute diligentissimo viro, R. P. schol. piar. ANTONIO WISNIEWSKI.

In Charta augusta maximæ formæ, splendide & egregie hic in æs incisa legitur arbor gentilitia illustrissimorum comitum de Ocieszyno BRVHL, gentis in regno Polonia auita nobilitate præclaræ, confirmata in iudiciis ordinariis generalibus tribunalis regni, Petricoviciæ feria sexta post Dominicam sexagesimæ A. D. 1749. CASIMIRO RVDZIENSKI, Castellano Czerscensi, nunc palatino Masouiciæ, illa tempore Mareschalco tribunalis regni. Illustrissimo atque Excellentissimo Domino HENRICO comiti in Ocieszyno BRUHL, hæc arbor gentilitia consecrata est, qui cum multis aliis proceribus hunc sua, prout in musas gratiosus est, decorauit actum præsentia. Quid iucundius mihi, illo ipso tempore, quo hoc trimestre typis exscriberetur, accidere potuisset, quam arbor hæc gentilitia, a qua nullo modo mihi temperare possum, quin acta mea inclityæ huius illustrissimæque gentis tabula genealogica, correctis quibusdam calcographi mendis, ornarem, in vsum non solum historiæ Polonæ, sed exterorum etiam cognitionem, ardenti & submisso voto expetens, ut illustrissima hæc gens & in Polonia & in Saxonia ad consumptionem orbis terrarum floreat.







Biblioteka Jagiellońska



stdr0018345

